

SĚKAR SUMAWUR


ᮊᮧᮒ ᮊᮧᮒ ᮊᮧᮒ ᮊᮧᮒ ᮊᮧᮒ

II

OLEH

Dr P. J. ZOETMULDER


Guru Besar Universitas Gadjah Mada



1963

OBOR/DJAKARTA

Klas	
69	Tare. Warsiman VI
70	Manoma VI



Uji Sima Mubal U

OLEH

Dr P. J. ZOETMULDER

Guru Besar Universitas Gadjah Mada



1963

OBOR/DJAKARTA

SEKAR SUMAWUR


**BUNGA RAMPAI
BAHASA DJAWA KUNO**

II

KORAWAPĀNDAWACARITA

OLEH

Dr P. J. ZOETMULDER



1963

OBOR/DJAKARTA

ISINJA:

halaman :

ĀDIPARWA

1. Prasetia Dewabrata	9
2. Dewabrata dan Ambā.....	10
3. Korawa dan Pāṇḍawa muda beladjar ilmu panah...	15
4. Pertandingan sendjata	20
5. Permusuhan Droṇa dan Drupada. Pāṇḍawa meloloskan diri dari rumah lak	23
6. Pāṇḍawa menjembunikan diri di Ekacakrā	28
7. Lahirnja Dhṛṣṭadyumna. Sajembara Dropadī	32
8. Para Pāṇḍawa menetap di keraton Indraprastha ...	39

WIRĀṬAPARWA

1. Para Korawa berunding	43
2. Perebutan lembu	48
3. Radja Wirāṭa ditangkap, lalu dibebaskan	51
4. Arjuna diadjak ikut perang	53
5. Arjuna madju perang melawan Korawa.....	57
6. Arjuna melawan Droṇa	61
7. Arjuna melawan Aśwatthāmā	63
8. Arjuna melawan Karṇa	64
9. Arjuna melawan Bhīṣma.....	66
10. Arjuna melawan Duryodhana	69

UDYOGAPARWA

1. Arjuna dan Duryodhana mentjari sekutu	75
2. Sañjaya memberi laporan kepada para Korawa; lalu diutus kepada para Pāṇḍawa	77
3. Kṛṣṇa berangkat ke Hāstinapura	83
4. Kṛṣṇa tiba di Hāstina.....	85
5. Kṛṣṇa dalam sidang para Korawa	87
6. Kṛṣṇa minta diri kepada dewi Kuntī; lalu berangkat disertai Karṇa	97

BHĪṢMAPARWA	107
1. Korawa dan Pāṇḍawa bersiap di Kurukṣetra	107
2. Bhāratayuddha hari pertama.....	108
3. Para Pāṇḍawa menghadap Bhīṣma, Droṇa, Kṛpa, Śalya	111
4. Bhāratayuddha hari ketiga	118
5. Uttara dan Śweta, putra Wirāṭa, gugur	120
6. Bhāratayuddha hari keempat.....	125
7. Bhīṣma melawan Arjuna; keberanian Ghaṭotkaca...	130
8. Bhāratayuddha hari kesepuluh; Bhīṣma gugur.....	135
9. Korawa dan Pāṇḍawa berkabung dan menghormati Bhīṣma	140
ĀŚRAMAWĀSAPARWA	147
1. Dhṛtarāṣṭra ditjela Wṛkodara, mau pergi ke hutan	147
2. Dhṛtarāṣṭra, Gāndhārī, Kuntī, Widura dan Sañjaya berangkat ke pertapaan	151
3. Para Pāṇḍawa menjusul ke pertapaan	155
4. Para Pāṇḍawa pulang; Dhṛtarāṣṭra, Gāndhārī dan Kuntī naik sorga	163
PRASTHĀNIKAPARWA	168
SWARGAROHANAPARWA	173
1. Yudhiṣṭhira melihat para Korawa di sorga	173
2. Yudhiṣṭhira mentjari saudaranja di neraka	175
3. Para Pāṇḍawa naik sorga	180

PENDAHULUAN.

Terbitlah sudah dengan ini djilid II dari SEKAR SUMAWUR, bungarampai dipetik dari teks buku-buku Parwa jang sudah kami djandjikan waktu menerbitkan djilid I.

Untuk pertanggungan-djawab serta tjara-kerdjanja kami persilakan pembatja menindjau PENDAHULUAN djilid I karena dalam djilid II inipun kami pergunakan tjara jang sama.

Adapun tentang tjara-menulis vokal pandjang atau pendek jang dalam naskah-naskah tidak selalu ada persesuaian, kami ikuti metode sebagai berikut: kata-katapindjaman Sanskerta ditulis menurut edjaan Sanskerta; bagi jang lain kami tjoba meneliti naskah-naskah kekawin jang lebih tua, jang lebih lazim terpakai pada kekawin itu, maka itu djugalah jang kami ikuti edjaannja dalam prosa ini.

Untuk kutipan-kutipan dari Bhīṣmaparwa kami tak perlu lagi meneliti lagi naskah-naskah setelah diadakan penerbitan oleh Gonda (Bibliotheca Javanica 7). Hanja disana-sini ada perbedaan salinan dan pemberian titik dan koma.

Untuk kutipan Sanskerta kami pergunakan penerbitan Chitrashala Press, Poona 1929-1933; penerbitan Bhandarkar Oriental Research Institute jang kritis itu sajang benar belum kami miliki.

Untuk singkatan-singkatan jang kami pergunakan, kami beri keterangan sebagai berikut:

- ω : terdapat demikian pada segala naskah
- ABC dst.: tjiri naskah-naskah jang akan diterangkan pada djilid ketiga
- cfr. : bandingkan
- Skr. : teks Sanskerta dari Mahābhārata
- var. : variant, teks lain

Jogjakarta, 19 Djuli 1961.

PENJUSUN.

ĀDIPARWA

1.

PRASETIA DEWABRATA

Sarāga ta mahārāja Śāntanu tumon i sira. Mahyun ta sira ri sang Sugandhini. Tinañan ta sira de mahārāja, mājar ta sira yan Dāśabalakanyā, wēka sang Dāśapati. Tumuluy sira mare sang Dāśa- 5 bala, ratu ning dhiwara sira. Sādhyā sang prabhu ri Hāstina mamēlyā ring rajata mwan kāñcana ratna sira. Ya ta panumbasa nire sang Gandhawatī hiḍēp nira. Mojar ta sang Dāśapati ri haji:

„Sājñā śrī mahārāja, tan mās maṇi kaharēp i nghulun panumbasa sang nātha. Kunang yan sang prabhu mahyun i putrī ni nghulun, 10 kasatyan rahadyan sanghulun panumbasa haji. Ndi ta ling patik haji ri sang ahulun: sang Gandhawatī sira ta dharmapatniha de sang nātha, anaknya sumiliha karatun haji ring dlāha; kunēng anak haji sang Dewabrata tan sumiliha sira ring kaḍatwan, sanistanya n prasiddhānak atuha. Yan manggā mahārāja mangkana, wehakēna ni nghulun ri 15 haji sang Gandhawatī.”

Mangkana ling sang Dāśabala. Glāna ta mahārāja Śāntanu de ning ujar sang Dāśapati, apan prasiddha kāsih nira sang Dewabrata. Inabhimata nira sang Dewabrata sumiliha ng kaḍatwan ira. Tatan anggā sang Dāśabalānak nira tukunēn apeni ratna kāñcana. Mulih ta 20 mahārāja, ndan tībra hyun ire sang Gandhawatī, tan hana hyun ire strī len. Tar kēneng pangan turū sira, mari tuhagana ring dharma sira, akingking wet ni lara nira. Wruh pwa sang Dewabrata ri kāraṇa nira n prihati, lumampah ta sireniring de ning mantrī mare sang Dāśapati, amalakw i sang Gandhawatī warangēn ira lawan sira bapa, atēhēr 25 pinakadharmapatniha sang nātha. Kunēng śabda sang Dāśabala madēg kadi ngūni. Mojar ta sang Dewabrata:

śatyam wadāmi te putram

„Ike śabda ni nghulun, sang Dāśabala, tuhu-tuhu tan ujar lēñok: anak sang Gandhawatī juga ratwa, nghulun tan ratwa.” 30

Sumahur sang Dāśapati:

„Rahayu yan mangkana, yan tuhu-tuhu kita tan ratwa. Ndan anakta hēlēm ratwa kahyunta, sang Dewabrata.”

Mojar sang Dewabrata muwah:

„Sang Dāśabala, pratijñā mami rēngōnta: tan ikang kaḍatwan 35 juga tinggalakēna ni nghulun; ikang wiśaya strī tinggalakēna ya.

brahmacārya ¹⁾ *adya me mulam*

Mangke tambayan i nghulun brahmacārya.

putrakārya bhaviṣyati

Ikang kabrahmacārya ginawayakēn, ring apa tâku dumadyakēna
5 ng anak?"

An mangkana ling sang Dewabrata. Karēngö de ning dewatā
śabda sang Dewabrata,

bhīṣmo ²⁾ *'yam nigrahaṃ śruwan*

ling ning dewatā:

10 „Bhīṣma ngaranya, katakut nikang kṣatriya ikang pratijñā, apan
tan hana kṣatriyâtinggala kaḍatwan."

Mangkana ling ning dewaśabda, matang yan sang Bhīṣma ngaran
sang Dewabrata wēkasan. Winehakēn ta sang Gandhawatī de sang
Dāśapati. Mulih ta sang Bhīṣma manēmbah ing sang bapa, majarakēn
15 i tēkā sang Gandhawatī de nira. Sukha ta sira bapa ri ḍatēng sang
Gandhawatī. Kapūhan ta sang bapa de ning kajitendriyan ira. Sangka
ri göng ning prabhāwa nirâsih sang bapa ri sira, winehakēn ira ta sang
hyang aji Swacchandamarāṇa, aji wēnang panghrēt hurip mwan
pamangsila kārāṇa ning enggal paratra.

2

20

DEWABRATA DAN AMBĀ

Kunēng pakurēn sang Śāntanu lawan sang Gandhawatī, mānak
ta sira jalu rwang siki, atyanta ring paripūrṇa, sang Citrânggada
ngaran sang matuha, kunēng ari nira sang Citrawīrya ³⁾ ngaran ira.
Sēḍēng yowana sang Citrânggada Citrawīrya, katēkan ta mahārāja
25 Śāntanu marāṇa, mulih ta sireng swarga muwah. Rinatwakēn ta
sang Citrânggada de sang Bhīṣma.

¹⁾ cfr. Skr. 100.96: *adya prabhṛti me Dāśa brahmacaryam bhaviṣyati, aputrasyâpi me lokā bhaviṣyanty akṣayā divi.*

²⁾ cfr. Skr. 100.98: *bhīṣmo. 'yam iti câbruvan*

³⁾ Skr. *Vicitravīrya*

Satyawadi ¹⁾ *mata sthitaḥ*

mituhu pakon sang Gandhawatī. Prihati ta sang Bhīṣma ry ari nira
turung mastri salah siki. Dinon ira tang ratu sāmanta kabeh, sakawaśa
de nira bapa ngūni. Angulati ta sira rājaputri sayogya pakastrin y ari
nira kālih. Hana ta mahārāja Kāśipati ngaran ira mānak kanyā 5
télung siki. Ngaran ing putri sang Ambā, sang Ambikā, sang Ambilikā²⁾,
paripūrṇa ring hayu,

apsary upamāḥ ³⁾

kadi widyādhari rūpanya. Ya ta sinwayambarākēn karēngö ring
purāntara. Milu ta sang Dewabrata ring swayambara, makoliha ning 10
ari nira kālih mapakēna striha nira ikang kanyābhiprāya nira. Datēng
ta sireng Wāraṇāwatī⁴⁾, kaḍatwan mahārāja Kāśipati. Kapanggih
ta *narapatimaṇḍapamaṇḍala* papupulan ing ratu sāmanta sang milu ring
swayambara. Abhrāsinang tang sabhā de ni koparēnggan sang kanyā
télung siki. Mojar ta sang Dewabrata ri sang ratu sira kabeh: 15

„Ai bhūmipāla kita sahana ning ratu milu ring swayambara!
Ikanng kanyā wiwāhan de ning wwang kadi kita prabhu, pilih lwir
ning mās maṇi rājayogya, lwir ning kaśaktin kunang, yan dadi
harṣawiwāha, tinarimākēn saha widhi-widhāna. Dadi swayambara
mārganya waneh.

20

pramada ⁵⁾ *ta mṛtam atuh*

Hana ulih ing angalap sangkeng walātkāra.

dehakṣi dharmawādinah

Ikanng wiwāha ulih ning walātkāra ya tikā lēwih ri sakweh ning wiwāha,
yan ing prabhu. Lēwih pwa ya, gawayakēna nghulun mangke ikang 25
walātkāra. Matang yan alapēn i nghulun ikang kanyā tigang siki.

1) cfr. Skr. 101.5: Satyawatyā mate sthitaḥ

2) Skr. Ambālikā

3) cfr. Skr. 102.3: 'psaropamāḥ

4) Skr. Vārāṇasī

5) cfr. Skr. 102.16: pramathya tu hṛtām āhur jyāyasīm dharmavādinah

Asing krodha ya ta lawana mami mapranga. Yatnā ta kita kabeh tumēkākēna kaharēpta!”

Mangkana ling sang Dewabrata. Inalap nira ikang kanyā tigang siki, inēnah nireng ratha ikang kanyā. Lunghā ta sira sakeng sabhā-
5 maṇḍala. Masō tang ratu kabeh, kapwa sumambut sañjatanya. Hana ta sang ratu ring Andyakapura, sang Mandarapati ngaran ira. Ika ta pinakādinya tumutūti sang Dewabrata. Paḍa wāni nireng palagan. Makweh lwir ikang sañjata: hana gadā muśala cakra tomara. Ibēk pēpēt ikang ākāśadeśa de ni warayangnya. Ndatan pangēne salah siki
10 ning astranya, apan tinulak tinanggul ri warayang sang Dewabrata. Sira tāmanahakēn sarwāstra nipuṇa, tan hana wēnang tumahēn i śakti nira. Kāṇḍēg ta ya lakunya mari sāhasa ri sang Dewabrata. Linūd nira pinanah ring diwyāstra, mangkin kanglihan manahnya.

Kunang sang Mandarapati krodha manah nira, salah-asa kālapan
15 rarānāma sang Ambā, apan kahyun ira ngūni. Masō ta sang Mandarapati humudani sarwāstra. Mamalēsi ta sang Dewabrata, Bāruṇāstra pamanah nira. Pējah ta kudanya kārūn tēkeng sārathinya. Kerangan ta sang Mandarapati, tar wēnang mapag sang Dewabrata. Tatan kāwara laku nira n makolih kanyā tēlung siki. Datēng ta sireng Hāstina-
20 pura.

Mājar ta sire sang Gandhawatī ri kawiwāhan sang Citrānggada mwang sang Citrawīrya. Mangrēngō pwa sang Ambā, yan sira wineh-
akēn i sang ari, salah tunggal pinakaswāmiha, yan sang Citrānggada, sang Citrawīrya kunang, tan anggā ta sira. Mojar ta sang Ambā ri
25 sang Dewabrata, ling nira:

„Ai kaka sang Dewabrata, tan ahyun nghulun tarimākēna ri arinta salah siki. Don i nghulun (ngūni), kita malapeking putrī tiga, apan ngūni rāma ning pinakanghulun sumungakēn i kita juga nduk ing swayambara.”

30 Mojar ta sang Dewabrata:

„Ibu sang Ambā, taha tan nghulun malape kita. Nihan ari ni nghulun sang Citrānggada mwang sang Citrawīrya pametakēna mami kanyā tiga. Nghulun adēgakēn ratu rasika. Nghulun tan wēnang mastri; sādhya ni ngwang gumawayakēna ng brata kabrahmacāryan.”

35 Mojar sang Ambā:

„Kita juga sang Dewabrata makaswāmiha ni nghulun tan wanehan.”

Hēnēng sang Dewabrata ri twas nira. Mojar sang Gandhawatī:

„Tanaya mami sang Dewabrata, t alap bapa sang kanyā t asy-asih
40 dahat ikā.”

Sumahur sang Dewabrata:

„Ibu, tan ahyun rānak rahadyan sanghulun; ahyun magēhakēna ng satyawacana ri denya n mujarakēn gumawaya ng tapa kabrahma-cāryan.”

Mangkana ling sang Dewabrata. Hēnēngakēna wacana sang Gandhawatī kedō ri kālapan, ikā sang Ambā. T ucapa ta sang Citrānggada mwan sang Citrawīrya. Sang Ambikā tinarimākēn i sang Citrānggada; sira inabhiṣeka ratu ri Hāstina. Sang Ambilikā sinungakēn i sang Citrawīrya. Ya ta paḍa winarang de sang Dewabrata saha widhi-widhāna parikrama ning pāṇigraha. Tēlas nirāmarang i sang antēn ira, lunghā ta sang Dewabrata, lumingsiri buddhi sang Ambā mahyun i sira. Tumūt ta sang Ambā ri sang Dewabrata. Kepwan ta manah nira n tiṇūtakēn de sang Ambā. Kalunghā-lunghā lampah sang Dewabrata, lēpas laku nira dūra sangkeng Hāstinapura, mungsī patapan bhagawān Rāma Paraśu paran ira. Malawas ta sire ngkāna. 5 10 15

Pira kunang ikang kāla tuminggalakēn rājya mwan matinggal ing wwan sang sānak nira kālih, kadācitkāla hana ta sira Gandharwapatī sang Citrānggada ngaran ira. Niyata sirāgēlēng i sang Citrānggada, ari sang Dewabrata, makanimitta de nirāmaḍa-maḍa haran paḍa Citrānggada. Ya ta hetu ning galak sang Gandharwapatī Citrānggada. Dinon ira ta sang Citrānggada kṣatriya. Tigang wulan lawas nirāprang, pējah ta sang Citrānggada kṣatriya kawēnang de ning Citrānggada widyādhara. 20

T ucapa muwah sang Dewabrata. Ri hana nireng āśrama sang Rāma Paraśu, sinwāgatan ta de sang ṛṣi Bhārgawa: 25

„Anaku sang Dewabrata, aparan tekang strī milu ri kita, atyanta lituhayu ning rūpanya?”

Mājar ta sang Dewabrata ri sang guru ri nimitta sang Ambā tumūt ri sira. Kārūnya tāmḃēk bhagawān Rāma Bhārgawa rumēngō pawarah sang Dewabrata. Kinon ira ta inalapa ri sang Ambā sang Dewabrata. Tan anggā ta sira, ling nira: 30

„Tan sēnggahēn langghanāguru rānak mpungku ri rahadyan sanghulun, tan ahyun ri kālapan ing rājaputrī. Kepwan de ning pratijñā ngūni kāla nirāngucap¹⁾ lawan sang Dāśapati, sinēmbawan de ning dewaśabda sangkeng ākāśa.” 35

Kēdō juga maharṣi Rāma Paraśu kumon makurēna. Sangka ri sowe nira mawacana ndatan pēgat de nirāśabda, i wēkasan samāmijilakēn wuwus tan rahayu. Umwab hati sang Rāma Bhārgawa, krodha

1) corr.: kāla ning angucap?

ta sire wēkasan. Paḍa galak nira kālīh. Irikā ta sira silih prēp. Kasoran ta sang ṛṣi Bhārgawa, kaprēp ḍaḍa nira de sang Dewabrata. Ngkā ta sira kahēnengan; i wēkasan sirāmijilakēn śabda:

„Mangke tambayan i nghulun tan paśiṣya kṣatriya, apan maweh
5 duḥkha mingrwapāpani ¹⁾. Laku ta kamung Dewabrata, milag sang-
keng patapanku mangke!”

Lunghā ta sang Dewabrata. Tinūtakēn ta sira de sang Ambā. Adoh ulih nira n lumampah, irikā ta sirāmēṇṭang gāṇḍewa nira, winatēk nira tēka hrū nira tikṣṇa, ling nira:

10 „Ai kitang Ambā, haywa kita tumūt i nghulun. Laku t ulih mareng
Hāstina. Pamēgil i wwang sānakku, yan maluya ri mahārāja sang
pinakarāmanta kunēng.”

Mangkana ling sang Dewabrata (n) wēṇṭang cāpa nira saha sañjatāṅgayati sang Ambā, sangke pamēdi-mēdi nira, ndatan tuhu-tuhu
15 ning harēp amatyanāmbēk nira. Mangkin masō ta sang Ambā ri sira, mojar ta sira:

„Ai sang Dewabrata, sabhāgya nghulun matya denta. Erang nghulun maluyeng rāma-rena, nguniweh yan maluyeng Hāstinapura. Syapa ngkāna wēgilēnku?”

20 Saka ri suwe sang Dewabrata mamatēk laras ira, haringētēn ikā tangan ira, marucut ikanang hrū sangkeng jariji nire tēngēnan. Lari ning sañjata lumēpas, kēna ta jaja sang Ambā ring astra de sang Dewabrata. Pinalaywan ta sang Ambā de sang Dewabratānēhēr amatēk hrū nire jaja sang Ambā. Tinangisan ira ta sang Ambā; ka-
25 luputan ta sang Dewabrata sira n analah-asa. Inambēn ira ta jaja sang Ambā ring wēḍihan, apan trus ikang jaja kēneng panah. Mojar sang Dewabrata saha tangis:

„Uḍū ibu sang Ambā, mapa rehangku mangke denta?”

Mojar sang Ambā ri sang Dewabrata, ling nira:

30 „Wuwus ni nghulun pirēngwakēna de rahadyan sanghulun! Yeki mangke larangku denta, gati ni nghulun umilu ri kita mangguh-
akēn sih rahadyan sanghulun, ndatan anggā ta ya lunghā sangke sukunta, dadi tumēmwakēr duḥkabhāra. Hana ta pratijñā mamī
35 kita sang Dewabrata: yan nghulun mangjanmā irikang dlāha, ngkā tāku malēsanāmatyani kita, yan mangdadyānak śrī mahārāja Drupada ikang anāma Śikhaṇḍī, tumūti prang sang Pāṇḍawa makalaga Korawa-
śata.”

Nāhan ta wēkas ing mawuwus. Pējah ta sang Ambā kadi maturū.

¹⁾ DF: mingrwapāpani; EG: mirwapāpani; H: mingrwanpāpani; I: pingrwapāpani; K: ning mingrwapāpani.

KORAWA DAN PĀṆDAWA MUDA BELADJAR ILMU PANAHA.

Sang Bharadwāja sira mangaji dhanurweda ri bhagawān Niweśya¹⁾,
brāhmaṇānak sang hyang Agni. Wineh ta sirâgneyâstra, ikang hrū
wēnang amijilakēn apuy. Hana ta mahārāja Prāsāda ²⁾ ngaran ira, 5
ratu ring Pāñcālanagara. Sira ta makaputra ri sang Drupada, manga-
bhyāsa dhanurwedaśāstra ³⁾ mareng patapan bhagawān Bharadwāja.
Irikā ta sira swamitra lawan sang Droṇa. Ikā sang Droṇa wineh
anugrahâgneyâstra de bhagawān Bharadwāja. Ri huwus nira maweh
Āgneyâstra, mulih ta sang Bharadwāja ring swargaloka. Kawēkas ta 10
sang Droṇa de nira. Irikā ta makastri ri sang Kṛpī. Pinakānak ta
sang Aśwatthāmā. Matang yan sang Aśwatthāmā ngaran ira:

Aśwatthāmākāśe ⁴⁾ *jātaḥ pratisabdaswa gatam*

i kālanya wahu mijil, hana ta śabdākāśa karēngö kadi śabda ning kuda.

Aśwatthāmeti bālo 'yaḥ

15

Ya ta hetunyângaran Aśwatthāmā.

Ndatan pāntuk sang Droṇa pangupajiwā nira, amet ta sira sādhana
ri katēmwan ing bhukti. Aminta mās ri bhagawān Rāma Paraśu,
apan karēngö utsāheng dāna sira. Ndan sep huwus hēnti ikang mās,
tēkan ing bhūmi pinuṇyākēn de sang Rāma Paraśu. Āśābhūta ta sang 20
Droṇa. Mojar ta sang Rāma Paraśu:

„Sang Droṇa, hana dhanurwedaśāstra pawehangkw i kita saha
rahasyanya kabeh. Śiṣyanta dlāha ya ta maweha ng mās mwan
maṇi, yayā tan kāsy-asihanta de niki.”

Mangkana ling sang Rāma Paraśu. Manēmbah ta sang Droṇa, 25
mangaji sarwâstra sira. Tēlas nira mangaji, mara ta sireng Pāñcāla-
nagara, mangrēngö sang Drupada sumilih ratu, apan prasiddha mitra

1) I: niwedya. Skr.: Agniweśa

2) Skr. Prṣata

3) K: wedaśāstra, al.: wedâstra

4) cfr. Skr. 130.49, 50: aśvasyevâsya yat sthāna nadataḥ pradiśo
gatam. Aśwatthāmaiva bālo 'yaṃ tasmān nāmnā bhaviṣyati

kāsih nira ngūni. Yogya sarika pamalakwana sādhana. Datěng ta sira tumuntuni sang Aśwatthāmā. Mojar ta sang Droṇa:

„He mitra mahārāja Drupada, atyanta bhāgya ni nghulun mangke, yan kita katěkan sumilih ri kaḍatwan rāma haji, apar pradhāna ni
5 nghulun rasika. Kunang hetu ning mara ngke, yan yogya putrāśwatthāmā wehanopajīwanya sāsih ning mitra ni nghulun.”

„Ai, mapa lingta sang Droṇa, mitrāku mwang kita? Syapa sinanguhta mitra? Sang ratu ring Pāñcālarājya mitranta rasika? Ring kapan kita swamitrā lawan sarika? Těhěr si Drupada juga mitranta
10 ngūni. Mūḍha dahat sarika sang Droṇa katěkāna mitra lawan sang prājña.

nāśrotiyaḥ ¹⁾ *śrotiyasya hīnadīnaḥ waras sakhah,*
nārājā sanggate rājñā(h) sakhipurwātma sanggate.

Ndak warah ta kita sang Droṇa:

15 *nāśrotiya śrotiyasya*

Ikang brāhmaṇa wruh mangaji ngaranya, tan dadi swamitrā lawan brāhmaṇa tan paguṇa. Mangkana ikang wwang hīna dīna tan dadi ya mitraha ri sang sugih mās maṇi rājayogya. Mangkana ikang wwang dudū ratu tan dadi ikā mitraha lawan sang ratu. Nguniweh sang huwus
20 prabhu kapana ta ya mitraha lawan tan prabhu? Kita pwa majarakěn samitra lawan aku, ring kapana ta yan singgiha? Sangkṣepa ni wuwusku i kita: apunggung dahat kamu sang Droṇa.”

Mangkana ling sang Drupada. Alara tâmběk sang Droṇa an sinuṇḍungakěn de ning wadwa haji kumon mūra sangkeng panang-
25 kilan. Lunghā ta sirānėhěr krodha ri sang Drupada. Mara ta sireng Gajāhwaya, mare kaka nira ḍang hyang Kṛpa.

Pira kunang lawas nira n hana ngkāna, tinon ira ta sang Korawa-Pāṇḍawa sěḍěng mangabhyāsa dhanurweda, ndah tapwan widagdha sira kabeh, tan wring deya nira tibā ning uṇḍi nira ring sumur. Mojar
30 ta sang Droṇa, ling nira:

„Ai sang rājaputra kita kabeh, don ing astra matang yan inabhyāsākěn ing kadi kita, makasādhana ri kasiddhan ing kārya. Kepwan pwa kita kālapan ikang uṇḍi sangkeng sumur, haywa ta kitāpunggung. Nihan nya ng astra sādhana ning umalap ikā.”

¹⁾ cfr. Skr. 131.11: *nāśrotriyaḥ śrotriyasya nārathī rathinaḥ sakhā, nārājā pārthiwasyāpi sakhipūrvam kim iṣyate.*

Mangkana ling sang Droṇa. Pinanah nira tikang unḍi ring alalang. Ikang alalang pamanah nira pinanah nira ta yeng alalang muwah. Tēkā pwa yeng ruhur, dinudut nira ta ya. Katawan tikang unḍi. Kapūhan ta sang rājaputra kabeh i kasiddhan ikang astra. Mājar ta sire kaki nira sang ārya Bhīṣma. Sinayutan ta ḍang hyang Droṇa 5 lunghāha sangkeng Hāstina. Sira ta pinakapangajyan sang Korawa-Pāṇḍawa wēkasan.

Alawas sira n pangaji, kapwa ta sira widagdha, mahurhūran ing kaprājñan. Mojar ta ḍang hyang Droṇa, ling nira:

„Ai sang rājaputra kita kabeh, yan huwus tēlas tama kita ring 10 astra dhanurweda,

mama ¹⁾ *kāryam iti kiñcit*

hana ta kārya mami kēḍi-kēḍik. Ya ta siddhākēnanta.”

Mangkana ling ḍang hyang Droṇa. Siddha ning kāryâjar nira, kālahan ira mahārāja Drupada. Ndan humēnēng sang rājaputra kabeh; 15 anghing sang Arjuna jugāngaku kasiddhan ing kārya tēkap nira. Pinēkul ta sira de ḍang hyang Droṇa, inarēkan mukha nira.

Makweh ta rājaputra saking purântara milu mangaji, hana watēk Wṛṣṇi, hana watēk Andhaka. Kapwa winarah nira sahana nira kabeh. Pinarikṣa nira ta sang Arjuna, wineh manadaha ri kâla ning kulem ri 20 paḍēm ing pañjut ²⁾. Yayâtaḥ sira manadah abhyāsa ri kahanan ikang pinangan. Ya ta panglinggan ḍang hyang Droṇa ri kaprājñan ira. Winarah ta sireng śikṣā, tēkeng tomara-prāsa-śakti ³⁾ huwus kakawaśa tikā kabeh de sang Arjuna. Mojar ta ḍang hyang Droṇa:

tatsamo ⁴⁾ *bhavitā loke*

25

„Anaku sang Arjuna, tan hanā paḍanta ring dhanurdhara dlāha. Anghing kita wiśeṣa rikā.”

Mangkana ling ḍang hyang Droṇa, manēmbah ta sang Arjuna.

¹⁾ cfr. Skr. 132.6: kāryam me kânkṣitam kiñcit

²⁾ E: pañjyut; al.: pajyut

³⁾ ω: tomaraprakāśaśakti. Cfr. Skr. 132.29: gadāyuddhe 'si caryāyām tomaraprāsaśaktiṣu, Droṇaḥ samkīrṇayuddhe ca śikṣayām āsa kauravān.

⁴⁾ cfr. Skr. 132.27: tvatsamo bhavitā loke

Hana ta sang Ekalawya ngaranya, anak sang Hiranyadhanuh. Ya tâhyun mangajya ri dang hyang Droṇa, ndatan tinanggap nirâpan Niṣâdaputra. Magawe ta ya Droṇapratimā, manggalyanya n panga-bhyāsa dhanurweda. Mogha ta widagdha de ning bhaktinya ring guru,

5 *wimokṣâdānasyandhāne* ¹⁾

wruh de ning mangalap hrū, mānīhangakēn, wruh manglēpasakēn. Kāwit pwa sang Pāṇḍawa maburu, hana ta asu umalup ikang Ekalawya. Pinanahnya ta ya hibēkan tutuknya de ning hrū. Kapūhan ta sang Arjuna n toni ya. Matakwan ta sira sangkan ikang dhanurweda.
10 Mawarah ta sang Ekalawya an dang hyang Droṇa sinēmbahnya. Manastāpa ta sang Arjuna, apan kalēwihan hiḍēp nira ry awak nira. Mājar ta sire dang hyang Droṇa:

„Sojar mpungku, pinakanghulun sinangguh tan papadeng dhanur-dharaśāstra, adwa rahadyan sanghulun. Apan hana śiṣya mpungku
15 tamolah ring alas, mangaran Ekalawya, prasiddha lēwih sangke nghulun.”

Mangkana ling sang Arjuna. Mengēt ta dang hyang Droṇa ring Ekalawya sang tinulak nirekana. Lumampah ta sira mareriya, making sang Arjuna. Satēkā nireriya manēmbah ta sang Ekalawya, umar-
20 paṇākēn awaknya n śiṣya parnah nira. Mojar ta dang hyang Droṇa:

yadi ²⁾ *śiṣyena me putra*

„Anaku sang Ekalawya, yan tuhu kita śiṣya mami, t agawe ta kita gurudakṣiṇa, humarēpakēna mami dakṣiṇanta; angguṣṭhanta ri tēngēnan yekā pawehante kami.”

25 Mangkana ling dang hyang Droṇa. Tinugēlnya ta dakṣiṇāngguṣṭha nikā, sinēmbahakēnya ri dang hyang Droṇa. Enak tâmbēk sang Arjuna. Sira ta lēwih lāghawa nireng dhanurweda. Kunang sang Bhīma mwang sang Duryodhana gadâyudha paweh nira ri sira. Sang Aśwatthāmā wineh nira ri sarahasya ning astra kabeh. Samangkana pinakādi ning
30 śiṣya dang hyang Droṇa.

Mahyun ta dang hyang Droṇa wruha ri guṇa nikang rājaputra kabeh. Magawe ta sira *pakṣyākṛtigangsa*, kadi manuk dadali rūpanya, inungguhakēn ing wr̥kṣâgra atisaya ruhurnya. Ya tikā kinonakēn

¹⁾ cfr. Skr. 132.35: vimokṣâdānasaṃdhāne

²⁾ cfr. Skr. 132.54: yadi śiṣyo 'si me vīra

tujun tēṇḍasnya. Prathama ning manihangakēn hrū sang Yudhiṣṭhira. Tinañan ta sira de ḍang hyang Droṇa:

„Anaku sang Yudhiṣṭhira, katon ikang manuk dadali denta?”

„Sojar mpungku, katon.”

„Katon ikang kayūnggwanya denta?”

5

„Katon.”

„Wwang sānakta katon?”

„Katon.”

„T ahuwusan tānaku mangayat laras. Tan kēnā ikang manuk denta.”

10

Tumūt ta sang Duryodhana tinañan ira, yayā ta sahur nira kadi sahur sang Yudhiṣṭhira. Tumūt ta sang Korawa kabeh tinañan ira, yayā ta sahur nira kadi sahur sang Duryodhana. Ya ta matarg yan inuhutan sirāmanaha. Matakwan ta sire sang Arjuna:

„Katon ikang dadali dentānaku sang Arjuna?”

15

„Sojar mpungku, katon.”

„Katon ikang kayu denta?”

„Taham.”

„Katon aku denta?”

„Taham.”

20

„Wwang sānakta kabeh katon?”

„Taham.”

Humēnēng ḍang hyang Droṇa sakarēng, muwah ta sirātakwan:

„Katon tēṇḍas ning manuk denta. Muwah awaknya katon?”

„Taham.”

25

Mangkana ling sang Arjuna. Enak tâmběk ḍang hyang Droṇa, kinonakēn ira tang warayang lēpasakēna. Pēgat ta gulū nikang dadali kēna linakṣya ri warayang sang Arjuna. Kinolakēn ta sira de ḍang hyang Droṇa, kinaniścayan iromalahakēna mahārāja Drupada.

Ri huwus nira mangkana māmēng-amēng ta ḍang hyang Droṇa 30 ring Ganggā iniring de sang rājaputra kabeh. Tumurun pwa sireng lwah, sinahut ta wētis nira de ning wuhaya. Mawū ta sirāminta tulung. Tēkā ta sang Arjuna n panah ikang wuhaya, parēng mwang paminta tulung sang Droṇa. Pējah tang wuhaya, limang siki tang panah kumēne ya. Mangkin ta ḍang hyang Droṇâsih i sira. Hana ta wēkas ni warayang 35 nira rinahasya, Brahmasīrah ngaranya, mwang ikang Āgneyâstra paweh nira bapa ngūni. Ya ta winehakēn ire sang Arjuna. Nihan pasamaya ḍang hyang Droṇa:

„Anaku sang Arjuna, yeking Brahmasīrah ngaranya, warayang amēt wakēn apuy. Yadyapin ikang tribhuwanā byakta gēsēnga tikā 40

denya. Ya ta pinakājinta. Haywa ta kitāmanahakēn ing mānuṣa hīnaśakti, sugyan kahawā ng tribhuwana denya.”

Mangkana ling dang hyang Droṇa. Manēmbah ta sang Arjuna, malap ikang Brahmaśirah saha rahasyanya, tēlas tinarima kabeh.

4

5

PERTANDINGAN SENDJATA

Huwus sang Korawa-Pāṇḍawa labdhâstra, mahyun ta sang Bhīṣma wihikana ri kawidagdhan ira sowang-sowang. Ginawe tang sabhā unggwana nirāmintonakēna ng kaśaktin. Mijil ta sang Dhṛtarāṣṭra, Widura, sang Gāndhārī mwan sang Kuntī tumontonânak
10 nira. Tambe ning inadu sang Bhīma mwan sang Duryodhana. Gadā tikā sinambut nira. Kapwa ta sira silih pupuh, paḍa lāghawa paḍa śakti.

samajam ¹⁾ *iwa kuñjaro*

Kadi ta sira liman atukar paḍanya liman, waringutēn de ning medanya.
15 Tan hana sor silih chidra. Masowe pwa silih palu, kinon ta sang Aśwatthāmā sumapihana ry astra nira, Mararyan ta sira kālih. Madēg ta dang hyang Droṇâkon ikang sabhā humēnēnga, apan kumutug de ni lebū ning sabhā tinapak ing wwanng asamūha mwanng pahyā ning wwanng akweh. Sinambe nira ta sang Arjuna, kinon ira madēg-
20 âmintonakēna pangawruh nira. Prayatna ta sang Arjuna makaw?câ-mawa laras. Sinambut nira ng Āgneyâstra, warayang amijilakēn apuy dumilah prajwalita ring antarâla, pinaḍēman ireng Bāruṇâstra, warayang amijilakēn wwai. Tumūt tang Pārjanyâstra, warayang amētwakēn megha, tinutūtan ing Bāyabyâstra, warayang amētwakēn
25 angin. Anekawidhîkang astra pangawruh nira: hanâ:mijilakēn lēmah, hanâ:mijilakēn wukir, sahântardhānanya, panglēsū ri wētunya n sowang-sowang. Kapūhan ikang wwanng kabeh mulat i sira; gumērēh śabdanya mangastuti ri sang Arjuna.

Ri sēḍēng sang Arjunâmintonakēn sarwâstra nira, ḍatēng ta sang
30 Karnâma mawa laras mwanng warayang, makunḍala moktikânana, katejan de ning kunḍala mūrti nira. Mahalēp ta sirâtijyotikawaca.

¹⁾ cfr. Skr, 134.33: samadāv iva kuñjarau

siṅghamūrtikānana 1)

Kadi pangawak ing singha gātra nira. Madĕg ing sabhāmaṇḍala sira. Tinakwanan pwā sire prayojana nira, mājar ta sira yan mahyun angadwa kaśaktin mwang sang Arjuna, katona de ning rāt kabeh. Magirang ta sang Duryodhana an hana mapaga śakti sang Arjuna. Kinol nira ta sang Karṇa, inaywan saprayojana nira. Mojar ta sang Arjuna, ling nira: 5

anāhṛtopadṛṣṭānām 2)

„Iking wwang yan manapak sabhāntara, ndatan hana umaritrāṇa ya, kewala tĕkā ri kāwakanya, prihawak juga, ikang wwang mangkana kramanya, 10

hataḥ lokah

yekā tan wruh ring lokasthiti ngaranya, tapwan wruh ring lokamaryādā. Ring kapana tāmanggiha ng swargaloka?”

Mangkana ling sang Arjuna. Sumahur sang Karṇa, ling nira: 15

sabhoyam 3) *samasamṛdhyah*

„Iking sabhā ngaranya, anghing tumamerikā an mangke ikang wwang paḍa hana;

balam dharmenawartate

ndan sang lĕwih śakti nira makasabhā iking sabhā. Iki pwa ya ta 20 sabhā pamintonana kaśaktin. Apa ta doṣa tumameriya yan hana kaśaktinya?”

Mangkana ling sang Karṇa. Inaywan ta śabda nira de sang Duryodhana; amuwus (?) ta sang Korawa sira kabeh, umariwrte sang Karṇa sira. Kunang sang Bhīṣma, sang Widura, dang hyang 25 Droṇa, Kṛpa, umariwrte sang Pāṇḍawa sira. Aparwa tikang sabhā.

1) cfr. Skr. 136.5: siṃhasamphanano

2) cfr. Skr. 136.18: anāhūtopasṛṣṭānā n anāhūtopajalpinām, ye lokās tāt hataḥ Karṇa mayā tvam pratipatsyase.

3) cfr. Skr. 136.19: ranggo 'yam sarvasāmānyah kim atra tava Phālguna, vīryaśreṣṭhāś ca rājāno balam dharmo 'nuvartate.

Tuminghal ta dewī Kuntī ri sang Karṇa, matutur ta sira ry anak nira ri sang hyang Āditya, ikang hinañut nireng Ganggā ngūni. Byakta ri hidēp nira, apan hana ng kuṇḍala-kawaca panglinggan i sira. Tumitis ta luh nira, marabas tar wēnang inampēt. Kumētēr tikang hati de
5 ning wēlas-harēp, ndatan hana winarah nira, tuhun umulat kewala ri sira. Sēḍēng sang Karṇa manambut laras, mojar ta bhagawān Kṛpa, ling nira:

„Ai sang Karṇa! Ike sang Arjuna ngaran ira, sakahyunta rowang-
antāngadwa ng kaśaktin, prasiddhānak mahārāja Pāṇḍu, wungsu ri
10 dewī Kuntī. Pataña mami: syapānak i kita? Aparan wangśa kawwangan-
ta? T awarah ta ri kawitanta, kamēna kita marēpakēna sang Arjuna.”

Mangkana ling ḍang hyang Kṛpa. Merang ta sang Karṇa tumungkul tinañan i kawitan ira. Sumahur ta sang Duryodhana, ling nira:

15 „Kāścaryan ike bhagawān Kṛpa. Tiga tang sinangguh kṣatriya: *kulīna* ¹⁾, hana kula ngaranya; *śauryaḥ*, hana kaśūran, ya hetu ning sinangguh kṣatriya; *sainyaprakāśaḥ*, pinupul de ning wadwa makweh. Kunang *suśaktir aprameyaś ca*, tan paparimāṇa ring suśakti nira; asing sakawwangnya, ya nimitta ning sinangguh kṣatriya. Ikā pwa sang
20 Karṇa tinañākēn kawitan ira, tan anggā pwa sang Arjuna mangadwa kaśaktin kalawan tan ratu,

Angganātha ²⁾ *bhawisyati*

nghulun rumatwakēna sira ry Awanggawiśaya.”

Mangkana ling sang Duryodhana, inaswakēn tang ratna-suwarna³⁾-
25 bhūṣaṇa. Hibēkan irikang sabhāmadhya de ning sarwopakāra sopacāra saha wija gandhākṣata dhūpa dīpa sugandha wastrālangkāra sasaji ning abhiṣeka. Dinyus ta sang Karṇa malangguh ing ratna-palangka. I tēlas ing adyus masalin sira wēḍihan malit saha bhūṣaṇa ning prabhu, mungguh ing singhāsanapāda, inastwakēn Anggarāja.
30 Tēlas nira kṛtābhiṣeka, muwah mareng sabhā pamintonan kaśaktin, mahyun apranga mwang sang Arjuna, tumihangakēn laras nira. Irikā ta ḍatēng sang Adhiratha, harṣa n tumon anak nira n inanugrahan kaprabhun. Mangholakēn ta ya mangarēki ng mukha mēlēs de ning sambhāra. Ādara ta sang Karṇa, tuminggalakēn laras nira sumēmbah

1) cfr. Skr. 136.35: satkulīnaś ca śūraś ca yaś ca senām prakarṣati

2) cfr. Skr. 136.36: tasmād eṣo 'nggaviśaye mayā rājye 'bhiṣicyatē

3) ω: swarna

i sang bapa. Katon sang Karṇa piněkul de sang Adhiratha, tuminghal ikang wwang kabeh, kumaniścaye sira yan sūtajanma. Mojar ta sang Bhīma:

„Ai sang Karṇa,

na ¹⁾ te mahakṣatriyasūtadwandwah

5

tan yukti kadi kita mapratidwandwa lawan aringku sang Arjuna, apan kita sūtajanma. Kunang gawayanta:

pratoda gr̥hyatām tena

manggēnēngi pratoda juga sārathya ning kadi kami kṣatriya. Ina-nugrahan pwa kita kaprabhun, eman tikang Anggarājya ²⁾ bhinukti 10 ning hīnajanma. Kadi pawitra ning kṣīra mwang ghṛta winchakēn ta ya ring asu, mangkana ta paḍanya.”

Nāhan ta ling sang Bhīma. Sumahur ta sang Suyodhana:

„Sang Bhīma, tan yukti dahat iku wuwusta. Tan apilih ing kajan-man ikā sang śūra ngaran ira. Yāwat hana kaśaktin i sira, yekā 15 kṣatriya ngaranya. Mengēt kite ḍang hyang Kṛpa: mijil sakeng śara-stamba kacaritan ira; muwah ḍang hyang Droṇa mijil saking luwang kacaritan ira. Kathamapi nya hana ng astraprabhāwa ri sira. Ma-nēmbah ta kita kabeh ri sira, hīnganya n guṇa lēwih ngaranya. Mang-kana ta sang Karṇa. Apa ta matang yan tar yogya ratwakēna ry 20 Awanggawiṣaya? Tonton ta paripūrṇa ny awaknya saha kuṇḍala-kawaca! Yogya karika hīnajanma mangkana?”

Nāhan ling sang Duryodhana, atēhēr tumuntunakēn sang Karṇa. Katēkan tang *astamanakāla*, ri surup sang hyang Āditya, maluwaran ikang astradharmakārya. Mulih ta sira kabeh. Ya tikā tambay sang 25 Karṇa rinatwakēn sang Duryodhana.

5

PERMUSUHAN DROṆA DAN DRUPADA. PĀṆDAWA MELOLOSKAN DIRI DARI RUMAH LAK.

Byatitan ikang kāla, huwus enak tama sang Korawa-Pāṇḍawa ring astra sira. Makon ta ḍang hyang Droṇa dumona mahārāja Dru- 30 pada, gēlēng ira tan inaku mitra ngūni. Ndan haywa ta pinatyan,

¹⁾ cfr. Skr. 137.6: na tvam arhasi Pārthena sūtaputra raṇe vadham, kulasya sadṛśas tūrṇaṃ pratodo gr̥hyatām tvayā.

²⁾ I: Awanggarājya

pawēkas nira ring kinonkon, tuhun alahakēna juga. Lumampah ta sang Korawa-Pāṇḍawa dumon mahārāja Drupada, inambulan ikang Pāñcālarāja. Aprang ta mahārāja Drupada. Ndan sor ta malayū wadwa nira kabeh, kalyus tan panolih giri-girin de ning kaśaktin
5 ing Bhīmārjuna, matinggal ri mahārāja Pāñcāla, tan hana wāni manglawan. Kāri ta mahārāja Drupada tungga-tunggal. Kasikēp ta sira wēkasan, winwatakēn ḍang hyang Droṇa mahārāja Drupada. Mojar ta sira ri sang Pāñcālarāja, ling nira:

„Ai sang Drupada, haywa kita sangsaya ri prañāntika. Yayā
10 tan pējahanta de mami.

kṣamiṇo ¹⁾ *brāhmaṇaḥ karma*

Upaśama kadi kami brāhmaṇa. Kunang hetu ning makon dumona kita, hana ujarta ngūni kengēt ni nghulun i tan dadya ning ratu samitra lawan tan ratu. Aku ta prasiddha mitranta sangkan rare, sinanguhta
15 mangaku-aku. Mari tāku mitra i wēkasan, apan tan pamanguhakēn kaprabhun. Matang yan tan mapagēh pamitrangku lawan kita. Tan sēnggahēntāku mitradrohaka mangke, apan tan inaku mitra. Matang yan alapēnku tang Pāñcāla satēngah. Ikang salor ing Ganggā ya ta kaḍatwanangku; kunang ikang sakidul ing Ganggā mangaran ing
20 Kāpilyanāgarī ya ta kaḍatwananta.”

Mangkana ling ḍang hyang Droṇa. Kinon ira ta mahārāja Drupada muliha. Ri ulih nira mungsir kaḍatwan atēhēr manastāpa sira, ahyun ta sira patya ḍang hyang Droṇa. Mahas ta sireng sarwadeśa ameta brāhmaṇa siddhimantra, manganugrahānana putrāmējahana
25 ḍang hyang Droṇa.

Byatīta mahārāja Drupada, t ucapa ta sang Duryodhana. Sira ta prihati rumēngō kānurāgan sang Pāṇḍawa, inucap ning rāt kabeh yogya sumiliha ratu, kumalilirana kaḍatwan sang bapa. Mājar ta sire mahārāja Dhṛtarāṣṭra, ling nira:

30 *śrutam* ²⁾ *me jagatām wākyam*

„Bapa ni nghulun mahārāja Dhṛtanagara, ujar nikang rāt kabeh rinēngō ni nghulun, ahyun rumatwakēna sang Pāṇḍawābhiprāyanya. Tan apekṣa ry ājñā sang ārya Bhīṣma mwanng ry ājñā rahadyan sanghulun. Apan mahārāja Pāṇḍu sira sinanguh madṛwya ng pura,

1) cfr. Skr. 138.66: *kṣamiṇo brāhmaṇā vayam*

2) cfr. Skr. 141.32: *śrutā me jalpatām tāta paurāṇām aśivā girah*

sira makakaḍatwan ngke ri Hāstina. Rahadyan sanghulun hana ngke sinangguhnya mamarāśraya juga. Sugyan tuhwa prayojana nikang loka, yan yogya rahadyan sanghulun kumona sang Pāṇḍawāmēṅg-amēṅga ring Wāraṇāwata, tumontona rāmya nikang deśa. Pinakanghulun gumawayopāya samārganya n hilanga ngkāna, yatanyan tan pawādhakā nghulun tumunggalakēna ng kaḍatwan.” 5

Mangkana ling sang Duryodhana. Sumahur sang Dhṛtarāṣṭra, ling nira:

„Anaku sang Duryodhana, pāpa ngaran ing ambēk mangkana. Tan yukti ulahta iko. Walingta tan silih asiha kami ri hana ning wwang sānakta sang Pāṇḍu. Mangkanopamā ning ulahtānaku mwang sang Pāṇḍawa, apan gati ning sānak amisan prasiddha sānak ngaranya. Haywa mātsaryāmbēktānaku. Apa ri hiḍepta i ḍang hyang Droṇa, Kṛpa, Widura, nguniweh śrī Bhīṣma? Yayā tan hēnēṅga nira, yan matya sang Pāṇḍawa. Sangkṣepanyānaku, patūt padulur lawan sang lima sānak, narapwan kitānēmu ng hayu mwang amuhara sukha nikang rāt kabeh.” 10 15

Mangkana ling mahārāja Dhṛtanagara. Sumahur sang Duryodhana, ling nira:

„Bapa, haywa kita sandeha ri śrī Bhīṣma katakutana. Madhya ta sira tan hanenilwan ira. Sang Aśwatthāmā pakṣapāta ri nghulun. Nihan ta ḍang hyang Droṇa tumūtakēn i swabuddhi ning anak nira. Ḍang hyang Kṛpa tumūtakēn ḍang hyang Droṇa sira, apan ari nira kāsih nira. Atēhēr sang ārya Widura juga tumūt i sang Pāṇḍawa. Aparan ta kawēdihangkw i rasika?” 20 25

Mangkana ling sang Duryodhana. Humēnēṅ sang Dhṛtarāṣṭra, ndan angepwan sira. Hana pwa pangucap sang Pāṇḍawa ri rāmya nikang deśa Wāraṇāwata, irikā mājar sang Dhṛtarāṣṭra, ling nira:

„Anaku sang Pāṇḍawa, singgih ikang deśa Wāraṇāwatāhayu. T āmēṅg-amēṅg ta kiteriya, t aweh bhojana ri sang brāhmaṇa saha dāna sarwaparṇa ¹⁾. Aku kumonakēn i kitewōn ri wwang ngkāna. Yapwan huwus kāryanta, samangkana kita muliha.” 30

Mangkana pakon mahārāja Dhṛtarāṣṭra. Agirang ta sang Pāṇḍawa, lumampah mwang ibu nira dewī Kuntī. Huwus amwīt i sang Bhīṣma, i ḍang hyang Droṇa, Kṛpa, Widura, lunghā ta sirāhawan ratha. Sang Widurānutūti sira, mapinēkēt akon prayatnahe sira, apan mahābhaya tang deśa ngkāna, ndatan sarwāstra bhayanya. 35

1) F¹ (corr. van der Tuuk?): sarwawarṇa

Hana ta sañjata ndatan sañjata pinakāwaknya, ndan malaṇḍēp sang-keng loha ya. Sang mengēt irikā ndatan dadi sira manggiha ng lara.”

Mangkana pawēkas sang ārya Widura. Sandeha tāmḃēk nirāpan
5 umangēn-angēn ujar sang ārya Widura mituturi sira. Datēng ta sireng Wāraṇāwata, sinungsung ta sira de ning wwang thāni ngkāna, kapwānēmbah majarakēn girangnya. Hana ta si Purocana ngaranya, wadwa kāsih sang Suyodhana, prasiddha winarah ri rahasya ning upāya, kinon sumēgē-sēgēhana sang Pāṇḍawa. Ya ta sumungsung
10 i sira, sumanggraheng śayana-bhojanādi. Hana ta jatugrha ngaranya, umah gala-gala sapaniṣkāaranya, amānuṣa kagawayanya. Ya ta kinon-akēn paturwana nirāngkēn dunungēn ²⁾ ira.

Tuminghal ta sang Yudhiṣṭhira, mojar ta sire sang Bhīma:

agnem ³⁾ *iti he Bhīma*

15 „He aringku kita sang Bhīma, yeki ng āgneyagrha ngaran ike, kalingan y ujar sang ārya Widura ngūni. Haywa ta kita pramāderiya.”

Mangkana pinēkēt sang Yudhiṣṭhira. Tadanantara datēng ta sang Kānana ⁴⁾, kinon de sang Widura mare sang Pāṇḍawa. Mājar ta yeng śūnya, lingnya:

20 „Pinakarghulun si Kānana, kinon ārya Widura magaway ing grhamadhyā ngke pakāryakēna guhā, umijila ri heng ning bapra, hawana rahadyan sanghulun mijila sakeng jatuweśma. Apan ing caturdaśi tēngah wēngi iking jatugrha kinon tunwanana de sang Duryodhana ring si Purocana. Haywa ta rahadyan sanghulun tan
25 engēt ring mangkana.”

Nāhan ling nikang Kānana. Mangañjali ta sang Yudhiṣṭhira ry asih sang Widura. Lumēkas tikang Kānana mangguhā, atyanta widagdhanya. Tan katon suksukanya de ning mantra waṣaṭ, pinahayu tinutupan papan ri sārāh-arāh nikang grhamadhyā, yatanyan tan
30 sandehā ning Purocana. Līlā ta sang Pāṇḍawa, mēnggēp nirbhaya katonan ira. Hanan paburwa ring alas molih sarwamṛga, bhinojanākēn ing sang brāhmaṇa saha dānapuṇya. Tēka pwa ng caturdaśi śukla, maweh ta sira utsawa, maweh pangan inum ring anak thāni. Hana

1) cfr. Skr. 145.22: alohaṃ niśitaṃ śāstraṃ śarīraparikartanam

2) ω: dunungan

3) cfr. Skr. 146.13: avācāgneyam ity evaṃ Bhīmasenaṃ Yudhiṣṭhirah

4) Skr. Khanaka

ta wwang thāni mānak limang siki, milu manadah bhojana. Mawērō
 ta ya de ning pāna madya. Manginēp ta ya, tan wēnang mulih ring
 deśanya, maturū ri paciran ikang jatugrha, mogha kadi kinon ing
 hyang. Mangkana si Purocana wiparita de ning madya, maturū ri
 lawang ing jatuweśma. Sēdēng nidrā tang rāt kabeh, madēg ta sang 5
 Bhīma tumunwanīkang jatugrha. Murub ta ya tan kahrētan. Sumurup
 ta sireng guhā gawe nikang Kānana ngūni, mijil ri heng ning bapra.
 Saka ri wēdi sang Bhīma n kawruhana de ning wwang akweh, sinunggi
 nira ta dewī Kuntī mwang sang Yudhiṣṭhira sang Arjuna matunggalan
 bāhu nira, kunang sang Nakula Sahadewa matunggalan ing pupūng- 10
 gwan ira. Alayū ta sira, kadi drēs ning bāyu drēs nira.

Ri patunu nikang jatugrha niścaya tang wwang kabeh sahana
 ning Wāraṇāwata, yan pangutus sang Duryodhana manunwanana
 ng jatugrha. Tan hana wāni matutura ¹⁾, tuhun tumangisi sang
 Pāṇḍawa juga ya. Irikang sakatambesuk paḍa tēkā manonton ikang 15
 thāni ri paḍēm nikang apuy, kapanggih ta wangkay nikang Niṣādi
 saha putranya lima sānak. Byakta wangkay sang Pāṇḍawa ri hidēp
 ning mulat, apan tan katon wiśeṣa-dharmanya, huwus gēsēng de ning
 apuy. Muwah katon ta wangkay nikang Purocana tamolah ri sanḍing
 ing dwāra ri nggwanyâturū. Malayū tikang anak thāni, mājar i mahārāja 20
 Dhṛtarāṣṭra mwang sang Bhīṣma, Droṇa, Kṛpa, mājar i pati sang
 Pāṇḍawa. Manangis ta sira kabeh, kunang sang Widura tan sapira
 tangis nira. Kinonakēn ta sang Pāṇḍawa pagawayakēna tilēm saha
 pasangaskāran ing mati. Iniwō ta sira ngkāna ring Wāraṇāwata.

Byatitan ikā sang magawe tilēm, tan kocapa. T ucapa ta sang 25
 Pāṇḍawa mangidul laku nira sangkeng Wāraṇāwata. Sawēngi tar
 kēneng turū sira, tan pararyan sira n laku, enggal ta sira n lumampah.
 Mangkin adoh paran ira, mamanggih ta sira alas göng atisaya sukētnya,
 tan kaparan de ning mānuṣa. Ya ta pinurug de sang Bhīma, tikēl
 kayu-kayunya, kahawā de ning panapak ni suku nira n laku, nguniweh 30
 tang rinūgakēn sakaharēp de nira n laku. Nista nira n sumunggwi
 dewī Kuntī, yayā tan angel makanimitta kral nira. Asing kaparag
 pūh rēbah tikēl, tan wēnang mangadēg de ni drēs ni laku nira sang
 Bhīma. Akon ta sira mararyana ring alas, sangka yan harēp maturwa
 de ning arip nikang mata. Hana ta nyagrodhâgōng, waringin matōb 35
 pangnya irikā tēngah ning alas, atis chāyānya ri sor. Hana ta śilā
 maratānayanālwā. Ngkāna ta pararyanan ira, kinalasan ira rwan
 ing kayu. I surup sang hyang Āditya maturū ta sang Kuntī. Kunang
 sang Bhīma sira ta mamet wway. Angrēngō pwa sira śabda ning manuk

¹⁾ sic ω; corr.: mitutura atau matulunga?

rawa, pinaran ira ta ya. Katon ikang talaga suci nirmala, mahëning
 wwainya hibëkan tuñjung. Madyus ta sirânginum wwai. Mangën-
 angën ta ngel ni wwang sânak nira, karuhun ngel nirebu nira, tatan
 patahënan pamarabas ni luh nira umwas ri pipi, mogha tar wënan
 5 lumampah de ning wëlas-harëp. I wëkasan sira lumaku. Satëkâ nira
 ri wwang sânak nira paða sukha nidrâ sor ning waringin, malungguh
 ta sira tan milu maturû.

6

PĀṆḌAWA MENJEMBUNJIKAN DIRI DI EKACAKRĀ.

Muwah ta sirânusup ring alas, *tāpasarūpadharāḥ*, saweşa ning wiku
 10 pinakaweşalakşana nira, tuhagana majaṭā mawalkala, i takut nira n
 kawruhana yan sang Pāṇḍawa. Makweh ikang deşa kahaliwatan
 de nira. Kathañcana kapangguh ta bhagawān Byāsa ring hawan de
 nira. Manëmbah ta sira musapi jōng śrī mahāmuni, majarakën i lara
 nira de sang Korawaśata. Mojar ta bhagawān Byāsa:
 15 „Anaku sang Kuntī, haywa kita prihati de ning kaduṣṭan ikang
 Korawaśata. Don mami ḍatëng mara ngke, marahakën i sukhâwa-
 sânananta. Iku anakta sang Yudhiṣṭhira kumawaśākëna ng pṛthiwī-
 maṇḍala dlāha,

Bhīmasenârjunabalān ¹⁾

20 makanimitta śakti sang Bhīmârjuna. Pangher ta kita ring deşa ring
 Ekacakrā. Ngkāna tâku lumawada kita hëlëm.”

Mangkana ling bhagawān Byāsa, antarlīna ta sira. Lumampah
 ta sang Pāṇḍawa maring Ekacakrāmaṇḍala. Dumunung ta sireng
 brāhmaṇagrha, makangaran bhaikşakarma.

25 *ardham* ²⁾ *bhaikşasya sarwasya Bhīma bhungkte mahābalaḥ*

Kapwânasi sira kabeh, solih nirânasi pinupulakën ira de sang Kuntī.
 Pinarwa ta ya: ikang saparwa tinunggalakën i sang Bhīma, ikang
 satëngah kinabehan ira sang catur-Pāṇḍawa mwan sang Kuntī.
 Mangkana prawṛtti nira hana ring Ekacakrāmaṇḍala. Pira ta lawas

¹⁾ cfr. Skr. 156.13: Bhīmasenârjunabalād bhokşyate nâtra samśayaḥ

²⁾ cfr. Skr. 157.6: ardham sarwasya bhaikşasya Bhīmo bhuṅkte
 mahābalaḥ

nira hana ngkāna, katēkan ta sang brāhmaṇa duḥkhabhāra, kinon amijilakēna wwang sasiki tadaha nikang rākṣasa si Baka, pinakaratu nikang deśa ring Ekacakrāmaṇḍala. Anangis ta sira mwan sira strī mwan anak nira sajalwistri. Mojar ta sira:

„Ibunya sang brāhmaṇī,” angling ya, „aparan ta upāyanta mangke, pet luputanta ring sarwadharma. Tan pisan ping rwa marāku mapitatur i kita, akon lunghā mareng dūradeśa. Ndan trṣṇā juga kita ngke, mangke pwa katēkan anti ¹⁾. Mapa tang enaka? Apan tan wēnang tuminggalakēn kita, anakteki kanyā atīśayāsihkw iriya, arinyekā jalu-jalu turung wāla. Menaka nggānya kita kabeh juga parēnga matya, panganēn ikang rākṣasapati, tan kadi matya salah tunggal.”

„Bapa sang brāhmaṇa, haywa rahadyan sanghulun prihati. Ikang strī ngaranya tumulunga lara ning swāmi don ikā. Hana pwa duḥkhabhāra mangke, duwēg ta nghulun wehakēneng rākṣasa Baka, palar nghulun amēnanga dharma ning strī patibrata, gumawaya sukha ning swāmi.”

„Ibu, mawalokanā śabda ni nghulun. Yan matya rahadyan sanghulun, bapa ni nghulun mati, apan tan wēnang kasāha ri kita. Matya pwa sira, syapa tuminghalana nghulun? Ari ni nghulun rare turung wruh ring kalingan. Nghulun juga wehakēneng rākṣasa, parahwantāngēntasana ng duḥkhārṇawa. Apan ya rakwa dharma ning anak sih magawaya paritrāṇa ring kawitan. Ya ta isyana ni nghulun.”

Mangkana ling ning anak sang brāhmaṇakanyā. Sumahur tārinya, kadi grahapraweśa lwirnya, sphuṭatara denya mojar:

mā ²⁾ pitā roda mā mateḥ

„Bapa, ibu, haywa kita prihati.

anenāhi ³⁾ wadhiṣyatti rākṣase puruṣamangsam

Aku matyana si Baka, ikang rākṣasa prasiddhāmangan wwang.”

Mangkana ling ny arinya. Irikā ta dewi Kuntī datēng, matakwan ri prihati nira sang dwija. Mawarah ta sang brāhmaṇa:

„Ibu mami sang tamuy, atyanta dibyanta wēnang tumañākēn ing lara mami. Ndak warah ta kita sang tamuy. Ikang deśa ngke ring

¹⁾ F¹ (corr. van der Tuuk?): ganti

²⁾ cfr. Skr. 159.21: mā pitā ruda mā matar mā svasas tv iti cābravīt

³⁾ cfr. Skr. 159.22: anenāham haniṣyāmi rākṣasam puruṣādakam

Ekacakrāmaṇḍala, hana rākṣasa si Baka ngaranya tamolah ring Yamunātīra, ya ta siniwinya ngke. Phalanya n pinakaratu ngke rākṣasa, tan katēkan bhaya sangkeng paramaṇḍala. Kapwâwēdīkang deśântara de ning prabhāwa nikang rākṣasa Baka, maweh ta janmāngkēn tahun 5 taḍaha nikang rākṣasapati. Lwir ning taḍahnya: kēbo saprāṇa, meṣa saprāṇa, wwang saprāṇa, sarwāṇḍaja sewu sahambambanya (?), dinuluran sarwapāna. Ya tâgilir salawang-salawang. Kunang yan tan paweh taḍahan, panganēn ta rakwa hēntyakēna de nikang rākṣasa Bakā. Katēkan pwa ganti mami mangke, ya ta hetu ning anangis, 10 tṛṣṇā mānak mastrī kami."

Mangkana ling sang brāhmaṇa. Sumahur dewi Kuntī:

„Haywa ta mahābrāhmaṇa malara. Lilimānak ni nghulun, ikang panggulū ya ta wehakēna de rahadyan sanghulun panganēn ikang rākṣasa."

15 „Om ibu mami sang tamuy, atyanta dibyanta, ndan kami iki pāpa dahat. Walingta tan paḍa lawan pāpa ning brahmahatya pāpa ning wwang matyana sang atithi, sang tamuy mangke katēkā ri gṛhanya? Sangkṣepa nikang ujar, sadenya pējaha sakutumba kami, rapwan tan pangawākēna tamuy ni nghulun."

20 „Sojar sang brāhmaṇa, pira lalisa ni nghulun mānak! Adyapin ¹⁾ mānaka sātus ngwang, yan malwang ikā sasiki, pinakeman i nghulun. Kunang hetu mami humañangakēn putra ni nghulun, sasambhawa śaktinya n humilangakēnekang rākṣasa. Apan huwus katon ikā lēkasnya de ni nghulun, wēnang amatī rākṣasa."

25 Mangkana ling dewi Kuntī. Agirang ta sang brāhmaṇa n rumēngō wuwus dewi Kuntī. Winarah nira tânak nira sang Bhīma ri katulungan ing lara sang brāhmaṇa. Manggā ta sang Bhīma.

Ikang sakatambay esuk dinānan ikang sēkul mapakēnā rikang rākṣasa Baka, winawa nikang wwang thānīng Ekacakrāmaṇḍala saha 30 meṣa, mahiṣa, sarwāṇḍaja, pāna sarwamadya, madulur matsya māngsa sahambambanya, winawa mareng Yamunātīra ri kahanan ikang rākṣasa Baka. Lumampah ta sang Bhīma dumulurakēn ikang sēkul taḍahan. Saḍatēng nireng sthāna watangan panaḍahan ing rākṣasa, malungguh ta sira ngkāna humarēpakēn ikang sēkul. Pinangan ira 35 tikang sēkul pasanggraha ning rākṣasa Baka, tan hana bhaya nira sa-nakhanīlamātra. Mijil tikang rākṣasapati sake dalēm, sāhasâ-manganâbhiprāyanya. Katon ta sang Bhīmâmangan ikang sēkul, krodha ta yâmběknya mulat i sira, mulyar matanya, kumrut halisnya; kadi bēlaha ng pṛthiwī de ning panguhūhnya n gumuruh, sākṣāt gēlap

1) sic ω; corr.: yadyapin?

atarung śabdanya n uman-uman sang Bhīma, yar pangan ikang sēkul pasanggrahanya. Ndatan iniwō de nira, kawelānaḍah umungkurakēn kahanan ikang rākṣasa. Tinēpak ta ya denya walakang ira sang Bhīma ring karatalanya. Apagēh ta sira; niścala de sang Bhīma malinggih, mangkin enak panaḍah nira juga. Mangkin krodhekang rākṣasa. 5 Mangḍawut ta ya kayu satal göngnya. Ya ta pamupuhnya ri walakang sang Bhīma. Humēnēng ta sira tar wighani ri pamupuhnya. Huwus pwa sirānaḍah manginum wwai masō ¹⁾ sopacāra, madēg ta sira tumonton ri rūpa nikang rākṣasa, kagiri-giri bhayānaka, matunggalan kayu tanganya n pamupuhnya ri sang Bhīma. Malēs ta sirāngḍawut 10 kayu satal göngnya, inurutan ronya n pinakagadā nira, pinupuhakēn ing rākṣasa. Makañjaran mabhairawa kapwa silih pupuh. Syuh tang kayu śirṇa n pinakagadā nira, dudū tang pukah kedēkan de ni parukēt nirāprang. Kadi paprang ning daitya Wṛta lawan bhaṭārendra, silih chidra silih sikēp. Kapwa pāṇi-pāda-yuddha sira wēkasan. Liṇḍū 15 tekang prṭhiwī kolahala de ning paprēp nira. Kangelan ikang rākṣasa, sinikēp nira ta ya; bāhunya binandhana, tan wineh nira molaha. Atēhēr sinumpētaken inutitakēn dinēhā tinur tinutūtan pādatala; dinēkung walakangnya tinikēlan ing gadā, pinulirakēn gulūnya. Mango- han ta ya wēkas ning prāṇanya. Mati ta ya ikang rākṣasa. Mojar ta 20 sang Bhīma:

śrutwaṃ ²⁾ hi rākṣasāḥ sarwe

„Pangrēngō ta kitang rākṣasa kabeh, sakwehmu tamolah irikang deśa! Haywa ta kita mamatī wwang. Mangke wēkasamwa, yadyan hana ng rākṣasāmangana wwang, tumirwa patinya si Baka.” 25

Mangkana ghoṣaṇa sang Bhīma, karēngō de nikang Bakānucara, mangastwakēn ta ya. Matang yan sonya tang rākṣasa katon de nikang wwang ring Ekacakrāmaṇḍala. I tēlas ikang rākṣasa si Baka pējah, mulih ta sang Bhīma ring śāla. Kapūhan tikang wwang kabeh ri pati nikang rākṣasa Baka. Makweh ta ya wwang tumonton wangkenyād- 30 bhuta mapulang rāh, kadi pucak ing wukir runtuh lwirnya. Matakwan ta ye sang brāhmaṇa, yan aparān kawwangan sang umatī ratu Baka. Ndatan pawarah sang brāhmaṇa n Pāṇḍawa, tuhun hana brāhmaṇa siddhimantra umaku patya nikang rākṣasa Baka, sira nggānya umatī ya. Mangkana ling sang dwija. Enak ta manah nikang wwang ing 35 Ekacakrāmaṇḍala. Nāhan ta gawe sang Pāṇḍawa tamolah ing Eka- cakrāmaṇḍala.

¹⁾ sic ω; corr.: maseh?

²⁾ cfr. Skr. 164.5: tasya tadvacanam śrutvā tāni rakṣāṃsi bhārata

LAHIRNJA DHRṢṬADYUMNA. SAJEMBARA DROPADĪ.

- Ngūni ri kāla sang Pāṇḍawa haneng Gajāhwaya, tēluwēlas tahun lawas nira. Tinunwan pwa sireng jatugrha, minggat ta sireng Hiḍi-mbawana. Tēkā pwa sireng Ekacakrāmaṇḍala patang tahun lawas
 5 nira, hana ta sira brāhmaṇa tamuy, umujarakēn yan mahārāja Drupada magawe swayambara. Matakwan ta sang Yudhiṣṭhira ri sang brāhmaṇa tamuy nimitta mahārāja Drupada n mānak, apan tapwan pānak sira ngūni, ri kāla nira n alah de sang Pāṇḍawa winwatakēn ri dang hyang Droṇa. Mawarah ta sang brāhmaṇa tamuy:
- 10 Mahārāja inalapan kaḍatwan ira satēngah de dang hyang Droṇa, agēlēng ta sira mahas ing deśāntara. Amet brāhmaṇa siddhimantra manganugrahānana putra wēnang umējahana dang hyang Droṇa, mangkanābhiprāya nira. Ḍatēng ta sira ring Ganggākūla, hana si ra brāhmaṇa rwa sānak, sang Yajñopayajña ¹⁾ ngaran ira. Sira ta
 15 Pinggalakeśaputra, anak bhagawān Pinggalakeśa. Karēngö pwa sira yan siddhimantra, ya ta hetu nira n umaṇḍēmi pāda sang brāhmaṇa, musapi lēbū ni suku nira, majarakēn i lara ni hati nira. Mapinta-kāsih ta sirāmalaku pinahomākēn, makaphala Droṇāntaka. Amrih ta sirāsewaka. Rwang tahun lawas nira ri patapan sang brāhmaṇa, āsih
 20 ta sang Yajñopayajña. Samangkana ta sirāmayajñākēnābhiprāya sang dwija rwa sānak. Mulih ta mahārāja Drupada labdhaprayojana makering sang brāhmaṇa pinet nira. Saḍatēng nire kaḍatwan ira magawe ta sira yajña pūrṇahoma-widhiwidhāna. Madyus ta mahārāja Drupada ring kumbhasnānaparikrama. Tēlas ira magawe snāna-
 25 widhi, amūjā ta sira. Mangāhwāna ta sang Yajñopayajña ri bhaṭāra Rājāstrawīrāmara. Sakala sira, pinūjā ring ājyāhuti, pinalakwan putra mahāśakti. Mijil tang kumāra sangkeng madhya ning kuṇḍa, kadi dilah ning apuy dilahnya, saha makuṭa kawaca, manggēgö khadga lawan dhanuh saha hrūnya, tumuluy manunggang ring ratha. Hana
 30 ta dewaśabda karēngö:

eṣa Droṇasya mṛtyawe

„Yeku matyana ng Droṇa”, ling ning ākāśaśabda.

sākṣād agni mahābala ājyāhotiphalaṃ labhet

Agirang ta mahārāja Drupada. Muwah hana ta strī mijil sangkeng
 35 sthaṇḍilamadhya,

1) Skr. Yājopayāja

kṛṣṇā ¹⁾ *nīlotpalākṣiṇī*

hirěng warna ny awaknya, kadi dala-dala ning tuñjung biru matanya,

nīlakuñcitamūrdhajā

mahirěng ekěl rambutnya,

padmakeśaragandhanam

5

kadi gandha ning sārī ning padma wanginya.

asyāḥ ²⁾ *śrutwā tathā krośāt*

Karěngō kojaran ing angucap, gandhanya kongas ing ghrāṇa, yadyan sakrośa dohanya.

sākṣāt ³⁾ *dharma*

10

Sumělōh warna nira, tan hana pahinya mwanng dewakanyā ⁴⁾. Ahirěng pwa warna ny awaknya, inaranan ta sira dewī Kṛṣṇā; sang Dropadi ngaran ira waneh, apan Drupadâtmajā. Kunang ngaran ing kakanya ikang mijil sangkeng kuṇḍamadhya,

dhṛṣṭatwāt ⁵⁾

15

apan masiga,

dharmadyutsambhawāt

muwah mijil sangkeng dharmawidhi, kagawayan ing yajñadharma, nāhan matang yan sang Dhṛṣṭadyumna ngaran ira.

Mangkana krama ny anak sang Drupada rāja. Sang Dhṛṣṭadyumna ²⁰ kinon ira mangajya dhanurweda ri ḍang hyang Droṇa. Tuwi mangrě-

¹⁾ cfr. Skr. 167.45: śyāmā padmapalāśākṣī nīlakuñcitamūrdhajā

²⁾ cfr. Skr. 167.46: nīlotpalasamo gandho yasyāḥ krośāt pradhāvati

³⁾ cfr. Skr. 167.48: sākṣād amaravarṇinī

⁴⁾ ω: dewatānya

⁵⁾ cfr. Skr. 167.53: dhṛṣṭatvād atyamarṣitvād dyumnâdyutsambhāvād api

ngö dang hyang Droṇa ri kacaritan sang Dhr̥ṣṭadyumna, an makolih i sira jēmah. Tathāpi nya n mangkana, winarahan ira ta ya mangaji juga. Kalinganya: pangdān ing swakarmakārya, apan tan hana ewēh ri sang paṇḍita. Sang Dropadī sira ta sinwayambarākēn
5 de mahārāja Drupada, praśāsta karēngö ring deśāntara.

Mangkana pawarah sang brāhmaṇa tamuy ri sang Yudhiṣṭhira. Mahyun ta sira milwa ring swayambarakārya. Tadanantara datēng ta bhagawān Byāsa. Manēmbah ta sang Pāṇḍawa mwanng dewī Kuntī, paḍa musapi reṇu caraṇa sang ṛṣi, mangaturakēn pādyārghâcamaniya.
10 Mojar ta bhagawān Byāsa:

„Anaku sang Kuntī, hananta ¹⁾ sang Pāṇḍawa, matang yan datēng kami mangke ri kita, kumona kita mareng Pāñcāla, umilwa ri swayambara sang Drupada. Kacaritan ikang anak ḍara: hana pwa ya brāhmaṇikanyā, pratidināmūjā ri bhaṭāra Śangkara, amalakuha
15 swāmi uttama salwira ning guṇanya, dharmajña, śūra, balawān, kṛtawidya, priyambada. Tēkā pwa bhaṭāra Śangkara, mamalaku ta yānugraha. Ndah ping lima ta ya mojar: *patin dehi, patin dehi, patin dehi, patin dehi, patin dehi, dharmajñah, śūrah, balawān, kṛtawidyah, priyam-*
20 *badah.* Inanugrahan ta yāswāmya limang siki makaguṇa ng dharmādi hēlēm i pūrwajanmanya ikang brahmaṛṣikanyā. Mangkanānugrahanya sangke sang hyang Śangkara. Ya ta pinakānak mahārāja Drupada, makangaran sang Dropadī. Tatan hana yogya swāmya nikā, bhedaha sangke rahadyan sanghulun. Matang yan, tanaya mami, yogya kita milwa ring swayambara.”

25 Mangkana ling bhagawān Byāsānēhēr antarlina sira. Agirang ta sang Pāṇḍawa ri lunghā bhagawān Byāsa. Amwīt ta sireng brāhmaṇa dunungan ira. Lumampah ta sireng rahineng kulēm saka ri wēdi nira n kasepa ring swayambara. Datēng ta sireng Pāñcāla irikang kidul ning Ganggā, kaḍatwan mahārāja Drupada.

30 *kumbhakārasya* ²⁾ *śālāyām*

Hana ta unggwan ing magawe dyun, inuparēngga de ning talaga. Ngkāna ta tēkā nira, makawēṣa wēṣa ning wiku sira. Tan hana ku-mawruhi sira Pāṇḍawa.

Irikang sakatambesuk mijil ta mahārāja Drupada ring sabhā.
35 Huwus hibēk de ning kṣatriya rikang maṇḍala ning maṇḍapa, sang ratu sapinasuk ing Bhāratawarṣa. Milu ta sang Korawaśata makādi

1) anakta?, atau: sahananta?

2) cfr. Skr. 185.6: *kumbhakārasya śālāyām nivāsam cakire tadā*

sang Duryodhana mwan sang watëk Yadu sira kabeh; kapwa pinūjā de sang Drupada, sinungsung ¹⁾ sarwopakāra sopacāra. Asinang tang sabhā kasēnwan de ning bhūṣaṇa sang para ratu sira kabeh. Sakaṇḍa unggwan sang kṣatriya, sakaṇḍa unggwan sang brāhmaṇa; ngkāna tonggwan sang Pāṇḍawa, apan tāpa rūpa nira. Huwus magēlar 5 ta sakweh sang kṣatriya, madēg ta sang Dhṛṣṭadyumna magawe ghoṣaṇa ri sira kabeh, ling nira:

śṛṇwante ²⁾ *pārthiwāḥ sarwe Dhṛṣṭadyumna ihowāca*

„Mangrēngō ta rahadyan sanghūlun kabeh, sakwehta iking tamolah ngke ring sabhā, 10

tad idan dhanuśca lakṣyam ime pañca bāṇāḥ

nihan tang laras, nihan tang tinuju munggw ing tungtung ning kayu. Nāhan tang warayang limang siki kwehnya, ya ta panahakēna. Yapwan kēnā lyang nikang tinuju, sakumēnerika sira ta karmā ny aringku sang Dropadī, sang malungguh ring singhāsana.” 15

Mangkana ghoṣaṇa sang Dhṛṣṭadyumna. Tuminghal ta sang ratu kabeh ri hayu sang Dropadī, kapwa ta yāhyur. Nihan irikā ta sang Kṛṣṇa sira tumon ri hana sang Pāṇḍawa milu ri lungguh sang brāhmaṇa. Winarah nira ta sang Baladewa; harṣa ta manah nira. Ri huwus ning ghoṣaṇa madēg tang kṣatriyagaṇa, maganti umayat ikang 20 laras, ndatan hana wēnang tumalyani ya. Kamēnanya n hanā tumalyani ya, tan wēnang mayat. Mangkana prawṛtti nikang ratu kabeh.

bhagnād harṣasya darpasya

Hilang ta harṣanya mwan darpanya, mari ta ya harēpnya ri kawēnang sang Dropadī. Wēkasan pwa madēg sang Arjuna, mijil sangkeng 25 sthāna sang brāhmaṇa. Tuminghal ta sang ratu kabeh, ananguh sadigawe, tan pakawṛtti prawṛtti ning wiku. Waneh kapūhan tumon i roba pariṇāha ny awak nira, asambhawa wēnanga ri kāyatan ikang cāpa; hana ta nininda: „Ri kapana ng brāhmaṇa wēnang-āṅgayata laras samangkana göngnya? Prasiddha sang Karṇa mwan 30 sang Śalya uttama ning dhanurdhara, tathāpi nya tar wēnang umayat

¹⁾ sic F¹G; al.: sinung

²⁾ cfr. Skr. 185.35: idaṃ dhanur lakṣam ime ca bāṇāḥ, śṛunvantu me bhūpatayaḥ sametāḥ

ikang laras". Mangkana lingnya. Sēḍēng mangucap ikang wwang kabeh, sinambut nira tekang dhanuh, tinalyan kawēnang; inalap nirekang warayang. Lumēkas ta siromayat ikang cāpa, tan mangel lwir nira n wēṇtang irikang dhanuh. Kapūhan ikang wwang ing
 5 sabhāmaṇḍala, kāścaryan de nira n pangayat. Linēpasakēn ira tikang hrū. Kēna ta lyang nikang tinuju, atēhēr tibā, katon de ning wwang akweh. Tumibā tang puṣpawarṣa sangkeng ākāśa; kumētug tang tabēh - tabēhan masanggani mwang pahyā ning wwang akweh. Mangadēg tā sang Dhr̥ṣṭadyumna mwang sang Dropadī māngēm-
 10 bangi sang Arjuna. Ghinoṣaṇan ta sira de sang Dhr̥ṣṭadyumna an wehakēne sang brāhmaṇa sang wēnang umayat ikang dhanuh.

Krodha tang kṣatriyamāṇḍala ri mahārāja Drupada, apan tan yogya de nirāgawe swayambara, yan hanā brāhmaṇa milu mayata ng laras. Kewala kṣatriyadharma ng swayambara, mangkana lingnya.
 15 Inambulan ira ta mahārāja Drupada. Awēdi pwa sang Arjuna, yan katēkānenambulan mahārāja Drupada, tinahēnan ira tang sāman-tanṛpati. Sang Bhīma sahakāri nira. Kunang sang Yudhiṣṭhira, sang Nakula Sahadewa kinon ira mūra rumakṣā dewī Kuntī. Aprang ta sang Arjuna, sang Karṇa hinarēpakēn ira. Kapwāniwārya wināni
 20 kaprabhāwan ira ring samara kālih. Katon pwa sang Arjuna niṣpra-kampya, mojar ta sang Karṇa:

kas 1) *tvam yathākṣatra dhanurdharajñah*

„Syapa kita lawankw angadwa kaśaktin? Dhanurweda māwaka kita, athawā sang hyang Wiṣṇu brāhmaṇarūpa kunēng, matang yan
 25 wēnang dhārake śaktingku? Apan yan ing mānuṣaloka anghing sy Arjuna juga wēnang dhārake śakti niking Karṇa. Kita pwa niścala tan polah de ni prabhāwangku. T awarah ta ri kawwanganta.”

Mangkana ling sang Karṇa. Sumahur sang Arjuna:

nāsmi 2) *Karṇa Dhanurwedo*

30 „Ai sang Karṇa, tan Dhanurweda māwak, tan Wiṣṇu brāhmaṇa-rūpa,

1) cfr. Skr. 190.17: *kim tvam sāksād dhanurwedo rāmo vā viprasattama*

2) cfr. Skr. 190.20: *nāsmi Karṇa dhanurwedo nāsmi Rāmaḥ pratāpavān, brāhmaṇo 'smi yudhām śreṣṭhaḥ sarvaśāstra-bhṛtām varah.*

tuhun brāhmaṇa paprang mami, huwus kṛtānugraha ring sarwāstra, wēnang malahakēna ng kṣatriya.”

Mangkana ling sang Arjuna. Mangēn-angēn ta sang Karṇa ri krama ning brāhmaṇateja tan kawēnang inalahakēn. Murud ta sangkeng paprangan. Kunang mahārāja Śalya sang Bhīma humarēpakēn sira. Asikēp gadāyudha sira. Kapwa silih daṇḍa sira kadi patukar ning liman amangkēl. Masowe sirāsikēp, tibā ta mahārāja Śalya, ndatan linūd sira de sang Bhīma. Kapūhan ikang ratu kabeh, sandeha n sang Bhīma ri widagdha nireng gadāyudha, apan tan hana malahakēna sang Śalya, lena sangke sang Bhīma mwang sang Baladewa, lingnya. Malayū ta ya kabeh, mari ta ya magalak tumon i sang rwang siki. Tēkwan sang Kṛṣṇa matangguh sira, yogya sang Dropadī n alapēn sang brāhmaṇa, apan huwus maweh wēlyan ngaran ikang mangkana, ar wēnang tumuju ikang lakṣyan. Mangkana tangguh sang Kṛṣṇa ring wwang akweh. Mulih tikang ratu kabeh. 5 10 15

Sang Bhīmārjuna sira tumawanakēn i sang Dropadī. Ngkā ri kumbhakāraśāla kapanggih ta dewī Kuntī sēdēng nirāturw akukub, umangēn-angēn ry awasāna ni putra nira kālih, kasandehan ira n matya, apan karēngō inambulan ing ratu kabeh. Tadanantara datēng ta sang Bhīmārjuna makolih sang Dropadī, mājar yan olih sirānasi. Agirang dewī Kuntī rumēngō sojar i putra nira, manangguh molih tāsasi. Sangka yan tan wruh nira, yan molih strī, apan sira lagi makukub, kinon ira ikang tasyan kabehana juga ri sānakta kadīng lagi, apan krama nira ngūni mangkana. Inajarakēn ta yan kanyā ulih nirānasi. Matanghi ta sira kagyat, atēhēr anguwahi ulēs mary akukub. Katon ikang strī de nira, prihati ta sirāpan kahañjur śabda nira ikang kumonakēn kabehana, si tan dadi pwa sira mithyāwacana. Yinuktyakēn ta sira de sang Yudhiṣṭhira, apan katonan ikang kanyā utama. Mogha ta jñāna nira kalima paḍāhyun, kākarṣaṇa de ning hayu nira sang Dropadī. Mojar ta sang Yudhiṣṭhira: 20 25 30

„Antēn i nghulun kita kabeh, mengēt ta kita i warah-warah bhagawān Byāsa ngūni, ri kālanta haneng Ekacakrāmaṇḍala: iking Dropadī ngaranya janma ning brāhmaṇikanyā ikang huwus kṛtānugraha ri sang hyang Śangkara maswāmya limang siki. Mangkana ling ira ngūni, hetunta t laku milu ring swayambara. Ya tikā katuturananta mangke.” 35

Mangkana ling sang Yudhiṣṭhira. Tadanantara datēng ta sang Kṛṣṇa Baladewa.

Aparan ta lwir nira n tēkā sahâwuwus:

Kṛṣṇo ¹⁾ 'ham asmin taw awāpya pado
Yudhiṣṭhirasyewahipaśya rajña
swechhāpi hr̥ṣṭā karawesanandam
mamewa tasyānujo rohineya

5

Pinēkul nira ta suku sang Yudhiṣṭhira. Atēhēr ta sira majarakēn awak nira yan sānak amisan anggēh ni pakadangan ira, apan ari sang Basudewa sang Kuntī. Kadi krāma sang Kṛṣṇa n datēng, mangkana ta sang Baladewa. Enak tâmbēk sang Pāṇḍawa lipawad nira.

10 „Aparan ta pangawruh rahadyan sanghulun, yan Pāṇḍawa nghulun? Lawan syapa sang umarah ri haji katēkā ni nghulun ngke ring kumbhakāraśāla?”

Sumahur sang Kṛṣṇa:

„Syapa tan wruheng apuy, yadyan uhutakēna? Apan hana kukus
15 nikā mwanng hawunya pangawruha ri hananya. Mangkana ta sang Pāṇḍawa: an pupunggunga ri hana nira, hana ng kaśaktin panganu-mānan i sira. Apan tan hana wwanng lena sangke sira mahaprabhāwā mangkana göngnya. Kunang hetu ning mara ngke, agirang de ny-uriptāglis tan kēneng kira-kira. Apan sinangguh mati tinunwan ing
20 jatugrha ngkāna. Pahalēban ta manah rahadyan sanghulun.”

Mangkana ling sang Kṛṣṇa Baladewa. Amwīt ta sirānēhēr lunghā. Sore pwa ng kāla, datēng ta sang Dhr̥ṣṭadyumna mēnggēp tan hana wihikan, mingētakēn polah sang Pāṇḍawa. Mojar dewī Kuntī:

„Anaku sang Dropadī, nāhan nya ng bhaikṣa ulih ning anasi.
25 Ya tiku parwanta. Ikang satēngah wehakēne sang Bhīma,

samahwayam bhuktir anandamanam

doyan amangan sarika. Ikang satēngah wehakēnanta ry anak ni nghulun kapat lawan nghulun.”

Mangkana ling dewī Kuntī. Angrēngö ta sang Dhr̥ṣṭadyumna
30 ry ujar sang Kuntī manangguh Bhīma. Mēnēng sang Dhr̥ṣṭadyumna, ndan kēñēp nireng hati: „Byakta sang Pāṇḍawa sariki.” Kumwa tângēn-angēn ira. Enak tâmbēk nira; mulih ta sira.

¹⁾ cfr. Skr. 191.20, 21: Kṛṣṇo 'ham asmīti nipīḍya pāḍau, Yudhiṣṭhirasyājamīḍhasya rājñah. Tathaiva tasyāpy anurauhineyas tau cāpi hr̥ṣṭāḥ Kuravo 'bhyanandan

Kunang mahārāja Drupada sēḍēng ira n manastāpa umangēn-angēn i tan wruh i kawwangan ikang makolih ri putrī nira. Apan kewalya sang Arjuna juga inajap nira makamantwa nira. Kawēnang pwa ya de ning brāhmaṇa, ya ta dumeḥ nirālara. Ḍatēng ta sang Dhr̥ṣṭadyumna. Mājar ta yan prasiddha sang Arjuna rasika sang 5 umayat ikang laras, mijil sangkeng brāhmaṇasthāna, makatangguan ikang Bhārgawakarmaśāla. Mangkana ling sang Dhr̥ṣṭadyumna. Enak ta mahārāja Drupada. Kinon ira ta ḍang hyang purohita umundange sang Pāṇḍawa. Lumampah ta sirāngundang. Saḍatēng nira mājar ta sira yan kinon umundanga de mahārāja Drupada. Tan wihang 10 ta sang Pāṇḍawa. Lumampah ta sira makering sang Dropadī, makapanghulu ḍang hyang purohita Dhomya. Ḍatēng ta sireng kaḍatwan, sinēgēhan ta sira bhojana, salwir ikang yogya pamūjā ri sira mwang sayogya katēkāna nira.

8

PARA PĀṆḌAWA MENETAP DI KERATON INDRA-PRASTHA. 15

Kunang sang Duryodhana sira tânggōng prihati rumēngō sang Pāṇḍawa an sira pinakamantu de mahārāja Drupada, sangsaya ri gēlēnga sang Pāṇḍawa yan prasiddhenapuyan kapatya nira ngūni ring jatugr̥ha. Ya ta matang yan ahōm sira lawan wwang sānak saguṇa- 20 buddhi mwang sang Karṇa Śakuni Duśśāsana. Sēḍēng nirāhōm, manangkil ta sang Widura ri mahārāja Dhṛtarāṣṭra, umujarakēn i manah nira n prasiddha Kurukula makolih ri sang Dropadī, byakta wr̥ddhya ning Bhāratawarṣa denya. Mangkana pājar nira. Harṣa ta sang Dhṛtarāṣṭra, winaling nira sang Duryodhana inajarakēn Kurukula 25 de sang Widura. Apan tan hana sang Pāṇḍawāhuripa hiḍēp nira; ndya ta gamanta nira manuwuhakēna Kuruwangśa. Matang yan sang Dhṛtarāṣṭra makon malapa bhūṣaṇa manungsunge sang Dropadī. Kinonakēn ira ta sang Duryodhana humaḍanga makering sang Dropadī. Mojar ta sang Widura: 30

„Sājñā haji, salah hiḍēp rahadyan sanghulun. Tan pwangkulun Duryodhana tang sinangguh patik haji Kurukula. Syapa pwa ya? Rānak haji sang Pāṇḍawa, ikang sinangguh katunwan ing jatugr̥ha, ya ta karēngō ahurip mangke. Ikang prasiddha wēnang umayatakēn laras irikang swayambara, ya sang Pāṇḍawa, ling ning wr̥tta; matang 35 yan pinakamantu de mahārāja Drupada, atyanta girang ika mamantu ri sang Pāṇḍawa. Mangkana ling ning wr̥tta pangrēngō rāntēn haji.”

„Mangkana pwa, sang Widura? Bhāgyan ta ¹⁾ nghulun, yan prasiddhāhuripānaku sang Pāṇḍawa, apan tan hana pahī ning hiḍēpku lawan sang Duryodhana.”

Tadanantara datēng ta sang Duryodhana makering ari nira lawan
5 sang Karnāśwatthāmā Śakuni, majarakēn wṛtta sang Pāṇḍawa mwang hōman irāsānak, ling nira:

„Sājñā haji, ikang Pāṇḍawa rakwāhurip mangke. Ya ta pinakamantu de mahārāja Drupada. Katon ta ya krodhanya ri kami, matang yan pahōm nghulun mupāya samārganya n matya. Kunang kapang-
10 guhanya: mapranga juga nghulun kalawan Pāṇḍawa. Kenakanya donēnku ngkāneng Pāñcālanagara, pōngakēna tapwan wēdi ning pwangkulun.”

Mangkana ling sang Duryodhana. Sumahur mahārāja Dhṛtarāṣṭra:

15 „Anaku sang Suyodhana, tar wēnang aku māwak, yan tan pakamanggalya kakinta śrī ārya Bhīṣma. Sangkṣepanya, undangēn juga sira. Yapwan pangaywani ri buddhintā, samangkana kita gumawayakēna prawṛtti.”

Mangkana ling mahārāja Dhṛtarāṣṭra. Inundang ta śrī ārya
20 Bhīṣma. Śighra tēkā sira, inājñān saprayojana de sang Suyodhana. Sumahur ta sira:

„Anaku mahārāja Dhṛtarāṣṭra,

na ²⁾ rocyate wighraho me

tatan ahyun juga nghulun ri paṭukaranta lawan sang Pāṇḍawa. Waling-
25 ta tan paḍā kari sihkwa i kita lawan sang Pāṇḍu? Tumūs ta ya tēkery anakta mwang sang Pāṇḍawa. Parwan jugēki kaḍatwanta, ikang kaliliran sangke bapanta, yatanyātūtādulura. Anakta sang Duryodhana ratwakēna ri Hāstinapura, sang Yudhiṣṭhira ratwakēna ring Khāṇḍawīprastha ³⁾. Ikang punpunan wehēn samabhāga. Mangkana
30 kira-kira ni nghulun, donya mamṛddhyakēna ri kita mwang sang Pāṇḍu.”

Sumahur ta dang hyang Droṇa, ling nira:

„Sājñā haji mahārāja Dhṛtarāṣṭra, kēnoh ujār ning rāma rahadyan sanghulun śrī ārya Bhīṣma. Paramārthadharma ngaran ikā. Kunang
35 ikang kaparitahā de rānak haji mahārāja Duryodhana, sugyan darpā

1) sic G; al.: bahagyan ta

2) cfr. Skr. 203.1: na rocate wighraho me

3) Skr. Khāṇḍawaprastha

wairā sang Pāṇḍawa: tan dadya rasikâgëlënga, yan katonâsih rahadyan sanghulun. Matang yan undangën usër, pamawākëna mās maṇi rājayogya, warahën yan parwan ikang kaḍatwan. Yayā ubhayā ning pwangkulun.”

Mangkana ling ḍang hyang Droṇa. Sumahur sang Widura: 5

„Sājñā haji mahārāja Dhṛtarāṣṭra, sugyan ta kahidëpa doṣa ning wigraha de haji. Ikang Pāṇḍawa rakwa mangekaprāṇa lawan sang watëk Yadukula, linawad de sang Kṛṣṇa ngkāna ring Pāñcāla. Mangkin apagëh manahnya tumëmwakën hayu hidëpnya, apan sayogya sang pinakāśraya nikā. Tëkwan pwa yan makarāma tuha mahārāja 10 Drupada, sinahakāryan ta ya de sang Dhṛṣṭadyumna Śikhaṇḍī. Aparan ta kasangśayanya donën? Sangkšepanya, kënoh śabda śrī ārya Bhīṣma mwanḡ ḍang hyang Droṇa. Yogya sira pituhunën de haji, ikang kumonakëna sang Pāṇḍawa undangën. Apan akweh sarwadāna, matang yan tar wikāraha buddhi rasika.” 15

Mangkana ling sang Widura ri sang Dhṛtarāṣṭra.

„Aringku sang Widura, kadi hana amara ¹⁾ rumakṣa ri hayu ni nghulun. Bheda sangkeng nīti ning Śakuni lingta ikā. T asy-asih tātën i nghulun, kitātah lumakwāngundanga sang Pāṇḍawa, mangilwakëna mās maṇi rājayogya, majarakëna kagirang ni nghulun ri 20 swastha sarika kabeh mwanḡ ari ni nghulun sang Kuntī, konën tēkā usën.”

Mangkana ling sang Dhṛtarāṣṭra. Lumampah ta sang Widura. Saḍatëng nireng Pāñcālanagara, sinungsung ta sira de sang Pāṇḍawa. Mwanḡ sang Kṛṣṇa hana tapwan umulih ring Dwārawatī, umilu 25 sumwāgate sang Widura, karuhun mahārāja Drupada. Mojar ta sang Widura:

„Sājñā haji mahārāja Drupada, atyantāgirang mahārāja Dhṛtarāṣṭra, an karëngö sang Pāṇḍawa pinakamantu de rahadyan sanghulun. Makon ta sira mangilwakëna ²⁾ mās maṇi rājayogya panglawada ni 30 nghulun ri hana sang Pāṇḍawa. Nda nāhan ta kapintonan ikā ri rahadyan sanghulun. Kunang ājñā śrī ārya Bhīṣma kumonakën ikang kaḍatwan parwāna, sang Duryodhana ratwa ri Hāstinapura, sang Yudhiṣṭhira ratwa ring Khāṇḍawīprastha, ikā tang punpunan winch samabhāga, yatanyan paḍa wṛddhya sira kālih. Matang yan ḍatëng 35 nghulun mangke, umundanga rānak haji sang Pāṇḍawa.”

¹⁾ atau: kadi hanaha mara?

²⁾ ω: mangilyakëna

Mangkana ling sang Widura. Sumahur mahārāja Drupada, ling nira:

„Ārya Widura, atyanta kēnoh dahat de śrī ārya Bhīṣma kuminkin kahaywan i putu nira kālīh, makadon sukhā niking rāt kabeh. Kunang
5 ambēka sang Pāṇḍawa sirâwēkas ikā, yan hana kahyun ira n muliha.”

Sumahur sang Kṛṣṇa, ling nira:

„Ārya Widura, nghulun mangatēra ¹⁾ sang Pāṇḍawa, manēmbahe mahārāja Dhṛtarāṣṭra, karuhun ikā śrī ārya Bhīṣma. Apan tan hana pituhun sanghulun kabeh lena sangke pakon ira. Haywa ta tan singgih
10 śabda nira n parwan ikang kaḍatwan.”

Mangkana ling sang Kṛṣṇa. Māyu tikang alapkēna. Ri huwus sang Widura tinamuy ring bhojana yathāsambhawa, amwīt ta sang Pāṇḍawa ri mahārāja Drupada, tumuhwakēna ri pangundang mahārāja Dhṛtarāṣṭra. Inastungkāra ta sira. Umilu ta sang Dropadī angiring ri
15 dewī Kuntī. Sang Kṛṣṇa milu mangatēraken. Makonkonan ta sang Widura mājara ri mahārāja Dhṛtarāṣṭra, an haneng hawan sang Pāṇḍawa. Kinon ta sang Wikarṇa manungsunga. Tan asowe ḍatēng ta sang Pāṇḍawa, manēmbah ri sang Dhṛtarāṣṭra, karuhun i sang ārya Bhīṣma mwang ḍang hyang Droṇa. Pinēkul ta sirenarēkan wet ning
20 harṣa; mogha ta sira kapiluh. Mangkana sang Duryodhana sānak kapwāmarahakēn girang nira. Inarpaṇākēn tang kaḍatwan satēngah ri sang Pāṇḍawa, kinon atūtādulura masilih-asiha mwang sang Korawaśata. Enak ta manah nirâsilih-asih pwa sira n patūt ²⁾ wēkasan. Ginawe tikang kaḍatwan irikang Khāṇḍawīprastha, pinakakaḍatwan
25 sang Pāṇḍawa, paripūrṇa kagawayanya, tan hana kakurangnya ring bapra-prakāra jalagraha-paniṣkāra, sapakēkēs ning kaḍatwan, sāksāt Indraloka kahidēpanya. Matang yan inaranan ring Indraprastha. Pratiṣṭha ta mahārāja Yudhiṣṭhira huwus kṛtābhiṣeka, makāng-garakṣāri nira patang siki. Tatan hana kālähala nira, huwus enak
30 tândël nireng singhâsana. Amwīt ta sang Kṛṣṇa muliha, sangka yan ati ³⁾ malawas sira. Inanumata sira de sang Pāṇḍawa.

¹⁾ sic G; al.: mangatērakēn i(ng)

²⁾ ω: sirâpatut

³⁾ I: sangsayan ati

WIRĀṬA PARWA

1.

PARA KORAWA BERUNDING.

Byatitan kaprakāśa pējah sang mantri Kicaka karēngō ring deśā-
ntara, t ucapa ta sang Duryodhana. Sira tātawe catursūkṣma, lumaya-
laya kahanan sang Pāṇḍawa. Bhrāntāhyun aputēran ta sakweh nikang 5
kinon mangutsāhana, kahēnti kalyan saparyanta nikang Bhāratawarṣa
denya. Ndatan pawang mātra juga yomanggihakēna sang Pāṇḍuputra.
Sangka ri tan pāwasānanya ri hiḍēpnnya, mantuk pwa ya tumēṇḍas
irikang deśa Hāstinapura. Sadatēngnya ri Gajāhwaya, tumuluy ta
ya tumame dalēm rājya. Kapanggih ta mahārāja Duryodhana sēḍēng 10
agoṣṭhi mangālocita lawan sawwang sānak nira kabeh, makasahā-
yerikang Trigarta-mahāyodha mwang sang Karṇa, Śakuni, Jayadratha,
pinakāgramanggala bhagawān Bhīṣma, ḍang hyang Droṇa lawan
sang Kṛpa. Sakaton mahārāja Duryodhana tēkap nikang dūta, manēm-
bah ta yātēhēr mojar: 15

kr̥to ¹⁾ 'smabhiḥ paro yatnaḥ teṣām adweṣate sadā
Pāṇḍavānām manuṣyandra tasmin mahati kānane

„Sājñā haji, tan pahīngan göng ni yatna patik haji kabeh, kumot-
sāhākēn kapetan i sang Pāṇḍawa. Tēlas kāhasan tekang deśa paradeśa
de ny anak wēsi haji tēkeng alas guhā gahwara durga sangkaṭa, astam 20
ring grāma janapadāryadeśa tuwi, ndatan karēngō juga wr̥tta-mātra
ning Pāṇḍawa. Akonkonan ta patik haji mareng Dwārawatī, nyā-
pantahan pangēpēpa ring Yadukula musuh mahārāja, yayā ta pwang-
kulun tan hana mangkana. Sangkṣepanya, panēnggah patik haji,
pējah juga nggān i pwangkulun kabeh, apan tan karēngō paranya 25
mwang kahananya nguniweh sakriyānya. Ndya tekang menakolaha
patik haji ri pāduka parameśwara, tumaḍaha nīti sang nātha gati
ny anak wēsi haji.

Hana mata wr̥ttāntara pawwata patik haji ri pāduka parameśwara:
ikang Trigartadeśa sahāya sang prabhu ring raṇakārya, ya tikā lanā 30

¹⁾ cfr. Skr. 25.9: *kr̥to 'smābhiḥ paro yatnas teṣām anveṣaṇe sadā,*
Pāṇḍavānām manuṣyendra tasmin mahati kānane.

durbala, pinakādu-laga ry anteka (?) ¹⁾ sari-sari tēkap nīpe mahārāja Wirāṭa, kaka nirang mahadewī Sudeṣṇā, sang Kīcaka ngaran i pwangkulun, patih parnah rasika ngkā ri Matsyapati, sangkēp ring sinangguh guṇa, krama ning mantri utsāha mahāwīra nītimān śaktimān kṛtajña
5 kṛtapradhana śūra dhīra wāgmī tuwi. Sarika ta mahādbhuta nikang deśa Trigarta ring lagi. Mati pwa rakwa sarika mangke, pinējahan ing gandharwarāja ring rātrikāla, inariṣṭākēn tekā kabeh tēke kula-wāndhawanya. Alib ta sukha nikang Trigarta mangke tēwēk ning wṛtta karēngō tēkap patik haji mangke kāla ning umet ikang Pāṇḍawa
10 juga.

Sājñā haji, pratyawekṣan (?) ²⁾ ta tēkap parameśwara dwa-singgihnya, akonkonana dūta mareng Wirāṭa. Ndan yayā pangēnoha ri jñāna parameśwara ta pwangkulun.”

„Dū mangkā kupwa. Ndi ta kunēng paran ikang Pāṇḍawa mangke
15 harah? Wēkas ning ajñātasambatsara ³⁾ tiki kāla mangke, meh-meh putusa sēngkēr nikang trayodaśawarṣa. Ya ta linalwaken sakarēng, kamēna ya sangrabdhā n lumagāna ng Korawa. Kunang tāpan ⁴⁾ katon tan wēnang sahawan lawan sang sajjaneki kabeh, makanimitta wirūpa ni karmanya n tamolah ring alas, niyata yan waluy manusup
20 ring alas. Matang nyan haywa siga-sigun rahadyan sanghulun kabeh, nissandehāntasukha tikang rājyamaṇḍala. Kāka ni nghulun sang Karṇa, takarin mangkā pangādeśanta?”

„Sājñā haji, tan mangkana hiḍēp ni nghulun. Apa ya tan ping-rwāna kari tēkap ing magawe cāra sūkṣma? Waspadākēna ya tan
25 kapanggih wṛtta ni sang Pāṇḍawa. Anung prayatna mahāwiśeṣa mahāwidagdha, ya tekā konēn mahārāja mahasāpēningana ring śāla salokamaṇḍala. Kunēng ri hiḍēp patik haji, wwaya anak wēsi parameśwara, wadwa ni pinakanghulun, tan apa pinakadūta ring lagi, agēlēm mawyawasāya (?) ⁵⁾ buddhi ning pwangkulun.”

30 „Sājñā haji, patik haji si Duśśāsana huningan śabdanya de haji. Ardhāpingging olug nayopāya mahārāja Karṇa ri hiḍēp ni nghulun, apan makon ya magawaya cāra sūkṣma muwah. Wiphala prahāsa

1) sic? A: pinakadukagagaryanteka; BC: pinakadugalagaryanteka (C mungkin: durga); D: pinakalanadurlaryanteka; EFGHI: pinakadurlagaryanteka.

2) sic? A: pratyupekṣan; BCDFGHI: pratuwekṣan; E: pratupekṣan

3) ABE: ajñātacaryan, Cfr. Skr. 26.3: teṣām ajñātacaryāyām asmin varṣe trayodaśe.

4) ω: kunang tapwan

5) sic? ABE: wyamwawasaya; al.: ywamawyasaya

hiḍēp patik haji, apayapan kumwa pangāśangkā ni ngwang: ikā n kaniścayāna wr̥tta ning Pāṇḍawa mātra, pilih mati kapēlēke ryak ning lwah mahādurgama juga, ya tan mati pinangan ing sarwasattwāgalak ngkā ring alas. Dūrāntara yāhūripa juga ri hiḍēp patik haji. Ndan antyakēna i rāma rahadyan sanghulun ḍang hyang Droṇa tēkap haji.” 5

„Uḍū taham pwānaku, tan hana tarka ni nghulun mangkana, pisaningu juga n pējaha ikang gangsal sawēka, yan kadi ling ny anak ni nghulun. Dumeh ni nghulun ta mangkana:

sūrās ¹⁾ *ca kṛtauidyās ca buddhimanto jitendriyāḥ*
dharmajnās ca kṛtajñās ca rājānāṇ cāpy anugrahāḥ

10

Sūra mata ya, wihikan ta ya ring sarwāstra, prājña tuwi, wēnang anapak rāgendriya, wruh ta yeng dharmayukti, mengēt ring sinangguh tutur, matangwan pinēkēt ning warah ikang kaprabhun ²⁾, tumūtakēn sojar ing aji. Mangkana sang catur-Pāṇḍawa, bhakti matwang ri sang Dharmātmaja. Sang kinatwangan wisih, mangkana pwa ya 15 sira: atyanta mahācāra de nirāngiringi buddhi, parasparopasarpaṇa tēkap ning mangēn-angēn. Ring kapana ta yan kapangguha ng kaduryaśan tēkap rasika, pisaningu pējaheng paran ya? Niyata mangan-tyakēn ikanang kāla ri hiḍēp mami. Kunēng ikang deśa kahanan rasika pih, ya sēḍēng kawruhana lawan takwanakēna. Apa tânung 20 deya: kami lumakwāngindangana saha lawan brāhmaṇādhikāra siddha ³⁾, panggil kami nohana rumēngō wr̥tta ning Pāṇḍawa. Bhagawān Bhīṣma, salah kari kamēna naya ni nghulun ike?”

„Sājñā mpungku, kēnoh dahat śabda rahadyan sanghulun, wēkas ning sinangguh dharmātmaja kētika sang Dharmātmaja. Ndyā ta matang 25 nyan tan swasthā sang Pāṇḍawa, apan saparanya n kināḍaran kina-gorawan inariwuwu ring prīti lawan inak ambēk. Sangkšepanya, sungguh wuwus ning kadi rahadyan sanghulun bhagawān Droṇa.”

„Ndan ling ra brāhmaṇa mpu mata mangkana, niścaya juga ra brahmarṣi n pangrakṣāngherakēn samaya sang Pāṇḍawa, apan pa- 30 kakarma ⁴⁾ satya sādhu paramārthanya. Kunang ri hiḍēp ra brāhmaṇa mpu, ndah dēlē-dēlōn tēkap rahadyan sanghulun bhagawān

¹⁾ cfr. Skr. 27.2: *śūrās ca kṛtauidyās ca buddhimanto jitendriyāḥ*,
dharmajnās ca kṛtajñās ca dharmarājam anuvratāḥ.

²⁾ AB: manggwan (corr.: matangwan) tănēkēt ry awara ning kaprabhun

³⁾ sic C in margine; al.: brāhmaṇa dhiraka siddha

⁴⁾ AB: pakadharma

Bhīṣma, kumwa de ning ameta wr̥tta ning Pāṇḍawa: yan hanā ta
 pwa ya deśa mahāwibhawa nīroga nirupadrawa prabhunya, dadya
 juga hana sambhawa ning Yudhiṣṭhira hana yan mangkana. Hanā
 ta deśa janapada göng dānapuṇya, nīti ring ācāra yukti, priyambada
 5 ta ya, satyawacana wi ta ya, maharddhikâtarggwan wruh ing śāstrâ-
 gama, śucy ata yâpagwana göng irang lawan kaśāntan, ring deśa
 mangkana kramanya kahanan ikang Pāṇḍawa tamolah hana ngkāna.
 Bheda sangkerika, hanā ta deśa göng brahmamantra, nityaśāhyun
 mangēnākēn yajñakarma, anibākēn hudan sari-sari, amaripūrṇākēn
 10 tan pakāla, ngkā ta rēngwakēna pinakapangheranta kabeh kahanan
 ikā sang gangsal wēka. Muwah hanā ta dwīpa samangkā lwirnya:
 ngkā tayāna cora, ngkā tayāna duṣṭadurjanadūta, ngkā tayāna bhaya
 lawan lapā, ri samangkana sēsēgēn (?) atah paḍiryaṇa sang Pāṇḍawa
 ngkāna. Asing deśa pawitra paripūrṇātah rēngwakēna ring bhoga
 15 panglitlitana ri wr̥tta ning lima sānak.”

An mangkana wuwus ḍang hyang Droṇa, mojar ta bhagawān
 Bhīṣma ring mahārāja Kurupati:

„Sājñā haji, kasungguhan mara wuwus rāma sang nātha. Yathā-
 yathā dahat de nirāwarah ring yuktinaya. Kunang pwa deya nātha,
 20 magawaya upāya nīti juga rahadyan sanghulun harah bapa. Haywā-
 sampēnēh ring kārya yukti.

nāvajñeyo ¹⁾ *hy aris taka prākṛtāpi wibhuṣitah*
kiṃ punaḥ Pāṇḍawān tena satya wijñātum antataḥ

Ikanng musuh rakwa, sājñā haji, yadyapin sāmānyajanmā pangadēganya,
 25 tan dadi rakweka kinawada ²⁾ kinasampayan de sang mahyun ing
 mahāwibhawa. Kimpunaḥ tikang Pāṇḍawa, haywa juga tan kaprih
 kotsāhanya, kawruhana kahananya, apan atisaya ng kamahātman
 iriya. Nihan tang nīti yukti ngaranya:

swarāṣṭra-pararāṣṭreṣu ³⁾ *jñātavyaṃ balam ātmanaḥ*

30 Kawruhana wadwa ning musuh tēke wadwa ning kulamitranya mwanng
 kulawarganya muwah göng ning kośawāhananya; lawan ikang wwang

1) cfr. Skr. 29.4: nāvajneyo ripus tāta prakṛto 'pi bubhūṣatā, kiṃ
 punaḥ Pāṇḍavās tata sarvāstrakuśalā raṇe.

2) kināwawāda?

3) cfr. Skr. 29.6: svarāṣṭre pararāṣṭre ca jñātavyaṃ balam ātmanaḥ

māsih tan māsiha kuněng, mwan̄g ikā lwir ing udāsina. Kěnākěna ¹⁾ tang catur-upāya: dāna bheda daṇḍa sāma. Nāhan mār̄ga ning musuh lwir kakawaśā. Upasāntwan tang mitra lawan bala, kapwa kālanya inak amběknya mwan̄g mēsah hananya. Kunang kayatnākěna ning kadi sang prabhu:

5

*sandhiś ca wighrahaś caiwa yānam āsanam ewa ca
dwaidhībhaṇḍam sangśrayaś ca śaḍguṇam cintayet sadā*

sandhi ngaranya pamitran, *wighraha* ngaranya patukar, *yāna* ngaranya yātra ning lumakw anukū, *āsana* ngaranya asing tamolaha ngke kaḍa-twan, *dwaidhībhaṇḍa* ngaranya kawibhāgan ing wadwānghera lawan ¹⁰ lumakwa, *sangśraya* ngaranya sang mamintāśraya kāla ning āpad-gata. Nāhan tang śaḍguṇa ginuṇākěn sang jagatpālaka. Lawan ta waneh hana sapta-prakṛti ngaranya, ya tikā wehěn paripūrṇa de sang prabhu. Ndyā ta ya:

*somyawakyo janapado durga drawiṇasañcayaḥ
dandanītiś ca mitrañ ca sapta prakṛtayo matāḥ*

15

swāmī ngaranya sang prabhu, *amātya* ngaranya patih, *janapada* ngaranya grāmasamūha, *durga* ngaran ing wiṣṭi pangrakṣa rājya, *drawiṇasañcaya* ngaran ing makěmit mās maṇik rājayogya, *daṇḍanīti* ngaran ing kinon wruheng hala hayu ning sarwaloka, *mitra* ngaran ing ratu ring dwīpā- ²⁰ ntara, rowangan ing manunggal kār̄ya. Samangkana bungkah ing mangarēp sanggrāmakār̄ya ngaranya. Haywa ta mahārāja pralabdhāśa kari, wehěn sangkěpātah pakěkēs ning kacakrawartyan de nareśwara.”

Mangkana pitutur bhagawān Bhīṣma ri sang Korawa. An mang- ²⁵ kana tekang Trigartarājāwuwus ri mahārāja Duryodhana:

„Sājñā haji, tēlas manděl pějah ngaran ikang Kīcaka. Katon ikang Wirāṭa nirutsāha mandawīrya niyatanya. Mapa ta deya parameśwara? Kumwa tiki kahyun patik haji: lumakwa dumona Matsyadeśa juga menaka. Śirṇākěna kaḍatwanya tēkeng grāmajanapadanya, ³⁰ rampasěn mās maṇiknya, hañangěn anak rabinya, hěntyakěna sahāyanya mwan̄g wāndhawanya kabeh, sabhāgya n̄ kawaśākěnanūta ri lěmah ni pāduka parameśwara, tamběha ning sahāya haji. Kunang yatanya tan niṣkāraṇā lwir ikang laga, gograhaṇa tiki(ng) nīti gawayěn,

¹⁾ C: hěněngakěna; al.: hěnakěna

alapĕn lĕmbunya sahasrakotĭ, yatanyan asĕnghitâmapaga ring raṇa-
madhya. Haywa ta hinĕlĕm-hĕlĕm de haji, kâladeśa ning pwangkulun
mangke.”

„Uḍū uḍū hāhāh! Atyanta enak ny angĕn-angĕn i nghulun denta
5 sang Suśarmā. Sang Karṇa, mapeki nĭti rasiki sang Trigartarāja?
Kĕnoh karika? Calan ata yan hanā kahiwangnya.”

„Sājñā haji, yogya dahat abhiprāya ni pwangkulun. Kunang
deya mahārāja, adandana juga rahadyan sanghulun samagri n tan
hana kārĭha kabeh, ghoṣitāna sakweh nikang wadwa, pasangĕn tang
10 ratha, rasukĕn sakweh ning wāhana. Mangkana ra kaki rahadyan
sanghulun bhagawān Bhīṣma, ḍang hyang Droṇa, ḍang hyang Kṛpa,
milwa ta sira kabeh pakātmarakṣa parameśwara. Kunang ikang
Pāṇḍawa, hayweniwō ri kocapanya. Nisprayojana ngwang magaway
sarambha¹⁾- nĭtĭrika, apan hĭnārthabala niyatanya, dady atĕhĕr
15 tan palalamukan mata nggān ikā. Yan tĕlas mati, sĕḍĕng sa-Wirāṭa-
pura jugâdimūrĭti parana.”

2

PEREBUTAN LEMBU

Tĕlas enak pāyu ny alapkĕna sang Korawa lawan ikang Suśarmā
Trigartarāja, buka hyang sakatambe lumampah ta sira, tumĕṇḍas
20 ri pradeśa nikang palĕmbwan ing Wirāṭa. Rwawĕlas kulĕm lawas sang
Korawa ring hĕnu, ḍatĕng sira ri kaṇḍang nikang gosamūha, saptamĭ
krṣṇa ring Āṣāḍha-māsa kahaḍang nikang kâla. Irikâ tang Trigarta-
yodha saha lawan tuhanya prasāritāngala-halângalap lĕmbu pirang
kotĭ, sinikĕpnnya pinrangnya pinĕjahanya, bheda sangke sinangsāranya,
25 dudū tikā binandhanya. Sakatamberikang aṣṭamĭ pwa ya ta, gumanti
ta sang Korawaśata umariṣṭākĕn ikang gokula sapaṇiṣkâra. Awrĕg
abyuran tikang wrṣabha humung angohan tĕke wuruknya, nguniweh
ikang gopâla milu kahala-hala. Hana ta sasiki malayū mareng rājya,
prayojananya marĕk i mahārāja Matsyapati. Ndan mahārāja Wirāṭa
30 sĕḍĕng maweh sewa ring taṇḍa rakryan sira kabeh, pinatangkilakĕn
ing bhaṭṭamantrĭ purohita mwang sang catur-Pāṇḍawa. Kunang
sang dwija Kangka sirâparō rowang irângucap. Marĕk tikang gopâlâ-
tĕhĕr anĕmbah, akusut sâk nikâ rambutnya, akuyu-kuyw aringĕtnya.

1) sangrambha?

„Sājñā haji, tēlas parikṣīrṇa nya¹⁾ sahananya anak wēsi haji, sinukū rinampas pinaribhawa de nikang Trigarta-mahāyodha. Pirang koṭi kunang lwang ikang lēmbu denya; atyanta kanirghṛṇan i pwangkulun. Tumaḍah ry anugraha-wigraha mahārāja patik parameśwara.”

An karēngō wuwus nikang gopāla tēkap mahārāja Matsyapati, kinon ira tekang balamantrī kabeh mangkata, lumagāna prang nikang Trigarta-yodha. Mijil tang ratha turangga padāti sāmānya, tēlas sangkēp ring sañjata, sēnāha ng kawacāmasang tutup. Tatan wuwusēn ikang sāmanta juru ring Wirāṭa, bheda sang rājaputra kulaputra mwang ari mahārāja Wirāṭa kālih siki, mangaran Śatānika mwang Madirâśwa²⁾. 5 10

Ya tikā sēnaddha paripūrṇa ring sarwāyudha, abhrâsinang kawaca rukma lawan rukuhnya. Mangkana mahārāja Matsyapati tēlas amasang bhūṣaṇa lawan sarwâstra. Iniring ta sira de ning watēk śūra mahā-prawīra, lanāngalahakēn śatru ring lagi. Kadi prabhāwa ning sūrya lwir ning kurug lawan sañjata. Kapwa tikānunggang ring śakaṭa hiraṇmaya. Pinasang tang taṇḍa mahārāja Matsyapati, kinēnākēn sakweh ning dhwaja, makagurilap teja ni maṇiknya ring antarāla. Wēkasan pwa ya mojar mahārāja Wirāṭa: 15

„Aringku sang Śatānika, angkatakēn sang dwija Kangka saha lawan sang Ballawa, Granthika, Tantipāla. Tan dadya rasika tan wruhâprang ri hidēp ni nghulun. Tarimākēn tikung ratha kawaca dhwaja lawan cāmara; kon ta rasikāmilihana sañjata sakahyunya.” 20

Uddeśa mahā āja Wirāṭa mangkana, malayū ta sang Śatānika, mangatagakēn sang catur-Pāṇḍawa. Tan pahīngan sukha ny angēn-angēn sang catur-Pāṇḍawa r kasambe ring samara. Mapa kēta sira n umunggu i wuri mahārāja Matsyapati: ri wuntat sang Pāṇḍuputra mattamatangga liman sagala tan papramāṇa göngnya lawan ruhurnya mwang galaknya, prabhinnakâkweh humis tan pakāla medanya. 25

kṣarantam iwa jīmūtāḥ

Tatan hana pahinya lawan megha sēḍēng manghudanakēn, 30

calantam³⁾ iwa parwatāḥ

hanan kadi gunung malaku-laku. Tambis mata yan tan kawēnang tinunggangan, kanya tan widagdha śūra ikang sārathi ring hastiśikṣā. Nēmang puluh iwu kweh nikā. Ri huwus nikā tumūt tang ratha kāñ-

¹⁾ sic B; al.: dya

²⁾ Skr. Madirâkṣa

³⁾ cfr. Skr. 31.32: calanta iva parvatāḥ

canâbhrâglis linaryakên alëyëp lakunya; wwalung iwu patang puluh kwehnya. Tumût tang kuda sapaniskâra, bâyuwega drës ni lakunya, pitung laksa wilang nikâ. Apa ta halëp nikang balomijil sangka ring pura: apramâṇâprameya kahidëpanya. Ākāra nēmang tabëh datëng
 5 mahārāja Wirāṭa ring tēgal paprangan. Mangsö bala mahārāja Wirāṭa, mapagakên wūk nikang Trigarta-mahāyodha. Arangkit arangkëp ikang laga, kapwa tan hana mundur ngaranya, kadi prang nikang dewâsura kahidëpanya. Apa dumehnya n mangkana:

10 *ratho*¹⁾ *rathais samājagmuḥ pattibhiś ca padātayaḥ*
sādibhiś cādinās sārddham gajās cāpi mahāgajaiḥ

ikang rathâtëmu lawan ratha, padāti laganya padāti, kudârangkit paḍa kuda, ikang aliman marangkëp mwanng paḍanyâliman. Mëiëk tikang lëbū ring raṇamaṇḍala, nora pakatonan ngaranya rikang kâla, kasahakâryan mara ya de ni panah sang sûra. Kadyenatëp ring antarikṣa
 15 tëkapnya.

ādityo 'ntaradigbhayam

Tatan katon teja sang hyang Āditya, tuhun dilah ning warayang mwanng larap ning dhanuh sarwakhadgânëlēhi gaganântarāla. Ri samang-kananya n pëtëng tan pasingkaban, ndatan kawihasekan manah
 20 sang wira. Ndatan pararyan manghabëtakên kṛtala mwanng paṇḍi; tan pëgat lëpasnya śakti tomara ri tangan ira. Tatan wuwusën kweh nikang kawandhângawatāra, kadi wit ning kayu tëlās tinëbas pakatonanya, kahalânglayang tēṇḍasnya lawan bhūṣananya. Sök sësëk tikang samarabhūmi de ning tibā ning bāhupāda pësāt de ning khadga.
 25 Paḍëm tekang lëbū wëkasan de ning hilī ning rāh drawānarawata; mawâpaḍang pakatonan ikang langit.

Masö ta sang Śatānīka Madirâśwa; ri madhya nikang Trigartasenā tinampuh nira. Prāpta siāngduk anglëpasakên sañjata. Sātus ikang sûra pëjah de sang Śatānīka, rwang atus de sang Madirâśwa. Mangkana
 30 mahārāja Wirāṭa, sātus nēmang puluh wiânunggang ing kuda mati de nira, bheda saka rikang padātibala mahābala. Katon mara durbala ning Trigarta-yodha de sang Suśarmā, mangsö ta yânunggang ing

1) cfr. Skr. 32.9, 10: rathā rathaiḥ samājagmuḥ padātaiś ca padātayaḥ. Sādināḥ sādibhiś caiva gajaiś cāpi mahāgajāḥ.

ratha dumunung ing mahārāja Wirāṭa. Kapwa paḍa marēk manglē-
 pasakēn śilīmukha, paḍa garjitāṅgaṭṭahāsa. Mangkin aparēk arupit
 sēla nikang ratha kālih, paḍa pwānambut gadā silih tomara paraśu
 śangku cāpadaṇḍa. Hanan ping sanga mahārāja Wirāṭa n patitiś gulū
 nikang Suśarmā ring niśitāstra. Irikā ta sakasapuluh tēkap nirāṅglē- 5
 pasakēn pisan; pējah sārathi sang Suśarmā, rēmpak rathanya, kahwit
 gulūnya. Prayatna tikang Suśarmā manglēpasi śūla malēs ri sira gaṇḍi
 bhindiwāla. Rēmpu ratha mahārāja Matsyapati, parēng pangrēmpong
 ni kuda nira kālih. Sanyāsa matta sang malaga kālih, tumandang silih
 bandha. Kunang tāpan muwah mēlēk ikang reṇu ruhur ing samara- 10
 bhūmi; towi n surup sang hyang Āditya, pētēng pēpēt ikang gaga-
 nāntarāla. Aluwaran tekang prang wēkasan, paḍa mundur amet
 byūhāngusi durga sangkaṭa.

3

RADJA WIRĀṬA DITANGKAP, LALU DIBEBASKAN

Kata ¹⁾ 'ndhakāraṃ pranudann adatiṣṭhat tathāṅśuman 15
kurwāṇo wimalāṃ rātriṃ nandayan kṣatriyarṣabhān

Pira kunang antajinya, wahu huwus tēngah kulēm niyatanya,
 mijil ta sang hyang Wulan, asasaran tang timirāndhakāra, śuddhā-
 paḍang ikang rāt gumawe śuddha ni manah sang śūra. Malwi tikang
 lagābangun masuji, prasamāṅgwal bheri mṛdangga. Ajēmur arok 20
 silih wor ikang prang silih chidra. Masö ta sang Suśarmā, gumulung
 manglurung ²⁾ umarēk ri kahanan mahārāja Wirāṭa. Tumēḍun pwa
 ya kālih sangkeng ratha manambut gadā, tēkāmupuh anēmbung ta
 yāmubat animbat tan tahēn hati. Tibāngrēpāṅgēḍēpēk kuda mahārāja
 Matsyapati, kahiring śakaṭanya rēmēk cakranya kālih. Ndatan arēs 25
 manah mahārāja Wirāṭa, sanistanya n mati sārathi nira, mangkin
 atitir atarik de nirāṅdukakēn tomara. Ndatan pinakewö, pinarēk
 pinarēpēkan, binwang binubat ring gadāstrawara, kaparēk sira sinikēp
 binandhanātēhēr tinawan.

¹⁾ cfr. Skr. 33.2: tato 'ndhakāraṃ pranudann udatiṣṭhata can-
 dramāḥ, kurvāṇo vimalāṃ rātriṃ nandayan kṣatriyān
 yudhi.

²⁾ manglurug? sic C in margine.

*tasmin*¹⁾ *gr̥hīte wirathe Wirāṭe balawantare*
balam sariweṣu bhagnaś ca nirutsāhaṃ nirarthakam

I sēdēng nira kagraha kabandhana mahārāja Matsyapati, irikā
tikang Wirāṭabala katrēsan giri-girin sahananya. Bāhulyātahēna
5 pinrang tinūt sahananya, norāpulih milw alah surākṣakanya kabeh.
Sakaton mangkana de mahārāja Yudhiṣṭhira, mojar ta sire sang
Bhīmasena:

„Antēn i nghulun sang Ballawa, tinghalana mahārāja Wirāṭa
kabandhana katawan de nikang Trigartarāja. T asy-asih ta bapa
10 luputakēn sira sangkeng pāsagrahana. Ngke kita n walēsāsih nira ri
kita. Ike sahurtenak ambēk juga mahābhāra. Sahurēn tikā prih pisan
ri kālā ning mangke. Yeki sinanggih paramārthasajjana ngaranya,
si tan humēnēnga mangke sang āsih manghidēp lara.”

„Sojar mpu dang hyang, tan sangśayā rahadyan sanghulun. Nihan
15 tikang kayu tan pahingan göngnya lawan ruhurnya. Sākṣāt lipung
pangadēgnya ri bhaṭāī Pṛthiwī.

*ewam*²⁾ *ewa samārutya drāwamiṣyāmi śātrawān*

Ya tikā dawutēn i nghulun tulya gadāstra panglēmuka śatru.”

„Aringku sang Ballawa māskw apa karih? Haywa kita sāhasa
20 dumawut wit nikang mahāwrkṣa. Tar yogya pakasañjata ikā denta,
nyapan tahan kawruhana Bhīmasena de nikang wwang kabeh. Anung
juga lenāstra ni bapangku. Kuya tang cāpadaṇḍa khadga paraśu,
sambutēnta saka tēngēn³⁾ y antēn i nghulun salah siki ta. Tan kita
juga pitunggalakēna. Sang Granthika Tantipāla tumūtakēna kita.
25 Nghulun tuwi sahāyānta. Ndah bwati kita kabeh, haywa hanopir-upir
de ning mangēn-angēn.”

Mangkana ling sang dwija Kangka. Samagri samāngrēgēp ta
sira sañjata, paḍa sāhasomasō. Kolāhala n kagyat awrēg tikang Tri-
gartarāja-mahāyodha, tinitihan inaṇḍēhan binwatan prang. Sewu
30 kweh nikang wira pējah de mahārāja Yudhiṣṭhira. Sātus patang puluh
mati de sang Bhīmasena. Sang Nakula samangkanātah pējah de nira.
Kunang sang Sahadewa sātus tigang puluh ulih nirāmējahi. Mangkin
asāk śirṇāsakit apulih tan polih atahēn. Dhīrāsēnghit ikang Trigartarāja,

1) cfr. Skr. 33.10: *tasmin gr̥hīte virathe Virāṭe balavattare, prādra-*
vanta bhayān Matsyās Trigartair ārditā bhr̥ṣam.

2) cfr. Skr. 33.16: *aham enam apārujya drāvamiṣyāmi śātravān*

3) tangan?

tumandang umusir kahanan mahārāja Yudhiṣṭhira. Kapwa ta paḍa
silih panah, paḍāngibēki nabhastala. Prayatna sang dwija Kangka,
anambut warayang atyanta laṇḍēp nikā linēpasakēn de nira. Rimpung
parēng pēgat suku ning kuda sang Suśarmā; tēkeng sārathinya mangaran
Prṣṭhasoma kapisanan masakit kaninya de ning nārācabhalla. Malayū 5
tikang catūrakṣa¹⁾ mangaran Śodaśwa, arēs mengas yâkētēr hatinya
tumon i tuhanya kesisan kapitunggal. Tumurun ta mahārāja Matsyapati
sangke ratha nikang Suśarmā, apulih umuntab muntarang manah nira
wēkasan. Gadā nikang Trigartarājāgulang-gulang ring ratha, ya ta
sinambut nira. 10

*wṛddho*²⁾ 'pi taruṇo yathā

Kadi sēḍēng taruṇa ta pwa panghiḍēp nire śarīra nira, sanyāsâpuliha³⁾
lawan ikang Suśarmābhiprāya nira. Kunang tâpan yatna sang
Bhīmasena, tumēḍun sake ratha nira, mangsw anikēp sang Trigarta-
rāja, amēluk ambandha cangklingaken⁴⁾ midēr sangke wuri, kântēp 15
katungkul-tungkul tēṇḍas nikang Suśarmā, rinēnggut pinasāhakēn
ry agra ning ratha. Apa ta lwir ning wadwanya kabeh: asasaran
asusupan sāk milag kētikang alas wēgilanya. Nirāwarāṇa ta sang
catur-Pāṇḍawa malap sakweh ning dr̥wya nikang Trigartarāja saha
lawan āyudhanya maṇimaya. 20

Ndan apa kunāṅ citta sang Pāṇḍawa wēkasan: niścaya sire
śakti ni bāhudaṇḍa nira, sandehâta sira n hana sumandeha ri kapāṇ-
ḍawan ira, anāgata sira sēnggahēn dhīrabrata nira, yar gēma-gēmah
amatyana ng śatru. Ya ta matang nyan luputakēn ikang Suśarmā
wēkasan, tar grahakâmiha rikang Trigartarāja. Atēhēr ta sirāṅ- 25
hinēp ri madhya nikang samarabhūmi, yathāsukhâpa tan hana ng
katakut mātra. Kunēng mahārāja Wirāṭa tan pahīṅgan harṣa ny ambēk
nira, kahudanan mahāmṛta hiḍēp nira ri śarintēn ira.

4

ARJUNA DIADJAK IKUT PERANG

Sēḍēng anūt iikang Trigartarāja mahārāja Matsyapati, sang 30
Duryodhana ta sira muwah lumangkung kumuliling sumilib ahawan
akonkonan amet daya, akira-kirāñḍiṅgalapa lēmbu muwah,

1) cakrarakṣa? cfr. Skr. 33.40

2) Skr. 33.42

3) sic H; al.: âpulihana

4) n cangklingakēn?

dumunung ring palëmbwan kakwehan ing kaṇḍang agōṅ tapwan kaparan ngūni. Iniring ta lampah nira de bhagawān Bhīṣma, ḍang hyang Droṇa, Karṇa, Kṛpa, Śakuni mwang Jayadratha, Aśwatthāmā, nguniweh sakweh sang winīra kabeh, Duśśāsana, Wiwingśati, Wikarṇa, 5 Citrasena, Durmukha, Duśśala. Samangkana pinakâgrapatitik angrëbut¹⁾ rabhasângalap lëmbu sakahyunya. Lëwih darpa ning watëk Korawa sangke kamūrkan ing Trigarta-mahāyodha. Tar wuwusën sakweh nikang gopāla mati tēkapnya, anyat ikang sinangsāranya. Hana ta gopāla luput tan ilu mati makanimitta gëlis nikang ratha 10 tinungganganya. Ya ta ḍatëng ring kaḍatwan. Kapanggih ta sang Uttara ring antahpura tēkapnya. Manëmbah ta ya mājar i pëjah nikang gopāla lawan ikang kinëmitnya:

„Sojar rakryan ārya Bhūmiñjaya, tēlas dhwasta parawaśa lëmbu rahadyan sanghulun inalap sang Korawakula, ikang gopāla pinatyan, 15 hinëntyakënya ikang rumakṣa pwangkulun. Kunang pwa deya rakryan, māsiha ta sang pangëmpwan, pëjahana tang Korawângalap lëmbu tan tahën hati, apan rakryan prasiddha pinakabāhudaṇḍa śrī mahārāja. Rakryan jugëkinundang²⁾ rāma rahadyan sanghulur ring sabhāmaṇḍalamadhyā. Aum atīśayākën kottaman ing guṇa rakryan. Ikā tang 20 kulajanma rakryan mwang kawidagdhan rakryan riking manah ning strīratna, kalituhaywan rakryan, ya tikā tēlas kaśrāpita de rāma rakryan. Makawungkalan kadharmaśūran rakryan niyata tikang śatru kaka-waśālaha de rahadyan sanghulun, apan atyanta kanipuṇanta ring sarwāyudha. Ikang laras rakryan yāngkën wiṇālakṣaṇa, talinya sākṣāt 25 tantri ulih ning mangāpyāyana, hrūnya tulya ḍaṇḍa panggupitnya, śabdanya kaharan prayoga saptaswara, musuh narārya paḍa lawan mattamatangga. Katon ta pangrëpanyârgringkula ri harëp rahadyan sanghulun, an katona kawidagdhan rakryan ing dhanurwiṇā. Sang-kṣepanya: lumampaha juga sang pangëmpwan usën. Nghing saprakāra 30 rakryan mangalahakëna sang Korawa; menggala muwah rakryan mantuk.”

„Cih hāhāh mangkā kupwa harah! Atyanta hārohara ni manahku de ning pājarmu, kong gopāla. Anung matang nyan kadi kepwan hatingku, ri denya n tan hana sārathingku juga, anung wwang trus 35 pangawruhnya ring aśwaśikṣā kadi krama ning sārathingku ikang tēlas pëjah. Kunang yan hana sārathi mangkana, tan giṇḍalangkwa n lumakwâpranga, yadyapin pāwaka salek ngwang alaga. Apa tan hana wwang katakutku ring lagi yan lena sangke sang Dhanañjaya. Anghing

1) pinakâgrapattikângrëbut?

2) juga kinundang? B: juga kinundang; H: jugëkinundang

sarika lwir tinahën-hatingku. Paramâarthanya kadi lingmu, sakṣanâku ñ jayâkëna ng Korawa, ndah yan hana sūrasārasārathi ta ya."

Śabda sang Bhūmiñjaya mangkana, kaiëngö de ning para stri ngkäneng kânakbyan. Ndan sang Dropadī pih tar wënanng humënéng sira, rumëngö kapragalbhan sang Uttara, matang nyan pamid anëhër 5 pacëh de ning awuwus:

„Sojar rakryan narârya Bhūmiñjaya, haywa rakryan sangśaya ring sārathi, apan hana pwangkulun Wṛhannala, raray sulakṣaṇâpagëh tininghalan, prasiddha pangharëp sang Arjuna guṇa ning pwangkulun. Alawas tëmbe ning katon giṇanya, kâla ning Khāṇḍawawanacarita. 10 Kakawaśa kâku kalangkungan manah nikang tunggangan tēkapnya, pariṇata¹⁾ ni pasang surud ni lampah ning ratha. Atëhër pwangkulun kināsihan de sang Dhanañjaya, apan ya nimitta nira n kawaśākën prthiwimaṇḍala. Yapwan²⁾ hana sārathi mangkana guṇanya, kâla ning tamolah ing dewī Dropadī patik rakryan wihikan. Kunang yan 15 hanâbhilāṣa rakryan makasārathya Wṛhannala, sira rāntën rakryan dyah Uttariṁ ujarana pwangkulun, yayā nggān ing tan wihanga ni pwangkulun."

„Um bhāgya yan mangkana. Dyah ni nghulun dyah Uttariṁ! Nihan pwa t asy-asih antën i nghulun dyah Uttariṁ, ndak konkon kita 20 mare sang Wṛhannala. Hana ring nṛttaśāla sarika mangko. Konën ta mangke usën denta."

Lumampah sang Uttariṁ mareng nartakīgrha. Harṣâgirang sang pinaran sagorawa maswāgatâtakwan ri saprayojana. Mājar sang Uttariṁ tēhër marëk: 25

„Kāka sang Wṛhannala, pinakanghulun kinon tēkap ni kāka ni nghulun ārya Bhūmiñjaya. Lëmbu ning Wirāṭa rakwenalap sang Korawa, śinirṇa tēkeng raray anghwan pinëjahanya. Narârya Bhūmiñjaya sira lumampaha magawaya goparitrāṇa, lumagâprang mwanng sang śata-Korawa. Kunang tâpan dolāyamāna manah nira 30 tan hana ning sārathi nireng lagi, milu pëjah de nikang gandharwarāja kâla sang mantri ārya Kicakā mati. Ya tikângde prapañca manastāpa tan hana ning maḍāni guṇanya. Sang Sairandhrī rasika tâwarah wëkasan, majaraken yan pinakottama ning sārathi mārğa nira sang Arjuna jayaśatru ring lagi. Kākarsaṇângën-angën ārya Bhūmiñjaya. 35 Ya ta kinon ³⁾ kitenundang ni nghulun pakasārathya nira r lagāna ng Kurukula. Iki kārāṇa ni nghulun mājar i kita. Parcaya sira göng ny

1) parināya?

2) HI: tapwan

3) H: ya teki don

asihta ri nghulun. Yapwan tan kāywan ike pātrakāsih ni nghulun, halēpa matya nggān i nghulun mangke.”

Ling sang Uttari mangkana, tan wihang sarika sang Wṛhannala, tēhēr adului mare kahanan sang Uttara. Mapa manah sang pināla-
5 kwan śaraṇa: mēnggēp api hīnaśakti:

„Sojar rakryan, tan sēnggahēn langghyana ng pinakanghulun ring rakryan i pakonta. Apa योग्या ning kadi patik rakryan sārathya ning malaga karih? Apan hīnakāya hīnaśakti ning kadi patik narāya.

10 *gītaṃ* ¹⁾ *wā yadi wā nṛttaṃ wāditraṃ wā pṛthagwidham* ²⁾
tat kariṣyāmi bhadraṃ te sārathyaṃ tu kuto mama

Kurang yan pangigēlāngidunga ng wwang yan kadi patik narāya, athawānggupitānabē-nabēha kunang, samangkana lwir wēnanga ning kadi patik narāya. Pisaningū n samartha ring gawe ning jalu-jalu lumakwa sārathi. Lawan ta waneh sojar rakryan, yadyan hana
15 śaktya ning kadi patik narāya sambhawāmējahana ng śatru ring raṇamaṇḍala, anghing yan padāty anapaka lēmah kawēgilana de ni nghulun, tan ilwa munggwa pṛṣṭha ning ratha.”

„Kady atulaka nghulun ring kośa guṇa rakryan. Tuhun ya tāpinta-kāsih juga sanghulun i rakryan. Yan huwus jayaśatru nghulun mēne,
20 yayā tan parigrahan i nghulun, muwaha kitāngigēlāngidunga yathā-sukha. Nda nihan tang kawaca ratnamaya pasangēnta, cihnanya n tēlas kita sinanmata.”

Mangēnākēn tang kawaca sang Bhūmiñjaya, tumuluy kumawaca sang Wṛhannala. Irikā ta yan gumuyu pacēh sakweh nikang strī ring
25 antaḥpura, lwir kajalwan citta sang Wṛhannala ri hidēpnnya. Kinēnākēn tang dhwaja singharūpa, inilwakēn tang bhūṣaṇa lawan sañjata makādi cāpa saha warayang. Manek ta sang Wirāṭātmaṃ ring ratha sarwāsiga, makasārathi sang Wṛhannala. Matang nya garjita manah sang Uttari mwang sakweh nikang kanyā kṣatriyāṅganā paricārikā, kapwa mama-
30 laku lungsuran ken-ken tapih-tapih ri sang Wṛhannala yan tēlas labdhasādhyāṅgalahakēn musuh. Ndan sang pinalakwan ardha kame-rangēn lwir nira. Tan wurung mata sumahur momakēn sapinintanyeri sira; ri dalēm hati juga n kōlakēn kanapungsakan ira.

1) cfr. Skr. 37.21: *gītaṃ vā yadi vā nṛtyaṃ vāditraṃ vā pṛthagvidham, tat kariṣyāmi bhadraṃ te sārathyaṃ tu kuto mama.*

2) ω : pṛwag.....

ARJUNA MADJU PERANG MELAWAN KORAWA

Di medan peperangan Uttara mau melarikan diri karena takut. Arjuna menahannja, menjatakan dirinja dan berganti madju berperang sendiri dengan Uttara sebagai saijnja.

Atha ri sēḍengnyātingkah byūha sang Korawa, humung, tang 5
tabē-tabēhan saha lawan patri nikang bala sāmānya. Masō ta sang
Arjuna, gumrit ratha nira, kumēlab patākā dhwaja nira, gumuruh
śabda nikang Dewadattamāyā umiring laku nira. Wēkasan mojar ta
sang Dhanañjaya ri sang Wirāṭaputra:

„Dyah Uttara, herakēn lampah nikung ratha. T ujar sakarēng, 10
ndah nghulun mingēt-mingēt tingkah nikang byūha Garuḍalakṣaṇa
ri tan katona kētikang Duryodhana de ni nghulun. Nda nda bhagawān
Bhīṣma Droṇa Kṛpa Aśwatthāmā juga hana, mwan sang Karna.
Ndi ta kunang kahanan rasika harah? Aḍā nāhan ta kahanan rasika,
kidul saparwata ri kāwakanya, marēk i kahanan i kaṇḍang nikang 15
lēmbu, apet lesya nggānya n rasika! Toh wawanēn ta rathanta ri
ngkāna. Kalinganya, makadona ni nghulun maraha ri ngkāna, ri
kahanan mahārāja Duryodhana makādi sakweh niking wwang sānakya
kabeh, makaphalā katulungan ikang lēmbu tēkaptā.”

Tan wihang sang Uttara, sininghitakēn ira tiki lampah nikang 20
ratha. Tuminghal pwa mahārāja Duryodhana, kinon ira tekang sārathi
mahenaka harēp nikang ratha. Katon pwa mahārāja Duryodhana
dinunung inangsō tēkap sang Pārtha, mojar ta ḍang hyang Droṇa:

„Rahadyan sanghulun kita kabeh, tinghalana ta prāya nikang
Dhanañjaya. Tan anggāpranga ya tan śrī mahārāja lawananya. 25

*Duryodhana*¹⁾ *Pārthajale purā nor iwa marjjati*

Kumwa hiḍēp ni nghulun: tulya parahu juga mahārāja Duryo-
dhana, meh kakēlēma ring Arjuna kāngkēn lwah ajro. Tontonēn kēta
panahnyānarawata sumamburat ring ākāśa kadi laru-laru ring māsa
kapat kahidēpanya. Tinyupnya mara śangkanya si Dewadatta. 30
Ya tāgawe wuriring ning wulu-puhun, tēkwan kātara nikang rājabhūta
pinakāgrasīkhara ning dhwajanya mabhairawâkrak mangamah-amah.

¹⁾ cfr. Skr. 53.19: Duryodhanah Pārthajale purā naur iva majjati

Ndya tiki nayopāyanta: ilu juga tulung śrī mahārāja. Nghulun tumali-
bukungana syandananya sangke wuri.”

Mangatag dang hyang Droṇa ri sang Korawa mangkata, sēnāha
ta sira kabeh paḍa marēki mamēgat i lampah nikang Dhanañjaya.
5 Sang Arjuna mangkin garwa manglēpasakēn śilīmukha, pinapag de
ning ari mahārāja Duryodhana tigang siki, mangaran Jaya mwan
Sanggrāmajit lawan Catrasaha¹⁾. Apa ta lwir ing rathanya: kady
alas atunu gēseng śirṇa kahidēpanya de ni pznah sang Arjuna kāngkēn
wiśwānala. Mangsō tang Wikarṇāhawan ratha sāhasānghudan-hudani
10 śarawarāstra. Tatan ginulang-gulang pinanah ta ya ring niśita-
koraprakāra²⁾ tēkap sang Arjuna. Punggēl dhvajanya, katuluyan
cāpadaṇḍanya. Apulih ta sang Śatruntapa; ndatapwan lēpas sañjata-
nya, rinuhunan pinējahan tēke sārathinya kārun lawan kudanya kālih.
Hāroharāwrēg sakweh nikang watēk prawira ring Korawa. Muwah
15 masō ari sang Kaiṇa mangaran Sangśa³⁾, pējah tan pasāra. Muwah
asēnghit sang Awangganātha, sāhasānglēpasakēn hrū saka rwang
puluh pisan. Ibēkan hrū kuda sang Pārtha; ngkā ta n manāgata
tangan sang Wirāṭaputra. Prayatna ta sang Arjuna, ākarṇapūrṇa
tēkap niromēṇtang laras nira. Pinanah nira ta sang Rādheya ring ma-
20 hāwiśikha, ibēkan sarwāwayawa nira tēkeng bāhu grīwa lalāṭa mwan
sarwasandhi. Glāna calitānglih agērah śaiira sang Kaiṇa, pēgat apus
ni gēlungan ira. Wulangun ta sira karēngrēng mēm de ni śakti nikang
mahāwiśikha. Kadi wukir binajra de sang hyang Indra pakatonan ira;
hanan kadi gajendra inusi ning kuda. Wēkasan abangun ta sirātēkēn
25 yaṣṭi tomara, malayw amēgil anusup ri madhya nikang wāhinibala.

Ri kālanyāsor kśaktin sang Kaiṇa de sang Arjuna, adan byūha
nikang bala muwah amet daya sangkaṭa. Masō sang watēk ratu
wīrayodha de mahārāja Duryodhana, parēng amanah amantwi tan
pēgat tēkapnyānglēpasakēn sañjata. Tuminghal ta sang Bhūmiñjaya,
30 ardhāsantun ikang prang ri hidēp nira. Ya ta matang nyan matakwan
ri sang Arjuna:

„Sojar rakṛyan narārya Phālguna, ndya tan suwukēn tumuluy,
marapwan tan poli nda ndāyaśa (?)⁴⁾ kamantyan śatru narārya.”

1) Skr. Śatrusaha

2) E: kīūraprakāra; G: g(h)oraprakāra

3) FG: Sangka

4) B: soli; C: woli; al.: poli. AB: ndandayasa; CDEFGI: ndayasa;
H: ndaya

„Sang Uttara, kumwa kahyun i nghulun. Nāhan tang rathâtaṇḍa kâñcanamaya dewatârûpa. Dang hyang Kṛpa niyata nira. Lakwakĕn tikang ratha mara ngkā, singhitakĕn ya kidul lampah nikang kuda.”

„Sājñā narârya, tan sangśayā ta rakryan.”

Mangkana sahur sang Wirāṭaputra, atĕhĕr umabĕt pukang 5
nikang turangga kanan kiri. Mapa ta lwir ni lampah nikang kuda
humir ratha: sāksāt mör anglayang kahidĕpanya. Tumuluy kumuliling
maputĕran mapradakṣiṇa ri ratha dang hyang Kṛpa. Sumawur
sumarambah ikang Korawa masö, kadi megha n tinüb de ning pra-
caṇḍânila kâla ning Māghamāsa kahidĕpanya. Harṣa ta sang khecarâ- 10
nonton sangkerikang ākāśa, lwirnya yakṣa, gandharwa, mahoraga,
suiâṅganā, kinnara, tāpasa siddhi, makagurilap sĕnōnya ring ākāśa.
Atip atap ikang wimāna pinakawāhana sang watĕk dewatā wiśeṣa
makādi sang catur-lokapāla Indra, Yama, Baruṇa Kuwera, lawan sang
ratu siddha mahāpuruṣa makādi mahārāja Bhṛga¹⁾, mwan Nahuṣa, 15
Yayāti, Dilīpa-prabhṛti. Sumrak minging gandha nikang sarwakusuma,
pamuṣita ning watĕk dewatā sumawur i madhya nikang palagan,
harṣānonton prang nira sang Dhanañjaya mwan sang Korawakula
kalinganya.

Etan ²⁾ *nirantaram śūro waladarṣasamanwitaḥ*

20

Sakṣaṇāntajinya masö bhagawān Kṛpa, paripūrṇa ring kaśūran
mwan kaśaktin. Kapwa ta sira paḍa manyup śaṅkha kâhala lawan
sang Arjuna.

dhanuṣo ³⁾ *rājā wiwyātha Pārtham daśabhiś śidarah*

Sinambut tang cāpadaṇḍa de nira, tĕnggĕk sang Arjuna pinatitis 25
nira, saka sapuluh pisan de nirāṅglĕpasakĕn prĕsangka. Malĕs ta sang
Dhanañjaya, warayang patang siki pamanah nira ri kuda dang hyang
Kṛpa. Lumumpat ta ya mrĕjat mangandhanu ndatan kawĕnang
dhināraṇa. Ndatan adwa kajĕmbak kawalik bhagawān Kṛpa sangke
prṣṭha nikang ratha. Mahyun sira lūdĕn ring paramāstra de sang 30
Arjuna ngūni, kanya tan agōṅ twang sang Arjune sira. Humĕnĕng
ta siĕāṅgiṇḍit laras nira. Sakṣaṇābangun manah dang hyang Kṛpācarya,

¹⁾ D: nṛtga; E: bhṛta; F: nṛga; al.: bhṛga. Skr.: Bhṛgu?

²⁾ cfr. Skr. 57.12: etasminn antare viro balavīryasamanvitaḥ

³⁾ cfr. Skr. 57.16: tataḥ Śāradvatas tūrṇam Pārtham daśabhir
āśugaiḥ, vivyādha paravīraghnam niśitair marmabhedibhiḥ.

muwah mamanan ring ratha. Bhallasāyaka pamanah nire sang Arjuna, saka padbēlas pisan de nirāṅglēpasakēn. Winalēsan sireng bhallaśara de sang Arjuna, pēgat laras nira, tumimpal sake bāmahasta nira. Muwah pinanah ta sireng nārācasāyaka ¹⁾. Rēmēk kawaca nira, 5 sumirat mutyahāranya, ndatan wineh katuluyanāwak nira, nirwikāra manohara lwir nikang śarīra,

samaye ²⁾ *mucyamānasya sarpasyaica tanu yarthā*

an kadi ulā milungsungi ring śaratkāla. Ri samangkananya tēlas tugēl apasāh langkap nira, muwah sirānambut laras waneh. Muwah tinugēl 10 de sang Indrasuta. Asēnghit citta dang hyang Gotamaputra, limpung alaṇḍēp sakilan pamanganya n hinulwala nira. Apa ta lwir ni lēpasnya sangke tangan ira: pradīptāṅgarab-arab umurub dilah ny apuynya. Apa ta ganta sang Arjuna tan katugēlana, kanya tan pwa ya lalanānawat ri warayang. Tugēl apasāh tikang lipung haneng bhūmitala.

15 Muwah sang Arjunāmanahakēn hrū tigawēlas kwehnya. Linēpasakēn ira pisan, mogha wibhāga; tunggal angēne hunungan ing ratha, patang siki amējahi kuda, tunggal angēne sārathi, sasiki mangēne ḍaḍa bhagawān Kṛpa, sasiky angēne tēṇḍas nira, tunggal angēne kūwara ning ratha, r'wang siky angēne wēṇu cēlēk ning rathāṅga, 20 ga, r'wang siky angēne panghrēt sana-sini. Rēmpak ratha dang hyang sād'haka, pējah kuda nira kālih, tugēl cāpadaṇḍa nira, pējah sārathi nira. Lumumpat ta sirānambut gadāpulihi umasō. Wahw angayat mupuh amrabhāwa dang hyang Kṛpa, tinugēl gadā nira niśitakrūraprṣṭha tēkap sang Arjuna,

25 *pratimārgam* ³⁾ *athāgamat*

tumibā ta yeng bhūmitala. Kerangan manah dang hyang Gotamāṅśa, pinapulihakēn ta sira de ning watēk Korawabala mahāwīra, sumaput anghudani ring śarawarāstra, atēhēr amalaywakēn bhagawān Kṛpācārya. Lunghā ta sira lumumpat-lumpat tan amput-amputan.

1) CEFGI: karapucchasāyaka

2) cfr. Skr. 57.28: samaye mucyamānasya sarpasyeva tanur yathā

3) Skr. 57.40

ARJUNA MELAWAN DRONA

Ri tēlasnya sor prang bhagawān Kṛpa de sang Arjuna, masō ta bhagawān Drona. Gumrit ratha nirātaṇḍa kamaṇḍalu kāñcana, winatēk ira tang kapilâśwa¹⁾ patang siki kanan kerī, tumihang cāpadaṇḍa nira. Marēk ta sira sumungsung sang Dhanañjaya. 5 Lumangkung tang wirabalāngambuli kumasut ratha sang Pāṇḍusuta. Parēng ta yāruh-aruhan matri humung sahananya, kadi śabda ning sāgara ghūrṇita kahidēpanya. Kapwa tāhujungan aputēran ikang ratha kālih, paḍa śīghra lāghawānampil ring lēmah pakatonanya. Harṣa pwa sang Arjunāṅabhiwādāgawe sāmawacanapūrwaka²⁾ : 10

usēwakṣo ³⁾ *wane wāsam puntikarma bhinirṣawah*
kopi nārhaḥi wah karkung sadā samaradurpādaḥ

„Sājñā mahābrāhmaṇa, warakṣamākēna rānak rahadyan sanghulun, tan sēnggahēn gurulangghyanānādara. Sanghulun bhramitālawas anusup ring alas de ning bañcanopāya rahadyan sanghulun kabeh. 15 Ahyun amalēs anahura hutang larāmbēk ta sanghulun mangke. Haywa ta rahadyan sanghulun kahanan sēnghit lawan krodha. Huningan pūrwaka nikang krodha mangke.

ahan ⁴⁾ *tu prahrtaḥ pūrvam prahariṣyāmi te 'naghaḥ*

Kunang kasora ning pinakanghulun ri denya n śiṣya, kalēwiha ning 20 kadi rahadyan sanghulun pinakaguru: rumuhunāṅglēpasakēna sañjata ta rahadyan sanghulun, kamēna ni nghulun amalēsana.”

An mangkanābhiwāda sang Pāitha, lumēpasakēn śarasampāta dang hyang Drona, saka sātus sewu tēmpuhnya ri sang Arjuna. Malēs ta sirāmanahakēn hrū wara tan kinawruhan kwehnya. Apa ta 25 lwir ing paḍa śakti mahāprabhāwa: paḍa pinaṇḍiteng diwyāstrakalpa,

¹⁾ ω: kapilasya. Cfr. Skr. 58.1: śonāśwah

²⁾ ω: śaṇatwaśanapurwaka. Cfr. Skr. 58.17: abhivādya mahābahuh sāmāpūrvam idaṃ vacaḥ

³⁾ cfr. Skr. 58.18: uṣitāḥ smo vane vāsam pratikarma cikīrṣavaḥ, kopam nārhasi naḥ kartum sadā samaradurjaya.

⁴⁾ cfr. Skr. 58.19: ahaṃ tu prahrte pūrvam prahariṣyāmi te 'nagha

amuharâścarya juga ri citta nirang wīrapuruṣa, kapūhan tumon prakṛti ning kṣatriyadharma n wēnang mapratiwāclānglawan guru. Muwah dang hyang Droṇâmanahakēn prasārīta-sāyakâneka, kasahaban teja sang hyang Āditya tēkapnya, kadi meghânghudani parwata lwir
 5 ni tibānya ri sang Pārtha. Malēs sang Arjunâmanah manghibēki digantarāla. Tan anēmu hawananya sirir ikang samīraṇa, tan katon rathâwayawa dang hyang Bharadwājatanaya, kadi hunur kabunan kâla ning hemanta kahidēpanya. Tan kawihasekan¹⁾ hati dang
 10 hyang Droṇa, waluy angayat cāpānglēpasakēn nārācadurdina kadi śabda ning tamyang tinunwan kisik ni pawantahnya mwang rowang-nya; hanan kadi hangsānglayang ring śaratkâla lwirnya. Sakapisan tan hana sor mwang konggulan²⁾ prabhāwa nira. Tinonton mara prang nira kâlih kadi patukar ning mattagajendra, ikang panah kângkēn wiśitawiśāṇa. Hana tan kwa³⁾ de dang hyang Droṇāmijila-
 15 kēn kaśaktin. Parēng de niromēnuhi nabhastala mwang de nirānglēpasakēn i sang Śwetawāhana. Ndah satēmpuh ning panah nira juga śatajarjharita de ni pēsāt ni warayang sang Arjuna, anarawatāngrēmuk ring antarāla. Hana kadi līlāwarna asiwo-siwo, māmēng-amēng lwir nira kâlih, sawetnya tan hanāngucap adhikāra, tan hana wiccheda.

20 *Droṇamuktaṃ graset Pārthaḥ Pārthamuktaṃ grase(d) dwijaḥ*

Apayapan salinēpasakēn dang hyang Droṇa inawaghāta sang Arjuna, (.....?) tinarjana śinīrṇākēn de sang dwijeśwara. Mapa lwir nikang gajâśwasārathipadātibala, kahabēt de ny angin-angin ing hrū sang Arjuna:

25 *śonitatkāḥ* ⁴⁾ *smadṛśyante puṣpitar iwa kiṃśukāḥ*

drawānarawata hilī ni rāh ning śarīrāwayawanya, kadi palāśânēdēng akēmbang pakatonanya. Rēmēk tang kawaca mwang śirāgrabhūṣaṇa. Kasamburat tikang kiratbāhu saha lawan mutyāhāra. Tan hana śūra tan kacihnan kanin ngaranya de ning prabhāwa ning hrū sang Dha-
 30 nañjaya. Ndan sang Arjunāmarēpēki manglēpasakēn hrū tan paweh malēsa; kakasut kasahaban ratha dang hyang Droṇa. Huwus anglampu

1) sic GH; ABDEI: kawihastan; CF: kawihasan. Cfr. diatas h. 50.19

2) BH: kongkulan

3) GH: tan dwa

4) cfr. Skr. 58.55: śonitāktā vyadṛśyanta puṣpitā iva kiṃśukāḥ

manah senābala n ton sira kasahaban, kanya tan tēkâpuliha sang Aśwatthāmā, masēnghit yan kahala yayah nira, ṭigang puluh kweh nikang rathomiring lampah nira, sāhasānamburati hrū tan kinawruhan kwehnya, kadi Parjanyānibākēn wr̥ṣṭi pakatonanya, kāngkēn lampah ning ratha de sang Indrātmaja. Wruh pwa sang Pārtha n pakira- 5 kirābonglota manah dang hyang Droṇa, mari ta sirāngēnākēn i pungkha ning sāyaka, manta¹⁾ sēla ni tampuh ning warayang. Malayū ta sang dwijeśwarānghabeti kuda nira, tan panoliḥ umungsir i kahanan mahārāja Duryodhana; huwus rēmēk kawaca mwanḡ laras nira.

7

ARJUNA MELAWAN AŚWATTHĀMĀ

10

Ri lunghā dang hyang Droṇa ikang anak ta surēndiḥa tumulusakēn prang sang bapa. Kadi Kālāntakāmawa daṇḍa lwir nira n tumihang-akēn hrū nira mwanḡ langkap nira. Tatan hinēbang-hēbang winantwan śarajāla tan pāntara. Ndatan kady alaha n malēs amasang kaśaktin manglēpasakēn pracanda-bāṇa-sangghyāta. Śaramaya tekang deśa 15 digmaṇḍala, śabdamaya ikang nabhastala, apayapan baya²⁾ wwa-lung siki kweh nikang cāpa winēṇṭang nira pisan de sang dwijasūnu, kapwānghibēki rāt hiū nikā kabeh. Kunang panglawan sang Arjuna ring sañjata samangknana, yayānikusik ikang laras gāṇḍiwa tumihang de nira, bhedanyātali ³⁾ sangang siki, ardhaçandra hrū nikā ring satali. 20 Ya ta mawantah awantu panah nira, nāgawiṣasamūha lwirnya n katatakut. Pira hīṅgan ing kaśaktin sang dwijātmaja, mangkin kṣaya tan pasāra sapinasang sañjata nira. Sang Arjunātaḥ mangkin adhi-kāra pangawruh nira. Katon pwa tan wēnanga sang Droṇasutātāṇḍiṅ-ana tarajwanana kaśaktin mwanḡ sang Arjuna, ya ta mārga sang Karṇa 25 meśō mapuliḥ. Muwah capalāmēnuhi bhūrbhuwah mwanḡ daśadeśa ghora ghūrṇitāsarak śabda nikang cāpa winatēk nira. Tuminghal ta sang Arjuna,

tasya ⁴⁾ *kopapariwrtat*

mangkin murub teki krodhānala ngkā ri twas nira.

30

1) mēnta(s)?

2) ABH: ta ya

3) ω: talinga

4) cfr. Skr. 59.17: dadarśa tatra Rādheyam tasya kopo vyavardhata

Mulyar awēlu bhīṣṇābang ikang mata kālih. Sēdēng masēnghit
sang Karṇa mara tinghal sang Kirītī, tēkā tang wirāsenāmanah
sangke hiringan, sumahab ri palayū sang Droṇaputra. Tēhēr lunghā
5 tan katon sang Aśwatthāmā wēkasan.

8

ARJUNA MELAWAN KARṆA

Ri tēlasnya n enak tan panolih sang dwijātmaja, marēk umasō ta
sang Indrasuta, humarēpakēn sang Awanggarāja. Ndatar capalāng-
lēpasakēn sañjata, ikang wāksāyaka juga tumampuh de nira rumuhun:

10 *Karṇa* ²⁾ *yatneh sabhāmadhye bahu wacā wikatthitam*
na me śudhi samo 'stīti tyad idaṃ samupasthitam

„Ai sang Karṇa! Taha, lingnya n prakāṣa wuwusta ri harēp
ning wwang akweh kēta ya, nora kētāmaḍānāku yāwat ing raṇa-
maṇḍala. Syapānūng tumimbangana kaśaktingku karih? Kumwa
15 pinakawunganbawah prawacananyu. Ikā tang ujar mangkana, ya
tikānūng isyananyu. Haywa tan wawarēngēh ring guṇa lawan doṣa.
Tan engēt kari kamu kumonakēn sang Dropadī winudan kinahalan
ring sabhā ngūni ring dyūtacarita? Phala ning karma niṣṭhura kadur-
janaan ginawayakēn, ya tikā kapanggiha denyu mangke. Haywa tāsālara
20 n pamiṣaya krodhangku ri kamu mangke, apan dharma ngaran iki
dengkw agēlēng ri kamu. Parēk ta kamu, lēpasakēn warayangnyu.
Tontonēn ing Korawa prangku lawan kamu. Tan sēnggahēn swāt-
mapraśangsā de nike wuwusku. Ngke kamu n tona wiryangku lawan
kaśūranku. Kunang kamu, pipilana kamu katon lēkasta ring yuddhakāla.
25 Ndah tinghalanangkwa ya ta muwah, waswāsēn ta tiwasnyu.”

1) cfr. Skr. 59.18: *taṃ aikṣata vivṛttābhyāṃ netrābhyāṃ Kuru-
punggavaḥ*

2) cfr. Skr. 60.1: *Karṇa yat te sabhāmadhye bahu vācā vika-
tthitam, na me yudhi samo 'stīti tad idaṃ samupasthitam.*

„Aḍā mithyāwacanātiśayokti de niking Pārtha mojar-ujar! Kapana ko, tēkākēna gēlēngmu ngkā ring sabhāmadhya ngūni, yan kahanāna de ning kamāhātmyan mwanḡ kaśaktin! Kunēng sangka ri kahīnakā-yanmu tāngde ta ko mēnēng tumon strīmu pinaribhūta, pinakalesyamw ikang mananggah dharmasatyaśṛṅggāra. Tan kadamākēna tiwas- 5 tiwasnya ike si Dhanañjaya.

*yadi ¹⁾ tāwat wane wāso yathoktas wabhimātmahā
nātidharmārtharawiṣṭaṃ sa mayā bhektum icchati*

Atyanta kēta lawasmu haneng alas, sangsārālapānghidēp panas tīs, kathamapi hinisyanmu sēngkēr ikang samaya dwādaśawarṣa. Kenaka 10 nikā m bhinnasamaya ²⁾ kēta ya, mijilāprang ahaywa mithyākēn ikang kāla. Kunang ikā denya n manda-prabhāwamu, kumōl ta juga sahiṣṇu manahēn pāpa kalinganya. Ring apāku surudāngadwa kaśaktin lawan hīnakāya? Yadyan sang hyang Indra kētānūḡ śaraṇāmwa lawanangkwaḡprangādwardwayuddha, iwa mangkana tan ya ta 15 katakutana. Kintu mānuṣānapak pṛthiwītala, apa ta śaraṇāmwa dengku?”

„Dū mujarakēn sakahyunya ikang Rawisuta; katuhwan yan hīnaśakti. Syapa ta kunang mējahīkana wwang sānaknyu si Sangka ngūni, mwanḡ syapa ikālayū kapētēngēn ngūni? Toh warah aku kong 20 sūtatanaya!”

Upahāsa sang Arjuna mangkana, atēhēr amanah mananghāreng śilīmukha. Yatna sang Karṇāṅghabēt anawat ring kṣaraprāsāyaka³⁾. Muwah mamalēs ring śarasampāta, śatajarjharita bāhu sang Arjuna kēna denya. Krodha ta sang Dhanañjaya, tangkulak ni sang Karṇa 25 tinuju nira. Tatan adwa pēgat ta yātēhēr katimpal, sumamburat ikang hrū pinakesinya. Malēs sang Karṇomarah-marah tangan sang Arjuna, tatan wyabhicāra, tikēl tibā tang hrū minuṣṭi nira. Krodha manah nira n pinanah laras sang Karṇa ring ardhačandrākāra⁴⁾ pracanda. Pēgat ta yātēhēr tumibāpanēm belas tinēbas ring sāyaka 30 ring ardhačandra de sang Arjuna. Muwah sirāmanah ring bhalla-
tikṣṇa-sāyaka, katawingan bāhu sang Karṇa tēkapnya. Apulih tekang

1) cfr. Skr. 60.12: yadi tāvad vane vāso yathoktas caritas tvayā,
tat tvaṃ dharmārthavit kliṣṭaḥ sa mayā yoddhum icchasi.

2) atau: nikāmbhinnasamaya

3) GH: śaraprasāyaka

4) ardhačandra khara?

wirayodha pinakasurakṣaka sahāya nira, angjantra mahāṅduk parēṅ lumēpas. Ardhāsaput lwir ni kanin sang Karṇa, anginkin ta sirālayū, umilwakēn¹⁾ ikang warāyudha. Yodha prawirātēhēr gumanty apulih kabeh.

5 ARJUNA MELAWAN BHĪṢMA

Paścāt wēkasan pwa ya ri palayū sang Karṇa, tumuluya tāmḃēk sang Arjunāprangāmūka. Ya ta matang yan kon sang Bhūmiñjaya: mangswa ngke tang²⁾ syandana muwah.

10 „Narāryottara, nda nāhan tang rathāpayung śwetachattrā. Lumarap teka dhvajanya n hiraṇmaya³⁾. Unggwan ing kaki ni nghulun bhagawān Bhīṣma niyatanya. Wawa ngkā tekang ratha. Sira lawanantāpranga.”

„Sājñā narārya, tan sēnggahēn langghyana patik rakryan.

15 *nāhaṅg⁴⁾ śaktyapi bhīraṃman wiśīdanti mama prāṇāḥ
mano wihwalatīwa me nāyitun te bhayottamān*

Sojar rakryan, tar wēnang kēta patik rakryan lumakwakēnekang turanggama, sangka yan meh hilanga prāṇa ni nghulun. Tībrāṅglih manah patik rakryan, apayapan iki wuryan ing hrū ikāṅgēne śarīra
20 ninghulun, ya tikā prih umatya rasanya, sumusuk tēke jro hati. Tēkwan ikang śawarudhira mwan meda ning matangga alwar alangu mrat manambēhi glāna. Mūrchā wulangun jñāna ni nghulun, wuta panon i nghulun, drawāprasātuslwir ning hr̥daya ni nghulun.

1) ω: umilyakēn

2) sic HI; AB: marsyangke tang; C: maswang tekang ngka tang;
C': maryyangke; DEFG: maswa ngke tang

3) sic? AB: tedhwajanya n hiraṇmaya; E: tedhwajanya hiraṇmaya;
FGHI: tejanya hiraṇmaya

4) cfr. Skr. 61.4: nāhaṃ śakṣyāmi vīreha niyantun te hayottamān,
viśīdanti mama prāṇā mano wihwalatīwa me.

na ¹⁾ ca pratodaṃ nâpîsnān ²⁾ sanggyantum śaktir asti me

Tatar wĕnang manghabĕtakĕn pratoda mwan tar wĕnangmang-dhāraṇa panah, nguniweh gumĕgwana tambang nikang kuda. Halĕpa lunghā nggān iking ātma."

„Uḍū dyah Uttara, haywa kapyūhan dahat manahtha.

5

stambhayâtmānan ³⁾ dhārayet narapunggawa

Tahĕni sang hyang hurip, anghing ike yaśa ngaranya rikang wwang kadi kita kṣatriyajāti, sang maniddhākĕn kārya ring samara. T asy-asih ta pahabĕting citta rakryan, pahenak tângĕn-angĕnta, marapwan enak lampah ikang ratha."

10

Pramodhana sang Arjuna mangkana, muwah mapulih abangun citta sang Uttara. Inangswakĕn ira tekang ratha de sang Arjuna ring syandana bhagawān Bhīṣma. Tumandang ta sang Durmukhāmĕgaty angsō sang Pārtha. Tumuluy sinanghāra pinanah bāhunya ri kiwan de sang Indrasuta. Tibā tekang Durmukha sangke rathanya. 15 Mapulih tekang patang siki: Duśśāsana, Wikarṇa, Duśśaha, Wiwing-śati; parĕng amanah angrĕbut ing śarawarâstra. Prasārta tĕmpuh ning hrū ri ḍaḍa sang Arjuna. Malĕs ta sirāmibhajya hrū nikang patang siki, kaparĕk samukha lwir nikā pamanah nira. Parĕng ta ya tibā saka ring ratha, atĕhĕr alayū kapakwan panah, 20 inusir tinūt de sang Arjuna. Sumahab tang Korawabala wīrayodha, sakweh nikang surakṣakâdhikāreng raṇa ring lagi. Ya ta tumulung lumangkung angĕmbuli. Aniyutârwuda kweh ni wāhananya, ang-hrĕgung ikang mattagajendra, manghrik ikang turangga. Asahuran tikang śangkha dundubhi lawan bheri mṛdangga. Ya tomatĕkakĕn 25 twas nikang kaśūran, capalānglēpasakĕn warasañjata, anarawata sahasrakotīpramāṇa lwir ikang sangkaṭa-tomara-bhindiwāla-prabhṛti. Tumampuh ta ya rinujak rinok bhasmi dhūli tĕkap sang Arjuna. Sahasradwayâstra śilī mukha ngaran ikang hrū panglēpas nira. Pĕjah tang gajâśwarathapadātiṭeṭka sāmānya, nguniweh tikang śūra sarapung 30 nikang watĕk Korawa. Rĕmĕk rĕngga ning liman mwan rathângga;

1) cfr. Skr. 61.12: na ca pratodaṃ raśmīmśca samyantum śaktir asti me

2) nâpîsun?

3) cfr. Skr. 61.13: mā bhaiṣiḥ stambhyayâtmānaṃ tvayâpi nara-punggava

punggël ning dhwaja cāmara, makagëlënggëng wangkay ning wāhana,
makasulayah tibā nikang tēngëran lawan papan mwan galah ring
bhūmitala. Aneka kawandhāngigël apagut atarung lawan rowangnya;
5 lēmah ning raṇamaṇḍala de ning patap patip ning kuṇapācala sōk
sēsëk prakīrṇa. Apa ta lwir ning rūpa sang Pārtha n sēḍëng krodha:
rodra bhīṣaṇādbhuta prakāśa nikang prabhāwamaṇḍala ri swadeśa
nira, tathāpi diwasānanghārāngariṣṭākēn Korawasenā. Apa ta lwir
nikang rudhirārṇawa ring paprangan: ghūrṇitānglurak pakatonanya,
10 makakamarëkrëk tikël-tikëlan ing sarwāyudha, makaganggëng cali-
tāntrādarawayan prasārita, makatapwāgangga (?)¹⁾ kawaca ratna
bhūṣaṇa, makawërëh wasā ning śawa lawan pëgat ning mutyāhāra.
Aneka lwir nikang krawyāda bhūta piśācādyus irikang rāh, wijah
anunggang ri wangkay ning liman kāngkëna lilā ning nūsa ri madhya
15 ning samudra. Mangkana wiṣṭi durgama hilī nikang śonitārṇawasama.
Ndan angingkin anglanghwi tekang balasenāhyun ah iripa.

tata ²⁾ *Sāntanabo Bhīṣmo dūradharma pratāpawān*

Ri tēlasnya n parikṣīrṇa durbala sang Korawa, mangsō ta bhaga-
wān Bhīṣmānunggang ing rathāpayung śwetachattrā. Kadi halëp ning
20 udayagiri kāla sakatambe katonan ira. Tinyup nira tang śangkhātëhër
apradakṣiṇa. Harṣa manah sang Korawa tumon sirāharëp mahābhā-
ra sāhasa, rumuhun anëmpuh ing bāṇawarāstra. Tan salah tinëṇḍas ³⁾
sang Arjuna; kedër kenggut rasa ni tēṇḍas nira. Malës ta sang
Arjuna mamanah ing bhallasāyaka. Punggël dhwaja bhagawān Bhīṣma,
25 katuluyan tēkeng payung pinghe. Asënghit bhagawān Śāntanuputra,
manahakën ta sirāṣṭamukha, pinapagakën ring widyāsāyaka de sang
Arjuna. Paḍa sadṛśa sama-sama lwir nikang prabhāwa kālih; paḍa-
manahakën Prajāpatiwarāstra, Indrasāyaka, Āgneya, Śilimukha,
Komaraprasangka, Bārunāstra, Samyamārgaṇa, Bāyabyaśara. Ndatan
30 hana juga kasinghit pratāpa, paḍa śīghra lāghawa, paḍa kṛtāstrawidya,
paḍa kṛtapradhana. Wismitāścarya manah nira ring sarwabhāwa
tuminghal.

1) sic CDFGH; AB: makatapwanggangga

2) cfr. Skr. 64.1: tataḥ Śāntanavo Bhīṣmo bharatānām pitāmahaḥ

3) ABH: tēṇḍas

Pira kunang sowe nirâtakër kaśaktin, marëk ta sang Arjunā
 muwah. Kṣuradhārapatatri nikang panah nira ya ta tumugël cāpa
 bhagawān Bhīṣma. Muwah sirâhëli panah, muwah amanah tan
 anggā sora. Muwah pinanah linūdan ring kawidagdhan de sang
 Arjuna, malës bhagawān Bhīṣmângunggali manginggili kawaicitryan. 5
 Hanan kadi tulis mata pakatonan ira kâlih. Śīghra paḍa sirāngalap
 hrū ring tangkulak mwanng kâla nirânihangakën laras, lawan tan
 katëngër ikang panah yan lëpas, sawet ni kalaghutan ira kâlih.
 Kalinganya: hana lwir kady ādityeng rahina wëngi lwir nira, ri denya
 tan kucëm sakṣaṇa prabhāswara nira. Mapa kunang ri wëkasan: paḍa 10
 manggëtëm aganas de nirānglëpasakën diwyâstra. Tatan adwa këna
 ta wāmabāhu sang Arjuna. Bhagawān Bhīṣma ḍaḍa nirâsakit kata-
 lingan katapak śara, wulangun ta sira tan wruh ing lor kidul, atëhër
 pinalaywakën de ning sārathi.

10

ARJUNA MELAWAN DURYODHANA

15

Pira ta kweh nikang huwus kaparibhawa de ni śakti sang Arjuna.
 Asing wwanng mahāpuruṣa kabeh sih ¹⁾, tathāpi tan wënanng atakëra
 prabhāwa lawan sang Sawyasāci. Tuminghal pwa mahārāja Duryo-
 dhana, krodhāsinghanādâtëhër tuminghal taṇḍāgra sang Arjuna ring
 niśitāstra. Masö sāhasa sirānuju ring bhalla krūra pracanda. Kataṇḍës 20
 lalāṭa sang Arjuna, muñcar rāhnya kadi dhāturāga, atëhër pinaka-
 puṣpālangkāramālā nira. Masënghit ta sirāmalës ring wiśakalpaśara.
 Kapwa tângiringi chidra lawan gamāgama ning hati. Sang Wikarṇa
 yatna muwah umangsö tumulung sang kâka, manunggang ring syan-
 dana patang siki. Ndatan hinarëp-arëp kaparëk de sang Arjuna, wihang 25
 winawarëngëh rikang kaparākraman ira. Tan wiluma tëmpuh ni panah
 sang Arjuna, trus limpad kumbha ni liman sang Wikarṇa tëkapnya,
 kadi dhātu mijil sangka ring wipulopala hilī ning rāhnya. Tibā ta
 yâtëhër pëjah tan pasāra. Lumumpat sang Wikarṇa, tumuluy manek
 ri ratha sang Wiwingsāti. Samangkana mahārāja Duryodhana pingrwa 30
 sira luput de ni panah sang Arjuna, kaping tigâtampingan tīkṣṇa-
 bhalla ḍaḍa nira. Alayū ta sira lawan bhaṭa wirâtawan kingking, tinūt
 inungsī de sang Pārtha, atëhër linëpasan śara kangkapattra tan pāntara,
 sinahakāryan wāk-niṣṭhā mahānirbhaya:

1) sic B; al.: sira

„Ayay sang Kurupatya, ndi parananyu? Pangher sakarëng kapwa mangke yan sinanggah śūra ngaranya. Matinggal kīrti yaśa kapwa ng wwang kadi kamu mānadhana, tan erang anglëbur śāsana ning mahākṣatriya-puruṣa rasika, kaśmalālayū ring raṇamaṇḍala?”

5 *moghan*¹⁾ *tamidam bhuwi nāmadheyam*

Ya tikā nirarthaka n pakanāma Duryodhana, tatan nirukti ri sangajñanya²⁾. Apan kayogyan ing makangaran Suyodhana: tan suruda ry aranta ring raṇa wirodhâprang winuwus kēta salampah nikā. Tuna ngaran ing mangko kewalya Suyodhana jugâpa mon
10 kalahanya. Kumwa ta sang Dhṛtarāṣṭraputra. Tolihën syandananyu!”

*niwartitaḥ*³⁾ *tadwacanāṅkuśena mahāgajam mattam iwāṅkuśena*

An mangkana kawākprakaṭan pragalbha sang Arjuna, maluy ta mahārāja Duryodhana, kadi mattasāmajāṅguling de ning angkus
15 bhāwa nira. Bhagawān Bhīṣma mwang sang Arkasuta pinaka-pārśwāṅgapit ring ratha nira; dang hyang Droṇa Kṛpâcārya pinaka-pangharëp nira; Wiwingśati Duśśāsana pinakapṛṣṭhāngrakṣa ri sira, bheda sangkeng wīrayodhâpramāṇa wilangnya. Parëng pwāmanah ring wṛṣṭipāta. Tangeh ikang prang ri hiḍëp sang Arjuna, ya tan sang-
20 kṣepan ring uttamâstra. Ya ta matang yan sang hyang Wimohanâstra pinasang nira, atëhër dinuluran japârâdhanatattwamantra. Tinutūtan mara ya śangkhanāda tēkap nira. Ibëkan pënuh tikang digantarāla de nikang śangkha si Dewadatta. Nidrâturū ta sang watëk Korawakula tan hanāngrëngö rât, niścetanâluperg sañjata. Norâtutur
25 ngaranya, wipatti wiparīta sāksāt mati pakatonan ikā de ni göng ni prabhāwa nikā sang hyang Wimohanâstra.

Tuminghal ta sang Arjuna, labdhasmṛti manah nira atutur i śabda sang Uttarī ngūni mwang sakweh ni wëkas-wëkas ning stri ring antaḥpura ngūni. Mājar ta sira ri sang Uttara:

30 „Sojar rakryan dyah Uttara, labdhamanorati ngaran ing mangke kṛtayaśāṅgalahakën śatru mahāśakti. Kunang pwa deya rakryan: haywa ta wismṛti pawëkas rāntën rakryan dyah Uttarī mwang prārthana nikang kulāṅganā ngūni.

1) cfr. Skr. 65.17: moghaṃ tavedaṃ nāmadheyam

2) sic AB; al.: sajñanya

3) cfr. Skr. 66.1: nivartitas tasya girāṅkuśena, mahāgajo matta ivāṅkuśena.

ācārya-Śāradvatayos ¹⁾ *tuśukle*

Karṇasya pītaṃ ruciraṇ ca wastram

Droṇasya rājaś ca tathaiwa nīlam

wastre samādatswa rathaṇ ca wira

Bhagawān Droṇa mwanṅ bhagawān Kṛpācārya sira tāpangadwa 5
dhota dhawala ²⁾ rājasingha; sang Karṇa pwa turanggagātra pītām-
bara; sang Aśwatthāmā mwanṅ sang Duryodhana pwāwastra nīlawarṇa
manitra (?). Ya tikā kabeh alapēnta pakoliḥ-ulihante dalēm rājya.
Kunang bhagawān Bhīṣma, nāhan ta sirātanghi, tan ilw atimohita. 10
Matang yan mangkana:

jānāti mestripratighātāmāma ³⁾

apayapan wruh sira katulakan ing Wimohanāstra. Ndan haywātakut
rakryan ri sira. Nghulun tumibākēna sireng diwyaśāyaka.”

Ling sang Arjuna mangkana, lumampah sang Uttara sangka ring
ratha, nirwādhaka tēkāngalapi wastra. Muwah sira tumampil ing 15
ratha nira, tēhēr umabēt pukang nikang turangga kālih, muwah
umundur mare kahanan ira ngūni. Wawang bhagawān Bhīṣmāmālēs
anūt ing sāyaka anarawata sahasratomara pracanda pamanah nira.
Śatajarjharitāwak sang Arjuna tēkapnya, katēkeng sārathi mwanṅ
kuda. Krodhāmbēk sang Kirītī, pinanek harēp ing ratha, muwah 20
sārathi bhagawān Bhīṣma pinatitis nira, pēgat tēnggēknya kalēnggak
ing ratha. Kerangan bhagawān Bhīṣma. Sang Arjuna līlāngadēg ing
ratha yathāsukhāpar huwus wijaya. Samāntarānglilir mahārāja Duryo-
dhana, mari kahanan mohita. Tinon ira sang Pārtha śāśwata nirwikāra
nirbhayāpagēh ring kamānadhanan, mojar ta sire bhagawān Śāntanu- 25
putra:

„Sojar bhagawān kaki, apa mārṅga nikang Dhanañjaya luput de
rahadyan sanghulun? Kadi rūpanya n darpāmaribhawa ring Korawa
hiḍēp ni nghulun tan wehēn suruda.”

„Anak ni nghulun mahārāja Duryodhana, tan kahiḍēp kaśaktinya 30
n mangkana sang Pārtha de haji?

¹⁾ cfr. Skr. 66.13: ācārya-śaradvatayoḥ suśukle Karṇasya pītaṃ
ruciraṃ ca vastram, Drauneś ca rājnaś ca tathaiva nīle
vastre samādatsva narapravīra.

²⁾ sic? A: dosa; B: dota; al.: dotra. Atau: pangadw-adw a(was)tra
dhawala?

³⁾ cfr. Skr. 66.14: jānāti so 'strapratighātam eṣaḥ

kwa ¹⁾ *te gatā buddhim abhūt kwa wīryam*

Ndi karika prājñā haji kasih? Ndi kawīryan ing tanayan mami bapa, matang nyan mohita niścetana tēkap ni sañjata ning Phālguna? Rasānana tang prabhāwa mangkana lwirnya. Aparimitâtīśayeng
5 kamāhātmyan; saprayojananya juga siddhakāryāwasāna kinatakutan tan wyabhicāra.

apāpyasya ²⁾ *mano wiśīṣam*

Tapwa ya n pangangēn-angēn hala wi ta ya, kewala dharma-parāyana juga manahnya.

10 *sarwastitah* ³⁾ *sno nihatah ne tasmin*

Kakawaśa kaparājaya kitālah tēkapnya, norānggarit mātra salah siki. Matang yan sājñā haji:

kṣipram Kurūn yāyi Kuruprawīre

Mulih usēn juga kenakanya. Ikang lēmbu huwākēna muwah
15 wehēn yathāsukha. Ghōṣitan sakweh ning Korawa, kon anēhērakēna ng lēmbu lawan gopālanya, marapwan tan pangde kadurnayan ri haji."

Mangkana pitutur bhagawān Bhīṣma, koluyan (?) ⁴⁾ tāmḃēk mahārāja Duryodhana, humēnēng tumungkul āśā. Lwir kasrēpan sira
20 kabeh, mangaywani wuwus bhagawān Bhīṣma. Kapwa mangekapak-
sāngantukakēna, apan kapwānāgata sira ri hurip mahārāja Duryodhana. Samārpat pwekang alapkēna, kasukhan mata ⁵⁾ sira kabeh sahana ning Korawakula mwan bhagawān Bhīṣma-Droṇa-Kṛpa-prabhṛti.

1) cfr. Skr. 66.20: kva te gatā buddhir abhūt kva vīryam

2) cfr. Skr. 66.21: kartum na pāpe 'sya mano wiśīṣam

3) cfr. Skr. 66.22: sarve na tasman nihatā raṇe 'smin, kṣipram Kurūn yāhi Kurupravīra.

4) ω: kolihan

5) sic CDGI; AB: kasunanmanta; E: kasukan matta; H: tasukan matra. Kāsukhan dari asukha?

tān ¹⁾ *prasthitā manasaṃ Pārtho*
Dhanañjaya sarwa Kuruprawīrān
ābhāsamāno nayayuh muhūrtam
sampūrṇajayārtha raṇe

Ry antuk sang Korawamahābala tuṣṭa tângēn-angēn sang Arjuna, 5
 matang nyan pagawe ta sira n samodhana upaśamawacana, angar-
 caṇānūt wuri manglēpasakēn hrū kāngkēn puṣpānjali, tinulis man-
 trākṣara namaskāra. Bhagawān Bhīṣma sinumpingan kapō nira kālih;
 dang hyang Droṇa Kṛpācārya tinajugan sasiki sowang; tēke sang
 Karṇa Aśwatthāmā mwang Korawakula kapwa sinangskāran ²⁾ 10
 hrū sira kabeh. Kunang maharāja Duryodhana makuṭa nira inagra-
 śekharaṇa sāyakapuṣpa makacihna sang Pārtha n sādhana ning deśa.

Byatitan lunghā mantuk sang Korawakula, sang Arjuna mangkin
 paripūrṇāndēl nikang lakṣmī ri sira ngkā sininghitan de ni prakāśa
 nikang wānaradhwaja. 15

hr̥ṣṭo ³⁾ 'wawīt tatra sa Matsyaputram

Saka ri göng nikang hr̥dayatuṣṭi mojar ta sire sang Uttara:

„Sojar rakryan sang Uttara, waluyakēna lampah nikang ratha
 de rakryan, ndak pupulakēn sakweh nikang lēmbu kahañang de ning
 śatru ngūni; mwang ikang gopāla kabeh konēn amahenakāmbēknya. 20
 Ndan ilu ta ya ngkāna irikang gobraja, kamēna mantukeng rājya.”

Tēlas pinahayu n impēnakēn sakweh nikang lēmbu mantuk i
 kaṇḍangnya sowang-sowang, kagyat ta sang Arjuna hana wwang
 adulur akweh mijil sangkeng alas. Ndan kadi bhāwa ning trāsātakut
 sahananya, lumuputakēn bhūṣaṇanya, angure gēlungan akusut ke- 25
 śapāśa, wēlēkang alapā wwe paḍānglih, tēkānēmbah mangabhayāminta
 paritrāṇa:

Pārtha ⁴⁾ *kaṃ kuravāma te*

„Narāryārjuna, huripēn sanghulun kabeh, humadanga tar lang-
 ghyana sājñā ning rahadyan sanghulun, makahulune talapakan rakryan 30
 juga, makātmajīwa kasēmbahan ing pāda sang pangēmpwan.

¹⁾ cfr. Skr. 66.25: tān prasthitān prītamanāḥ sa Pārtho Dhanañjayaḥ
 prekṣya Kurupravīrān, ābhāsamāno 'nunayaṃ muhūrtam
 vaco 'bravīt samparihṛtya bhūyaḥ.

²⁾ E: sinēkaran

³⁾ cfr. Skr. 66.29: hr̥ṣṭo 'bravīt tatra sa Matsyaputram

⁴⁾ cfr. Skr. 67.4: Pārtha kiṃ karavāma te

wayaṇ cārjuna te dāsāḥ parṇaḥ pūrwāṇ ca cedane

Tan engët kari narārya, hulun rakryan mara nghulun iki kabeh, ikang tinohakēn de rahadyan sanghulun kāla ning nita. Den kady asih rakryaṇ i nghulun ikana, mangkanāsiha rahadyan sanghulun 5 mangke.”

„Uḍū aum-aum kita kabeh, tan sangśayā kite sāmbeḳa ni nghulun. Tan dadya nghulun tan karuṇātmaka, tuwi kita lūd kāsy-asih pina-katoh ning anita, yāwat hana tangis ning kadi kitāminta śaraṇa.

10 *anāthān duḥkhitān dīnān kṛśān wṛddhān parājītān
tyaktāstrān nirāśāṇ caiwa nāyam hanmi kṛtāñjalim*

Anātha ngaran ing tan pāsraya; *duḥkhita* ngaran ing wwang ala-rākanin ring laga; *dīna* ngaran ing kāsy-asih tan pasahāya; *kṛśa* ngaran ing wwang akuru de ning lara mwang lapā; *wṛddha* ngaran ing kabayan ya lilu tumakul; *parājita* ngaran ing huwus sor prabhāwanya; *tyaktāstra* 15 ngaran ing wwang huwus atinggal sañjatanya; *nirāśa* ngaran ing tan hanenambunya māsiha; *kṛtāñjali* ngaran ing wwang manēmbah. Ikā ta kabeh tan dadi nghulun umējahi mangkana lwirnya. Sangkṣe-panya, haywa kita kabeh tan pahenak ambēkta, apan huwus sumuhun reṇu pāda ni nghulun.

20 *swasti* ¹⁾ *wrajata dadraṃ wo na bhotawyaṃ kathaṇcana*

Nda lumakwa ta kita kabeh, wiśāta saparananta, yayānā nirmaraṇa nirwighna ri kita.”

Anumoda paśānta sang Arjuna mangkana, harṣa tāmbeḳ nikang Korawabala, sakweh nikang aminta jīwita.

1) cfr. Skr. 67.5: svasti vrajata vo bhadraṃ na bhetavyaṃ kathaṇcana

UDYOGAPARWA

I

ARJUNA DAN DURYODHANA MENTJARI SEKUTU

An mangkana pāyu nikang alapkēna, maluwaran tikang goṣṭhi-wicāra. Kapwa mantuk sira kabeh; mahārāja Kṛṣṇa tēlas umulih mareng Dwārawatī. Ri wuntat nira irikā mahārāja Drupadākon 5 sang brāhmaṇa purohita lumakwa, hiniring de ning ratu sāmanta mahāśūra, tēlas pinitēkētan i saprayojana mwanng ri de ning mangē-nākēna sandeśopasāntwa.

Byatīta hana ring hawan sang dūta purohita, mangrēngō ta mahārāja Duryodhana ry antuk mahārāja Kṛṣṇa. Malayū ta sira 10 ngkāna ri Dwārawatī, śighra tēkāpar pahawan kudāgēlis. Ndan sang Arjuna kawēnangan ry Ānartana(ga)rī sira de mahārāja Duryodhana rumuhun, tēkālungguh ri hulwan ira. Sang Arjuna wēkasan tēkānēm-bah dumunung ri dagan ira. Samuhūrtāntajinya matanghi ta mahārāja Kṛṣṇa. Katon ta sang Arjuna de nira. Manolih pwa sira, katon ta 15 mahārāja Duryodhana. Kapwa ta sira kālih sinwāgatan irātēhēr atakwan saprayojana nira. Sumahur ta mahārāja Kurupati:

„Sājñā haji, matang nyan palayū rāka haji mare rahadyan sanghulun, hana niking wairiwigraha lawan sang Pāṇḍawa ya tiki sinewakan i nghulun ri haji, an tan hana paritrāṇa ni ¹⁾ nghulun waneh bhedā 20 sangke rahadyan sanghulun. Kumwa ta de mahārāja: yadyapin kapwa sambandha gati ni nghulun mwanng sang Arjuna, tathāpi rumuhun rāka rahadyan sanghulun ḍatēng. Nghulun juga wehana śaraṇa.

*pūrwāñ ²⁾ cābhigatan santo bhajante pūrwacāriṇaḥ
twañ ca śreṣṭhatamo loke satām adye Janārdanaḥ*

25

Ikā sang mahāpuruṣa ngaran nira, asing rumuhun ḍatēng pwa rakwa pinaritrāṇan ira. Mahārāja pwa ya ta prasiddha wiśeṣa ning sajjana ngke ring loka. Ring kapana ta rahadyan sanghulun tan pangāropaṇā ri sapinta ni nghulun.”

¹⁾ ω: na

²⁾ cfr. Skr. 7.14: pūrvam cābhigatam santo bhajante pūrvasāriṇaḥ, tvam ca śreṣṭhatamo loke satām adya Janārdana.

„Uđũ aum aum mahārāja Duryodhana, singgih rahadyan sanghulun pūrwaka n datēng. Ndan sang Arjuna rumuhun katon de ni nghulun. Kumwa ta wēkasan:

5 *tawa* ¹⁾ *pūrwambhigamanāt pūrwañ cāsyāpi darśanāt*
sāhāhyam ubhayor ewa kariṣyāmi Suyodhana

Rahadyan sanghulun kālih kapwâropanan i nghulun, phala ning rumuhun datēng mwang priya ning rumuhun katon. Tuhun kumwa bhedanya: kārya ning rare ngaranya rumuhun rakwa siddhākēna. Ya matang nyan pinakanghulun awak sâwak milwa ri sang Pāṇḍawa,
10 tan lēkasānggēgwa sañjata. Kunang maparnahe rahadyan sanghulun ikang watēk Nārāyaṇa-gopāla sārwuda kwehnya, atisaya mahāśakti.”

Mangkana ling mahārāja Kṛṣṇa. Harṣa tâmbēk sang Arjuna. Mahārāja Duryodhana tēlas tumarima ikang Nārāyaṇa-gopāla sārwuda, tumuluy ta sira mare kahanan śrī ārya Baladewa, amintā śaraṇātah
15 sādhyā nira. Kumwa ta sahur sang ārya Baladewa:

„Sājñā haji mahārāja Duryodhana, tēlas kasākṣyan de mahārāja Wirāṭa iki wuwus ni nghulun ngūni, an kapwa sambandha gati rahadyan sanghulun de sanghulun, yuktīlwana ri saprayojana. Kunang apa tan wēnang parangmukha nghulun mwang ari ni nghulun
20 mahārāja Kṛṣṇa. Ya ta matang nyan tan sang Pāṇḍawa sang Korawa ilwan i nghulun. Mangadēge tēngah gatyā ni nghulun.”

An mangkana sahur sang ārya Baladewa, tumuluy tā sang Duryodhana mare sang Kṛtawarmā, atēhēr tinariman ²⁾ wadwa sākṣohiṇi. Mantuk ta sira harṣāgirang sapariwāra nira.

25 I lunghā mahārāja Duryodhana mojar ta mahārāja Kṛṣṇa ri sang Arjuna majarakēn tan papranga nira, tuhun mājara ring nayopāya juga sira. Sumahur ta sang Arjuna:

„Sājñā haji, yayā wēnanga ni nghulun matyana ng sarwaśatru an pakāśraya-manggala rahadyan sanghulun. Tan saka ya matiki (?)
30 panēmbah ning pinakanghulun, an sārathya ning pinakanghulun ta rahadyan sanghulun, yatanyan tirwa yaśa prabhāwa rahadyan sanghulun.”

¹⁾ cfr. Skr. 7.16: *tava pūrvābhigamanāt pūrvam cāpy asya darśanāt, sāhāyyam ubhayor eva kariṣyāmi Suyodhana.*

²⁾ sic? ABEFGS: tariman; CDH: tabhiman

„Aum aum antën i nghulun sang Dhanañjaya, sakahyunta ta pwa siddhākēna ni nghulun.”

Pāyu ny alapkēna kālih nira mangkana, harṣa tâmbëk sang Arjuna, anēhër madulur mare mahārāja Yudhiṣṭhira, iniring de ning Yadukulawiragaṇa.

5

2

SAÑJAYA MEMBERI LAPORAN KEPADA PARA KORAWA; LALU DIUTUS KEPADA PARA PĀṆDAWA

Bhawiṣyati māwan ta sang hyang Āditya, mantuk sang ratu sahana manangkil kabeh, tuhun sang Sañjaya jugānganti. Irikā ta sang Duryodhana n parahasyātaña-taña mamēngë-mēngën ri sang 10 Sañjaya:

„Ai Sañjaya, toh māsy-asih warahakën ikā tēmën-tēmën kweh ning wadwa ngke lawan sang Pāṇḍawa. Ndi lëwih prabhāwanya lawan sor ing kaśaktin. Haywa ta tan duga-duga de ning mājar-ajar.”

, Sājñā haji, tan wēnang patik haji mājara ri rahadyan sanghulun, 15 apan tahan sanggahën ¹⁾ piśunawacana patik haji kētika. Kunang yan ahyun paramēśwara, rāma haji mwan rena rahadyan sanghulun milwāngrēngwakēna, apa tan dadi humiḍēpa tan satorasih ning pinakanghulun.”

An mangkana sahur sang Sañjaya, datēng ta bhagawān Byāsa 20 sakeng sūkṣma, anakala tar kinawruhan sangkan ira, tēkâkon mājar-ajara ri sang Sañjaya. „Sakrama sang Kṛṣṇa Dharañjaya ta pwa yojarakēna,” ling nira; „haywâgigu mujarakën satuhu-tuhu.” Tēlas pwa sirâkon mājara, muwah ta sira sūkṣma nabhamārga. Apagēh ta manah sang Sañjaya n pājar-ajar wēkasan. 25

„Sājñā haji, kadi ling patik haji ngūni, tar kēneng upalakṣaṇa ng kamāhâtmyan ri sang Pāṇḍawa, apan hana mahārāja Kṛṣṇa ri sira. Mahārāja Kṛṣṇa ngaran ira sākṣāt Wiṣṇumūrti, wēnang sakala-jagat-wyāpaka, siddhâgawe wighraha ring sarwaloka, mâyākriḍa nira ng sarwa, lîlā nira ng pralaya-sthiti-sanghāra, icchā nira manganākēna 30 trailokyamaṇḍala mwan manayākēna. Sira humyangi ng bhūr-bhuwah-swah. Sira sumingi ng caturyuga paramârthanya. Sira waṣitwa pramāṇa ring sarwajanma. Ndyā ta mārğa sang Pāṇḍawa tan lëwiha?”

¹⁾ ω: sanggahan



Mangkana pinakādi ning śabda sang Pāṇḍawa pinājarakēn de sang Sañjaya. Yekāngde prihati ri mahārāja Dhṛtarāṣṭra. Mangucap ta mahādewī Gāndhārī, kumonakēn anak nira tangguhana. Tinanguhan pwa sang Duryodhana, an pakasahur tānghera ¹⁾ ng lumakwa
5 mare mahārāja Kṛṣṇa, apan huwus śabda nira ngūni ri sang Arjuna kāla ning paḍāmintāśraya. Ya ta matang nyan gēsēng ati mahārāja Dhṛtarāṣṭra mwang mahādewī Gāndhārī. Wēkasan sang Sañjaya juga pinintakāsih nira:

„Sañjayānaku, ngke ko n katon asihmu tēmēn dengku. Māsy-asih
10 harah tānaku, iki tangis mami kālih tēkākēn i mahārāja Kṛṣṇa. Dhṛtarāṣṭra Gāndhārī ta pwa kilayu, lingamwa. Sēmbahakēn tikā śabda mami kālih. Kumwa tikā pintan ri sang Kṛṣṇa: dharmāśara-
nāgata si tinghala rasika ri kahīnapuṇyan mami kālih. Nora waneh inarēp-arēp mamy āsiha yan lena sangka ri sang Janārdana. Tan dadya
15 mata ko tan wruhojarakēna tangis mwang praṇayādara. Laku tānaku, pahalēbā tāmēk ni tanayan mami.”

Tar wihang sang Sañjaya, muwah siromangkat pinakadūta muwah, ndan dumunung ri mahārāja Dharmātmaja. Irikā ta sira n pangucap mwang mahārāja Kṛṣṇa:

20 „Rahadyan sanghulun mahārāja Kṛṣṇa, ya iki prasiddha katonan i sih ning kadi rahadyan sanghulun katunggalan, si wēnang dhāraka rakṣaka ri kāla ning larāgōng kapanggih. Haywa ta tan tulus rahadyan sanghulun makasahāya sang Pāṇḍawa. Mahārājātah mārga ni nghulun n ēntasa sangkeng duḥkhārnawa.”

25 „Sājñā haji, apa kasangśayan parameśwara? Ya ika pakēna ning Kṛṣṇa: gumawaya ng sakahyun rahadyan sanghulun. Warahēn tāntēn haji ri sakāryan.”

„Mahārāja Kṛṣṇa, tan pangrēngō kapwa rahadyan sanghulun? Mahārāja Dhṛtarāṣṭra mwang dewī Gāndhārī sira makadūta ng
30 Sañjaya, uminta ri rahadyan sanghulun ri pinakanghulun pakaśara-
raṇan de ning Korawa. Kunang ikang prasiddha hinuswaken i pwangkulun anung pagawaya paḍobhayahita: ikang pañcagrāma rakwāpakēnā ring Pāṇḍawa, lwirnya ry Awisthala, Wṛkasthala, Wasanti ²⁾, Wāraṇāwata, kalima ry Awasāna. Sēḍēng ta rakweka bhuktin ing
35 pinakanghulun mwang rahadyan sanghulun. Ndyā tikānang sanmatan ira n mangkana; bāhulya an wehakēna nira mātra. Kumwa sinanggraha ni wuwus ni nghulun:

1) A: ta merang

2) Skr. Mākandī

śūdraḥ ¹⁾ *karoti śuśrūṣaḥ vaiśyaḥ wi pañajīwinah*
wayaṃ wadhena jīwāmaḥ kapālaṃ brāhmaṇai vṛtam

Dharma ning śūdra ngaranya si bhakti tutūt ya kahuripanya; ikang wwang weśya si madwal awēli ya pinakopajīwananya; iking kadi sanghulun kṣatriya si pējah ring raṇa ya pangan inum ngaranya; 5 yapwan sang brāhmaṇa kāpālikabratānasi pinakopahāra nira. Mangkana pwa ya ta, anghing prang niyata nike humatur. Apa ta lwir ubhayahita? Ikā ta prang ngaranya, tan kinaniścayan lwir ning jaya-parājaya. Ya tikāngde sangśaya tatan pāntara. Sugya ta kalingan ikang śoka, kumwa kalinganya: 10

sukhaḥ ²⁾ *praśāntaḥ swapitiḥ hitwā jayaparājayaḥ*
jātawairas tu puruṣo duḥkhaṃ swapiti nityadā

Sukhenak aturū sang śānta ngaran ira, sang tan ahyun ring jayaparājaya. Kunang ikang wwang wirodha, yekā tan enak turūnya. Matang nyan mangkana: 15

na cāpi ³⁾ *wairam wairanam kadācid upaśāmyati*
haviṣā 'gnir gathā kṛṣṇa bhūya ewābhiwardhate

Ikang waira ngaranya kadi paḍēma tikā de ning waira, kady anggān ing apuy de ning hoti miñak mangkin wrddhi pinakaswabhāwa nikā. Nihan kalingan ikang wuwus: apa deya ni ngwang hita ri mahārāja 20 Dhṛtarāṣṭra? Tūt ālocita de rahadyan sanghulun."

„Sājñā haji, tēlas wruh pinakanghulun i kalingan i wuwus parameśwara. Rumakēt wi hana ning dharmajñāna parameśwara. Kamatoliheñ rikākutumban mwang tan yogya ning magawaya hingsaka ring swa hiḍēp haji. Kumwa ta ya enaka yan mangkana: 25 pinakanghulun mangke lumampaha mara ngkā ring śata-Korawa; gumawaya ng sāntwa samobhayahita, palar hanā bhedanya mēne, an hana lwir pinta tangis mahārāja Dhṛtarāṣṭra ring pinakanghulun. Ndan yan hana kēnohanya wi ta ya."

1) cfr. Skr. 72.47: śūdraḥ karoti śuśrūṣāṃ vaiśya vai pañyajīvikāḥ, vyaṃ vadhena jīvāmaḥ kapālaṃ brāhmaṇair vṛtam.

2) cfr. Skr. 72.60: sukhaṃ praśāntaḥ svapiti hitvā jayaparājayau, jātavairas tu puruṣo duḥkhaṃ svapiti nityadā.

3) cfr. Skr. 72.63 ,64: na cāpi vairaṃ vaireṇa Keśava vyupaśāmyati. Haviṣā 'gnir yathā Kṛṣṇa bhūya evābhivardhate.

„Mapa ling rahadyan sanghulun mahārāja Kṛṣṇa? Taham tan ahyun nghulun irikang nīti mangkana. Kumwa kāraṇanya: ikang Duryodhana n tibāna śabda yukti, yayā tar wēlasa nikāgawaya sāntwa-wacana. Katon tūt nikang ratu sāmanta ri buddhi nikā, apan hana 5 kawaśānūt parnah nikā.”

„Kasinggihan wuwus parameśwara. Ndatan kaduṣkṛtan ikang Suyodhana huningan ing pinakanghulun; si hyun i nghulun ri śāśwata ning wwang akweh ta pwa labhā ni nghulun. Uwih yan kewalāpakāra ikang Kurukula, wēnang apakrama mangabehana ri 10 nghulun,

nirdeheyam ¹⁾ *Kurūn sarwān*

irikā ta nghulun gumēsēnga ya tar mawecha śeṣa.

na jātu ²⁾ *gamanan tatra bhawet Pārtha nararthakam arthaprāptiḥ kadācit syāt antato wā hy awācyatā*

15 Tan hīnārthaka ta pwa laku ni nghulun, sājñā haji, kunang pih bhedanya: kasiddhan ikā sasinādhyā kawit gati nikā, ndan pilih pati ta pwāwasānanya. Tan pakabalikan kompēta ning rat, palarēn singgiha mata de haji.”

„Aum aum mahārāja Kṛṣṇa, ya tikā kahyun i nghulun.

20 *swasti* ³⁾ *prāpti hi gamyatām*

Ndah sukhayātrā ta rahadyan sanghulun siddhaprayojanā muwah katon tēkā ngke. Kengētakēna ta pwa ceṣṭasādhyā ning Pāṇḍawa, kawruhana sabuddhi ning Kurukula, anginakana ri sanghulun. Soja-rāku ri sang Duryodhana. Kady apiugginga pwa ta rahadyan sang- 25 hulun, ikang mangde sukhe manah ing para.”

Pinēkēt mahārāja Yudhiṣṭhira mangkana, mangrangkēpi ta sang Bhīmasena:

1) cfr. Skr. 72.87: nirdaheyam Kurūn sarvān

2) cfr. Skr. 72.88: na jātu gamanam Pārtha bhavet tatra nirarthakam, arthaprāptiḥ kadācit syād antato vā 'pyavācyatā.

3) cfr. Skr. 72.89: svasti prāpnuhi Kauravān

„Rahadyan sanghulun mahārāja Kṛṣṇa, milw apitutur mātra hatur nike de ning pinakanghulun. Prasiddha sāma yojarakēna rahadyan sanghulun, haywa kinēnākēn ikang bheda nguniweh daṇḍa. Apan ikang Suyodhana makaswabhawā ng pāpabuddhi kētika. Haywa ta pinaḍan de rahadyan sanghulun. Wehēn angalapa kasora sang Pāṇ- 5 ḍawa de hāji. Salwir ning sāntwopaśama yārpaṇākēna ri sanmukha ning Kurukula. Pinakanghulun kālih Bhīmārjuna warahakēna tan ahyun ing raṇakārya. Rahadyan sanghulun kadi¹⁾ mapunggungerika.”

„Uḍū uḍū hāhāh, kāścarya dahat wākya rahadyan sanghulun ārya Wṛkodara, dingaryan mārḍawa lwir nikang buddhi. 10

girer iwa²⁾ laghutwan tat śītatwam iwa pāwakah

Kadi rūpa ning wungkal dadyāsahan ya, kadi lwir ning apuy yan matisa, hatur samangkana tikang śabda somya mijil sangke tutuk sang ārya. Apayapa tar kēna ring turū sang ārya, kewalātanghi juga sadākāla, mangēn-angēn kaduṣṭan ing Korawa. Kapan ta sang ārya 15 mujarakēn ujar tan bhīṣaṇa? Kewala pārūṣya karkaśa³⁾ juga yāwat ring musuh. Kathamapi mangke pwa ya ta manohara priya lwir nikang śabda.

tasmāt⁴⁾ praśamam icchasi

Apa hetu rakryan kahanan cittopaśama? Kadi kolihan lara kētikang 20 hati, apan tan sawawa rakryan makāmbēk sahiṣṇwa.”

„Sājñā haji, halēpa kari nghulun mujarakēna ng kaśaktin ri harēp rahadyan sanghulun? Singgih mata wuwus rahadyan sanghulun, apan tar wēnang asāra hiḍēp ni nghulun, sabarinya n lēkasa nghulun śumirṇākēna ng rāt kabeh makasādhana i bāhu ni nghulun kālih. 25 Ring Himawān ring samudra kari ya, yayā juga tan pamangguha-nyâśraya ni nghulun. Kadi hanā kâtakut ni nghulun an janma mānuṣa. Kunang hetu nikāngaywi wuwus⁵⁾ Yudhiṣṭhira: sira kabeh ikā kaparitāha de ni nghulun sugyan akēḍik hyun ira ring samarakrama. Tuhun ikang musuh ndi paranya luputa de ni nghulun?” 30

¹⁾ ω: kari

²⁾ cfr. Skr. 75.2: girer iva laghutvam tacchītatvam iva pāvake

³⁾ sic C; al.: kakarṣa

⁴⁾ Skr. 75.16

⁵⁾ sic? AFHS: hetu ning kadi wuwus; BEG: hetunikādi w.; C: hetu ning kadi ngāywi w.; D: hetu ning kadi haywi w.

Mangkana sahur sang ārya Bhīmasena; harṣāṅgēn-angēn mahārāja Kṛṣṇa. Kapwa ta sira kabeh mapitēkēt mawēkas-wēkas. Sang Arjuna Nakula Sahadewa paḍa makon kumēnākēna śabda sāntwahita. Anghing sang ārya Sātyaki juga tan pangēnākēn ¹⁾ śabda sāntwa mātra, kewala
5 daṇḍa juga kēnākēna ling nira. Irikā tikang watēk yodha śūrasangghya garjita humung kapwa mastuti wuwus sang ārya Sātyaki.

Kunang dewī Dropadī sira tănangis kasrēpan. Muray sāk gēlungan ira, masō marēk ri mahārāja Kṛṣṇa, mahosan angēsah de ning lara. Akētēr apēpō gadgada de nirāṅgēnākēn śabda:

- 10 „Sājñā haji, mahārāja Kṛṣṇa, tēlas wruh mara parameśwara, an bañcana ning Korawa kārāṇa ning Pāṇḍawa mangguhakēn duḥkhāprameya. Ring kapana tang Suyodhana mangastungkāraha saprayojana, pisaningū hana hyuna nikāweha rājya. Ndyā ta dona ning mrayogākēna sāma ring śatru? Anghing daṇḍa ta kunang menaka.
- 15 Apan ike lēkas madamēl sāntwa sāma, tan dharma kṣatriya marika dharma haji. Kumwa kalingan i wuwus ni nghulun: yan kāṅgēn-angēn lara ning wwang kadi patik haji juga, nora paḍa ni nghulun: yan kāṅgēn-angēn lara nirg wwang kadi patik haji juga, nora paḍa ni nghulun ring kāsy-asih. Tan sanggahēn pujyan mata patik haji.
- 20 Anak mahārāja Drupada mara nghulun, mijil saka ring kuṇḍadewī ²⁾, ari sang ārya Dhṛṣṭadyumna, pinakasantāna Pāñcālawangśa, mantu mahārāja Pāṇḍu, maniwi wwang mahāwiśeṣa, mānak kṣatriya limang siki mahāparipūrṇa. Tathāpi rinēnggut winudan pwa ring sabhāmadhya, dāsībhūta kinawaśāken ing Korawa. Sang Pāṇḍawa hana ta
- 25 mulat, tan pinakewō. Amrih ta pinakanghulun masewa ri mahārāja Dhṛtarāṣṭra, minta sang Pāṇḍawa tan kāwākēna. Sāyudha saha wāhanātah krama nira mapunggwa, an lakw anusup ring alas sang Pāṇḍawa wēkasan, patik haji atah nimitta nikā. Kalinganyāprameya göng nikang lara kabhukti de nikang mangaran Dropadī.

30 *trāhi* ³⁾ *mām Puṇḍarikākṣa*

Tatan hana śaraṇāśraya ni nghulun waneh bheda sangke parameśwara. Ika gēlēng ⁴⁾ ni nghulun ring Duryodhana, ya tikā paḍēmana de parameśwara, Samangkā lwir asih haji ri nghulun, kadi tan hanānak ni nghulun kalima: sādhana parameśwara sumiddhākēna

1) ω: panganakēn

2) Kuṇḍadewa?

3) cfr. Skr. 82.29: trāyasva Puṇḍarikākṣa

4) ω: gēlang

prārthana ni nghulun. Yan katon tēṇḍas ¹⁾ nikang Duśśāsana gulang-gulang ring lēmah juga n arya hati ni nghulun cañcala.”

„Dū sājñā mahādewī, haywa rahadyan sanghulun sangśaya, usēna ikang Korawabhārya katonānangis de mahādewī, makanimitta pējaha ning swāminyānaknya kulawāndhawanya. Tan hana waneh sumid- 5 dhākēna kapējah nikā bheda sangka ri nghulun mwanng rāka dewī sang ārya Bhīmārjuna. Ndan pakon mahārāja Duryodhana de ning kamūr-khan.”

Mahārāja Kṛṣṇa tēlas mawacana, mawuwus ta mahārāja Yudhiṣ- 10 thira:

„Haywa rahadyan sanghulun kēdō humiḍēp wuwus dewī Dropadī. Wuwus nikang Arjuna huningan parameśwara. Soddeśa mahārāja Duryodhana ta pwa tūtakēna rahadyan sanghulun, ikang magawaya śānti paḍobhayahita. Sangkṣepanya, madandana juga parameśwara.”

Tēlas māyu sālapkēna nira kabeh. 15

3

KṚṢṆA BERANGKAT KE HĀSTINAPURA

Irikā sakatambesuk haneng udayaparwata sang hyang Āditya, Komudamāsa, Narawatī-nakṣatra ²⁾ kahatur kahadang samangkana, ri wēkas nikang Kārttika, madyus maśoca ta mahārāja Kṛṣṇa, tēlas mangēnākēn bhūṣaṇa mādityasewana mangudakatarpaṇa. Tēlas 20 samangkanāpūjā ta sira ring pahoman, mapradakṣiṇa ring kuṇḍa-sthaṇḍila, mangabhiwāda ri sang brāhmaṇa, mangusap prṣṭha ning wṛṣabha. Kinon ira ta sang Sātyaki mangdānana ratha, isyana sarwasañjata makādi cakra gadā lawan śangkha mwanng sahana ning wīrapadāti mangdulura. Tēlas ta ya masangkēpan tan pahīngan halēpnnya; 25 Garuḍa pinakadhwaja nira, sākṣāt Meruśikhara katonanya.

Manek ta mahārāja Kṛṣṇa mareng ratha mwanng sang Sātyaki makasārathi Dāruki. Apa ta lwir ni laku nikang ratha: ibēkan ikang prṭhiwī mwanng ākāśa de ni śabdanya. Ngkā tikang śubhanimittāngimbuhī hayu. Amogha tan pamegha ng ambaratala ; anūt wuri tīs sirir 30 ning angin; paḍēm mari mēlēk tikang lēbū ring hawan; anēngēn halintang ning mṛga-pakṣi ri hēnu nira; mambō gandha ning homāhuti ring patapan. Tumibā tikang puṣpawṛṣṭi, yapwan sang watēk ṛṣi siddha

¹⁾ ω: taṇḍas

²⁾ Skr. Revatīnakṣatra?

tumūt hana ring ākāśa makādi bhagawān Wasistha, Wāmadewa, Bhṛgu lawan Śakuni. Sang pañca - Pāṇḍawa sirāngatērakēn ing hawan, tēke mahārāja Drupada, Śikhaṇḍi, Dhṛṣṭadyumna mwan sakweh ning kulawarga kṣatriyagaṇa makādi mahārāja Wirāṭa. Humwang
5 gumuruh tikang śabda kady ampuhan. Samāntaji rwang yojana nggān ing lumampah, mawēkas-wēkas ta mahārāja Yudhiṣṭhira mapinēkēt ring heyopadheya. Tēlas enak de nirāpitutur, mantuk ta sira kabeh. Mahārāja Kṛṣṇa wiśāta lumampah muwah, sahawan ira ta sirāgawe dānapuṇya ri sang brāhmaṇa.

10 Byatīta lampah ira meh tēkeng Hāstinapura, anon ta sira mahotpāta: gēlap sedung halisyus haliwawar; pētēng pēpēt ikang digantarāla; asaliwēran ikang widyutmālā ring ākāśa. Liṇḍū tikang prthi-witala umēlētuk miṇḍuhur wway ning sarwanādī; mēlēk tikang lēbūtan pakatonan. Prasārīta śabda tan pasūkṣma; rūg rubuh sēmpal
15 sakweh ning kayu-kayu. Kadi pinusus sahana ning pura ring Gajāhwaya; tuhun sahawan ira tan katēkan mahotpāta.

Datēng pwa sira ring Wṛkasthala, ākāra pitung tabēh diwasanya, tumurun ta sira sakeng ratha. Kinonakēn ikang kuda luputaneng sārathi. Lumēkas ta sirāgaway sandhyopāsana. Kapwa tininghalan
20 tikang wadwa kabeh, kinonakēn srahana annapānādī. Masō ta sang brāhmaṇa sahaneng śālā Wṛkasthalāśrama, mangaturakēn pūjā pādyaṛghyācamanīya ¹⁾, mangunyakēn wedaśānti. Mahātuṣṭāngēn-angēn mahārāja Kṛṣṇa.

Tadanantara karēngō ta wṛtta nira sakeng Gajāhwaya, tēlas
25 dinūta binyaktākēn. Ngkā ta mahārāja Dhṛtarāṣṭra mangucap mwan bhagawān Bhīṣma, Droṇa, Widura, Sañjaya, nguniweh sang Duryodhana:

„Sojar rahadyan sanghulun kabeh, kāścaryan dahat ikang wṛtta mangke, an datēng sang Kṛṣṇa ikā mangke, hana ring Wṛkasthala
30 sira mangke. Byakta sang Pāṇḍawa rasika kumon tan waneh. Kumwa deyanta kita kabeh: t asanggrahāsing sayogya pamūjānta mwan ikā sayuktyārpaṇākēna ri sang Kṛṣṇa, apan tan wwan sāmānya gati rasika. Tan hanāla ning madamēla sarwopakāra, yadyapi rasika pūrwarṇā mēne, rasika dadyāwehānugraha ri kita. Ntoh ta konakēna
35 hyasana watangan usēn, kapanguha de rasika mēne tēkā.”

Uddeśa mahārāja Dhṛtarāṣṭra mangkana, hinyasan tikang watangan tēke we tīs, nguniweh tikang hawan göng mwan wanguntur. Tan pahingan halēp nikang sabhāmaṇḍala, paripūrṇa ring sarwā-

1) ω: pādyaṛghyācamanīya

bharaṇa apeni rājayogya, nguniweh sarwagandha sarwapuṣpa mwan-
gandhākṣata. Tuminghal ta mahārāja Kṛṣṇa tūt pādamārga, kapūhan
de ni halēp nikang sarwasanggraha lawan mūlya nikang wastra inar-
paṇākēn i sira. Tēka ta ring anak thāni kabeh kapwāpawwat senak
ny angēn-angēnya. Paḍa ta sira kabeh gorawāmbēk nira, maprār- 5
thanāmehakēna sahana-hane sira sowang-sowang, makādi mahāmantri
Widura. Ndatan inaywan wēkasan de sang Duryodhana:

„Taham rahadyan sanghulun kabeh, haywa karih wawang tuṣṭa
gorawa ri sang Kṛṣṇa. Apan sang Janārdana prasiddhāsih ri sang
Pāṇḍawa gati rasika. Haywa ta kahambaras (?) ¹⁾ de ning manēgēhi, 10
sugya tan hita ning Korawa gati rāsika.”

„Aḍā mūḍha ta kamung Duryodhana, tan pamisinggih wuwus
nikang bapa kanyu. Aku mangaran Dhṛtarāṣṭra tag wruh ta yan
mangkana, apan ikā ri hiḍēpku dūta kētika sang Kṛṣṇa, pinaka-
sambandha tuwi. Apa ta kagamana ²⁾ rasikāgawaya lara ri sang 15
Korawa. Yeku lwir ning tarka pinakabuddhinyu ngaran ikā.”

„Sājñā haji, ikang guru kaki Bhīṣma hiḍēpēn sakarēng. Haywa
karih mituhu sāmbeḅnya sang Kurupati. Kadi hanā ta wruh sariko
ri yuktikārya, pisaningū n pamisinggiha dharmadeśanā. Kunang
pwa nghulun rowanga parameśwara kumēnākēna prītiyukti.” 20

Mangkana de bhagawān Bhīṣma mutus-mutus ikang śabda.

4

KṚṢṆA TIBA DI HĀSTINA

Irikā sakatambesuk tumama ta mahārāja Kṛṣṇa ri kaḍatwan,
iniring de sang brāhmaṇa ring Wṛkasthala kabeh. Saḍatēng nira ri
dalēm pura manungsung ta sira kabeh, makādi bhagawān Bhīṣma, 25
Droṇa, Kṛpa mwan sakweh ning wwan i jro. Tuhun sang Duryodhana
tan ilu. Tiga tikang rājasabhā kahalirtangan de nira. Ḍatēng ta
sire kahanan mahārāja Dhṛtarāṣṭra. Madēg ta sira kabeh, mangar-
paṇākēn pūjālangkārasanggraha ri mahārāja Kṛṣṇa. Malēs ta mawe-
dāgawe pūjopakāra ri sira kabeh makādi bhagawān Bhīṣma, yathā- 30
sambhawekā de nirāngdumakēn. Irikā tang sarwabhoga bhinukti,
salwir ning wastu mūlya lawan sarwamatsya mahāṣaḍrasa. Nora ta
pwa tinakwanakēn ngaranya.

¹⁾ sic CDEF; A: kahamburas; BG: katambaras; S: kahamburan

²⁾ sic S; ABIEFG: apa kagamana; CDH: apa katamana

Anawe ¹⁾ göng nikang mahotsawa, irikang kâla sore irikâ ta mahārāja Kṛṣṇa n pare pakuwwan mahāmantri Widura, dumunung ri kahanan bhaṭārī Kuntī. Atyanta harṣaja ²⁾ nira ri ḍatēng mahārāja Kṛṣṇa, moghâtutur i sang Pāṇḍawa juga sira. Marēk ta sirāngholakēn
 5 gulū, tar wēnang hinrēt tibā nikang luh, pēgat-pēgat apēpō wijil nikang swara:

„Anaku mahārāja Kṛṣṇa laki, tinghali kāsya-asihku bapa. Sabarinya n tinghal ri kita juga nghulun an lihat-lihatēn ³⁾ ri wwang sānakta sang lima sānak, rikana, bapa, ri kâla rasika n lakwānusupa ring alas.
 10 Malayū ta nghulun umalaywi lampah rasika, makapanambay tangis ni ngulun. Ndatan panoliḥ gati rasika; tar wēnang tuminghal de ning luh karika kunang. Ya tekā n syuh drawāprasewu hr̥daya ni nghulun. Apan ya kumwa gumaway göng ni larangku kaki: ikang prasiddha mahâtiśaya manggalanya n wijil ngūni kēta ya, iningū
 15 ring sarwasambhāra, tan dadi tan sarwamūlya bhinuktinya mwang sinandangnya, kathamapi n panusup pwa ring alas āraṇyabhaya, sahasāhya lawan mṛga-pakṣi tan panon mānuṣa sajjana. Sampun mijil pwa makering ārya ⁴⁾ mangke, tamolah ring Wirāṭapura. Mapa ta laki tan apāpa kari rasika kabeh, nguniweh tānaku sang Dropadī?
 20 Śāśwata joh tinglu(r) rāsika? Bhāra dahat kēta göng ni satya rasika ri sang Pāṇḍawa, wēnang tâtinggal inak nguniweh bapebu wwang sānak; arah sāttwika tumūtakēn panusup sang Pāṇḍawa. Anaku sang Kṛṣṇa bapa, sang Dropadīkā göng i larangku laki. Harimbawāku ring guṇa strī ngaranya. Apa tar paweha sukha ⁵⁾ de sang Pāṇḍawa?
 25 Sangkṣepanya:

*na mām ⁶⁾ Mādhawa wedawya(n) nārthanāśo na weri ta
 tathā śokaya dawate yathā putre winābhawam*

Tā kalarangku ⁷⁾ n kārī bapanta sang lumah ing Śataśṛngga; tak āśāku k daridra kāsya-asih; tan prihatin ing musuh. Kunang ikā prasid-
 30 dhāgawe śīrṇa ning hati: papasāhku lawan sang Pāṇḍawa mwang

1) sic? dari sawe? Atau: hana we? S: an sawway

2) AF: harṣa

3) ω: lihat-lihatan

4) sic? ABCDEFG: mangkering ārya; HS: ring ārya

5) sic S; ABDEFGH: ta pwāpasuka; CD: tar pwāpasuka

6) cfr. Skr. 90.69: na mām Mādhava vaidhavyam nārthanāśo na vairatā, tathā śokāya dahati yathā putrail vinābhavaḥ

7) tak alarāku?

dewi Dropadi juga. Kunang pawekasku laki, haywa tatan tulus masih ri wwang sanakta sang Pandawa. Aty ahayu tiku saprayojananta mangko, yatanyan pangdeya saswata ri sang Pandawa."

„Sajna mahadewi, kapana nghulun sumehakenawak ni nghulun. Kunang pwa deya nibu ning pinakanghulun, pahalawo ta juga sakareng. 5 Apan sipi de ranak parameswari magawe ya wyawasaya, tar kena ring pangan turu, kumol ring panas tis, salwir ning prih tibra ta pwa ginawe nira, apar ahyun ring wibhawatisaya. Tatan hana waneh pinrarthanaken ira ring hayu, parameswari juga inaradhana nira. Haywa ta rahadyan sanghulun tan mahatmawak, yaya katona sang Pandawa 10 jayasatru maluya ring rajya de parameswari."

„Aum laki maharaja Krishna, kadi hana 1) waneh makanubhawa ika bheda saka ri tanayangku laki.

twan 2) dharma twan tapo mahat

Kita marika dharma, kita marika tapa sang Pandawa;

15

twan 3) trata twam mahabrahma

kita rakwa rakshasih 4) satata, kita nitya pinakatmamantra. Kalinganya: tulusaken jugasihta laki ri sanghulun kabeh."

5

KRISHNA DALAM SIDANG PARA KORAWA

Pira kunang sowe maharaja Krishna mangucap-ucap mwanng dewi 20 Kunti matangis-tangisan, mamwit ta maharaja Krishna tumama ri maharaja Duryodhana. Kapangguh ta siralungguh ring ratna-paryangka mwanng sang Sakuni, Karṇa, Dussasana. Maswagata ta sira katiga, manghanaken pasanggraha upacara matra, aneka lwir nikang paribhoga. Ndatan bhinukti de maharaja Krishna; nora wastu tinanggap 25 nira sakweh nika(ng) inarpanaken kabeh.

1) ω: kadina

2) cfr. Skr. 90.103: tvam eva nah kule dharmas tvam satyam tvam tapo mahat

3) cfr. Skr. 90.104: tvam trata tvam mahad brahma

4) atau: raksa sih?

Nāhan ādi ning śabda mahārāja Kṛṣṇa rikang rātri n pangucap. Samuhūrtâturū ta sira sakarēng. Bhawiṣyati lunghā ng kulēm saka-mantyan, tumibā ng nalika ping wolu. Konang-unang śabda ning sūta magādha waitālika makasahakārī ng paḍahi śangkha kāhala
5 parēng muni humung i mahārāja Kṛṣṇa. Mawungu pwa sira, tumuluy ta sirādamu majapādityasewana. Tēlas mahyas mabhūṣaṇa, magawe ta sira dānapuṇya ri sang brāhmaṇa makādi ng kanakawastrā-langkāra. Wēkasan ta sira pinaran de sang Duryodhana mwang sang Śakuni, inundang kinon tumamahe dalēm rājya. Tar wihang mangkat
10 ta sira, tēlas manunggang ing ratha, iniring de ning wīragaṇa Yadukula. Tumūt mahāmantri Widura ri wuri, ri wuntat nira mahārāja Duryodhana madulur mwang sang Śakuni; tumūt sang Sātyaki mwang sang Kṛtawarmā. Apa lwir ni halēp ni lampah nira: kākarṣaṇānonton ikā sa-Gajāhwaya, matumpang atap atinḍih irikang paniñjowan,
15 kapwāhyun tumona mahārāja Kṛṣṇa.

Saḍatēng nira ri tangkil jōng, tumurun ta sira saka ring ratha atuntunan mwang mahāmantri Widura, iniring de sang Sātyaki, makapangarēp sang Śakuni mwang sang Duryodhana. Tumuluy ta sira masuk ring watangan. Kapanggih ta mahārāja Dhṛtarāṣṭra de
20 nira mwang sang watēk Korawa makādi bhagawān Bhīṣma, Droṇa, Kṛpācārya. Manangkil ta sira kabeh supātra wruh ri songgwan irālungguh sowang-sowang. Mangsō sang Korawakula mwang ratu sāmanta mangarpaṇākēn pūjopakārasanggraha.

Tēlas malungguh mahārāja Kṛṣṇa ring ratnaparyangka, tuminghal
25 ta sira ring nabhastala. Katon ta sang watēk maharṣi de nira makādi bhagawān Nārada. Mojar ta sire bhagawān Bhīṣma kumonakēn sang watēk siddharṣi swāgatāna sēgēhana. Makon ta sirāweha paryangka saha paṭāraṇanya. Malungguh sang watēk siddharṣi kabeh, tēlas pinūjā dinakṣiṇan samprayukta ¹⁾, mulat tang watēk ratu ri mahārāja
30 Kṛṣṇa, mangkin harṣāngingēt-ingēt. Apayapan mabhrâsinang paryanta nikang sabhāmaṇḍala de ni teja mahārāja Basudewâtmaja. Humēnēng sira kabeh kapūhan.

Atha ri sēḍēngnya nismita (?) ²⁾ sakweh sang hana ring sabhā, irikā ta mahārāja Kṛṣṇa mojar, abala matērēh abwat de nira mani-
35 bākēn śabda, kadi gērēh ri wēkas ning Madhumāsa. Mahārāja Dhṛtarāṣṭra ta pinakādhikāra tēmpuh nikang wuwus:

1) sic C; al.: saprayukta

2) sic ACDEFHS; BG: nismata. Niṣṭhita? Niśānta?

„Sājñā haji, matang nyan datēng rānak rahadyan sanghulun, makadon sukha śānti sang Pāṇḍawa-Korawa, gumawaya ng kāryo-bhayahita. Haywa ta sinēngguh karkaśawacana ¹⁾ śabda ni nghulun, yapwan tan pakaprayojana ng durawasāna. Iki kakulīnan parameśwara kēta ya, prasiddha pinakapunggawa ning Kurukula kēta rahadyan 5 sanghulun, wihikan ring sarwagaṇa, māsih ta ring sarwajana. Duga-duga satyopaśama ya tikā kastawan rahadyan sanghulun ring rāt. Ndah ngūni wi ta ya. Kunang mangke, hilang tan hana ng kopaśaman mangke; pinakādi ning duṣprawṛtti mithyājñāna juga rahadyan sanghulun samangkā, apan pānak tan ²⁾ wruh ring dharmayukti. 10 Kunang yan hana kopaśaman haji mangke, konēn ta sang Korawa kabeh misinggiha satangguh ni nghulun, apan ahyun sukha ning rāt gati ni nghulun. Nihan kalingan i wuwus ni nghulun: ya tan kahidēpa rasa ni pitutur ni nghulun, si makon matūta sakuṭumba, umarpa-nākēna kaḍatwan i sang Pāṇḍawa, maluya sapangan-senuma kady 15 anggānya ngūni, byakta tikang ubhaya-bhraṣṭa tēkā. Yāwat tan kapisinggiha, tatan hana ng dharma kagēgō de rahadyan sanghulun, apan katon hilanga ning jagat yan mangkana. Kunang ri hidēp ning pinakanghulun:

*trāhi ³⁾ rājann ima lokam na naśyeyur imāḥ prajāḥ
tvayi prakṛtim āpanne śeṣa syāt kurusatmama*

20

Rakṣan ta pwa iking rāt de haji, yatanyan tan śirṇā parawaśā. Solah ning prabhu ring lagi rakwa solaha rahadyan sanghulun, marapwan wēnang tantw anuwuhakēna wangśa wēka rahadyan sanghulun. Sang ratu sira kabeh kapwa mantuka ri swadeśa nira, sukhāmanganā- 25 nginuma mwanng rowang nira, tan hāroharā de ning kārya mangke. Mahālābha karika yapwan mangkana ⁴⁾. Yan kahuninga kumwa de parameśwara: «ikang Pāṇḍawa kēta yānusup ing alas makāla ng dwādaśawarṣa, katigawēlas tan kinawruhan paranya», ikā ta pangud-deśangku: kāraṇanya mangguh duḥkhabhāra, mapagēh pwa ring 30

1) ω: kakarthawacana

2) CDH: panarkkan

3) cfr. Skr. 95.33: trāhi rājann imam lokam na naśyeyur imāḥ prajāḥ, tvayi prakṛtim āpanne śeṣaḥ syāt Kurunandana.

4) AF: karika yasa mangkana yapwan mangkana; BEG: k. yasa mangkanayana yapwan m.; CDH: k. yasa mangkanayana-pan m.

samaya, tatan yogyâku mithyâwacana, waluyakĕnangkwa kapwa juga ng kaḍatwan, yan kwângĕn-angĕn haji, irikā tang jagat tuṣṭa, yāwat mangkana.

Tan hana kĕta hale rahadyan sanghulun magawayânugraha ri
5 sanghulun, apan rāma rena gati ta rahadyan sanghulun. Yan hanā kĕta katiwasan ing prawṛtti, mawarahâtaḥ parameśwara. Yapwan kewalânggĕgōnga kimburu manah rahadyan sanghulun, tan kapaluh hana tumon kāsya-asih sanghulun Pāṇḍawa, ya tikā acokṣānārtha kahanan ikeng sabhā, nora wruh ring dharma ngaran iko, tan hana
10 wĕnang mapituttur i wwang kadi haji.”

Ling mahārāja Kṛṣṇa mangkana, tatan hana wĕnang sumahur, humĕnĕng amogha muriring wulu nikang sabhā kabeh. „Syapa ta iki wĕnang sumahurāmarihārā ng ujar mangkana?”, mangkana ling nikang wwang sawwang-sawwang paḍâguñĕpan, tapwan hana mungkab
15 tutuknya salah siki. Irikā ta bhagawān Paraśurāma mojar i mahārāja Dhṛtarāṣṭra:

*dharmārtho*¹⁾ *saṃpradhāryaiwa yadi satyaṃ wrawīty aham pramuñcohan mṛtyupāśāt kṣatriyān kṣatriyansabha*

„Sājñā haji mahārāja Dhṛtarāṣṭra, kami wruh mangingĕt-ingĕt
20 bheda ning dharma lawan artha. Tatan kadi sanghulun (n) tan satyā-wuwus kitāmarah. Sājñā haji, haywa kari kita tan luputakĕn ikeng kṣatriya kabeh saka ring mṛtyupāśa. Apan kita wiśeṣa ning kṣatriya, deyanta manggōnga kopaśaman. Haywa kawaśa de ning krodha, wehakĕn tikung rājya kaliliran sakeng atuha, muwah arpanākĕn ri
25 sang Pāṇḍawa, makaphala pagĕh ning dharma kojaranta. Maluyen-draprastha ta pwa mahārāja Yudhiṣṭhira denta. Haywa lobha. Rĕngwakĕn warah ning kadi kami brāhmaṇa ṛṣi.”

.....
Resi Paraśurāma, Kanwa dan Jānaka memperingatkan maharadja Dhṛtarāṣṭra dan Duryodhana dengan teladan-teladan. Lalu Kṛṣṇa berkata lagi.

30 Ngkā ta mahārāja Kṛṣṇa n pojar i mahārāja Suyodhana, madhu-rawacana de nirângĕnākĕn śabda:

„Rahadyan sanghulun mahārāja Duryodhana, ndat ingĕt-ingĕtĕn tiki sojar ni nghulun. Haywa tan panggĕgō śilayukti.

1) cfr. Skr. 95.53: dharmārthau saṃpradhāryaiva yadi satyaṃ bra-vīmy aham, pramuñcemān mṛtyupāśāt kṣatriyān puruṣarṣa-bha.

dharmārthayuktā ¹⁾ *loke 'smin pravṛtti lakṣyate satām
asatām viparītā tu lakṣyate Bharatarṣabha*

Prawṛttikā sang sajjana dharmārtha juga wungkalanya, prasiddha katon ngke ring loka. Ikang durjana ngaranya, wiparītanya juga kinārya nikā. Kita pwa ya mahārāja Suyodhana, ikang wiparīta 5 jugeka siniddhākēnta. Ring kapana tikā tan pamuharā prāṇaghātaka?

satām ²⁾ *matam atikramya yo 'satām wartate mate
śocante vyasane tasya suhrdo na wirādica*

Ikang wwang tan pamisinggih sang mahāpuruṣa, kēdō śakta ring kaduṣkṛtan ing tan sajjana, yekā tan kinalarākēn ing mitra yan katēkan 10 duḥkhabhāra. Kumwa kalingan ikā: kita pwa ya mahārāja Suyodhana, sadākāla kēta ya n kita jugāmañcana ri sang Pāṇḍawa, kumingkin hala sang lima sānak. Ikā sang kinira-kireng hala, bāhulya makāmbēka ng krodha, kewala dharma ginēgō nira. Matang nyan mangkana:

kāmārtho ³⁾ *lipsamānas tu dharmam evāditaś caret
na hi dharmād apety arthaḥ tāmo wā 'pi kathanācanam*

15

Yan artha lawan kāma kahyunakēna ikang wwang panggihakēnanya, dharma jugānung göngēnya rumuhun. Dumeh ya mangkana, yayā tan hilang ning dharma. Rumakēt ikang kāmārtha, yāwat kadamēlan ing dharma. Nāhan sang Pāṇḍawa. Matang nyan pradhānāgawaya 20 dharma, matūtāprītya pwa kita lawan sang Pāṇḍawa. Ikang kāmārtha kahyunta byakta kapanggih ikā denya. Kunang tāpan ikung Duśśāsana, Karṇa, Śakuni winehtenak ambēk. Sugya ta kitāpadohan ring dharma. Uwih linga, yan hana sang Bhīṣma, Droṇa, nguniweh Kṛpācārya pangēntasana dharmopadeśa de ning kadi kita. Taha sih tan 25 pinakā(?) sira kabeh. Yapwan ta kitāhaywa mangkana, pituhun atah⁴⁾ sājñā ning kadi kita."

¹⁾ cfr. Skr. 124.11, 12: dharmārthayuktā loke 'smin pravṛttir lakṣyate satām, asatām viparītā tu lakṣyate Bharatarṣabha.

²⁾ cfr. Skr. 124.26: satām matam atikramya yo 'satām vartate mate, śocante vyasane tasya suhrdo na curād iva.

³⁾ cfr. Skr. 124.37: kāmārthau lipsamānas tu dharmam evāditaś caret, na hi dharmād apaity arthaḥ kāmo vā 'pi kadācana.

⁴⁾ sic BGS; al.: pituhanatah. Pemisahan kata dan kalimat pada 2 garis jang terachir tak terang.

Mangkana de mahārāja Kṛṣṇāṅgēnākēn śabda hita, inaywan de bhagawān Bhīṣma, Droṇa, Kṛpācārya. Kunang mahāmantri Widura sira tumulusakēn sokta mahārāja Kṛṣṇa:

„Anaku sang Duryodhana, tak āśālara ta ¹⁾ denta, ya tat pituhwa
5 pakon mahārāja Kṛṣṇa? Kunang mangde ²⁾ lara ri hatingku: ibunta
lawan bapanta juga, katon wi ta kāsy-asih nira. Byakta tan pānak tan
pawadwa, kadi manuk hilang lahuyangnya kālih. Kapilangw amēlas-
arēp awasāna nikā. Samangkāngde ngrēs twas i nghulun.”

„Aum aum mahāmantri Widura, ndan hēnēng kita sakarēng.
10 Śabda ning mahārāja Kṛṣṇa ika sahurangku:

prasamīkṣya ³⁾ *bhagawane waktum aharti Keśawaḥ*
mām ewaṃ hi viśeṣaṇa vibhāṣya parigarpase

Mahārāja Kṛṣṇa, kayogyan ing kadi kita kēta ya, ālocitapūrwaka
juga ya, kamēna ning yuktyāwara-waraha, ya pwa haywa parikēdō
15 humaleng kadi sanghulun wawang. Kunang apan pakṣapāta ri Pāṇḍawa
kita; nāhan matang nyan (n)uminda Korawa. Nda t ingēt-ingēt:
ndya kētika doṣa ning Duryodhana? Mūlawalātkāra karika ng
rājya ri sang Pāṇḍawa? Takarin alah de narārya Śakuni ring dyūta
kari hetu nikā, an lampah mareng alas ngūni sang Pāṇḍawa. Mang-
20 kanātah kaparājaya ring nita. Ndyā ta mārga ning Korawa sanggahēn
apacāra? Sinwī pwa sanghulun mēhakēna ng kadatwan, tatan paweh.

swadharmam ⁴⁾ *anutiṣṭhanto yadi Mādhawa sangyuge*
śāstreṇa nidhanam kāle prāpyāmaḥ swargam ewa tat

Mahārāja Kṛṣṇa, swadharma ning kṣatriya juga gēgōn sanghulun.
25 Yapwan panggiha ng pati ri tīkṣṇa ning astra tēngah ning palagan,
swarga marika. Tan hana ta pwa gamana ning Korawa manggā sa-
prītya lawan sang Pāṇḍawa, yāwat mawehakēn tang ardharājya.”

1) ω: nta

2) sic C; al.: mangdeha

3) cfr. Skr. 127.2: prasamīkṣya bhavān etad vaktum arhati Keśawa,
mām eva hi viśeṣaṇa vibhāṣya parigarhase.

4) cfr. Skr. 127.15: svadharmam anupaśyanto yadi Mādhava sa-
myuge, astreṇa nidhanam kāle prāpsyāmaḥ svargyam eva
tat.

„Cihā tan rinakwa ta kariki sang mangaran Duryodhana ring kacowañcit. Ai sang Kurupati,

lapsyase ¹⁾ *witaśayanam kalam ewam alapsyasi*
sthiro bhawa sahāmartyo wimardo bhiwatāḥ dhruwam

tuhun kapanggiha ng kapējah ning kawīran tēkapnyu, kintu mangguha 5
ng suhenak ambēk kamu? Taha, tulusakēn tângēn-angēnyu saha
bala, tēkā ring upadrawosēn kamu. Dyūtawyasana marika pamañ-
cananyu ri sang Pāṇḍawa; mṛtyuwyasana muharanya tēke kanyu.
Sinanggahnyu pwāwaknyu tan padoṣātaḥ. Ring apa n tan padoṣa
mangko? Mithyāsamaya makapūrwaka ng kacowañcit.” 10

An mangkana wuwus mahārāja Kṛṣṇa, hewa krodha tângēn-
angēn ing Duśśāsana, kumon sang Kururāja mangkata sakeng palung-
guhan ira. Mangkat sang Duryodhanātēhēr angambus saha tikēl ni
halis nira. Tinūtakēn ta sira de sang antēn kabeh, makādi Duśśāsana
mwang ikang ratu sāmanta. 15

.....
Mangkin bhrānta manah mahārāja Dhṛtarāṣṭra, mingēt-ingēt
sangksepa ning lumawana ri mahārāja Kṛṣṇa. Matang nyar pakon
mahāmantri Widura humundang mahādewi Gāndhārī, prayojana
nira tangguha nirāngudhānyana ri sang pinakawēka. Tar wihang
mahāmantri Widura, hinundang ira ta mahādewi Gāndhārī. Saḍatēng 20
nira ring sabhāmaṇḍala pinalaywan ta mahārāja Duryodhana, muwaha
ri panglungguhan ira ngūni. Ḍatēng pwa sira, mojar ta mahādewi
Gāndhārī:

„Anaku mahārāja Duryodhana, toh māsy-asih karika laki at
pisinggih sādeśa mami kabeh, yatanyan apañjanga pamuktyanta sukha. 25

waśyawahyendriyo ²⁾ *rājyam agniyāt dīrghyam antaram*
wijitātma tu mādhwāwī sa rājyam abhijayate

Apan ikang wwang wihang, kēdō tumūtakēn sāngēn-angēnya, tan
adawā ikā de nikāmanggiḥ wibhawa. Kunang ikang wwang yan wēnang
humrēt manahnya kēta ring loka, tutūtnya n kinatangguhan, ya ikā- 30

1) cfr. Skr. 128.2: *lapsyase viraśayanam kāmam etad avāpsyasi,*
sthiro bhava sahāmātyo vimardo bhavitā mahān.

2) cfr. Skr. 129.23: *na hy awaśyendriyo rājyam aśniyād dīrgham*
antaram, vijitātmā tu medhwāwī sa rājyam abhipālayet.

pagēh denya kumawaśākēn kaḍatwan. Ikang indriya ngaranya, wadis ikā mantēna yan winarēgan sakahyunya. Taha pih mangkin wrddhi pinakaswabhāwanya,

wardhate ¹⁾ 'gnir iwendhaneḥ

- 5 kady anggān ing apuy tinahēnan. Matang nyānaku, t anēmbah ta mahārāja Kṛṣṇa, apar pagawe sukhanta, mwang sang Pāṇḍawa kewala ubhayahita prayojana nira.

na yuddhe ²⁾ *wakra talyāṇaṃ na dharmārtho kutaḥ sukham*
na wāpi wijayo nityaṃ mā yuddhe weta ākṛtāḥ

- 10 Lawan ta weh bapa, yan papranga kita lawan sang Pāṇḍawa, hanā kari sukhanta? Ndyā ng dharmārtha kapuharā denta? Kapana ng bhoga kabhuktya? Ikang jaya-parājaya ngaranya, alib iwēh ikā linakṣaṇan. Matang nyan haywāhyun ing samara."

- I samangkananya n mārdaśādulur wēlas-arēp śabda sang ibu.
15 Tathāpi minghe hewa manah sang Kururāja, tan kasulan mara (n) pangkat nirādara, tinūtakēn de ning Śakuni, Karṇa, Duśśāsana. Tatan hana waneh inālocita kapat bheda saka ri kapatyan mahārāja Kṛṣṇa. Sabarinya n matya mahārāja Kṛṣṇa juga, niyata ng Pāṇḍawālpawir-yālpasakti. Mangkana rasa nikang goṣṭhy alapkēna. Katon pwa hala
20 ning wicāra de sang Sātyaki, matang nyar kon ikang watēk Yadūma-ḍangeng gupuntēn, sēnāhāsangkēpana ring sarwāyudha. Mājar ta sire mahārāja Kṛṣṇa, an mangkana prayojana sang Duryodhana. Ka-rēngō pwa pawarah sang Sātyaki de mahāmantri Widura, mojar ta sire mahārāja Dhṛtarāṣṭra:

- 25 „Sājñā haji, wiparītātyanta manah rānak rahadyan sanghulun, mahāduskrta duswiwekātīśaya kumira-kira kapatyan mahārāja Kṛṣṇa.

āsādyā ³⁾ *na bhaviṣyanti patanggā iva pāwakam*
ayam icchan ha tām sarvān yatamāno Janārdanaḥ

- Kapana ta n wēnangomatyana sira? Byakta kadi tampuh ing
30 laru-laru ring pañjut himpēr nira kabeh. Mahārāja Kṛṣṇa yan ahyun

1) cfr. Skr. 129.26: vardhate 'gnir iwendhanaiḥ

2) cfr. Skr. 129.40: na yuddhe tāta kalyāṇaṃ na dharmārthau kutaḥ sukham, na cāpi vijayo nityaṃ mā yuddhe ceta ādhitāḥ

3) cfr. Skr. 130.21: āsādyā na bhaviṣyanti patanggā iva pāvakam, ayam icchan hi tām sarvān yudhyamānān Janārdanaḥ.

patyana ng Korawa, tan paśeṣa niyata ning pwangkulun, apan kadi singhângawaśākēn mṛgasamūha. Kunang pwa tan hanângēn-angēn mahārāja Kṛṣṇāpakrama, kewala saka ring ¹⁾ dharma pinakāmbēk nira. Matang nyan singgih puruṣottama ta ngaran ira."

Mangkana pwa pājar mahāmantri Widura, mangkin tibrâputēk 5
hati mahārāja Dhṛtarāṣṭra (n) tibākēn wuyung nira:

„Ai sang Duryodhana, yeku prasiddha pinakeṣṭi ning manahmu, apan magawe kaduryaśan kaduṣkṛtan, apan makasahāya ng mūrkhā pāpacitta. Salwir ning kinelikan sang sajjana ya pinakaprawṛttimu nityaśa. Mijil ta kamūḍhanmu, apan mahyun migraha sang Janārdana. 10
Apa tāmbeḱmu rasika? Kawēnanga de ning dewatā, yadyapi sang hyang Indrā tuwi, yayā tar mithyā nira. Kimuta kadi ko kabeh wwang hīnajanma, ring kapana ta ko (n) panggarita mātra? Hana mako-pamangku ri ko:

tan twaṃ ²⁾ *prārthayase mando wālaś candramāsaṃ yathā* 15

Kadîkang rare sēḍēng magēgwan apunggung, mahyun malape wulan ring ākāśa, mangkana ta kotsāhanyu mahyun mapranga lawan sang Keśawa, Syapa mējahîkang rākṣasī ³⁾ Pūtanā n patēmahan śakunī ⁴⁾? Syapa matyanîkang daitya Narakâsura? Syapa dhumāraṇa ng wukir Gowardhana ri tangan kiwa? Syapa umalahakēn 20
daityâriṣṭa (n) patēmahan lēmbu? Syapa sumanghāra rākṣasa Keśi n patēmahan kuda? Syapa misarjana hurip ning Kangsâsura? Syapa makayaśa pati ning Jarāsandha? Syapâmōki tēṇḍas ning Śisupāla? Tan hana waneh rasika sang pinrārthanākēnmu kâpusanâtah maka-prabhāwa ikā kabeh."

25

An mangkana gēlēng mahārāja Dhṛtarāṣṭra. Irikā ta mahārāja Kṛṣṇa an tibākēn krodha nira ri mahārāja Duryodhana:

1) sic ω. Corr: ta kari ng?

2) cfr. Skr. 130.37: *taṃ tvam prārthayase manda bālaś candramasaṃ yathā*

3) ω: rākṣasa

4) ω: śakuna

eko mam ¹⁾ *iti yat mähāt manyase mām Suyodhana
paribhūya catubhuddhe grahitum mām cikīrṣasi*

„Ai sang Duryodhana, tunggal-tunggal aku hiḍěpnyu. Adâ-
punggung rasika harah, padiwasâsampe ri sanghulun. Mūḍha kamu
5 ahyun migrahâku.

ihewa ²⁾ *Pāṇḍavāḥ sarwe*

Hana sang Pāṇḍawa ngke mangke;

tathewândhakawṛṣṇayah

sang Yadukula tuwi hanâtah masēnâha;

10 *iha Rudrās' cādityās' ca*

sang hyang dwādaśāditya mwan sang hyang ekādaśa-Rudra hana ta
ngke tan adoh ikeng mangaran Kṛṣṇa;

Wasawaś ca saharṣibhiḥ

nguniweh ta sang hyang aṣṭa-Basu lawan sang saptarṣi Wasisthâdi,
15 yayā parō nira mangkana.”

Sěḍěng krodha mahārāja Kṛṣṇa, mijil tang rūpâdbhuta ri swa-
śarīra nira; kadi widyutmandala ³⁾ katinghalan ikā ring swâsana nira.
Manakalângawatāra tang watēk dewatā ry awak nira sānguṣṭamātra
katonan ira sowang-sowang. Bhaṭāra Brahmā munggw i rahi nira;
20 sang hyang Rudra hane ḍaḍa nira; lokapāla hane bāhudaṇḍa nira;
sang hyang Agni hane netra nira. Kapwa tang watēk dewatā katon
ry anggāwayawa nira makādi dwādaśāditya, aṣṭa-Basu mwan sang
hyang Aświnodewa, bheda saka ring yakṣa rākṣasa adhigaṇa ⁴⁾

1) cfr. Skr. 131.2: eko 'ham iti yan mohān manyase mām Suyodhana, paribhūya sudurbuddhe grahitum mām cikīrṣasi.

2) cfr. Skr. 131.3: ihaiva Pāṇḍavāḥ sarve tathaivândhakavṛṣṇayah, ihādityās' ca Rudrās' ca Vasawaś ca maharṣibhiḥ.

3) sic? AF: widyutmala; al.: widyutmanda

4) atau: ādigana?

gandharwa. Sang Arjuna hane tangan ira kanan; śrī Baladewa hane tangan ira kiri; mwan sang Bhīma mahārāja Yudhiṣṭhira munggw i nābhi nira; sang Nakula Sahadewa hane walakang nira; tēka ri sang watēk Wṛṣṇyandhakakula makādi sang Pradyumna; mangkana ikang sarwasañjata makādi ng śangkha cakrā gadā śakti langgala nandaka. 5
Kapwa tikāhilangan ¹⁾ cetana de ning prabhāwa mahārāja Janārdana. Ghūrṇita humung ta(ng) tabē-tabēhan ing ākāśa. Tumibā tang puṣpawṛṣṭi. Liṇḍū tikang sakalabhūmibhāga. Lumimbak kabwang pwa ring antarikṣa wway nikang sāgara.

Samuhūrta sowenya mangkana,

10

tataḥ sa ²⁾ *puruṣaḥ wyāghraḥ sajjahāra punaḥ swayam*

muwah somyarūpa mahārāja Kṛṣṇa. Salwir ing bhūṣaṇa ning ratu rumakēt i sira. Tinuntunakēn ing ratha sang Sātyaki, kinon ta sira mangkata de sang watēk ṛṣi. Anēhēr lunghā sira kabeh makādi bhagawān Nārada. 15

6

KṚṢṆA MINTA DIRI KEPADA DEWI KUNTĪ; LALU BERANGKAT DISERTAI KARṆA

Atha ri wijil mahārāja Kṛṣṇa, mulat ta sang Korawa ri swabhāwa nira. Manek ta mahārāja Kṛṣṇānunggang ing ratha nira, tēlas aminta pinamwītakēn ri mahārāja Dhṛtarāṣṭra. Tinūtakēn ta lampah ira de 20
bhagawān Bhīṣma, Droṇa, Kṛpācārya mwan mahāmantri Widura mwan sang Aśwatthāmā Wikarṇa Yuyutsu mahābala. Saḍatēng mahārāja Kṛṣṇa ri bhaṭārī Kuntī, tumuluy ta sirāngupakṣāmānēmbah mangabhiwādāngusap caraṇadwaya. Mājar-ajar ta sakrama nira ngkāna ngūni ring sabhāmadhya: 25

„Sājñā mahādewī, atyanta mahābhāra dahat ikang wākyopadeśa sang maharṣi kabeh, nguniweh pinta-kāsih ning pinakanghulun kāruṇya saha talangkup ning tangan kālih. Ndatan kapisanggih de ning pwangkulun Duryodhana, kewalāpagēh ikāhangkāra ni pwangkulun. Tēkā rikang kāla niyata ning Korawa juga hiḍēp ning pinakanghulun. 30
Kunang ri panēmbah rānak mahādewī: amwita mantuka mare rānak

¹⁾ sic ω; corr.: tikā kahilangan?

²⁾ cfr. Skr. 131.23: *tataḥ sa puruṣavyāghraḥ sajjahāra vapuḥ svakam*

rahadyan sanghulun, mājara ri tan prasiddha saprayojana. Mawēkas-
wēkasa mahādewī anung tēkākēna ning pinakanghulun i rānak para-
meśwarī sira kalima.”

„Aum aum anaku sang Kṛṣṇa bapa, kumwa pājaranta ri kākanta
5 sang Yudhiṣṭhira: Haywa rakwâlupa kēta ring dharmakārya. Ndan
dharma kṣatriya rakwa ikang damēlakēnanta, apan pakēna nikung
bāhuwīrya n ginawe de bhaṭāra Brahmā.

rājā carati ¹⁾ *ced dharmam nrawaswargāya kalpyate*
sa ced adharma carati narakāya wikalpyate

10 Ikā sang mahāpuruṣa, yāwat mapagēh i swadharma nira, byakta
kapangguh ikang swarga de nira; kunang tan tūt iri dharma ning
kṣatriya, yekāmangguh narakaloka. Kunang pwa de sang prabhu:
haywātah sira tan makāmbēk kṛta, haywa pakāngēn-angēn kalisang-
bāra, kalinganya si maṇasar ing prawṛtti. Matang nyan mangkana:

15 *brāhmaṇaḥ* ²⁾ *pracaret bhakṣam kṣatriyaḥ yariṣālayan*
weśyo dhanārjana kuryāt śūdra tatṭirawāratām

Lwir ning prawṛtti sang brāhmaṇa, manasya juga sira makaswabhāwa
manadaha puṇyadāna; yapwan sang prabhu, mangrakṣa bhuwana
pakēna nira; kunang ikang weśyajanma makakarmāṅgarjana ³⁾
20 mās madwal awēly asawa-sawah ya giṇa nikā; ikang śūdrajāti
yekāpakēna pariwāra. Kumwa ta kalingan ikang ujar mangkana:
tat gawaya guṇānasya, tat makakāryā ng sawah asambyawahāra,
si dharma kṣatriya damēlananta. Paritrāṇa tikang giṇākēnanta.
Sēngkākēn tikang kaḍatwan kapētēk ring musuh. Tinghali ta kāsy-
25 asih nībunta nissahāya tan pawāndhawa mangantusakēn sēkul ning
wwang len. Sangkṣepa nikā: mapa herēn ri tan lēkas mapranga?
Haywa linök wīrya sang makadharma kita.

.....
..... Ndah mangkā linganta ri sang Yudhiṣṭhira. Kunang wuwu-
30 sante sang Arjuna kumwa linganta:

¹⁾ cfr. Skr. 132.13: *rājā carati ced dharmam devatvāyaiva kalpate*,
sa ced adharmaṁ carati narakāyaiva gacchati.

²⁾ cfr. Skr. 132.30: *brāhmaṇaḥ pracared bhaikṣam kṣatriyaḥ paripā-*
layet, *vaiśyo dhanārjanam kuryāc chūdraḥ paricarec ca tām.*

³⁾ sic corr.; S; ngarjuna; AF; arjawa; BDGH; sarjawa; C: marjawa

Sang Dhanañjaya, kunang pawēkas nîbunta ri nghulun: ngūni ri sēḍēng nira mosûsu rakwa, kâla niromanakakēn kita, hana ta dewa-śabda ring ākāśa. Ndan ling nikang śabda:

sahasrâkṣamah Kuntī ¹⁾

«Ai sang Kuntī, tan rare sāmānya iku anakta. Sākṣāt bhaṭā- 5
rendra paḍa nikā, malahakēna ng Korawakula hēlēm ring raṇa maka-
sahāya ng Bhīmasena lawan Basudewâtmaja.» Mangkana śabda nikang
ākāśa. Matang nyan hanâgōng harēp-harēp rena rahadyan sanghulun.

Mangkanā linganta ri sang Arjuna. Kunang linganta ri sang 10
Bhīmasena:

Sang Wṛkodara, kumwa pawēkas rāma rahadyan sanghulun,
prayojana nira n mosûsu mijilakēn kita rakwa: kapangguha ikang
kārya bhāra mangke, tatan hana mārğa ning Pāṇḍawa wēnangânid-
dhākēna kārya, kita rakwa sarapung nikā. Tēlas awās ta rakwa wruh
nîbunta ri tan paḍēm nikang gēlēng bhedā sangke kapējahan ing śatru 15
tēkapta.

Ndah sēḍēng i wuwusta ri sang Bhīmasena tulusakēn ta lēbā ny
ambēkta. Si Nakula Sahadewa ya sojaranta ²⁾ waneh, kon atah
misyana kadharma-kṣatriyan, apan tan hana mārğa ning prayojana
siddha bhedā sangka ri kadhairya-wikraman. Mangkā tikānak ni 20
nghulun si Dropadī, at kon atah pahalēbângēn-angēnya, tulusakēn,
ri kanirgiṇan sang lima sānak.

Ndah samangkā pawēkas ni nghulun i kita mwanğ pājarta hurip ni
nghulun laki, yatanyan enak ambēk ni kākāri nira kabeh. Mba ta laki,
mba ta bapa, siddhayātrā ta tanayangku ring hawan. 25

Ri tēlasnya n pamwīt mahārāja Kṛṣṇa, mijil ta sira sangka ring
babahan. Kinon ira ta sira kabeh mantuka, tuhun sang Karṇa ilwan
irânunggangi ratha. Mangkat ta sira tan kasulan magoṣṭhy atângucap
lawan sang Karṇa tūt hawan. Pira kunang kadoh ni lampah nira
sakeng nagara, kinon ira ta sang Karṇa mantuka. Sira kāliah mwanğ 30
sang Sātyaki manunggangi ratha. Śighra tâkāśagamī lumampah ikang
kuda de ning sārathi. Tēlas kalalwan ikang dūradeśa tēkap nira.

.....

1) cfr. Skr. 137.2: sahasrâkṣasamah Kuntī

2) corr. tojaranta?

Sañjaya mentjeritakan kepada para Korawa apa jang dibitjarakan oleh Kṛṣṇa dan Karṇa didjalan:

Kumwa krama ning pwangkulun mahārāja Kṛṣṇāgawe sāmā-
sāntwawacana, manoharāṅguṇḍuh prāṇa tēkap nira juga n pangu-
5 jarakēn, ling nira:

„Mahārāja Karṇa, atyanta kadibiyanta hiḍēp ni nghulun, ma-
twang ring brāhmaṇa, wihikan ring sarwawedāgama towin mahāśakti
mahāprājña lawan kottamanta waneh

Pāṇḍuh putro 'si dharmataḥ ¹⁾

10 Ndan pinakānak ta kita de mahārāja Pāṇḍu, makahetu ng dhar-
maśāstropadeśa. Matang nyan yogya ta kita t ilu ri sang Pāṇḍawa,
lumakwakēna kawangśanta. Yan sangka ring bapa, Pāṇḍawa niyatanta,
apat anak mahārāja Pāṇḍu. Yapwan ibu parigrahanta, Wṛṣṇikula
pwa kita sakebu ni nghulun bhaṭārī Kuntī. Ndah ilu ta tūtakēna pwa
15 lampah ni nghulun, marapwan wruh sang watēk Pāṇḍawa, yan anak
matuha sangke mahārāja Yudhiṣṭhira. Apan hana nghulun mapitatur:
niyata sang pañca-Pāṇḍawānēmbaha kita tēka ri sang rājaputra pañca-
kumāra; mwang sānak ning Abhimanyu tēka ring kulawarga Wṛṣṇy-
Andhaka bhaktya niyatanya kabeh. Abhiṣekan ta kita gumantya ring
20 kulit kaki, astwakēna de sang purohitāstaseni, stutin de ning sūta
māgadha waitālika, tarimāna rājopabhoga, wurṣitan sanghulun kabeh.
Kunang mahārāja Yudhiṣṭhira mapakēna yuwarāja. Manungganga
pwa kita ring ratha, sang Arjuna sārathyanta, sang Bhīmasenāma-
yungana śwetachattrā, mahārāja Yudhiṣṭhiāṅgēgwana cāmara
25 tālawṛnta, sang Nakulāpawwahana, sang Sahadewāmangkwa ilay ning
dukūlawastra. Kapwa ta marēkāṅḍakēt sahana sang pañca-kumāra
mwang Abhimanyu tēke Gaṭotkaca mwang ra-Pāñcāla. Nghulun tuwi
tan adoha tēka ri sakweh sang Wṛṣṇy-Andhaka. Ghōṣitākēna kawī-
jayanta lawan saññanta an mahārāja Basuṣena. Kita kumawaśākēna
30 ng kaḍatwan. Pahatuṣṭanta ta bhaṭārī Kuntī tēka ring kulawarga.
Patyananta sakweh nikang musuh. T angekakārya lawan sang Pāṇḍawa,
makaphala dadyobhayahita. Ndah ingēt-ingētēn ikā denta.”

„Aum aum mahārāja Kṛṣṇa, tēlas wruh kēta nghulun, an putra
parnah ni nghulun de mahārāja sang lumah ing Śataśṛṅga. Ndan
35 panaḍah ni nghulun dharmaśāstra hetu nikā. Kalinganyānak ning
dharma gati ni nghulun.

¹⁾ cfr. Skr. 140.9: Pāṇḍoh putro 'si dharmataḥ

kanyā ¹⁾ *garbham samādhatta bhāskarān māñ Janārdanaḥ*
ādityawacanā(c) cewa jātu sā tu wyasañjayat

Singgih mata bhaṭārī Kuntī mētēngakēn nghulun, tinaḍah ira sake bhaṭāra Sūrya, bhedanya tinimpalakēn tēkap nira makahetu pakon sang hyang Āditya. Kalinganya tan dewī Kuntī makapraṇya- 5
ya²⁾ hurip ni nghulun. Syapa pwa swantahan ta linga haji: hana sūta sang Adhiratha ngaran ira. Sira tikā tumon kāsy-asih ni nghulun an pinatiwar ing śūnyaḍeśa. Inalap nira ta rakwa nghulun, kinonakēn ingun de sang anakēbi mangaran Rādhā..... Apan wruh rakwa yan Rawiputra nghulun, matang nyan amrih sang Adhirathāgawe 10
widhiwidhāna jātakarmādi-sangskāra, anēhēr mastwakēn ngaran i nghulun Basuṣena, makasākṣī ng bhrāhmaṇa wiśeṣa. Matuha pwa nghulun tēka ring kayowanān, mastri ta nghulun paragrha tēka ring pānakan paputwa ³⁾. Ya tikā kabeh makahrdaya ni nghulun. Tamolah pwa nghulun sewaka ri mahārāja Duryodhana humulunakēn śarintēn 15
i nghulun. Ndah māsih ta sira kadi parnah ning ibu bapa. Inanugrahan ta nghulun kaprabhun. Tiga wēlas tahun kāla ni nghulun amukti rājya, nghulun ta kumawaśākēn ikang sūta kabeh, nghulun kabhakti ning māgadha waitālika. Kalinganyābwat sama-sama hutang ni nghulun ri mahārāja Duryodhana. Hana pwa pawirodha nira lawan 20
sang Pāṇḍawa mangke, apa ta deya ning tan tūtakēna sāwasthā nira, apan tēlas agawe prārthana ri sira, si humalargakēna tēnggēknya yan hana parāṅgmukha ri sira. Hana pwa pakayuh nareśwara ri nghulun mangke, tatan pasahur gati ni nghulun.

na pṛthiwyā ⁴⁾ *sakalayāḥ na hiranyasya rāśibhiḥ*
harṣāt bhayātd wā Kowindaḥ nahṛtang kahtum utsaham

25

Mon paripūrṇā kētikang kaḍatwan paweha sang Pāṇḍawa, yadyapin mahābhārā paweha rahadyan sanghulun mās maṇik, tathāpi tar wēnang nghulun gumawayakēna ng mithyāpratijñā ri mahārāja

1) cfr. Skr. 141.3: *kanyā garbham samādhatta bhāskarān māñ Janārdana, ādityavacanāc caiva jātaṃ māñ sā vyasarjayat.*

2) sic ω; praṇaya?

3) sic ω; paputwan?

4) cfr. Skr. 141.12: *na pṛthiwyā sakalayā na suvarṇasya rāśibhiḥ, harṣād bhayād vā Govinda mithyā kartum tad utsahe.*

Kurupati. Tan hana harṣa ni nghulun riko sapangugung rahadyan sanghulun de ning takut. Ndyā kunang mārga nikātūta kākarṣaṇa? Taha ta, paramārthanya nghulun rowanga ning Dhanañjayâharēp-harēpan ring raṇamaṇḍala, bisama n tan hana kīrti ¹⁾ sobhāgya 5 wuwusēn ²⁾ dlāha, ya tan Phālguna Karṇāṅgālihana pratidwandwa.

Lawan ta weh sājñā haji, weh manghidēpa ng Pāṇḍawa ri sokta rahadyan sanghulun. Wruh an swadharmâtmaja ³⁾ jyeṣṭhaputra dewī Kuntī nghulun, yayā tar lyus aweha kaḍatwan i nghulun. Oyan paweha tuwī, yayā tan sanggrahā ni nghulun rikā, apan paweha 10 rikā ri mahārāja Suyodhana, ya tikā pakēna nira. Haywa kinalarākēn tan anggā ni nghulun. Kadi tan hanā rahadyan sanghulun pineta ⁴⁾ sang Yudhiṣṭhira; kadi pwa tan hanā ng Bhimārjuna mwang Nakula Sahadewa pañca-kumāra Pāñcālādi sahāya nira. Wruh kari parameśwara:

15 *asya* ⁵⁾ *yajñasya wettā tvam bhawiṣyati Janārdanaḥ*
 adhvaryutwañ ca te Kṛṣṇaḥ kuton asmin bhawiṣyati

Katona yajña mahārāja Duryodhana de parameśwara. Rahadyan sanghulun upakalpānghanarēpa jwalitayajñakārya. Mahātiśaya ta pwa ya, tapwan hana wwang len sumiddhākēna ya. Apa pwa ya: raṇayajña 20 ikā karya damēlan sang Kurukula. Sang Arjuna wikwa sthāpaka pūjā ning raṇayajña makasruk-sruwā ng gāṇḍiwadhanuh, makamiñaka samūha ning wīrasamūha; ikang pāsupatāstra kāngkēn aindrā ⁶⁾ pih, ikang dhanurweda ya mantrākṣara hungkāra. Sang Bhīmasena yāngkēn ⁷⁾ utgātāṅgunyakēna ⁸⁾ singhanāda, maśabdākēna ng gaja- 25 wāji n pangohan hana ring raṇa. Abhimanyu tan adoha ri sang bapa maṇḍungana śarasampātastuti kāngkēn mantramālā. Sang Yudhiṣṭhira pakabrāhmaṇan manibākēna sarwâyudha tulya samidha lawan tilapāta, pangutus nira ya ta sākṣāt japa. Nakula Sahadewa

1) ω: kṛti

2) ω: wuwusan

3) sic C; al.: wruhan pwa (BG: pwang) dharmâtmaja

4) sic ω. Corr.: pinet? atau: pinetan?

5) cfr. Skr. 141.29, 30: asya yajñasya wettā tvam bhawiṣyasi Janārdana, ādhvaryavam ca te Kṛṣṇa kratāv asmin bhawiṣyati.

6) ω: indrā

7) sic S; al.: yāngkak(ě)n

8) S: angghaṇṭāṅgunyakēna; C: atguh anggunyakēna; al.: atgatānggunyakēna

tālaharâpan maswakēna prayatanya n parangkita, dhwaja ning ratha
 sarpânambe giṇa nikā, ikang sañjata tomarâdi yekā kumuda mās
 arghapātra. Ya tikā tēṇdas ning śūra pinakapiṣṭapiṇḍa, makaghṛta-
 homa ng rudhira śawa. Sang Sātyaki gumawaya ng walikarma
 wighnawināśana, apan hariṣṭākēna ng ratu sapangharēp sang Korawa. 5
 Ghaṭotkacâdamēla prāyaścitta ring rātrikāla, tumarjana ng yajñakāra-
 karma. Dhṛṣṭadyumnâgawayâgnikārya, apan prasiddha pāwaka-
 kuṇḍayoni. Kunang mahārāja Duryodhana sira tikādīkṣā n kinēnan
 pāśabandha, dināha ring krodhabahni ry antaśarīra nira, makadakṣiṇā
 hurip nira.

10

yadā ¹⁾ *drakṣyasa mām Kṛṣṇa sahetan Sawyasācinā*
punaścitis tuda tasya yajñasyāsya bhawiṣyati

Tuminghala ta rahadyan sanghulun ri kapējah i nghulun de ning
 Arjuna. Ngkā ri madhya ning raṇa muwah mahomā ng Dhanañjaya,
 apan gawaya citāsangskāra ni nghulun. Yapwan śarāsampāta kāngkēn 15
 widhi ring antyeṣṭikārya. Kenuma pwa rāh ning Duśśāsana de ning
 Bhīmasena, somayāga ta hatur nika. Ri kapējah bhagawān Bhīṣma
 Droṇa tēkap ing Śikhaṇḍī Dhṛṣṭadyumna wēkas ning yajña ta ngaran
 ikā. Kapējah mahārāja Duryodhana de ning Wṛkodara caṇḍiyāga (?)
 nikang kāryayajña ngaran ikā. Panangis ning Korawabhāryâpupūl 20
 mwang mahādewī Gāndhārī, ya tikā pangdyus ning mūlakārya pinrok-
 saṇan śiwāmbha kahiḍēpanya. Sangkṣepanya:

śastreṇa ²⁾ *nidhanam gacchet samagram kṣatramāṇḍalam*
Kurukṣetre puṇyakame trailokyasyâpi Keśawaḥ

Samūha ning ratu ta pwa hēlēm ring tēgal Kurukṣetra, hilang 25
 niyama ning trailokyamaṇḍala. Salawas ing gunung mandēl ing
 prṭhiwītala, salawas ning wwe tan pēgat ring tasik, salawas nikang
 Bhāratasanggrāma samangkā ya ta winuwus sang biāhmaṇapaṇḍita.
 Ndah warahēn ta sang Pāṇḍawa de parameśwara, konēn mijila ring
 raṇamadhya sanggraheng balakośawāhana.”

30

„Aum aum mapa kunang linga ni nghulun yan mangkana?
 Ikā sapatulakta ri sapangārēmbha sang Pāṇḍawa, majarakēn tan

¹⁾ cfr. Skr. 141.46: *yadā drakṣyasi mām Kṛṣṇa nihatam Sawyasā-
 cinā, punaścittis tadā cāsya yajñasyâtha bhawiṣyati.*

²⁾ cfr. Skr. 141.53: *śastreṇa nidhanam gacchet samṛddham kṣatra-
 maṇḍalam, Kurukṣetre puṇyatame trailokyasyâpi Keśava.*

yuktinta kumawaśākēn pr̥thiwīmaṇḍala marika n mangkana. Śyapa
 tan wruh kari yan sang Pāṇḍawa jayā ring raṇa? Apan akweh
 pinakajñāpaka ¹⁾ makādi śakunadarśananimitta. Apa pwa don ing
 pr̥tiwacana, kāruṇya de ning pasambhandan hatur nikā. Kumwa ta
 5 deyanta: t ājar kite bhagawān Bhīṣma Droṇa Kṛpācārya, ring Poṣya-
 māsa diwasa rahayu paprangan. Makweh sangu makādi yawa-sendha-
 wa; latāṅkurākweh ring alas; mawwah ikang sarwaphala; akēḍik
 namuk lalēr i samangkana; latēknya tuwi tan sapira; wwaynya tan
 matīs tan mapanas. Nihan paniyamanya: pituwēlas kulēm nikang
 10 Mārgaśīrṣa kawēkas pāntaranya sake lēkasa ning mapranga; ngaran
 ing mangkana: mamwitaneki ring trayodaśī śuklapakṣa rikeng Mārga-
 śīrṣa, Śakradewatā hyang nikang diwasa ri samangkana, makaphalā-
 manggiha kendran sahana sang Korawa pējah ing raṇāṅgana.”

„Dū aum mahārāja Kṛṣṇa, yayā tan apunggung nghulun irikā.
 15 Kadi ling ni nghulun ta pwa usēn, niścaya nghulun i hariṣṭā nikang
 sakalabhūmi, apan katon ikang nimittalakṣaṇa de ni nghulun.

*swapnā ²⁾ hi bahawo ghorāḥ dṛśyante Madhusūdanaḥ
 nimittāni ca ghorāṇāṃ tathotpātāḥ sudāruṇāḥ*

Makweh ikang ipyan mahala, prasārta ng aśubhanimitta tēlas
 20 katon, wastw apūrwa ikang mahotpāta; ndan ajarakēn kālahan ing
 Korawa wijaya ning Pāṇḍawa juga katonanya. Arēs muriring mata
 puhun-wulu ni ngwang tēkapnya. Ikang Śanaiścārāharas graha ³⁾
 Prajāpati, Anggāra sanghāra nakṣatra. Ikang wintang Citrā kapīḍana
 de ning graha. Kawalik śaśa wungkukan sang hyang Wulan; bhi-
 25 nakṣa ning Rahu sang hyang Āditya ri kālanya. Tumibā tang andaru
 sakeng ākāśa. Patēr kētug ya tan pakāla. Molah tibā ng gajah wāhana.
 Lumuh mata ning turanggama, makweh denyāngising akēḍik denyâ-
 mangan. Ikang mṛga mangiwa n kulilingan mamangsul. Mogha
 tan poni ikang mṛdangga bheri tinabēh. Tumibā tang māṅsarudhi-
 30 rawarṣa ngke nagara. Nityākālangan sang hyang Āditya; digdāhâ-
 bhrâsinang ikang nabhastala. Ikang wwang ngke ring nagara moghâ-
 ninda ring brāhmaṇa, matī ring wṛddhapāṇḍita.

¹⁾ sic? A: pinakajñāpatya; al.: pinakajñāpata

²⁾ cfr. Skr. 143.6: swapnā hi bahavo ghorā dṛśyante Madhusūdana,
 nimittāni ca ghorāṇi tathotpātāḥ sudāruṇāḥ.

³⁾ sic? ω: graṇa

sahasrapādaṃ ¹⁾ *prāsādaṃ swapnānte ku Yudhiṣṭiraḥ*
adhirohan tayā dṛṣṭaḥ saha bhrātṛbhir acyute

Kunang sang Yudhiṣṭhira tinon i nghulun manek ri prāsāda makanganak (?) sewu sira ring pangipyan saha wwang sānak nira kabeh, mapagēm abaddha ²⁾ wēḍihan śwetadukūla rakwe sira wē- 5 kasan, malungguh ring maṇi-singhāsana. Muwah tepyan i nghulun ri sang Yudhiṣṭhira: tinon i nghulun humēlō bhūmimaṇḍala, ndan parameśwara ta pwa mehakēn ya. Kunang swapna ni nghulun i sang Bhīmasena: manek ri wukir aruhur rasika, aśramāmutēr gadā, tumungku-tungkul ing pṛthiwīṭala. Sang Arjunānunggang ing liman 10 katonanya ring pangipyan, satejaparimaṇḍalādulur parimaṇḍala mwang parameśwara. Mangkana sang Nakula lawan sang Sahadewa mwang sang Sātyaki paḍātah manunggang ing gajapati ring pangipyan, sangkep ring ratnābharāṇa makuṭa-keyūra-prabhṛti ³⁾.

Kunang rahayu lakṣaṇanya katon ngke ri sang Korawa Aśwatthā- 15 mā Kṛtawarmā, anghing samangkā kepi makiratbāhu makuṭābharāṇa. Ikang len sangkerika tan rahayu katonan ika. Bhagawān Bhīṣma Droṇa rakwānunggang ing sattwa uṣṭra ring pangipyan, madulur mwang mahārāja Duryodhana lawan nghulun. Ndah angawetan rakwa laku sanghulun. Pira kunang kadoh nikang lampah kapanguh 20 deśa ri swapna śūnya tistis pradésanya. Wēkasan katon tang ratu sāmanta tēkap ni nghulun, ndan bhasmībhūta katonanya kabeh de ning gāṇḍiwadhanuh. Paramārthanya tēlas pratyakṣa kaparājayan ing Korawa.”

„Om singgih wuwusta mahārāja Karṇa, ndatan wruh kita kalingan 25 i wuwus i nghulun tēmēn-tēmēn. Apa deyanta mangke? Kita t pang-gihakēna swarga jēmah, tatan kapanggih niyatanya de sanghulun. Dūra n pasanggamā lawan kita. Matang nyan mangke ring ihatra paratra ta kita n katona de sanghulun, tan kapanggih pwa ālocitanya denta, sampun ta hayu nikang mangkana.” 30

Nāhan wēkas mahārāja Kṛṣṇa karēngō de patik haji tar mawās....

Mangkana pājar sang Sañjaya ri mahārāja Dhṛtarāṣṭra. Śoka dīnāngēn-angēn sang winarah.

1) cfr. Skr. 143.30: sahasrapādaṃ prāsādaṃ swapnānte sma Yudhiṣṭiraḥ, adhirohan mayā dṛṣṭaḥ saha bhrātṛbhir acyuta.

2) FG: mapagēṭabaddha. Mapagēma baddha?

3) sic? BG: tayura; al.: tayara. Cfr. Skr. 143.39: Nakulaḥ Sahadevaś ca Sātyakiś ca mahārathah, śuklakeyūrakanṭhatrāḥ

Byatīta gati sang haneng Hāstinapura. Lwir mahārāja Kṛṣṇa n datēng ing Wirāṭa ya tikā gumantya warnanēn. Tar wawang sira tumame kahanan mahārāja Yudhiṣṭhira, mararyan mābab - abab sakarēng sire satēkā nira, atēhēr humerakēn kālādésa nahārāja Dhar-
5 mātmaja. Pira kunang sowe nira, tumunggang gunung sang hyang Āditya meh sumurupa. Tēlas maluwaran mangālocita sang Pāṇḍawa lawan sang ratu wr̥ddhapuruṣa, tumuluy ta sira sandhyopāsana. Ri tēlas nira tumama ta mahārāja Kṛṣṇa sumanḍing ri palungguhan mahārāja Yudhiṣṭhira. Mājar-ajar ta sira sopacāra:

10 „Sājñā haji, tēlas rāntēn haji tumēkākēn soddeśa rahadyan sanghulun ri sang Korawa, umupacāra priyawākya hitāwasāna. Ndan pisaningū n pwangkulun mangaywana, bāhulya mangiḍēpa śabda kākarṣaṇa.”

15 „Om tēlas niścaya hati ni nghulun i tan pamisinggih ning Duryodhana. Mapa ta ling nira kabeh? Sang watēk matuha prasiddha pinakamanggalya tan patangguh kari sira?”

20 „Dū sep dahat de rahadyan tan pangālākēna rāntēn haji. Sira kabeh makādi bhagawān Bhīṣma Droṇa Kṛpa m̐wang mahārāja Dhṛtarāṣṭra lawan mahāmantri Widura kapwāpitutur atangguh gati nira. Ndan mangkin angguyu-guyu juga ng Duryodhana. Songkab ni tutuk ni nghulun ya ta juga n mingay asēmu hewānggakāra.

Setelah Bhīṣma Droṇa dan Dhṛtarāṣṭra memberikan peringatan kepada Duryodhana:

25 Ndah krodhātēhēr angadēg mahārāja Duryodhana, makatawan rēngu ni tinghamnya. Tinūtakēn ta lampahnya de sang ratu sang mahyun matinggala jīwita. Kapwekā mahōm agoṣṭhy ahyun magawe nayopāya. Inuddeśanya tikang ratu sāmanta umijileng Kurukṣetra-maṇḍala, möngpōnga ¹⁾ wijil nikā Puṣyanakṣatra.”

¹⁾ ω: pōngpōnga

BHĪSMA PARWA

1

KORAWA DAN PĀṆDAWA BERSIAP DI KURUKṢETRA

Tēlas atingkah umarēp wetan sang Pāṇḍawa saha wīrayodha sira mungkurakēn kuṭa nira, kawāhya sangke Samantapañcaka. 5 Irikā ta yan kahidēp sūranya, sakweh nikang pr̥thiwīmaṇḍala kawawe tēngah ning Kurukṣetra, halēpa wwang matuha lawan rare dahat ta kunang kawēkasāngher i umahnya. Ya tikā tan papramāṇa katon ikang wīrabala ngkāneng raṇāṅga.

yāwat ¹⁾ *tapati sūryo hi Jambūdwīpasya maṇḍalam*
tārat ewa samāwṛttam balaṃ Bhāratasattama

10

Sahīngan ing āditya n sumuluhi ng maṇḍala ring Jambūdwīpa hidēpēn de haji, samangkana kweh nikang bala n pasamudaya pangidēp i ngwang. Matang nyan tan hana wukir, tan hana lwah trēbis, tan hanālas, tan hana duṅga ngaranya; kapwa kesyan konggwanan kuwu, 15 kapwa kataman senā lēbak hururnya. Tēkwan harṣa nikang Pāṇḍawa-bala kadi ginyang-gyang agyāṅgaywa kaśūran. Katon mara girangnya tēkap mahārāja Kṛṣṇa mwang sang Dhanañjaya, ya ta matang nyan imbuhi pangahangkāranya, paḍāsrang anyup śaṅkha sira kālih. Apa ta lwir ni śabda nikang Pāñcajanya lawan ikang śaṅkha Dewa- 20 datta: arēs giri-girin ikang Korawasenā tēkapnya, kapituli karērēng mogha wismṛti, kadi mṛgāngrēngō śabda ning singha. Tēkwan ikang lēbū mēlēk, wandangkura pētēng tan papatonan sāwayawa nikang Kurukṣetra; tan prabhā katon ateja sang hyang Āditya. Tatan masowe tumibā tang warṣādulur angin pracaṇḍa humung gumuruh. Pahyā 25 nikang pratisenā n sēḍēng maharēp-harēpan kadi gēntēr ing tasik mapagut lawan rowangnya ri kāla ning yugānta.

Ngkāna tikang pratiyodha n pangghoṣaṇākēn samaya dharmayuddha: tan hanā wehēn parachidra; tan swīkāran asing mahyun mangaliha; tan pamranga wwang sēḍēng awērō; tan simbata ng wwang 30 mungkur alayū; tan pamanaha (ng) tan panggēgō sañjata; tan patyana ng anggēgō dhwaja; tan awākēna ng manulup śaṅkha lawan manabēh

¹⁾ cfr. Skr. 1.8: *yāvat tapati sūryo hi Jambūdvīpasya maṇḍalam, tāvad eva samāyātam balaṃ pārthivasattama.*

bheri mṛdangga; mwan malagā sahimpēr ni wāhananya, tan pangarēpakēna ng sor sakeriya.

Mangkana sambodhana nikang pratiyodha n pangayu kaśūran mwan dharmayuddha.

2

5

BHĀRATAYUDDHA HARI PERTAMA

Irikang sakatambesuk pwa ya ta ri pūrwaka nikang laga, dinānan tekang watēk ratu sāmanta, tiningkah songgwana nikā sowang-sowang. Ghūrṇita tekang śaṅkha bheri mṛdangga, masangghyani lawan pahyā ning bala peka sāmānya, sinahakāryan de ning śabda ning matta-
10 sāmaja lawan kuda mwan pasinghanāda ning wīrayodha. Mapa ta lwirnya n abhrāsinang sāwayawa nikang tēgal Kurukṣetra de ni halēp ning sarwāyudha mwan sarwabhūṣaṇa?

Mangkana ri sang Pāṇḍawa, tatan pahīngan kādbhuta nikang senā-pratisenā caturanggabala. Iningēt-ingēt pwa gatinya n sēḍēng
15 maharēp-harēpan,

yugānto ¹⁾ *raweto dwau sāgaram iwādrśyataḥ*

an kadi ta ya tasik rwang siky apagut lawan rowangnya kāla ning mahāpralaya;

dwidhābhūtaḥ ²⁾ *iwādityaḥ udaye pratyadrśyata*

20 hanan kady ādityāparwa kāla ning udaya, ri denya n prakāśa dahat dilah nikang sarwāstra ri kālanya n mangkana.

samānila ³⁾ *mahīpālān idaṃ wacanam abrawīt*

Hinōmakēn tekang ratu sāmanta de bhagawān Bhīṣma, pini-tēkētan ira ring nayopāya mwan rikang kṣatriyadharmaśāsana.

1) cfr. Skr. 16.27: yugānte samavetau dvau drśyete sāgarāv iva

2) cfr. Skr. 17.3: dvidhābhūta ivāditya udaye pratyadrśyata

3) cfr. Skr. 17.7: samānīya mahīpālān idaṃ vacanam abravīt

idaṃ ¹⁾ *vaḥ kṣatriyaḥ dvāraṃ swargāyāpāvṛtaṃ mahan
gacchadhvaṃ tena kramasya Brahmaṃś ca salokatām*

„Sojar rahadyan sanghulun kita kabeh, sakweh sang watĕk kṣatriya mahāpuruṣa kabeh, yeki babahan mĕnga tĕkeng swarga ngaranya iking samarakārya, tūtĕn ing wwang kadi kita mahāwīra, 5 yatanyat pangguha ng Indraloka lawan Brahmaloḥa. Haywa kita tan utsāhe kā ĕmbhan ing raṇakriyā.

dadharmaḥ ²⁾ *kṣatriyasyema yad dyādih maraṇaṃ gr̥he
yat ayyonidhanaṃ yānti so 'sya dharmah sanātanaḥ*

Tan dharma ning kṣatriya kĕta ikang maty alara hanery umahnya; 10 kunang ikang pĕjah i tĕngah ning raṇāṅga, ya iki mahāwīśeṣa ning kadi kita mahākṣatriya ngaranya.”

Mangkana de bhagawān Bhīṣmāgawe protsāha ring senāwīra, matang nyan mangkat aruhun-ruhun masö sakweh ning ratu mang-
jurw i Korawa kabeh. Tatan wuwusĕn kweh ni wāhananya sowang- 15
sowang mwang sañjatanya lawan halĕp nikang bhūṣaṇa sinandangnya,
nguniweh kweh ni wadwanya ring saratu-saratu. Kunang bhagawān
Bhīṣma hana sirāṅgadĕg i samīpa ning Korawa, makadhwaja ng tāla
kāñcana rukmamaya, apan sira pinakasenāpati rikang kāla. Pira ta
lwir nikā pratyeka nikang pinakādiyodha? Śrutāyudhaḥ Citrasena 20
Wiwingśati Śalya Bhūriśrawa makapuraḥsara Droṇaputra, samangkana
tekang inabhimata rumakṣa bhagawān Dewabrata. Kunang wadwa
ḍang hyang Droṇa sātus iwu pramāṇanya, makadhwaja ng kamaṇḍalu
kāñcana. Mahāiāja Duryodhana makadhwaja ng nāga maṇik su-
prakāśa, iniring de ning ratu Poṇḍra Kālingga Kāmboja Sudakṣiṇa 25
Kṣemadhanwā. Yapwan ḍang hyang Kṛpācārya wṛṣabha taṇḍa nira,
makapangarĕp sakweh ra Māgadha; sāksāt megha ring Māghamāsa
lwir nikang wadwa manimbangi sira. Kunang mahārāja Jayadratha
warāha pinakataṇḍa nira; walung iwu kweh ni gajah nira, nĕmang
ayuta kweh ni kuda nira, limang iwu kweh ni ratha nira. Yapwan 30
mahārāja Bhagadatta, liman ikā wāhana nira, iniring de ning
Windānuwinda, tumūt i lampah mahārāja Ketumān. Sangkṣepa

1) cfr. Skr. 17.8: *idaṃ vaḥ kṣatriyā dvāraṃ svargāyāpāvṛtaṃ
mahat, gacchadhvaṃ tena Śakrasya Brahmaṇaḥ sahalokatām.*

2) cfr. Skr. 17.11: *adharmah kṣatriyasyaiṣa yad vyādhimaraṇaṃ
gr̥he, yad ayyonidhanaṃ yānti so 'sya dharmah sanātanaḥ.*

nikang wadwa haneng Korawa sawēlas akṣohinī ikang prasiddha tumūtakēn sāṅsō bhagawān Bhīṣma.

Dhṛtarāṣṭrasyaṇīkasya ¹⁾ *dr̥ṣṭā wyūpāni Pāṇḍawaḥ*
abhyabhātāsyā dharmātmā Dharmarājo Dhanañjayam

5 Ri tēlas sang Korawa kṛtabyūha wadwa nira, mulat ta mahārāja Yudhiṣṭhira. Ya ta hetu nira r pojar i sang Dhanañjaya, ling nira:

„Antēn i nghulun laki sang Arjuna, tēlas abyūha sang Korawa, huwus atingkah mahāyodha sāṅgarakṣaka. Kumwa ta deyanta: t alēkas t agawe byūha, kumēnākēna pājar i śāstra bhagawān Wṛhas-
10 pati. Apan wēnang rakwa ng akēdik manglawan akweh, sabarinya n kēna de ning angdāni byūha. Mapa tang enaka mangke?

sūcī mukham ²⁾ *anīkaṃ syād alpānām bahubhiḥ saha*
asmākaṃ ca tathā sāinyah alpīyah satarām parah

Sūcī mukha ta pwa gēlaren ing wadwa makēdik manglawan
15 akweh, apan atisaya kweh ni kasor ni balanta de ni wadwa nikang musuh. Empēn asimpēn ta pwa hiḍēp ni nghulun irikeng byūha ike, dānana ta de ny antēn i nghulun.”

„Sājñā haji, tan sanggahēn amangpang patik haji ri sojar rahadyan sanghulun. Kumwa tekang damēlēn patik haji byūha: hana ta bajra-
20 byūha ngaranya tēlas dinamēl de ni rāma rahadyan sanghulun bha-
tārendra; ndan atyantātah kadurjayanya ri hiḍēp patik haji, tan kēneninggut ing ulah-ulah. Tēkwan pwa n hana rāntēn haji ārya Bhīmasena, pakaśaraṇa ning wadwa huwus tiningkah ³⁾, byakta pratihata hiḍēp patik haji parameśwara.

25 *na hi* ⁴⁾ *so 'sti pumān loke yah śakrodha Wṛkodarah*
dr̥ṣṭum ity ugrakarmāṇaṃ wiśaheta narasanām

Hana ta karih wwang mahāpuruṣa ngke ring loka wēnanga śaktya mapaga ri Wṛkodara sēḍēng krodha? Maku juga patik haji n trasta ng musuh de rāntēn haji.”

1) cfr. Skr. 19.3: Dhṛtarāṣṭrāṇy anīkāni dr̥ṣṭvā vyūdhāni Pāṇḍavaḥ, abhyabhāṣata dharmātmā Dharmarājo Dhanañjayam.

2) cfr. Skr. 19.5: sūcī mukham anīkaṃ syād alpānām bahubhiḥ saha, asmākaṃ ca tathā sāinyam alpīyah satarām paraiḥ.

3) Gonda: tinangkah

4) cfr. Skr. 19.12: na hi so 'sti pumān loke yah saṃkruddham Wṛkodaram, draṣṭum atyugrakarmāṇaṃ wiśaheta nararṣabham.

An mangkana ling sang Dhanañjaya, atēhēr lumampah angdāni byūha. Sampun enak pwa katingkahan ikang wadwa senā-pratisenā, prasama mangsō ta ya lawan ratu sāmanta, kadi hili ning Jāhnawī kahidēpanya, makāgrakeśarārya Bhīmasena Nakula Sahadewa Dhr̥ṣṭaketu Dhr̥ṣṭadyumna, iniring de ning yodhamukhya lawan 5 Prabhadratha, tumūt tang Śikhaṇḍī, makānggarakṣa sang Arjuna, makasahakāri Yuyudhāna mwan Yudhāmanyūttamoja. Kunang mahārāja Yudhiṣṭhira hane madhya nikang byūha sira madulur mahārāja Drupada Wirāṭa, kapwāhawan ratha sira katiga. Pirang koṭi kunang ikang wīrabala padāti nira, bheda sangkeng liman sēḍēng 10 madagandhacalita.

Lumēkas ta sang Bhīmasenāngrēmuk angrēmēk wadwa ning musuh. Nora wēnang mulat ngaranya sakweh nikang kaharēp de sang Wṛkodara. Tēkwan ikang bajramukhabyūha sarwatomukha sakāma-kāma gatinya. Matang nyan tan kāwaran pamuk sang Bhīmasena, 15 dadi sangke harēp sangke iringan. Matang nyan syuh jarjharika ¹⁾ ikang Korawabala. Tapwa ya n walēs mangsō ta sang Korawabala, katēkan surup ning āditya. Maluwaran tekang prang wēkasan.

3

PARA PĀṆDAWA MENGHADAP BHĪṢMA, DRONA, KRPA, ŚALYA.

20

Iti nāhan pangucap mahārāja Kṛṣṇa lawan sang Arjuna, atēhēr sirāmaluyakēn swarūpa nira jāti Kṛṣṇa. Agirang ta sang Dhanañjaya de nikang yogaśāstrānugrahe sira. Ping tigātah rambēhan ira r panēm-bah, arah gēmō-gēmōn de ning pūrwarṇa, enak de nira rumēgēp cāpa nira. Matang nyan paḍa haṣṣāmbēk ikang yodha kabeh. Humung 25 ta yāwurahan mwan paḍahi. Mawū maṇḍēh mangsō tikang bala lawan sūra ratu sāmanta, paḍolah pangarēpnya tuminghal i mahāiāja Yudhiṣṭhira. Mapa kunang buddhi nira? Tumurun sira sangkeng ratha, maluput kawaca, mary anggēgō sañjata. Ndan kadi dīna putēk katinghalan ira. Māngawetan lampah nira mare kahanan 30 sang Korawa, tan pangapekṣa padāti ḍampa wāhana. Katon pwa sira mangkana de sang Arjuna, sandeha ta manah nira. Matang nyan tumurun sangkeng ratha, tumūtakēn lampah nira kāka, makering mahārāja Kṛṣṇa. Tēka sang Bhīma Nakula Sahadewa kapwa tan

¹⁾ jarjharita?

anggëh buddhi nira tumon sirânunggal-nunggal. Mangkana sakweh ning ratu yodhamukhya kapwânût wuri sahananya, milu kakşunṇan citta tuminghal i śrī Dharmâtmaja.

Irikā ta ya n pojar sang Arjuna, ling nira:

- 5 *kim te* ¹⁾ *wyawasihto rājan yad asmān awahāya we*
padnyām ewa prayāto 'si prāmukho ripuwāhini

„Sājñā haji, mapa kari prayojana parameśwara an tinggalakën sanghulun kabeh, lumampah anungga-nunggal tan pangiring dampa wāhana, mangawetan mare dwan ing musuh, mary anggëgö sañjata,
10 maluput kawaca keśapāśa kaṭiwandha? Ndo warahën ta sanghulun kabeh irikang seṣṭi ni manah parameśwara.”

Mangkana ling sang Arjuna. Tëka ta sang Bhīma Nakula Saha-
dewa kapwa tumëkākën sântwa nira. Ndatan sahur mahārāja Yudhiṣ-
ṭhira kewala tan huninge śabda sang antën kabeh, pijër lumampah
15 juga sira. Tuhun mahārāja Kṛṣṇātaḥ tumon i prāya mahārāja
Dharmasuta. Matang nyan sahur i śabda sang catur-Pāṇḍawa, ling
nira:

„Mengët karika rahadyan sanghulun kabeh ri buddhi nira rāka
rahadyan sanghulun śrī mahārāja. Kumwa niyata ni prāya nira:
20 marā manëmbaha ri sira bhagawān Bhīṣma, dang hyang Droṇa,
Kṛpācārya mwan i sira rāma rahadyan sanghulun mahārāja Śalya,
magawaya gurûpacaraṇa rumuhun, kamëna ni lumëkasâprang.
Matang nyan mangkana:

- 25 *anumāne* ²⁾ *yathāśāstram yat tu yudhyen mahatkarah*
dhruwam amasyayo yuddhye bhaved iti matir mama

Hana wwan apranga lawan lëwih sakeriya, ya tikā magawaya
gurûpacaraṇa rumuhun, tumûtakëna pājar ing śāstra. Ikā tang wwan
mangkana yatnanya, byakta pamënanang nikā ring raṇa. Mangkana
buddhi ni nghulun usangka ³⁾ buddhi mahārāja Yudhiṣṭhira.”

1) cfr. Skr. 43.16: *kim te vyavasitam rājan yad asmān apahāya*
vai, padbhyām eva prayāto 'si prāṅmukho ripuvāhinīm.

2) cfr. Skr. 43.24: *anumānya yathāśāstram yas tu yudhyen mahat-*
taraiḥ, dhruvas tasya jayo yuddhe bhaved iti matir mama.

3) āśangkā?

Kahēnēngan sang catur-Pāṇḍawa an hana pangādeśa mahārāja Kṛṣṇa. Tuhun yatna ta siromiring lampah nira kaka. Bhawiṣya katēkan ta kahanan ikang Korawabala pangarēp. Irikā ta ya n ghūrṇita ng apahāsa śabdanya sowang-sowang, lingnya:

„Uḍūh kuya ta mahārāja Yudhiṣṭhira, nda nda dumunung i kahanan bhagawān Bhīṣma. Byaktāminta-minta śaraṇa ri sira prayojana nira de ni takut nirāṅgaywa kaśūran mwanng śrī Kurupati. Nihan ta Bhimārjuna Nakula Sahadewa tēke mahārāja Kṛṣṇa, paḍa ḍatēng ngke kahanan ring Korawa. Takut hetu nimittanya r parāgawe sātwa upaśama. Do tan ambēk ning kṣatriya ta ngaran ikā sang Pāṇḍawa. Yogya dīnan mwanng nindan ng ulah mangkana. Taha mapa mēne ujara nira bhagawān Bhīṣma? Mapa deya nirāṅgēnākēna praṇaya-wākya? Apa sahura bhagawān Bhīṣma kunang? Apan agōng sih nira ring Korawa.”

Kapwa mangkana śabda nikang Korawabala, dhumikkāra¹⁾ sang pañca - Pāṇḍawa. Ndatan wawa-rēngēh mahārāja Yudhiṣṭhira, kahanan bhagawān Bhīṣma juga dinunung nira. Tan asowe ḍatēng ta sire kahanan bhagawān Bhīṣma, mangusap caraṇareṇu mwanng antēn ira sang catur-Pāṇḍawa, ling nira:

āmantrayen ²⁾ *twā dudharmaḥ twayā yotsyāmy atam saha*
abhujānihi mām tāta āśiṣaś ca prayojayam 20

„Sājñā bhagawān kaki, matang nyan ḍatēng ra putu sang paṇḍita sumēmbah pāduka sang maharṣi, mahāmintāśraya, umundanga kaki sanghulun milwa ring Pāṇḍawa. Apan rahadyan sanghulun rakwāngarēpakēna sanghulun Pāṇḍawa. Anujñātan tang pinakanghulun de sang maharṣi, pihutanganāśīrwāda jayamanggala.”

„Uḍū aum aum putu mahārāja Yudhiṣṭhira, bhāgya ta kita n ḍatēng prayatna magawe gurūpacaraṇa-sambodhana. Ling mami marika:

yadiwan ³⁾ *nādhigacchataḥ yudhi mām pṛthiwīpateḥ*
śapeyan twām mahārāja na tawāsti parājayaḥ 30

Ya tan parā kiteriki kahanan mami, tat ḍatēnga sumēmbah i pādukangku, apan śāpangkwa kita; yāwat pwa kita kēna śāpa de mami,

¹⁾ ω: dhumiktāra

²⁾ cfr. Skr. 43.37: āmantraye tvām durdharṣa tvayā yotsyāmahe saha, anujānihi mām tāta āśiṣaś ca prayojaya.

³⁾ cfr. Skr. 43.38: yady evaṃ nābhigacchethā yudhi mām pṛthivīpate, śapeyam tvām mahārāja parābhāvāya Bhārata.

tāwat kita tan pangguha ng kawijayan. Kunang pwa pājarangkwe kita, takam sangguh aku niṣṭhura: tag wēnang jugâku laki mangdohi sang Korawa, sangka yan kabwatan de ning wibhawopakaraṇa, kabandhana de ning mās maṇi rājayogya. Matang nya

- 5 *atas tyām* ¹⁾ *klīwad wākyaṃ brawīti Kurunandana*
 wṛto 'smy arthona Korawyeḥ yuddhād adyatim icchasi

iku sapinta-kāsihte kami lwir wiphala gatinya, takam wēnang umoma-
kēn ya. Kadi ling mami ngūni tasēn, tēlas kṛtapralaya de sang Korawa,
inupakāreng sarwārtha ²⁾ ratnâdi. Kunang yan hana kakūngta lena
10 sangkeriking raṇakriyā, yayā ta kami tak atēngēta irika.”

„Sājñā bhagawān kaki, kumwa tiki yan mangkana: byatita papra-
nga sang paṇḍita mamrihakēna sang Korawa. Ndatan wyarthā tiki sēm-
bah ning pinakanghulun i pāduka sang mahāmuni. Hana juga paweha
sang maharṣi anugraha ri sanghulun. Kumwa inantus ni wuwus ra
15 putu sang maharṣi. Apa deya ning umalahakēna rahadyan sanghulun,
apāwasāna ning jumayākēna sang paṇḍita ring raṇa? Sēḍēng samang-
kana anugraha sang mahāmuni ring pinakanghulun, yan hanā sih
sang maharṣi ring lima sānak.”

„Ā mangkā kapwa kaharēptānugraha. Ndakam pājara ra putu.
20 Nora kēta wīrapuruṣa wēnang apranga lawan kami; yadyapi sang
hyang Indrā tuwi, yayā tan pamēnanga nira de mami. (Patēmwakēn
tāku lawan ya ring raṇa.) Kunang pwa sangka ri tan wēnang
mami tan sumiddhākēn seṣṭi ni prayojananta, kumwa tekang rahasya
pājara mami ri kita:

- 25 *strīpūrwan* ³⁾ *tw anupaśyāmi samare yo yajeta mām*
 kanāwan mṛtyukāle me kuryād āgamanam punaḥ

yan hana pumān strīpūrwaka katona de mami, patēmwaken tāku
lawan ya ring raṇa, byakta tan huripa mami de nikā. Kāla ning mṛtyu
sanghāra kami ⁴⁾ ikā ring samangkana. Haywa ta putungku sangsaya,
30 astu kita jayā ring raṇa.”

1) cfr. Skr. 43.42: atas tvām klībavad vākyaṃ bravīmi Kurunan-
dana, bhṛto 'smy arthēna Kauravya yuddhād anyat kim
icchasi.

2) ω: sarwātha

3) cfr. Skr. 43.48: na sma taṃ tāta paśyāmi samare yo yajeta
mām, na tāvan mṛtyukālo 'pi punaī āgamanam kuru.

4) mami?

An mangkana wuwus bhagawān Bhiṣma, enak tâmbëk mahārāja Yudhiṣṭhira, harṣānëmbah musap pādadwaya sang maharṣi. Muwah ta sirāngawetan, mare kahanan dang hyang Droṇa, tēkāngimpunakēn caraṇapāmsu parēng lawan antēn ira patang siki. Mangkanâtah sahur dang hyang Droṇa kadi sahur bhagawān Dewabrata, si tan wēnang 5 ira de ni kabwatan ira tēkap ning pratyupakāra i sira. Kunang pwa göng ning praṇata mahārāja Yudhiṣṭhira i sira hetu nira pakasahur kumwa :

*tad Yudhiṣṭhira 1) tuṣṭo 'smi pūjitaś ca twayānagha
anujñāmi wa yudhya ca wijayaṃ samawāpnuyāt*

10

„Tanaya ni nghulun mahārāja Yudhiṣṭhira, atyanta sukha ni nghulun denta, ri datēngtāmūjā ri nghulun. Anujñātang kwa kita, astu kita jayā ring raṇa yat lēkas apranga.”

„Sojar ning guru sanghulun, ya pweki matang nyan tumibākēn tangisnya ri mahādwiṇa, ri tan wruh nikeng Pāṇḍawa ring upāya n 15 harēpakēna rahadyan sanghulun. Kāsihana tang pinakānghulun sama sānak, anugrahāna de mahādwiṇawara. Yan mapa de ning malahakēna ng kadi rahadyan sanghulun mahāśakti. Apan hanojar rahadyan sanghulun anangguh jayā ring pinakānghulun. Warahēn tang pinakānghulun ring jayakāraṇa.”

20

„Apa yan wibhrama datēng kari bapa? Tan engēt karika kita :

yato 2) dharmas tataḥ Kṛṣṇaḥ yataḥ Kṛṣṇaḥ tato jayaḥ

göng ning puṇyanta marika an hana mahārāja Kṛṣṇa iri kita; hana pwa mahārāja Kṛṣṇa byakta hana ning kawijayan ri kita. Kunang pwa takwanta ri kami, tumakwanakēna deya ning jumayākēna ri kami: 25 singgih tan hana wēnang malahakēna kami yan ing palagan. Kunang yakam kahaḍang wiśāta manastāpa mary anambuta sañjata, makani-mitta hilang ning smṛti ri kami, samangkana nggān ikang wīrakṣatriya wēnangāmējahana ri kami ri tēngah ing palagan. Ring apa ta ya niścetanā wimūḍhā kita guru, swantahan kwa linganta :

30

1) cfr. Skr. 43.54 : tad Yudhiṣṭhira tuṣṭo 'smi pūjitaś ca tvayānagha, anujñāmi yudhyasva vijayaṃ samavāpnuhi.

2) cfr. Skr. 43.60: yato dharmas tataḥ Kṛṣṇo yataḥ Kṛṣṇas tato jayaḥ

yan hanâpriyawacana rinëngö mami ujarakëna ning mahâpuruṣa, irikâ ta kami tyaktayuddhâ wismrtâtinggala sañjata. T ingëtakën ta denta sopâyanta ring samangkana. Kami tan dadi mithyâwacana.”

5 Enak de mahārāja rumëngö sawacana dang hyang Droṇa. Manëmbah ta sira, tumuluy umangkat mare dang hyang Kṛpâcārya. Tëkâpradakṣiṇâṅabhiwāda, sapraṇayâjar i prayojana. Kadi tēkap nirâpinta-kāsih i dang hyang Droṇâta de nirânëmpuhakën śabda. Ndatan papahī sahur nira dang hyang Kṛpâcārya, impër lawan
10 prahasambodhana ²⁾ dang hyang Droṇa. Tuhun kumwa ta wēkas ni pājar nira:

abadhyo ³⁾ *hi mahīpāla yadhyaswa jayam āpnuyāt*

„Sājñā haji mahārāja Yudhiṣṭhira, tan pējaha nghulun ring raṇa, tag wehakëna hurip mami. Tuhun jayā ta kita tan kapratihata ⁴⁾,
15 astu śāśwatā tanaya mami. Satyawacana ng kadi mami brāhmaṇa.”

Harṣa ta mahārāja Yudhiṣṭhira mwang sang catur-Pāṇḍawa, rumëngö wacanā dang hyang Kṛpâcārya. Matang nyan tumuluy mare kahanan mahārāja Śalya. Datëng ta sirâtëhër mangabhiwāda majarakën kārya nira. Kadi sahur sang tiga siki atah sahur nira. Irikâ ta ya n
20 sahur mahārāja Yudhiṣṭhira, ling nira:

sa eva me ⁵⁾ *cara satyam udyoga yaḥ kṛtaḥ twayaḥ*
Sūtaputraś ca sanggrāme kāryas tejowadhas twayā

„Sājñā mahārāja Śalya, hana marânugraha rahadyan sanghulun irikeng Pāṇḍawa ri kâla ning Udyogaparwacarita, rahadyan sanghulun
25 marâkusāra umupāya hilanga ni śakti ni Karṇa dlâha ring raṇa. Satapamordha (?) ⁶⁾ marikânugraha parameśwara. Bheda sangkerika marpaṇākëna hurip rahadyan sanghulun ring Pāṇḍawa mara ling rahadyan sanghulun ri ngkāna. Sampun kagëgö atekā de ning pina-kanghulun.”

1) cfr. Skr. 43.66: śrutvā tu mahad apriyam

2) pratisambodhana?

3) cfr. Skr. 43.74: avadhyo 'ham mahīpāla yudhyasva jayam āpnuhi

4) ω: kapratihaka

5) cfr. Skr. 43.86: sa eva me varāḥ Śalya udyoge yas tvayā kṛtaḥ, Sūtaputrasya sanggrāme kāryas tejovadhas tvayā.

6) Gonda: Sūtaputrawadha?

„Uḍū aum aum bapa mahārāja Yudhiṣṭhira, tan sangśayā para-meśwara, astu siddhā ikang kaharēpta, jayā ta pwa sang nātha.”

Tēlas enak de mahārājānghanākēn sambodhana ri sang patang siki, mantuk ta sirādulur sang pañca-Pāṇḍawa. Kunang mahārāja Kṛṣṇa sira ta tumuluy mara ri sang Karṇa. Ndan kumwātah prayojana 5 nira: magawaya sāmabhedasamprīti. Ojar ¹⁾ ta sirātalangkup, ling nira:

śrutam ²⁾ me Karṇa Bhīṣmasya dwaiśyāḥ kila na yotsyase
asmāt gacchasi Rādheya yāwat Bhīṣmo na hanyate

„Kumwa ta pangrēngö ni nghulun i kita mahārāja Karṇa: bha- 10 gawān Bhīṣma rakwa dumweṣa ³⁾ kita. Lwir apēlōng rakwa kita lumēkas malaga, t inggat juga kita sangke sang Korawa, ya tan huwus pējah bhagawān Bhīṣma. Kunang yan tēlas hantu sira, irikā ta kita t waluya i sang Korawa. Ndan yan hana kaharēpta ring kaśāśwatan.”

„I, mahārāja Kṛṣṇa, mapa ling rahadyan sanghulun makon 15 tuminggalakēna sang Korawa? Tām sājñā haji, tan wēnang pinakanghulun pratikūla gumawaya ng tan kāpti mahārāja Duryodhana. Sangkṣepanya, atinggala prāṇa ta pwa ng pinakanghulun ring raṇa, tan tinggalakēna sang māsih ing pinakanghulun.”

Apagēh tan kēna bhineda sang Rādheya. Lunghā ta mahārāja 20 Kṛṣṇa mungsir lampah sang Pāṇḍawa. Sēdēng hane pāntara ning palagan lampah mahārāja Yudhiṣṭhira, ḍatēng ta sang Yuyutsu, sādārānēmbah ri mahārāja Yudhiṣṭhira, majarakēn saprayojana nira, ling nira:

„Sājñā haji, patik haji si Yuyutsu mangaliha munggwe suku 25 sang nātha, apranga lawan ikang Korawa, wwang sānak patik haji kabeh. Ndan anumatan ta sēmbah patik haji.”

„Uḍū uḍū hāhāh, bhāgya ta laki sang Yuyutsu, an hana sanma-
tanta ri nghulun. Kadi ta pitunggalakēnanta nghulun yan papranga
lawan wwang sānakta; kadi tan hanā sanghulun kabeh nguniweh 30
Mahānila, anung tumūtakēna pamukta ring raṇa. Kalinganya,
haywa ta kita tan tulus manunggali ri sanghulun sama sānak.

1) Gonda: ujar

2) cfr. Skr. 43.90: śrutam me Karṇa Bhīṣmasya dveṣāt kila na yotsyase, asmān varaya Rādheya yāvad Bhīṣmo na hanyate.

3) ω: dramwaiśa

Tan sasewitan kēta sang Kurupati, apan durbuddhi makaswabhāwa ng krodha. Ring kapana tikā n panēmwa hayu? Ndah t alēkas ta laki t amintonakēna kaśūran."

5 An mangkana wuwus mahārāja Yudhiṣṭhira, enak tâmbëk sang Yuyutsu, tan panoliḥ ar tinggalakēn wwang sānak nira, tumūt saha balakośawāhana ri sang Pāṇḍawa. Harṣa ta manah mahārāja Yudhiṣṭhira. Muwah ta sirābaddha kawaca manggëgö cāpâyudha. Kapwa ta sira kabeh manek ring ratha mwan' ri swawāhana nira sowang-
10 sowang.

4

BHĀRATAYUDDHA HARI KETIGA

Irikang sakatambe mesuk ri kaping tiga ning diwasa inuwahan
15 tikang laga. Muwah tiningkah krama ning caturanggabala. Ngkā tikang laga n mahâtiśaya, apayapan paḍākwa-kwan adwandwa krama sang wīrakṣatriya, paḍāhur-hūran kasinghapuruṣan, mamëtwakēn karotanya sowang-sowang. Bhagawān Bhīṣmāprang lawan sang Arjuna; sang Sātyaki matēmu lawan sang Kṛtawarmā; sang Abhimanyu maka-
20 laga sang Wṛhadbala; sang Duśśāsanāprang lawan sang Nakula; sang Wṛkodarāṅgayu kaśaktin lawan mahārāja Duryodhana; sang Sahadewâtēmu lawan Durmukha; mahārāja Yudhiṣṭhira madwandwa lawan mahārāja Śalya; Dhṛṣṭadyumna makalaga dang hyang Droṇa; Dhṛṣṭaketu makalaga lawan sang Bāhlika; Ghaṭotkaca marurëk lawan
25 Alambuṣa; Śikhaṇḍi humarëpakēn sang Aśwatthāmā; mahārāja Wirāṭa makalaga mahārāja Wṛhatkṣatra; mahārāja Drupada madwandwa lawan Jayadratha; Wikarṇāpagut lawan Yudhāmanyu; Suśarmāprang lawan Cetitāna ²⁾; Śakuni silih panah mwan Pratiwiddhya ³⁾ anak mahārāja Yudhiṣṭhira; sang Bhīmasuta makangaran sang Suta-
30 soma sira tâprang lawan ratu Kāmboja; Windānuwinda makalaga sang ratu Kuntibhoja; sang watëk ratu Kekaya lumaga sang Gāndhārārāja; sang Uttarâtēmu lawan Wīrabāhu.

1) cfr. Skr. 43.99: na bhaviṣyati durbuddhir Dhārtarāṣṭro 'tya-marṣaṇaḥ

2) Skr. Cekitāna

3) Skr. Pratiwindhya

ewam ¹⁾ *dwandwasahasrāṇi rathawāraṇawājinām*
padātinām ca samare tawa tepāñ ca sangkalam

Nāhan ta krama nikang ²⁾ dwandwayuddha ri sang watěk
wīrapuruṣa kṣatriya, tēka ri gaja-ratha-turaga-padāti-bala kapwâ-
pasehan prangnya ring saratu-saratu ri sang Korawa lawan i sang 5
Pāṇḍawa. Noreman - iman tēkap ni mamběk i karaṇayajñan ³⁾.
Apa ta lwir ni kweh ning mati: tan wuwusēn ruhur ning kuṇapâdri,
tan ujarēn jro ning rudhirârṇawa, apayapan tan kēna sinangkhyan
pramāṇa nikang sarwâyudha bhīṣaṇa, nora sañjata tan mahâdbhuta
prakāśa ngaranya. Tēkwan ikā sang watěk wīrasingha, sēḍēng ka- 10
pasukan de ning kālabahni kahidēpanya, tatan tahēn twas tēkap
ning manglēpasakēn sarwâstra. Minuṣṭyakēn ikang cakra, dinukakēn
ikang yaṣṭi tomara, kinirṇākēn tampuh ning śarawaṛṣa, winch tan
pēgata habēt ning krētala paṇḍi coli malyala, dinrēsakēn de ning
amubatakēn gadā mwan bhindiwāla parigha. 15

na putrah ⁴⁾ *pitaram yajñe na pitā putrap orasam*
na bhrātā bhrātaram tatra swasriyan na ca mātulah

Tan wruh an ⁵⁾ bapanya ikang anak, tan wruh an anaknya
ikang bapa; tan engēt yan wwang sānaknya ikang wwang asanak;
tan wawa-rēngō an kapwanakanya ikang paman, 20

mātulan ⁶⁾ *tu ca swasriyah*

mangkana tekang kapwanakan tan uninga i pamanya;

sanakhāyam sakhā tathā

astam tikang mitra tan engēt ya ri mitranya.

1) cfr. Skr. 45.71: *evam dvandvasahasrāṇi rathavāraṇavājinām,*
padātinām ca samare tava teṣām ca samkule.

2) ω: nika

3) ω: ikang raṇayajñan

4) cfr. Skr. 46.2: *na putrah pitaram yajñe pitā vā putram aurasam,*
na bhrātā bhrātaram tatra swasriyam na ca mātulah.

5) Gorda: wruhēn

6) cfr. Skr. 46.3: *na mātulam ca swasriyo na sakhāyam sakhā tathā*

Mangkana ta lwirnya n silih rok prang sang Korawa. Ya ta matang nyan aneka lwir nikang kanin śata jarjharika ¹⁾: hana sayat saṇḍang-anya, ibab bāhunya, mulu ususnya, katimpal tēṇḍasnya, makapatākā cetya taṇḍa-dhwajanya. Anyat tekang katanēman tanggwan, kapakēn
 5 hrū, kokalan konta tomara; bheda sangkekang mati kedēkan de ning liman, kām̄bah de ning kuda, kapipis de ning cakra ning ratha; len tekang pējah makalarung rathanya, makakiwul wāhananya, makasilunglung cāpa-taṇḍanya; waneh karajang de ning tungtung ning angkuśa. Ya ta matang nyan hanāngohan, hanāngañjalīng tawang,
 10 masambat manang a namu bhaṭāra. Salwir ning wibhatsa katatakut pwekang samaramaṇḍala.

ketunā ²⁾ *pañcatāreṇa tāreṇa Bharatarṣabha*
wabho Bhīṣmas tadā rājan candramah iwa Meruṇā

Tuhun bhagawān Bhīṣmātaḥ tapwan wikāra, paripūrṇa halēp
 15 nira tininghalan, makacihna taṇḍa nira tāla kāñcana pañcatāra. Kadi wulan angharas Meruparwata sira wēkasan. Bhawiṣyāruhur teja ning āditya, adān muwah bhagawān Bhīṣma.

5

UTTARA DAN ŚWETA, PUTRA WIRĀṬA, GUGUR.

tataḥ ³⁾ *pūrwāhṇabhūyiṣṭha asmin ahanī dāruṇaḥ*
 20 *wartamāne tathā rudre tathā wīrawarakṣame*

Irikang madhyāhna, amogha kādbhuta lwir nikang diwasa ring samangkana, yāngkēn majarakēna hilang ning mahāwīrakṣatriya kahidēpanya. Muwah mijil bhagawān Bhīṣma ring raṇāṅganamadhyā; iniring de ning Durmukha, Wiwingśati, Kṛpācārya, Śalya, Kṛta-
 25 warmā, lima ikang ratha pinakapariwṛta rumakṣa sira. Ya tikā paēng umangsō sāhasāṅgilingi manglēpasakēn śarasampāta. Irikā ta ya n krodha sang Abhimanyu, marēk umangsō ri kahanan bhagawān Bhīṣma, karṇikāra kāñcana pinakataṇḍa nira, capalāmanah ri kang-

¹⁾ jarjharita?

²⁾ cfr. Skr. 46.50: ketunā pañcatāreṇa tālena Bharatarṣabha, babhau Bhīṣmas tadā rājamś candramā iva Meruṇā.

³⁾ cfr. Skr. 47.1: gatapūrwāhṇabhūyiṣṭhe tasminn ahanī dāruṇe, vartamāne tathā raudre mahavīravarakṣaye.

kapattra. Punggël ta dhwaja bhagawān Bhīṣma tēkapnya; ya ta
 matang nyan kinabehan rinēbut pinanah sake harēp sake iringan,
 tatan tatyalahan apa tan pēgat sawur ikang śarawarṣa tēkap nira.
 Mangkin saroṣa manah bhagawān Gāṅgeya, ya ta matang nyar
 pamintonakēn diwyāstra. Salwir ning bhīṣaṇa pinakarūpa nikang 5
 sañjata, ya ta panglēpas nire sang Abhimanyu. Prayatna ta sang
 Pāṇḍawayodha makādi mahārāja Yudhiṣṭhira, Dhṛṣṭhadyumna,
 Sātyaki, nguniweh sang Wṛkodara, samangkana kweh nira sama
 umawantēn pratāpa ni warayang bhagawān Bhīṣma. Mangkana
 ta sang Uttara, mahārāja Śalya winuk nira, mattamatangga ikang 10
 pinakawāhana nira, sāhasāṅgabētakēn prṣatkasangghāta. Yekā n
 parēng angrēpa kuda mahārāja Śalya. Masēnghit ta sira, droṇa-
 sanghāra ikang sañjata panglēpas nira, kadi nāgarāja katonanya.
 Tatan salah ḍaḍa sang Uttara, tibā ta sira sangke gajak nira. Yekā n
 lumpat mahārāja Śalya sangke ratha nira, lumūd sang Uttara ring 15
 niśitacandrahāsa. Wēkasan manek ta sira ri ratha sang Kṛtawarmā.

Uttaran ¹⁾ *tu hatam dṛṣṭā Wairāṭiḥ bhrātaram śiśum*
Kṛtawarmasamāyuktaṁ Śalyam paśyati cāsthitam

Ri pējah sang Uttara, tuminghal ta wwang sānak nira mangaran
 Śweta. Krodha ta sira n ton ²⁾ mahārāja Śalya makālihan ratha 20
 lawan sang Kṛtawarmā. Ya ta matang nyar angsō mēṇtang laras nira,
 manambutakēn śarawṛṣṭipāta. Sagila mahārāja Śalya kapañcaran,
 kanya tan yatna sang watēk Korawa, makādi sang Wṛhadbala, Ko-
 śalya, Jayatsena, Māgadha mwang anak mahārāja Śalya mangaran
 Rukmaratha, samangkana kweh sang rumēbut sāngsō sang Śweta 25
 Wirāṭaputra. Tēkwan mara tēlas kṛtasangaskāra inabhiṣeka senāpatya,
 ya ta matang nyan tan kapalang-palang kāhangkāran ira, sāra śūra
 tumahēn i wūk ning Korawawīra. Pējah tekang Rukmaratha tēkap
 ni warayang nira, lumah i prṣṭhatala ning ratha. Muwah masō sang
 Śweta rājaputra, umanah mahārāja Śalya ring bhallasāyaka. Prayatna 30
 mahārāja Duryodhana, makapanghulu bhagawān Bhīṣma, iniring
 de ny ari nira watēk wīra. Ya tikā lumangkung kumalung umāwarāṇe
 mahārāja Śalya. Mangkana tekang dyah Śweta Wirāṭaputra pinrih

¹⁾ cfr. Skr. 47.43: *Uttaram vai hatam dṛṣṭvā Vairāṭir bhrātaram*
tadā, Kṛtavarmaṇā ca sahitaṁ dṛṣṭvā Śalyam avasthitam
 (sic).

²⁾ ω: sirāton

tinulung rinakṣa sinahāyan de sang Bhīmasenâbhimanyu-Sātyaki-Dhr̥ṣṭadyumna-prabhṛti.

Śwetaḥ ¹⁾ *Kurūṇām akarot tathewa kṣamahawera
rājaputrān rathottarān nijaghāna sadā hanti*

- 5 Ya ta matang nyan kadīnagah-agah citta nikang Śweta rājaputra, marikṣīrṇākēn rikang wīrakṣatriya mahāratha. Iwu lakṣa koṭi kweh nikanang pējah saha balakośawāhana. Irikā ta ya n arēs giri-girin sakweh ning Korawabala, anghing bhagawān Bhīṣma jugānggēgō mwan (²) taṇḍa nira, tan papēgatan manglēpasakēn śarasangghyā-
10 ta. Syuh jarjharita bala sang Pāṇḍawa kolāhala. Asēnghit ikang dyah Śweta Wirāṭātmaja, malēsi bhagawān Bhīṣma ing sāyakarodra-warṣa. Lwir samānagatika laga nira³⁾ kālih, kapwa mijilakēn śara ring sarwāstra. Masō ta sang Pāṇḍawa, harṣa n ton prabhāwa nikang dyah Śweta rājaputra. Mangkana ta sang Korawa kapwāngrakṣa ring
15 bhagawān Śāntanuputra. Ya ta matang nyan tan hana kasinghitan prabhāwa ni laga sang rwang siki. Ikang dyah Śweta mamanah ri wingsati-sāyaka; bhagawān Bhīṣmānglakṣa ring daśa-śilīmukha. Ndan tugēl cāpa nira wēkasan, kēna de ni bhallasāyaka nikā sang Wī āṭasuta, kārun tēke taṇḍa nira tāla kāñcana. Harṣa tāngēn-angēn sang Pāṇḍawa.
20 Kunang sang Korawa paḍālōk katrēsān tan pajīwa.

Irikā n krodha sang Duryodhana umājñe bala nira rumakṣe bhagawān Bhīṣma mwan sakweh ny ari nira watēk śūra, kapwa inabitan (?) ghinoṣaṇan umangsō. Tatan hana wihang ngaranya, aruhun-ruhunan tumawēngi bhagawān Dewabrata, prasamāngrēgēp
25 sañjata, parēng anglēpasakēn sarwāyudha. Tatan kepwan manah nikang dyah Śweta Wirāṭaputra, kapwa kapapag kakēnan hrū sakweh nikang umangsō sira, kadi singhānahēni mattawāraṇa⁴⁾ sayuta. Prayatna ta bhagawān Ganggāsuta, muwah amet cāpadaṇḍa ginēgō nira, kangkapattrasāyaka lumēpas de nira. Muwah pinanah cāpa
30 nira de sang Śweta senāpati, muwah amet sira cāpadaṇḍa tan tatyalahan. Irikā ta sang Śwetānguṇḍa tomara kādhbuta kadi daṇḍa ning Kāla katonanya, saha wākprakaṭāngamah-amah makon prayatnā.

1) cfr. Skr. 48.27: Śvetaḥ Kurūṇām akarot kṣayam tasmin mahāhave, rājaputrān rathodārān avadhīc chatasamghaśaḥ.

2) sic. C; A: juga manggēnggē mwan; BE: jugānggēnggō mwan; D: jugānggēgō daṇḍa nira

3) atau: samānagati kalagan ira?

4) ω: wāhana

Śwetasya ¹⁾ *karanirmuktaḥ śaktiś coragasannibhaḥ*
apatat sahasā Bhīṣmaṃ maholkewa wasumḍharām

Apa ta lwir nikang lipung an lēpas sangke tangan sang Śweta Wirāṭaputra; kadi nāgānglayang ring ākāśa kahidēpanya, tumampuh pwa ye bhagawān Bhīṣma; kadi handaru tibeng lēmah kahidēpanya. 5 Ndatan wikāra bhagawān Bhīṣma, apan yatnomanah ya sēdēng haneng antarāla; matang nyan arēmuk śirṇa gatinya n tampuh i daḍa nira. Mangkin agōng krodha nikang Śweta Wirāṭātmaja. Gadā sinambut nira wēkasan, sāksāt bāhu ning Antaka kahidēpanya. Ya ta pamubat nire bhagawān Bhīṣma, 10

jalogha ²⁾ *iwa parwate*

kadi ryak ning jalanidhi manampuh wukir katinghalan ira.

ratham ³⁾ *Bhīṣmasya wikṣepa*

Rēmpu ta kawaca bhagawān Bhīṣma, katampuh de ni gadā sang Wirāṭasuta, kahawā tēkekang dhwaja lawan sārathi. Katon bhagawān 15 Dewabrata tan pasārathi, pinrih ta sira kinasut sinaputan tēkap sang Korawawira. Bhawiṣyaty amangguh ta sira rathottama unggwana nira, muwah sirānihangakēn cāpadaṇḍātēhēr umasö, tatan pāntara lēpas ni warayang nira.

etasmin ⁴⁾ *antare Bhīṣma śuśrāwa wipulāṅ giram*
ākāṣe wyāhṛtān diwyām ātmaharṣa niwardhanīm

20

Irikang samantaji arēngö ⁵⁾ ta bhagawān Bhīṣma śabda ring ākāśa pawanagambhīrāgawe sukha ning hati. Ndan kumwa ta ling nikang śabda:

1) cfr. Skr. 48.85: Śvetasya karanirmuktāṃ nirmuktoragasannibhām, apatat sahasā rājan maholkeva nabhastalam.

2) cfr. Skr. 48.91: Bhīṣmaṃ samabhidudrāva jalaugha iva parvatam

3) cfr. Skr. 48.93: rathe Bhīṣmasya cikṣepa yathā devo dhaneśvaraḥ

4) cfr. Skr. 48.96, 97: etasminn antare Bhīṣmaḥ śuśrāva vipulāṃ giram. Akāśād īritāṃ divyām ātmano hitasambhavām.

5) angrēngö?

„Ahā bhagawān Dewabrata, yatna-yatna ta kita! Hosakēn den-
tānghudanakēn śarawṛṣṭi. Haywa ta kita gadgada wingkrasa. Matang
nyan mangkana:

eṣo ¹⁾ 'sya hi wadhe kāle nirdiṣṭo bhawate mayā

5 Kāla nikeng Sweta pējaha ike mangke inajarakēn mamî kita. Haywa
ta kita tan lēkas dhairya, yatanyan sulabhā tēkaptāngjayākēn ring
raṇa.”

An mangkana ling nikang śabda karēngö de bhagawān Bhīṣma,
harṣa ta manah nira. Patya nikang dyah Śweta tikang inanusthāna
10 nira, amrih umangsö manglēpasakēn niśita-wrâstraśara. Sang Bhīma-
senâtaḥ prayatna, takut nira kasambya kawalēsana ikang dyah Śweta.
Ya ta matang nyar panah bhagawān Dewabrata ring ṣaṣṭi-sāyaka-
sangghyāta, parēng angēmbuli lawan sang Abhimanyu, Sātyaki,
Dhṛṣṭadyumna. Ndatan iniwö de bhagawān Bhīṣma, kēdö dumunung
15 irikang dyah Śweta juga sira, brahmasāyaka ikang linēpasakēn ira.
Tatan wyabhicāra, tērus kawaca nikang dyah Śweta, tumuluy mangēne
marma ning pyah. Ndatan kēna molah tumēnggö,

jagāma ²⁾ dharaṇiṅ gatwā mahāśanir iwa jwalan

yayā tan pangēne rūpanya, apayapan tumuluy tumanēm ing lēmah.
20 Kadi bajra sang hyang Indra katonanya n prajwalita n mangke ka-
hiḍēpanya.

astram ²⁾ bajran yathādityaḥ prabhām ādāya gacchati

Kadi rūpa sang hyang Āditya n lēsu teja nira, atēhēr lunghā sumurup
ring astaparwata,

25 *ewaṃ jīvitam ādāya Śwetasyeṣu jagāma saḥ*

mangkana ta lwir ni panah bhagawān Bhīṣma, an tumanēm ing lēmah,
ri tēlasnya n alap hurip nikang dyah Śweta senāpati.

1) cfr. Skr. 48.98: eṣa hy asya jaye kālo nirdiṣṭo viśvayoninā

2) cfr. Skr. 48.114: jagāma dharaṇim bāṇo mahāśanir iva jwalan,
astam gacchan yathādityaḥ prabhām ādāya satvaraḥ.
Evam jīvitam ādāya Śvetadehāj jagāma ha

aśocan ¹⁾ *kṣatriyās tatra Pāṇḍavās ca mahārāja*
apriyan ²⁾ *tatra Korawā Dhārtarāṣṭrā hi sarwaśaḥ*

Irikā ta sang Pāṇḍawa kapwa dinālara ri pėjah sang Śweta senāpati;
 kunang sang Korawa saha bala sukha kabeh harṣacitta, nguniweh
 sang Duśśāsanāṅgigēl anganggut angēṇṭahāsa.

5

6

BHĀRATAYUDDHA HARI KEEMPAT

Irikang kāla limpas ng wai, bhīṣaṇa rūpa nikang kāla samangkana,
 apan akweh wangke nikang gaja turaga mwang padātibala. Muwah
 mangsō sang Korawakula, makapamaja sang Droṇātmaja, Kṛpa,
 Śalya, Lakṣaṇakumāra. Pinapag ta sāṅsō nira tēkap sang Dhṛṣṭa- 10
 dyumna mwang sang Abhimanyu. Enak parangkit nirālaga, kapwa
 paḍa mahāśakti sañjata nira sowang-sowang. Kunang tāpan lwir
 kasinghitan prabhāwa dyah Lakṣaṇakumāra tēkap sang Abhimanyu.
 Kahala kondur gilingan ikang dyah Lakṣaṇakumāra, aśēnghit mahā-
 rāja Duryodhana, mangsō saha lawan ratu wira surakṣa nira, rumēbut 15
 sang Subhadrātmaja. Ndatan wighani sira, apayapan Kṛṣṇatulya ri pa-
 rākrama, tan hana pahī ni kaśaktin ira lawan śakti ni twa nira mahā-
 rāja Kṛṣṇa. Ri samangkananya n mahāprabhāwa, ndatan hinēnēng-
 akēn sira de sang Arjuna. Mangkana ta sang Korawa samagri mangsō
 sira kabeh, makapurohita bhagawān Bhīṣma.

20

udbhūtaṃ ³⁾ *sahasā bhoṃaṃ nāgāsvarathasādibhiḥ*
diwākarapathaṃ prāpya rajas tībraṃ adṛśyate

Irikā tang lēbū mēlēk tan pāṅkura de ni glis ni pangambah ning
 gajah turaga mwang ratha. Tan katon ikang āditya tēkapnya, pētēng
 pēpēt ikang digmaṇḍala; tēkwan marahung sang Dhanañjaya masrang 25
 lawan ikang timirawālukā. Hetunya n wulangun sakweh ning catur-
 anggabala. Aneka lwir ni kapatinya, bheda sangke tuminggalakēn

¹⁾ cfr. Skr. 48.116: aśocan Pāṇḍavās tatra kṣatriyās ca mahārathāḥ,
 prakṛṣṭās ca sutās tubhyaṃ Kuravas cāpi sarvaśaḥ.

²⁾ ω: amriyan

³⁾ cfr. Skr. 55.19: udbhūtaṃ sahasā bhaumaṃ nāgāsvarathapat-
 tibhiḥ, diwākararathaṃ prāpya rajas tībraṃ adṛśyata.

sañjatanya mwan wāhananya. Tapwan hana śatru wēnang tuminghal i sang Arjuna. Mulat ta bhagawān Bhīṣma, sahya sābhinayomujar i dang hyang Droṇa, ling nira:

5 *eṣa* ¹⁾ *Pāṇḍusuto wīraḥ Kṛṣṇena sahito balī*
tathā karoti senyāni yathā kuryād Dhanañjayaḥ

„Rahadyan sanghulun dang hyang Droṇa, ike Dhanañjaya umarēpakēn mangke, makasārathi Kṛṣṇa, tatan pahingan prabhāwanya. Śirṇa kadi rinujak ikang Korawabala tēkapnya, tatan hana wāny amapag wūknya.

10 *saṁdrśyate* 'sya sarūpaṁ kruddhasyewa Pinākinah

Apayapan kadi rūpa bhaṭareśwara sēḍēng krodha pinakarūpanya. Kunang pwa deya rahadyan sanghulun: konēn mundura juga ikang satumūtakēn i rahadyan sanghulun kabeh, apan huwus śirṇa ngaran ikeng byūha. Towin katēkan kulēm ikeng laga. Tuminghala kēta
15 mpu dang hyang ring paścimadeśa:

eṣa ²⁾ *cāstang giraceṣṭam bhānumān pratipadyate*
bapus sarwasya lokasya sangharan iwa drśyate

Nda honya ta sang hyang Āditya sēḍēng haneng astaparwata, kadi sumanghārāni śarīra ning jagat katonan ira, arāh abāng de ning pra-
20 kāśa.”

Mangkana ling bhagawān Dewabrata. Surud umundur sakweh sang Korawa, kapwa mēgil ing śiwirāyatana. Mangkana ta sang Pāṇḍawa, kapwa mantuk sire tungga, apan tan hana śatru salah siki tēngah ning palagan.

25 *prabhātāyām* ³⁾ *tu śarwayām Bhīṣmaḥ Śāntanawasthitah*
anīkāny anusamyāne vyādideśa paramtapa

Irikang sakatambe mesuk, ri kaping pat nikang prang, mangḍiri ta bhagawān Bhīṣma tēngah nikang palagan, ghumoṣaṇekang sakweh nikang tumūt i sira. Atēhēr mangdāni senā-pratisenā, Garuḍabyūha

¹⁾ cfr. Skr. 55.37: *eṣa Pāṇḍusuto vīra Kṛṣṇena sahito balī, tathā karoti sainyāni yathā kuryād Dhanañjayaḥ.*

²⁾ cfr. Skr. 55.40: *eṣa cāstam giriśreṣṭham bhānumān pratipadyate, cakṣuṁṣi sarvalokasya saṁharann iva sarvathā.*

³⁾ cfr. Skr. 56.1: *prabhātāyām ca śarvayām Bhīṣmaḥ Śāntanavas tadā, anīkāny anusamyāne vyādideśātha Bhārata.*

ginĕlar nira, kramanya: Sira prasiddha pinakapatuk nikang Garuḍa. Dang hyang Droṇa lawan sang Kṛtawarmā (.....?). Kunang sang pinakatēṇḍas dang hyang Kṛpa mwan sang Aśwatthā-
mā, sinahakāryan de ning watĕk Trigarta, Madraka, Kekaya. Yapwan
pinakatēngĕk mahārāja Bhūriśrawa, Bhagadatta mwan Sindhu- 5
sowira, Pāñcanada, makasahāya sang Jayadratha. Kunang mahārāja
Duryodhana sira ta pinakaśarīra nikang Garuḍabyūha mwan sakweh
ny antĕn ira kabeh, iniring de ning Windānuwinda, Āwantya, Kāmboja
mwan sang ratu ri Yawana. Ya tikā pinakalahuyang kanan, mahārāja
Śūrasena, Māgadha. Kunang pinakalahuyang kiri sang ratu ring 10
Kanana, Wikurwa, Kuṇḍiwiṣa ¹⁾ makādi mahārāja Wṛhadbala.
Kunang pinakekū nikang Garuḍabyūha, ratu sāmanta-pratisāmanta.

Tĕlas arĕpat byūha sang Korawa, lumĕkas ta sang Pāṇḍawāngdāni
byūha. Ardhaçandra ngaran ikang byūha ginĕlar nira sang Arjuna
mwan sang Dhṛṣṭadyumna. Sira pratyeka mangghoṣaṇe kramanya: 15
Sang Bhīma pinakatungtung nikang candre tēngĕn, sinahāyan de
mahārāja Drupada lawan mahārāja Nila, Dhṛṣṭaketu, Kāśirāja. Kunang
ikang pakatungtung nikang candre kiwan mahārāja Yudhiṣṭhira,
iniring de sang Sātyaki mwan sang Abhimanyu, tĕke sang pañca-
kumāra mwan Ghaṭotkaca, bheda sangke ratu sāmanta makādi 20
Sṛñjaya, Prabhadraka. Kunang pinakamadhyā nikang Candrabyūha
sang Arjuna, makasahāya sang Dhṛṣṭadyumna, Śikhaṇḍī, makapari-
wāra sakweh ni ra Pāñcāla.

*tatwa ²⁾ vyūḍheṣw anīkeṣu kāwakemw itareṣu ca
Dhanañjaya rathānikan abhyaghnat tawa Bhārata*

25

Ri tĕlasnya n enak agĕlaran ikang byūha i sang Korawa-Pāṇḍawa,
tatan pahĕla-hĕla tĕkap sang Dhanañjaya marawaśākĕn rathānika,
mamanah amurat-marit manīrṇākĕn Korawawira, angjambākĕn liman,
anguntalakĕn kuda, angumbulakĕn padāti. Apayapan kadi kāla ning
yugāntakāla śakti ni sañjata sang Arjuna. Apulih ta sakweh ni sang 30
sāra pinakasarapung sang Korawa, tumahĕn i pratāpa sang Surendra-
suta. Irikā ta ya n paḍādurbala balayodha lawan peka sāmānya.
Ndatan hana surud ngaranya, nora sāk ³⁾ nora bĕlah ikang byūha

¹⁾ Skr. 56.9: Kārūṣāś ca Vikuñjās ca Muṇḍāḥ Kuṇḍivṛṣās tathā

²⁾ cfr. Skr. 57.1: tato vyūḍheṣv anīkeṣu tāvakeṣu pareṣu ca,
Dhanañjaya rathānikam avadhīt tava Bhārata.

³⁾ ω: sat

kālih siki, apan sang Bhīmārjuna kumayatnākēn yan ing Pāṇḍawa, sang hyang Droṇa mwang bhagawān Bhīṣma yan ing Korawa. Irikā ta ya n jēmur arok ikang laga. Tatan hana dharmayuddha, dadi ng aprang lawan sahipēr i wāhananya mwang sañjatanya, makanimitta
 5 tan pakatonan ikang laga lawan lawanya. Apayapan mangkin mēltuk wēlēk nikang lēbū ring palagan, tatan katon pramāṇa nikang dik-widik sangka ri prasārita ning rāh ning caturanggabala, anarawata ilīnya sākṣāt sāgara.

praśāsāma raje bhaumam ¹⁾

- 10 Paḍēm tekang lēbū ring palagan, mari pētēng śobhābrēsih ikang daśa-deśa. Katon tang kawandhānekānakala, kādbhuta bhīṣṇa rūpanya ing sasiki-sasiki, byaktāngajarakēn patya ning kṣatriyakula kahidēpanya. Ngkā ta ya n mangsō bhagawān Bhīṣma, dang hyang Droṇa, Jaya-dratha, Purumitra, Wikarṇa, Śakuni, dumurbalākēn balayodha sang
 15 Pāṇḍawa. Ndatan hinēbang-hēbang hinol ²⁾ inantus, pinulihan de ni sang Bhīmasena mwang anak nira ng Ghaṭotkaca pratisarāna-libukungi, makasahāya ng Sātyaki mwang pañca-kumāra. Irikā ta ya n panēkākēn ratha mahārāja Duryodhana, sewu patang puluh kwehnya miring sāngsō nira, dumunung i kahanan ikang Ghaṭotkaca.
 20 Kunang tāpan prayatna sang Wṛkodara tumulung prang nikang anak, capalānglēpasakēn hrū krūra-praṣatka. Tatan salah ḍaḍa mahārāja Duryodhana kaparah, wulangun ta sirāngunggut-unggut, tambis linūd, kanya tan sārathi nira yatnomundurakēn ratha nira. Mapulih dang hyang Droṇa mwang bhagawān Bhīṣma, umaware pangusī sang
 25 Wṛkodara.

Bhawīṣyānglilir mahārāja Duryodhana. Irikā sira r pojar i bhagawān Bhīṣma, ling nira:

„Rahadyan sanghulun bhagawān Bhīṣma,

nānurūpam ³⁾ *aham manye*

- 30 hinidēp ni nghulun tan pawadhan i nghulun tiking gati mangke, si kahala koratan i nghulun de ning musuh,

1) cfr. Skr. 57.28: praśāsāma rajo bhaumam

2) kinöl?

3) cfr. Skr. 58.34: nānurūpam aham manye tvayi jīvati Kaurava

twaya jīwati Korawa

rahadyan sanghulun hanâhurip nirwikāra, tēke dang hyang Droṇa Kṛpâcārya. Kunang tâpan engĕt wĕkasan kĕta sanghulun, hana marojar rahadyan sanghulun ri ngkāna, pūrwa ning samāgama lawan ikang musuh:

5

na yotsye ¹⁾ *'haṃ raṇe rājan Pāṇḍawān iti Bhārata*

tak aprangâku lawan ikang Pāṇḍawa ri tĕngah ning palagan. Mangkana mara ling ni kaki sanghulun. Ikā tang śabda mangkana de ni wāda rahadyan sanghulun lawan Karṇa kārāṇa nikā. Sumahur tang pina-kanghulun:

10

yadi nâhaṃ ²⁾ *parityaktum yuwābhyāṃ raṇamūrdidna*

Ring kapana tang pinakahulun wĕnangâpranga, ya tan hana rahadyan sanghulun kâlih. Sangkšepanya, Bhīṣma Karṇa ta pwa kārāṇa ni hurip ning Suyodhana. Samangkana mara sahur ning pinakahulun ri ngkāna. Kunang tâpan tan kahidĕp ta kunang tangis ning pinaka- 15 hulun de rahadyan sanghulun.

anugrāhyāḥ ³⁾ *Pāṇḍusutāḥ nūnaṃ taca Pitāmaha*
yathemāṃ kṣemaye wirah wandhyamānām mahācamūm

Halĕpânugraheng Pāṇḍawa ta kunang kaki sanghulun, katuhwan ta weh yan mangkana. Nda ng pinakahulun muhutana (ng) watĕk 20 Korawâpranga, nista n huwus ⁴⁾ koratan ring raṇa. Kalinganya tan nghulun kumona yānglawana."

„Uḍū tanayan mami mahārāja Duryodhana. Mapa lingta laki mahārāja Duryodhana? Kami wĕnanga parāngmukhe kita? Ring kapana ta kami wĕnanga makāmbĕka ng mangkana? 25
T ingĕtakĕn kĕta wuwusku:

¹⁾ cfr. Skr. 58.38: na yotsye Pāṇḍavān samkhye nâpi Pārṣata-Sātyakī

²⁾ cfr. Skr. 58.40: yadi nâhaṃ parityājyo yuvābhyām iha samyuge

³⁾ cfr. Skr. 58.37: anugrāhyāḥ Pāṇḍusutās tava nūnaṃ Pitāmaha, yathemāṃ kṣamase vīra vadhyamānām varūthanīm.

⁴⁾ ω: wuwus

*ajayāḥ*¹⁾ *Pāṇḍawāḥ yuddhe dewair api sawāsawaiḥ*

Yadyapi tan wēnanga ng dewatā kabeh makādi sang hyang Indra malahakēna ng Pāṇḍawa ring raṇa,

*yat tu*²⁾ *śatyamaha kartuḥ vṛddhenānya gatāyuṣa*

5 ndan yayā tālaha nikā de mami, nistanyâtuhâkēdik sangunya kawēkas. Kumwa sangkṣepa nike wuwus mami:

kariṣyāmi yathāśaktiḥ

lumēkasa ta pwa kami sumiddhākēna saprayojananta, sakaya-kaya ning kabayan mata ya. Haywa ta kita manastāpa. Tonton ta prang
10 ni kakinta lawan ikang Pāṇḍawa.”

Mangkana ling bhagawān Bhīṣmāṅgakuśāra. Harṣa tāmḃēk mahārāja Duryodhana.

7

BHĪṢMA MELAWAN ARJUNA; KEBERANIAN
GHATOTKACA.

15 Wahu lumingsir sang hyang Āditya rikang kāla, sang Pāṇḍawa sēḍēng garjita sēnāha ring sarwāstra, harṣa de ning pangjaya nira³⁾ ngūni. Matang nyan kady asēnghit anggēgō krodha bhagawān Bhīṣma, sāhasomangsō dumunung sang Arjuna saha lawan wīrayodha pinaka-
20 numanākēn sakweh ning Korawabala mwang Pāṇḍawabala, katuhwan ta kawidagdhan bhagawān Bhīṣma, kady angigēl ācaraṇa lwir nikang tangan tan pararyan anglēpasakēn hrū. Hanan katon kadi sewu katinghalan ira, hanan katon wetan, hanan katon kulwan, hanan katon lor, hanan katon kidul, hanan kadi māyāmaya tan paśarīra,
25 wet ni kalāghawan irāṅgidērakēn ratha. Tatan hana watēk Pāṇḍawa wēnang mulat salah siki ngaranya, trastālayū giri-girin sahananya, awrēg abyūran kadi lēmbu pinaran ing singha.

Tuminghal ta mahārāja Kṛṣṇa, saroṣa ta kunang manah nira. Matang nyar pojar i sang Arjuna, ling nira:

1) cfr. Skr. 58.42: ajeyāḥ Pāṇḍavā yuddhe devair api savāsavaiḥ

2) cfr. Skr. 58.43: yat tu śakyam mayā kartum vṛddhenādya nṛpot-tama; kariṣyāmi yathāśakti

3) DE: pangjayaknira; al.: pangjalaknira

ayaṃ sa ¹⁾ *kālaṃ samprāptaḥ Pārtha yaḥ kāṅkṣitas tathā
prahatāsme naraḥ wyāghraḥ na cen mohād imucyate*

„Narârya Dhanañjaya, ya iki tēkā ning kāla pinrārthanākēnta n haneng alas ngūni, ikang prasiddhenujarakēnta i nghulun rikana. Lwir wismṛti hiḍēp ni nghulun i sang ārya mangke. Kumwa mara 5 lingta kengēt ni nghulun, mējahana ng Korawa sakulagotra makādi Bhīṣma Droṇa, kita kunang kaparājayā denya. Mangkana mara denta magawe pratijnāhangkāra. Ikā ta wuwusta mangkana, ya tikā ka-satyākēnanta mangke. Tinghali ta denta ng wīrakṣatriya watēk Pāṇḍawa, durbala kahala kolāhala de ni kaśaktin bhagawān Bhīṣma, 10 apayapan sāksāt Kālāwatāra katinghālan ira. Ndah ta lēkas tasan ta rēbut kīrti lawan swarga!”

Mangkana ling mahārāja Kṛṣṇa, tēhēr kumrapakēn laku ni kuda nira. Yekā n maluy umangsō ikang Pāṇḍawabala tan alar (?) tumonton patēmu ni paprang bhagawān Bhīṣma lawan sang Arjuna. Ndan 15 sacāpa bhagawān Bhīṣma ta juga tugēl pinanah de sang Dhanañjaya, tēka ping pat ping lima sira r pasalin laras. Tuhun sirātah lāghawa n tan kapañcaran. Mangkana r panglēpasakēn sāyaka, tan pasari juga n tampuh i sang Dhanañjaya, apayapan widagdhānramakēn ²⁾ kudāngidērakēn ratha mahārāja Kṛṣṇa. Ya ta matang nyang atiyatna 20 manah bhagawān Bhīṣma. Muwah ta sirānggēgō laras mahātiśaya, kapwa pinanah nireng krūraśara mahārāja Kṛṣṇa lawan sang Arjuna. Atēhēr angibēki nabhāntarāla, angnanākēn anīrṇākēn sānggarakṣa mahārāja Yudhiṣṭhira. Kāhangkāran manah mahārāja Kṛṣṇa. Ya ta matang nyar pangucap ri sang Sātyaki, ling nira: 25

ekāhny api ³⁾ *nāke Bhīṣmaḥ nāśayed dewadānawāḥ
kimu Pāṇḍusutāḥ yuddhe sabalān sapadānugān*

„Antēn i nghulun sang Sātyaki, ndah tinghali ta kaparākraman bhagawān Bhīṣma. Yadayapin dewatā mwanng dānawa lawana nirāngayu kaśaktin ring raṇamaṇḍala, iwēng tan kasoweya nira r patyana 30 ya. Nda kahinya sang Pāṇḍawāpan mānuṣa, ring kapana ta ya r pabyayā saha balānucara?”

¹⁾ cfr. Skr. 59.42: *ayaṃ sa kālaḥ samprāptaḥ Pārtha yas te 'bhi-kāṅkṣitaḥ, praharasva naravyāghra na cen mohād vimuhyase.*

²⁾ sic? A: adramakan. Atau corr.: angrapakēn?

³⁾ cfr. Skr. 59.69: *ekāhnā hi raṇe Bhīṣmo nāśayed devadānavān, kim nu Pāṇḍusutān yuddhe sabalān sapadānugān.*

*bhāram*¹⁾ *ewaṃ wiṇiṣyāmi Pāṇḍawānāṃ mahātmanāṃ*
so 'haṃ Bhīṣman nihanmy adya Pāṇḍawārthāya jīwitaḥ

Ngke ta nghulun mrārthanākēna prih ni nghulun mahābhāra ri sang Pāṇḍawa, lumēkasāmējahana bhagawān Bhīṣma angrēgēpa sañjata.
 5 Apayapan lwir katyalahan citta nikā sang Arjuna, kepwan ring pama-
 page kaśaktin bhagawān Bhīṣma. Nghulun ta śumīrṇākēna ng Korawa-
 bala, yan tēlas bhagawān Bhīṣmāngringkul irg tēngah nikang palagan."

An māngkana ling mahārāja Kṛṣṇa, tēhēr angadēg muṣṭi cakra nira. Lumumpat ta sira sangkeng ratha, paḍa ta mangsō ri kahanan
 10 bhagawān Brahmācārī. Kadi singhāngdēmak mattamatangga ka-
 tinghalan ira. Tēkwān marore nikang pītāmbara pangasih nira, ya
 ta matang nyan kadi meghenadyutan ing kilat katonan ira. Hanan
 kadi padma lwir nikang cakra Sudarśana, makadaṇḍa swabāhu nira
 sthirāngadēg, makasthāna madhya nikang ḍaḍa kāngkēn talaga.
 15 Iningēt-ingēt winaswās pwa ri gati nira r panggēgō cakra prajwalita,

*bhūtāni*²⁾ *Kṛṣṇawatma*

an kadi ta sira Trayāgni manggēsēngi trailokyamaṇḍala. Ndatan
 katrēsān citta bhagawān Bhīṣma, dhīrāngadēg ri madhya ning ratha,
 atēhēr anāntwa makalarapan krodha:

20 *ehy ehi*³⁾ *phullāmbujapattranetram*
namo 'stu te dewadewāprameya
prasahya mām pāgaya lokanātha
rathottamād bhūtaśaranyāśangkhe

„Om om laki mahārāja Kṛṣṇa, ngke ngke ta bapa, t angsō pisan
 25 sang kadi lawō-lawō ning tuñjung matanta. Tan wyabhicāra kēta
 sēmbahkw i kita, apan kita dewa ning dewa, kitāprameya. Bwat ta
 laki, tibākēn aku sakeriking ratha kahananku; at patī akw i tēngah

1) cfr. Skr. 59.71,72: so 'haṃ Bhīṣmaṃ nihanmy adya Pāṇḍa-
 vārthāya dāṃsitaḥ. Bhāram etaṃ viṇiṣyāmi Pāṇḍavānāṃ
 mahātmanāṃ.

2) cfr. Skr. 59.95: bhūtāni dhakṣyann iva Dhūmaketuḥ

3) cfr. Skr. 59.97: ehy ehi deveśa jagannivāsa, namo 'stu te
 Mādhava cakrapaṇe; prasahya mām pātaya lokanātha,
 rathottamāt sarvaśaranyāśankhye.

niking palagan. Kita yâtaḥ sang pinakanâtha ning loka, sang pinakâśraya ning sarwajanma. Mahābhāra iking hayu kapanggih de mami, yan kita prasiddhāmatyanāku.”

Tapwan pēgat wuwus bhagawān Bhīṣma, wahu mayat tangan mahārāja Kṛṣṇa, matitis i tēnggēk bhagawān Bhīṣma prāya nira, 5 kanya tan yatna sang Arjuna lumumpat sangkeng ratha kumindayuti bāhu mahārāja Kṛṣṇa. Ndan saroṣa ta manah sang kawādhakan krodha nira. Ya ta matang nyan panambah asambodhana sang Dhanañjaya, maḍēmi gēlēng mahārāja Kṛṣṇa:

„Sājñā haji, tinghalana sēmbah patik haji. Tan sanggahēn wya- 10 wasāya wighna. Lwir tan kēnoh hiḍēp patik haji ri prawṛtti rahadyan sanghulun, apan tēlas apratijñā paramēśwara, si tan ilwānggēgō sañjata, tan lēkasāmējahana musuh. Tuhun hana sahāya juga de patik haji n patyana ng musuh paramēśwara. Kewala mājara ring nīti nayopāya juga.” 15

Mangkana pājar sang Arjuna, udhāni ta mahārāja Kṛṣṇa. Muwah sira mungguh ring ratha, ndatan wurung sirānyup śangkha nira ng Pāñcājanya. Ya tāmuharā trāsa ring Kurukulaprawīra. Tēkwan ta ya n pasahakāri śabda ning Gāṇḍewa, kadi patēr ing tasik ring yugāntakāla kahidēpanya. Matang nyan kapatuli kapēlēngēn sakweh nikang 20 wīrayodha tēkapnya.

Meh-meh ḍatēnga pwekang sandhyāwelā, wahw anunggangi pucak ing paścimācala sang hyang Śatakirāṇa, irikā ta ya n pējah mahārāja Pratīpa tēkap Dhṛṣṭadyumna. Kunang sang Bhīmasena sira tāmralayākēn gaja nira ring samangkana, bēlah kumbhanya, 25 pukah gaḍingnya, ibab pipinya, rampal iganya. Kadi parwatātimbun pakatonan i wangkenya, makawulakan ilī ni rāhnya, makalatāngkura ulu ny ususnya.

*gajānām¹⁾ rudhirāktānggo gadām wibhrat Wṛkodarah
ghoraḥ pratibhayaś cāpi Pinākīwa pinākabhūt*

30

Apa ta lwirnya n awībhatsa pakatonan sang Wṛkodara: krūrāmutēr gadā si Lohitawadana, abāng śarīra nira de ning rāh nikang gajah sahasrakoṭi. Iningēt-ingēt winaswās pwa rūpa gati nira, an kadi ta sira bhaṭāra Rudrātibhīṣaṇānggēgō Pinākacāpa. Mangsō ta mahārāja Bhagadatta, makawāhana ng matangga Prāgjyotiṣagaja, sākṣāt jala- 35 dāngilyakēn warṣa haturnya n pracarita medanya, apan aruhur agōng

¹⁾ cfr. Skr. 62.56: *gajānām rudhiraklinnām gadām bibhrad Wṛkodarah, ghoraḥ pratibhayaś cāsīt Pinākīwa pinākadhṛk.*

tan papramāṇa. Kunang tâpan yatna dyah Ghaṭotkaca, takut nira kasambya sira yayah. Ya ta matang nyar pangangswakēn liman tigang siki, sēḍēng gaṇḍacalita, tinunggangan de ning rākṣasa sārathi. Ndatan atakut mahārāja Bhagadatta, lumakṣya ikang liman tigang siki ring 5 krūrasāyaka. Ndatan inēnēngakēn winalēsan linakṣa ring kangkapattra tēkap sang Wṛkodara. Mangkana tekang dyah Ghaṭotkaca, krodhâmbēk nira r pējah liman ira. Ya ta matang nyar pagawe gajamāyā Airāwaṇa. Ya ta tinunggangan ira, bheda sangkeng liman pinakapariwṛta patang siki kwehnya, makangaran Añjana, Bāmana, Mahāpadma, 10 Suprabha. Kapwa tikā masārathi rākṣasa mahākrūra, ghora ghūrṇita śabdanya n angsō mahārāja Bhagadatta. Ndatan trāsa citta nirāmalēs abhairawasinghanāda. Karēngö pwekang pratiśabda tēkap bhagawān Bhīṣma, mojar ta sire mahārāja Duryodhana mwanḡ ḍang hyang Droṇa:

15 *eṣa*¹⁾ *yudheti sanggrāme Hairimbena mahātmanā*
Bhagadatto maheśwaraḥ kṛcchena pariwartate

„Wawa-rēngēh ri rahadyan sanghulun kālih irikang śabda. Mahārāja Bhagadatta sirâprang lawan ikang dyah Ghaṭotkaca. Ndan lwir kasinghitan prabhāwa nggān rasika; sangkṣepanya, śabda ning 20 Pāṇḍawa niyata nikā karēngö, harṣa n ton mahārāja Bhagadatta n kapañcaran.

*gacchāmas*²⁾ *tatra bhadraṃ bā rājānaṃ parirakṣitum*
arakṣyamāḥ sasamare kṣipraṃ prāṇāt vimokṣyati

Matang nya t laku kita kabehta mara ngkā, rakṣa rasika mahārāja 25 Bhagadatta, yatanyan tan balakṣayā kita, apan tan cakēt-cakēt kita rumakṣe sarita rasika ring palagan, basama rasika n matya kapitunggala.”

An mangkana ling bhagawān Bhīṣma, prasama parēng sang watēk Korawa masö, makapurassara bhagawān Bhīṣma Droṇa. Katon 30 pwa mangkana tēkap mahārāja Yudhiṣṭhira, masö ta sang Pāṇḍawa saha lawan ra Pāñcāla, Somaka, Śṛṇjaya. Apa ta lwir ni patinghalan

1) cfr. Skr. 64.64: *eṣa yudhyati saṃgrāme Haiḍimbena durātmanā, Bhagadatto maheṣvāsaḥ kṛcchre ca parivartate.*

2) cfr. Skr. 64.67: *tatra gacchāma bhadraṃ vo rājānaṃ parirakṣitum, arakṣyamāṇaḥ samare kṣipraṃ prāṇān vimokṣyati.*

ira: asinghanāda ta dyah Ghaṭotkaca, mangkin uddata bhīma n angadēgakēn karākṣasakulan ira. Sakaton ikang dyah Ghaṭotkaca de bhagawān Bhīṣma, mojar ta sire sang Korawa, ling nira:

„Tanaya mami sang watēk Kurukula, takam wēnang pi laki maprang lawan ikang dyah Ghaṭotkaca; ewēh kalagan ing sēḍēng 5 mangke ṣaṭ-sahāya, towin ya parachidra māyāswabhāwa, purih ning kadika rākṣasa. Kitākweh kakoratanta, balakṣaya wāhanakṣaya. Sangkṣepanya, at kudur ikang Korawawīrâpranga, sakatambe kitâpranga lawan ikang Pāṇḍawa. Towin surup sang hyang Sahasra-kiraṇa.” 10

Mundur ta sakweh sang Korawa, kapwa mulih ring śiwira. Mangkanâtah sang Pāṇḍawa asurak atri humung, paḍa harṣomastuti guṇa nikang Ghaṭotkaca, atēhēr mantuk ing kuṭāyatana.

8

BHĀRATAYUDDHA HARI KESEPULUH;
BHĪṢMA GUGUR

15

Ikā ping sapuluh ni kāla nikang laga n prasiddha katon kaśaktin bhagawān Bhīṣma, sapuluh iwu kweh nikang ratu pējah samangkana de nira.....

prajwalito ¹⁾ *raṇe Bhīṣmo widhūma iwa pāwakaḥ*

20

Iningēt-ingēt pwa rūpa bhagawān Bhīṣma n sēḍēng pracandādbhuta ngkāne raṇa, sāksāt apuy murub tan pakukus juga lwir nira. Ya ta matang nyan rinēbut kinabehan sira de sang Pāṇḍawa. Ndatan wighani ta sira, dhīra dhārakāngadēg anihangakēn cāpadaṇḍa.....

Tuminghal ta sang Dhanañjaya, kinon ira ta sang Śikhaṇḍī 25 marēke harēp bhagawān Bhīṣma. Mangsō ta sang Drupadâtmaja, tinūtakēn de sang watēk Pāṇḍawa. Mangkanâtah sang Korawa, saparan bhagawān Bhīṣma tinūtakēn de sang Korawa. Marēk pwa bhagawān Ganggâtmaja ri mahārāja Yudhiṣṭhira. Irikā ta sira n pangēḍapi: 30

¹⁾ cfr. Skr. 109.35: *prajajwāla raṇe Bhīṣmo vidhūma iwa pāvakaḥ*.

Yudhiṣṭhira ¹⁾ *mahāprājña śṛṇu me wacanam tathā
sarvaśāstraviśāradaḥ dharme swargyajña jalpitaḥ*

„Putungku laki mahārāja Yudhiṣṭhira, sang mahāprājña, wihikan ing sarwâgama, rêngwakên ike wuwus mami, dharma lawan swarga
5 kâjar de niki. Nghulun iki bapa kêli-kêlin ike śarīra ni nghulun; mogha kumêtêr ikeng sarwasandhi. Tan kâla mami wênangâmatyana śatru iki mangke. Matang nyan deyanta: at kon tekâ sang Arjuna mangsö usên makapangarêpa Śikhaṇḍi, yatanyan tan kawâdhakana kita t gawayakêna pējahangkwa.”

10 Wruh pwa mahārāja Yudhiṣṭhira n mangkanâkâra ni lihat bhagawân Bhīṣma ri sira, mangsö ta sirâtêhêr umabêtakên śwetacāmara nira, akon sumahabomangsö kalingan ikâ.

tadâsīt ²⁾ *sumahat yuddham Kurūṇām Pāṇḍawaiḥ saha
Bhīṣmam Śikhāṇḍi samprāyāt yathā śyeno misām prati*

15 Samangkana ta ya n adbhuta prang sang Korawa-Pāṇḍawa. Enak tandang nikang Śikhaṇḍi ri bhagawân Bhīṣma, kadi hêlang anon mângsa kahidêpanya, tumuluy amanah angibêki ratha. Ndatar wawa-rêngö bhagawân Dewabrata, pijêr kêdö manirṇakên ikang ratu sāmanta ling nira. Tumular pwa tinghal nira, tinonira tang dyah Śikhaṇḍi
20 sêdêng sahoddhatânihangakên laras. Abâng tikang matâpan de ning krodha, angêmbusan ikang ucchwâsa, apan waling nira rājaputrâ-nantara mahâśakti, matang nyar walês anglêpasakên tikṣṇasāyaka.

uṣṇârti ³⁾ *hi nâro yadvaj jaladhārāḥ pratīcchati
..... śatadhārāḥ Śikhāṇḍinaḥ*

25 Hana wwang prayojana hangêta ni śarīranya, pinrihnya ta tibā nikang udan tinawênganya, *yadvat* kady anggân ika, *tadvat* mangkana ta bhagawân Bhīṣma ar tahêni panah sang Śikhaṇḍi ring panah. Hana ta ya n kwa paḍa nira:

1) cfr. Skr. 115.13: Yudhiṣṭhira mahāprājña sarvaśāstraviśārada, śṛṇuṣva vacanam tāta dharmyam svargyam ca jalpataḥ.

2) cfr. Skr. 115.42: tatrâsīt sumahad yuddham Kurūṇām Pāṇḍavaiḥ saha, Bhīṣmahetor naravyāghra śyenayor āmiṣe yathā.

3) cfr. Skr. 117.24: uṣṇârto hi nâro yadvaj jaladhārāḥ pratīcchati, tathā jagrāha Gāṅgeyaḥ śaradhārāḥ Śikhāṇḍinaḥ.

yathā hi ¹⁾ *śirahya kālo gawāṃ marmāṇi kṛtanti*
tathā Pāṇḍusutānāṃ bhai Bhīmō marmāṇi kṛtanti

Kady anggān ing māsa Māgha Phālguna an pagawe pati ning lēmbu makweh, *tathā* mangkana ta bhagawān Bhīṣma n panīrṇākēn sahinati sang Pāṇḍawa. Sakrodha ta sang Arjuna, matang nyan pamanah 5 laras bhagawān Bhīṣma ring ballaṭasāra; tatan dwa pēgat ta yāpapitu. Irikā ta bhagawān Bhīṣmānāmbut lipung. Ya ta dinukakēn ire sang Arjuna. Yatna ta sang Dhanañjaya, pañcaśara pamapag nire lēpas nikang lipung. Pēgat ta yāpalima tan pasāra. Mangkin krodha ta bhagawān Bhīṣma. Ndan labdhasmṛti ta kunang sira wēkasan, matang 10 yan kwāngēn-angēn ira:

śakto ²⁾ *'han dhanuṣekena nihantum sarwapārthiwān*
yady asān (n)a bhawet gotā Viṣwakṣeno mahābalaḥ

„Tak atakut ³⁾ ta ya ring lagi wēnang umatī ng ratu pirang koṭi, makasādhana ng cāpadaṇḍa. Ndan kumwa tiki nggānya, ikang 15 ratu tan karakṣa de bhaṭāra Wiṣṇu ikā pējah dengku. Ikang Pāṇḍawa pwa ya ta, bāhulyānggarita mātra sañjatangkwa iriya. Singgih apan rinakṣa bhaṭāra Wiṣṇu tikā ya. Lawan ta waneh iki kārāṇa rwang siki ta karih nimittangkwa tan wēnang apranga lawan ikang Pāṇḍawa. Ndyā tang kārāṇa rwang siki:

abadhyatwāc ca ⁴⁾ *Pāṇḍūnāṃ strībhāwāc ca Śikhaṇḍinaḥ* 20

si tan yogya ning Pāṇḍawa pējahanangkwa mwang strīswabhāwa tikang Śikhaṇḍī hinarēpakēnku mangke.

¹⁾ cfr. Skr. 118.8: *yathā hi śaiśiraḥ kālo gavāṃ marmāṇi kṛntati*, *tathā Pāṇḍusutānāṃ vai Bhīṣmo marmāṇi kṛntati*.

²⁾ cfr. Skr. 119.32: *śakto 'haṃ dhanuṣaikenā nihantum sarva-Pāṇḍavān, yady eṣāṃ na bhaved goptā Viṣvakṣeno mahābalaḥ*.

³⁾ sic? CDE: tahatakut; AB: takut. Atau: taha tāku ta ya ring lagi wēnang.....

⁴⁾ cfr. Skr. 119.34: *avadhyatvāc ca Pāṇḍūnāṃ strībhāvāc ca Śikhaṇḍinaḥ*

*tasmāt*¹⁾ *mahaṃ manye pwa yaḥ kālaprāptam iwātmanah*

Wruh tâku n tēkā ning mṛtyu mangāweśa ri śarīrangku mangke.”

Mangkanâlocita bhagawān Dewabrata ri jro hati. Ya tikā hina-
ywan de ning watēk ṛṣi dewatā, inastwakēn sinanggih an yukti. Tumibā
5 tang puṣpawarṣa sahângin atis mwang sugandha cūrṇa, cihnanya n
agirang sang watēk dewatā mwang watēk ṛṣi ring ākāśa. Lawan
kumwa tekang śabda karēngö de bhagawān Bhīṣma:

*patyasyatu*²⁾ *rathād Bhīṣmaḥ sarwalokapriyan tathā*

„Ndan tumibā ta sang Bhīṣma sangkeng ratha, kahyun irâtika n
10 matya rasika.”

An mangkana ling nikang śabda karēngö ring ākāśa de bhagawān
Bhīṣma, mari ta sira masö ri sang Arjuna, mahuwusan sirânglēpasakēn
sarwâstra. niśita. Ikang dyah Śikhaṇḍī atah mangkin uddhatângupat-
apit ring śilīmukha. Ndatan cheda bhagawān Bhīṣma, niścalâpagēh
15 juga sira,

*kṣitikampe*³⁾ *yathâcalah*

kadi wukir kâla ning liṇḍū ning pṛthiwī. Tuhun panah sang Arjunâtaḥ
mamikāre sira, cihnanya: punggël dhwaja nira, pējah sārathi nira,
kahabēt de ni sañjata sang Dhanañjaya. An kapañcaran bhagawān
20 Dewabrata, winarah nira tang dyah Duśśāsana, ling nira:

„Ai putu Duśśāsana, nora wēnanga lumagâku yāwat ing raṇa,
yadyan dewatā tuwi, kiṃuta daitya dānawa rākṣasa mānuṣâdi, pisaningū
ikânggarita mātra sañjatanya. Kathamapi tekang Dhanañjaya, wikāra
kapañcaran aku denya.”

25 An mangkana pangucap bhagawān Dewabrata lawan ikang dyah
Duśśāsana, muwah ta sira pinanah ring niśitasāyaka de sang Dhanañ-
jaya. Muwah ta sirâwarah ri sang Duśśāsana, ling nira:

1) cfr. Skr. 119.35: tasmān mṛtyum ahaṃ manye prāptakālam
ivātmanah

2) cfr. Skr. 119.41: patiṣyati rathād Bhīṣme sarvalokapriye tadā

3) cfr. Skr. 119.45: nâkampata mahārāja kṣitikampe yathâcalah

*bajrâśanisamasparśā¹⁾ sūcitāḥ supraweśitāḥ
sumuktāś cāwyawan chinnāḥ neme bāṇāḥ Śikhaṇḍinaḥ*

„Putu Duśśāsana, iking panah kumēne śarīrangku, alaṇḍēp abēnēr, sāksāt kadi bajrâśani²⁾ pangarēpnya, anarawata tan pēgat ta ya n linēpasakēn, yeki hrū ni Śikhaṇḍi niyatanya. Nihan ta waneh: 5 kadi brahmadanda, kadi nāgāharēp anahuta, bheda sangke tumrus tēke hatingku, kadi dūta ning Yama kahidēpanya, engā prāṇangku denya, tan panah ning Śikhaṇḍi ta pwa ya. Syapa pwa makasañjata iku, swantahan linganta putu,

wīraṃ³⁾ gāṇḍīwadhanwānaṃ r̥te jiṣṇuṃ kapidhwajam 10

nora waneh makasañjata teki lena sangke Dhanañjaya.”

Mangkana ling bhagawān Śāntanawa. Ndan hanātah śeṣa ning kamahāsinghapuruṣan ri sira, ahyun⁴⁾ apulihana nggān y abhiprāya nira. Matang nyar pabandha kawacāngunus khaḍga. Tapwan turun sangkeng ratha, wawang ta sira pinanah ring anekaśilīmukha, syuh 15 rēmēk tekā kawaca nira. Irikā ta ya n palayū tan panoliḥ ikang wīrayodha ri sang Korawa, giri-girin an ton śata jarjharita śarīra bhagawān Dewabrata. Wēkasan tēkā ta sang wīrapuruṣākweh tan pāṅkura, sumaput angēmbuli ri bhagawān Bhīṣma. Ndan kumwa ta śabdanya sowang-sowang: Alap-alap, tibākēn, at sikēp, at patī, ndak daging 20 dagingnya!

Mangkana ling nikang śabda marēk ri ratha bhagawān Dewabrata. Irikā ta ya n katon syuh śarīra nira, rwang angguli ta pwa sēlanya ri sakanin-sakanin, kapwa tekā sāk atē(b) bēñcar humīs rāhnya.

prākśirāḥ⁵⁾ prāpatan rathān 25

Tibā ta sira kajungkēl saka ring ratha. Mulat ta sang para watēk dewatā sangkeng ākāśa, nguniweh sang Korawa. Ndan parēng rakwa tibā ni hati nirā kabeh lawan tibā bhagawān Bhīṣma tēkap ni sañjata sang Arjuna. Gumēntēr tibeng kṣititala, cañcala kadi ginañjuh.

1) cfr. Skr. 119.60: bajrâśanisamasparśā Arjunena śarā yudhi.
61: muktāḥ sarve 'vyavac chinnā neme bāṇāḥ Śikhaṇḍinaḥ.

2) ω: bajrâsaki

3) Skr. 119.67

4) ω: hayu n

5) cfr. Skr. 119.87: prākśirāḥ prāpatad rathāt

*dharanî(n)¹⁾ na sprśac cāpi śarapangkisamawitam
śaratalpa maheśwāswaḥ śayaś ca puruṣarṣabha*

Ndatan kaharas ring lēmah bhagawān Bhīṣma, apan kalēpan²⁾ de
ni kweh ning hrū sang Arjuna, sangkṣepâgulingan ing śaratalpa sira
5 wēkasan. Ruksâsamun ikang śarîrâwayawa kabeh de ning tan hana
ning bhūṣaṇa karakēt i sira, apan tēlas dhwas parikṣîrṇa de ni sañjata
sang Arjuna. Tuhun ikang riris alit sumirami kanin bhagawān Bhīṣma.
Kady apradakṣiṇa rakwa lwir sang hyang Āditya, apan meh tumung-
gang-gununga. Towi pwa n pēpēd ikang dakṣiṇâyanakāla. Tumēnghā
10 pwa bhagawān Brahmācārī, atutur ta sira r tapwan tēkā ikang uttarâ-
yanadiwasa. Hana ta śabda karēngö ring ākāśa de nira, lingnya:

*katham³⁾ mahātmā Gāṅgēyaḥ sarwaśāstrakṛta waraḥ
kālam kartā naravyāghraḥ samprāpte dakṣiṇâyane*

„Taha tan matya rasiki bhagawān Bhīṣma mangke, ri kāla ning
15 dakṣiṇâyanadiwasa. Angera ta pwâku tak wawang minggata”.

Mangkana ling nikang śabda karēngö de bhagawān Bhīṣma.
Dhāraka ta sira humrēt sang hyang Prāṇa, humerakēn tēkā nikang
uttarâyanadiwasa.

9

KORAWA DAN PĀṆDAWA BERKABUNG DAN
MENGHORMATI BHĪṢMA

20

Tatan hana ng sukhacittamātra ri sang Korawa. Kapyūhan
kasiluṇḍuhēn juga sira kabeh, norāṅgucāp apranga muwah amapaga
sang Pāṇḍawa, kady anglampū pējaha kārūna de ni panah sang Arjuna.
Arah de ning śoka tibrâputēk hati, mari ta yāṅgamēl sañjata, wi-
25 mohanânangis asambat juga sira kabeh. Mangkana ta sang watēk
atuha ring Korawa, paman penan, nini kaki, putu puyut, kapwâtah
sumambatakēn sagaṇa bhagawān Bhīṣma. Haywa ta sang Korawa juga,

¹⁾ cfr. Skr. 119.91: dharanīm na sa pasparśa śarasangghaiḥ
samāvṛtaḥ, śaratalpe maheśvāsam śayanam puruṣarṣabha.

²⁾ sic ω. Kalētan?

³⁾ cfr. Skr. 119.95: katham mahātmā Gāṅgēyaḥ sarvaśāstrabhṛtām
varaḥ, kālakartā naravyāghraḥ samprāpte dakṣiṇâyane.

těke wadwa sang Pāṇḍawa kapwâtaḥ kahēṇēkan manastāpa. Mogha rēmēng pētēng ikang ākāśa, tan katon teja ning rawi. Tuhun śabda nikang wwang kabeh atah karēngö, lingnya:

„Atyanta dibya nira bhagawān Ganggâtmaja harah an mati, niyata sirâmanguha ng Brahmaloḥa, apan pakabrata ng brahmacārī. Ikā ta de ni twang nirâbapa, tumon sirā kēna rāga ngūni kārāṇa nira.” 5

Mangkana tikang śabda karēngö. Ya ta tumisakēn manah bhagawān Dewabrata. Mahārāja Duryodhanâtaḥ kaḡōngan ing lara manastāpa, koluyan kunang manah nira tumon sang mangiḍēp sangsāra. Ya ta matang nyan angdoh mare kahanan sang hyang Droṇa, sinuṇḍang kininkin sirā de ny ari nira. Mājar ta sire kapējah bhagawān Bhīṣma. Apa ta lwir ḍang hyang Droṇa r winarah: wawang sirā kapati mūrḥā malupeng rāt. Wēkasan anglilir ta sirā, kumon sirā kabeh maluya. 10

Ndan sang Pāṇḍawa salah gr̥hita, waling nira maluy apuliha sang Korawa, matang nyar waluy angulwan. Ya ta hetu nira sēnā-hâtēhēr angdūta. Katon pwa sang watēk Korawa nirāyudha, maluput waju rukuh mwang keśapāśa, apupul umare bhagawān Bhīṣma, milu ta sang Pāṇḍawānghariwuwu wēkasan. Kapwa ḍatēng sādārānambah. 15

*upapasthaḥ*¹⁾ *mahâtmānaṃ Prajāpatim iwâmarāḥ* 20

Kadi rūpa ning watēk hyang kabeh, sumewita bhaṭāra Prajāpati, mangkana ta lwir sang Korawa-Pāṇḍawa an paḍānangkil ing bhagawān Bhīṣma. Irikā ta sirānginkin amrih-mrih dumēling, atēhēr maswāgata, ling nira:

*swāgataṃ*²⁾ *co mahābhogāḥ swāgataṃ co mahārathāḥ* 25
tuṣyāmi da(r)śanāñ cāhaṃ yuṣmākam amaropamāḥ

„Ndah swāgata ta putungku sang Pāṇḍawa kita kabeh, sākṣāt pahōman ing dewatā pangiḍēpkw i kita.

1) cfr. Skr. 120.30: upatasthur mahâtmānaṃ Prajāpatim iwâmarāḥ

2) cfr. Skr. 120.33: svāgataṃ vo mahābhāgāḥ svāgataṃ vo mahārathāḥ, tuṣyāmi darśanāc cāham yuṣmākam amaropamāḥ.

śiṣyo ¹⁾ 'ham asyām śayyāyām yāwad āwartanan raweḥ
ya tadā pārāyisyanti ke mā drakṣyanti we nrpāḥ

Wara-warahēn kita kabeh ri kālangkw aturū rikeng śaratalpa,
makahīngana pangalor ning Āditya. Yan hana ratw aharēp lēpasa
5 mara ring swarga, tuminghala ri kami ata ya rumuhun. Kalinganya,
kami pakadrṣṭanta ring hayu. Mangke wih lwir nikang inungsir mami:

diśam ²⁾ *Waiśrawaṇākrāntām yadā śantā diwākaraḥ*
arciṣmān pratapan loke rathenottamatejasā

Yan pangalor sang hyang Āditya, matitisa deśa sang ³⁾ hyang Waiśra-
10 waṇa, sumuluhana ng sakalabhūmimaṇḍala, makawāhana ng ratha
prodbhūtakiraṇa, ya tikā sinangguh kāla pawitra ngaranya. Mangkana
pwa ya ta,

wimokṣya ⁴⁾ 'han tadā prāṇāt suhrdaś ca priyān ica

ya ta matang nyan irikā ta kami k tinggalakēna hurip mami, parēnga
15 lawan katinggalan ing pakapriya lagi. Sang hyang Āditya niyata nira
sewitan mami. Kunang pawēkasangkwe kita kabeh: t ahuwusan ta
pwa kitāлага, tinggalakēn wera ning hrdaya, marapwan kita paḍa
śāśwata."

An mangkana wuwus bhagawān Bhīṣma, pinrih ta sira pinametakēn
20 uṣadha tēkap sang Korawa, hinanākēn sakweh ning waidya wedika
mamiguni rodra ring lagi. Ndatan pamuhara sukha katonanya de
bhagawān Ganggātmaja. Matang nyan kumwa pājar nira:

tātadeyaḥ ⁵⁾ *wisrjyante pūjayitwā cikitsakān*
ewan tanggeta inani waidya kāryam ihanti wai

25 „Bapangku sang Duryodhana, baribin aku k ton ikung waidya
mamiguni pratamba. Wehi mās dodot rājayogya denta laki, kamē-
nantākona lunghā riya, apayapan tan hana pakēnanya kabeh. Ri kāla

¹⁾ cfr. Skr. 120.51,52: śiṣye 'ham (Gonda: śeṣye 'ham) asyām
śayyāyām yāwad āvartanam raveḥ, ye tadā mām gami-
syanti te ca prekṣyanti mām nrpāḥ.

²⁾ cfr. Skr. 120.52,53: diśam Vaiśrawaṇākrāntām yadā gantā
divākaraḥ, nūnam saptāśvayuktena rathenottamatejasā.

³⁾ ACE: deśa; BD: deśa ng

⁴⁾ cfr. Skr. 120.53: vimokṣye 'ham tadā prāṇān suhrdaḥ supriyān iva

⁵⁾ cfr. Skr. 120.57: dhanam dattvā visrjyantām pūjayitwā cikitsa-
kāḥ, evaṁ gate mayedānīm vaidyaiḥ kāryam ihāsti kim.

ning gati mangke, dharma ning kṣatriya kēti ke pinangguhku. Inas-
tungkāra ng ulah mangke ngaranya. Iku yan hana katona, basamāmu-
hara giṇḍala ring kawīraloka, apan hayunya n pakasilunglunga ng
śaratalpa.”

Amintuhu ta mahārāja Duryodhana ri wuwus bhagawān Bhīṣma, 5
linunghākēn ikang waidya wedika kabeh. Kapūhan ta sira kabeh,
tumon i tan kapālang-alang i kadharmakṣatriyan bhagawān Bhīṣma.
Matang nyar iwō ring sarwapuṣpagandhādi, inuyūyu ring gīta
wāditra ¹⁾ paṭaha munda mahāsāra, pinangigēlakēn ing naṭanarta-
kīprakāra. Tatān hana wineh anggamēla sañjata ngaranya. Sakweh 10
sang Korawa-Pāṇḍawa lwir māyu matūt ikang solih-ulihan, apan
kapwa bhakti gorawa ri bhagawān Bhīṣma. Mangkana tekang wwang
kabeh ring kuṭa, laki-laki wadwan, raray matuha, tēka ring wwang
sāmānya prthagjana, kapwa ta ya ḍatēng tumonton sang mangiḍēp
wedanā ring śaratalpa. Sumaput pwa ng pētēng ring kulēm, mulih 15
ta sang Pāṇḍawa ring kuṭāyatana.

Bhagawān Bhīṣma sira ta mangkin mrat lara nikang kanin,
angrasa panas mangantēk-antēk tēkeng ati, apayapan akweh ikang
hrū tumangga ngkāne śarīra nira. Ya ta matang nyan tan kawēnang 20
kinōlakēn pangdagdha nikang śaramaya. Maminta ta sira wwai ri
sang matunggu ri śira. Kapwa tikāgarawalan aweh wwai ring kumbha;
hanāweh wwai ring kuṇḍi waneh. Ndatan pangrahati hati bhagawān
Bhīṣma.

nāḍya ²⁾ *tāta mayā śakyam bhogāḥ kenaca mānuṣāḥ*
apakrośān manuṣyebhyaḥ śaraśaryyāgato hy aham

25

„Bapangku kita kabeh, tan wēnang laki minum ikung wwai
pawehta. Yāwat bhoga ning mānuṣa ta pwa tan kaharēpku, apan
luput sangke mānuṣāku n sēḍēng śaratalpa. Matang nya hīs-hīs ni
kīrṇa sang hyang Wulan ta kunang herakēnangkwa mangke. Kunang
ri hiḍēpku konēnkwa mangke. Laku ta pet sarika. Haywa ta kantun 30
wwang sānak sarika kabeh.”

An mangkana wuwus bhagawān Bhīṣma, pinalaywan ta sang
Dhanañjaya kinon marēka. Tan asuwe ḍatēng ta sirānēmbah manga-
bhiwada. Atēhēr mataña ri gawaya nira n pinet. Mojar ta bhagawān
Ganggāsuta, ling nira:

35

¹⁾ ω: wādatra

²⁾ cfr. Skr. 121.13, 14: *nādyātītā mayā śakyā bhogāḥ kecana mā-
nuṣāḥ, apakrānto manuṣyebhyaḥ śaraśaryyām gato hy aham.*

dahyatīdam ¹⁾ *śarīras me saṁsyūto 'smi tawesubhiḥ*
marmāṇi patitucanti wadanam pariśuśyati

„Putungku sang Dhanañjaya bapa, iki śarīrangku laki apanas
ahuyang tan pampētan, apayapan kadi tinunduk gatinya de ni panahta.
5 Kumrut iki hrdayangku, kasatan iki tēnggēkku denya. Matang nyan
pwa laki at wehi kakinta wwai mahāpawitra, pamadēmangkwē huyang
ni hatingku.”

Tan wihang sang Arjuna, manek ta sireng ratha, atēhēr analyani
laras nira ng Gāṇḍewa-dhanuh, winēṇṭang nira ta ya. Apa ta lwir
10 ni śabdanya n katatakut: kadi dhwani ning bajrâśani kâla ning Cetra-
mâsa. Kapatuli kapēlēngēn sakweh ning kṣatriya tēkapnya. Midēr
ta sirâpradakṣiṇa kumulilingi kahanan bhagawān Bhīṣma, atēhēr
anihangakēn śarawara, pājar ny astramantra pinasang nira. Katēngēn
pwedēr nikang ratha sake kahanan ira bhagawān Śāntanawa, pinanah
15 nira tekang pr̥thiwītala.

utpapāta tato dhārā ²⁾

Multak tikang wwai sangkeng jalatuṇḍa muñcar, konang-unang
siratnyānghada-hadā tan pāwaraṇa amṛtamayâtis, umambw awangi ³⁾.
Ya ta dumyusakēn śarīranya ri bhagawān Śāntanuputra. Mācama-
20 nāngudakatarpaṇa ta sira. Kapūhan ta manah nira de ni kasiddhyan i
wīrya sang Dhanañjaya, nguniweh tikang ratu sāmanta. Kawadagan ⁴⁾
citta sang Korawa, kumētēr atis sumimpēn i takurang nira. Tuṣṭā-
brēsih tâmbēk bhagawān Bhīṣma, mary apanas ahuyang śarīra nira.
Sangka ri tan wēnang humrēt garjita nira, matang nyar pojar sire
25 sang Dhanañjaya, ling nira:

„Tak ⁵⁾ kapūhan aku laki t alahakēn ikang kṣatriyasangghya,
apan makasahāya mahārāja Kṛṣṇa; tak āścarya t alahakēn daitya
ring kendran ngūni, apan akweh dewatā tumulung prangta. Kunang
ikang angde kādbhute hatingku ri gatinta wēnang amijilakēn tīrthāmṛta
30 sangkeng pr̥thiwī juga. Matang nyan lingangkwa iri kita laki:

1) cfr. Skr. 121.18: dahyatīva śarīram me saṁvṛtasya tawesubhiḥ,
marmāṇi paridūyante mukham ca pariśuśyati.

2) Skr. 121.24

3) ω: umambâwangi

4) A: kawadagdan; C: kawadhakan

5) ω: tat

saritām ¹⁾ *sāgaraḥ śreṣṭhaḥ giriṇām Himawān waraḥ*
ādityas tejasām śreṣṭhaḥ śreṣṭha tvam asi dhanwanām

Tasik kětādhikāra ning lwah, Himawān pinakawiśeṣa ning wukir, āditya pinakawiśeṣa ning sarwateja. Kady anggān ika kabeh, mangkana ta kita t pinakaprottunga ning wruh ing dhanurweda. Ekadhanur- 5 dhara ta pwa ngaranta ngke ring rāt, apan tan hana tumaṇḍing-taṇḍingi kita."

An mangkana pangastuti bhagawān Bhīṣme sang Arjuna, dīnātaḥ manah mahārāja Duryodhana, erang sumambat an lihat. Matang nyar pojar bhagawān Bhīṣma, ling nira: 10

„Ai putu sang Duryodhana, haywa matsarersya de ning mangēn-angēn. Syapa kari maḍāna ng Pārtha mangke lwirnya, wēnang amijilakēn jaladharāmṛtatulya? Tapwak anon wwang waneh mangkana ngke ring loka.

āgneyam ²⁾ *wāruṇam somyam wāyavyam atha weṣṇawam* 15
aindraṁ pāśupatam brāhmaṁ pārameṣṭhyam Prajāpateḥ

Āgneya ngaran ing sañjata sang Agni, bāruṇa ngaran ing sañjata sang hyang Baruṇa, somya ngaran ing sañjata sang hyang Soma, bāyabya ngaran ing sañjata sang hyang Bāyu, waiṣṇawa ngaran ing sañjata sang hyang Wiṣṇu, aindrya ngaran ing sañjata sang hyang Indra, pā- 20 śupata ngaran ing sañjata sang hyang Rudra, brāhma ngaran ing sañjata sang hyang Brahma, pārameṣṭhya ngaran ing sañjata bhaṭāra Guru. Ikā ta kabeh,

sarwasmin ³⁾ *mānuṣe loke eka ewa Dhanañjayaḥ*

tunggal juga wruh irikā kabeh ngke ring loka, kewala Dhanañjaya. 25 Mwang mahārāja Kṛṣṇa ta kari wruherika, swantahan linganta; tamolah tan waneh, apan tunggal tattwa nikā kālih. Ndan ring kapana

¹⁾ cfr. Skr. 121.34, 35: *saritām sāgaraḥ śreṣṭho gaur variṣṭhā catuṣpadām. Ādityas tejasām śreṣṭho giriṇām Himavān waraḥ, jātīnām brāhmaṇaḥ śreṣṭhaḥ śreṣṭhas tvam asi dhanvinām.*

²⁾ cfr. Skr. 121.40, 41: *āgneyam wāruṇam saumyam wāyavyam atha vaiṣṇavam, aindraṁ pāśupatam brāhmaṁ pārameṣṭhyam Prajāpateḥ.*

³⁾ cfr. Skr. 121.42: *sarvasmin mānuṣe loke vetty eko hi Dhanañjayaḥ*

ta sang Pāṇḍawa kaparājayā ring raṇa, apan mahābhāra guṇa ning
Dhanañjaya. Matang nyad wi bapa,

tena sattwa ¹⁾ *renāhawaśobhinā*
Dhanañjayena wireṇa sandhis tāta prayujyatām

5 pahuwusan juga kitâprang; at gawe ta pwa ng sandhi, patūt padulur
lawan sang Dhanañjaya. Pěngpěng tapwan akweh dahat kṣayanta.
Eman wwang sānakta saśeṣa ning mati, sēmbahakēnte mahārāja
Yudhiṣṭhira. Wodhanāni sang Bhīma Nakula Sahadewa; waluyakēn ²⁾
kawwang-sānakanta.”

10 *Nārada datang. Bhīṣma memberikan wedjangan kepada Yudhiṣṭhira.*

Samangkana pawarah bhagawān Dewabrata i mahārāja Yudhiṣ-
ṭhira. Ndatan ya manghilangakēn prihatī sira, kēdō koluyan juga sire
pējah bhagawān Bhīṣma. Matang nira n tinanguhan sira de bhagawān
Nārada, kinon mahenakāmbēk nira, umagēhakēna ng kakṣatriya-
15 dharman; mwang kinon ta sirāgawaya prāyaścitta hēlēm, magawayâś-
wamedhayajña mwang lumampaha tīrtha jēmah, yatanyan tan rakēta
ng kleśa tāmāsa ri sira. Udhāni ta sira wēkasan de ni pitutur bhagawān
Nārada. Matang nyar panēmbah sire sang ṛṣi Nārada. Tumuluy
tēkā ri bhagawān Bhīṣma, atēhēr ta sirāmwit mantuka saha wwang
20 sānak nira patang siki. Kapwa ta sira mantuk samering lawan mahārāja
Kṛṣṇa; tēkā ta sireng śiwirāyatana.

1) cfr. Skr. 121.44: tena sattvavatā samkhye śūrenāhawaśobhinā,
kṛtinā samare rājan sandhir bhavatu mâciram. Yāvat Kṛṣṇo
mahābāhuḥ svādhīnaḥ Kuruśattama, tāvat Pārthena śūreṇa
sandhis tu tāta yujyatām.

2) Gonda: wahuyakēn

ĀSRAMAWĀSAPARWA

I

DHṚTARĀṢṬRA DITJELA WRKODARA, MAU PERGI KEHUTAN.

Nastityan ¹⁾ sapṛthiwi bhāra lara mahārāja Dhṛtarāṣṭra ri pējah 5
ny anak nira sang Korawaśata, nda hilang ya wēkasan sumalah ing
manah tuṣṭa de ning bhakti sang Pāṇḍawa umaripūjā sira, sakahyun
ira winehan. Mapa ta kaharēp nira widhi ulah nira ngūni ri pangadēg
ny anak nira mahārāja Duryodhana, mangkana ulah nira wēkasan,
sinewaka de sang Pāṇḍawa, ginorawa sang mahāpuruṣa maripoṣita 10
sira. Matang nyan mari śoka nastāpa nira, ndatan kahidēp ikang
duḥkha nastāpa de nira. Tēkwan mahārāja Yudhiṣṭhira mangkin
agōng praṇata nira, kawēdi nira atutura mahārāja Dhṛtarāṣṭra ri pati
ning anak nira. Ya ta matang nyan pagawe ghoṣaṇa umājñe wwang
sānak nira, ling nira: 15

„Antēn i nghulun sang catur-Pāṇḍawa, atyanta sukha ni nghulun
mangke, tumon sukha mahārāja Dhṛtarāṣṭra de ning bhaktinta kita
kabeh. Mari ta sirānangis, mari ta sirāngucap Duryodhana mwang
dewī Gāndhārī, mari manastāpa, salwir ning śabda pramudita haṛṣa-
citta juga pinakāmbēk nira. Kunang samaya ni nghulun ri kita kabeh: 20
haywa ta kita maweh wuwus tan menak majarakēna pūrwawaira
kumatuturana ²⁾ ri saprawṛtti sang Duryodhana, sugyan ta n waluyana
lara nira. Yapwan hana kita ³⁾ gumawayakēna wuwus tan menak
i sira, tan wwang sānak ni nghulun ikā yan mangkana, prasiddha
pratikūla tan tūtakēn i śāsana ni nghulun.” 25

An mangkana tājñā mahārāja Yudhiṣṭhira, pratipatti ta sira kabeh,
tan hana lamlam umujarakēna kaduṣkṛtan sang Duryodhana, nguniweh
niskaruṇa ⁴⁾ - wacanāninda mahārāja Dhṛtarāṣṭra, kewala sopacāra
juga sira. Kadi ulah ning śiṣya ring guru mangkana ulah nira kabeh ri
mahārāja Dhṛtarāṣṭra. Matang nyan agōng juga sukha nira wēkasan. 30

1) ABCDEFG: nasityan. Corr.: nistanyan?

2) AE: humatuturana; OPQR: matuturana

3) ω: sira

4) ω: niskara

Pira kuněng lawas nira n pinūjā de sang Pāṇḍawa, pañcadaśa-
 warṣa lima wēlas tahun lawas nira ar bhukti kaiśwaryan lēwih sakerikang
 kaiśwaryan bhinukti nira kāla mahārāja Duryodhana siniwi. Apayapan
 hana kāla mahārāja Duryodhana parāṅgmukha ri sira, umujarakēn
 5 tan samenak karěngö, yan katėkan krodha sire sang Pāṇḍawa, umilu
 ta sira kahawā. Kunang mahārāja Yudhiṣṭhira tan hana kāla nira
 wāḱparuṣya umujarakēna tan sayogya karěngö. Tėke sang Arjuna
 Nakula Sahadewa kapwa pratipatti¹⁾ lumālana ambėk nira. Anghing
 sang Wṛkodara juga tan anggā pratipattya, yayā tikā jñāna pratikūla,
 10 apayapan mampėh²⁾ juga luh nira, yāwat kāṅgėn-angėn duḥkha
 nira harėp anusupa ring alas mwang duḥkha sang Dropadī ri kāla
 nira n winudan de sang Duśśāsana, nguniweh duḥkha nira n panapak
 ring Wirāṭanagarī wėkas ning kāsy-asih. Tan hana si tēmbe adrwe
 lara wirang bhedā sangke sang Duryodhana, makanimitta udāsīna
 15 mahārāja Dhṛtarāṣṭra, ahyun tamtam tumon kaduṣkṛtan y anak nira.
 Ya tikāṅgdadyakēn tan sambega, mogha pratikūla tumon kabhaktin
 mahārāja Yudhiṣṭhira. Kunang saka ri göng ning praṇaya nira makaka
 ri mahārāja Yudhiṣṭhira, ya ta matang nyan kėlakēn göng ning krodha
 iry ati, tan wineh mijileng tutuk. Matēmahan ta yāsėkėl ri hati, moghā-
 20 panas manah nira. Yāwat katon mahārāja Dhṛtarāṣṭra malinggi
 ring ratnaparyangka pinūjā de mahārāja Yudhiṣṭhira, tan pasangkan
 juga tangis nira. Tangheh anggānya sarika tamolah irikang rājya,
 ya tan pituturana ya ri kaduṣkṛtan y anak nira, mangkanābhiprāya
 sang Wṛkodara. Ya ta matang nyan inuman-uman mahārāja Dhṛta-
 25 rāṣṭra umōṅgakēn ri tan hana ning wwang tuminghal.

„Bapa sang Dhṛtarāṣṭra, apa hiḍėpta iku sukha bhinuktinta?
 Tan panon syuh ny anakta sang Duryodhana karika, ikang dumadyakēn
 lara mami kabeh saha wwang sānaknya kabeh, manunwani ring jatu-
 grha, umañcana kami ring dyūtanita, makanimitta patya ning kṣatriya-
 30 gaṇa, humilangakēn sakweh ning kulasantānanya? Tan alara pwām-
 bėkta ri pati ḍang hyang Droṇa, nguniweh pati ni kakingku bhagawān
 Bhīṣma? Anggānya n menak juga kita pinūjā de ning winehnya larām-
 bėk; sukha pwa kinabhaktyan de nikang huwus manėmu lara denya.
 Aḍah durbuddhi rasika sang Dhṛtarāṣṭra tan angėn-angėn mahābhāra
 35 nikang lara ginawayakēnta ngūni.

1) ω: prawṛttipati

2) BCDFH: tumampėh; G: tampėh. Corr.: tan ampėh?

andhasya ¹⁾ *nṛpateḥ maha parigḥabāhunah*

Bapa sang Dhṛtarāṣṭra, kita ya ta sang wuta tēkeng hatinta, tinghali bāhungku, tan hana pahinya lawan mṛtyuparigha ta, yayā ta tiki n humilangakēn wēkanta

naṣṭā ²⁾ *susutawāndhawāḥ*

5

bhraṣṭa tekā kadang ny anakta ring raṇāṅga nirawaśeṣa. Ya tikā pamigrahangkwa ri kita, yan kita tamolah ring rājya amuktya pamaripūjā ni kakangku mahārāja Yudhiṣṭhira. Ilagana ta kita usēn.”

„Anak ni nghulun sang Wṛkodara, mengēt pwa nghulun laki ri kadurnayan y anak ni nghulun sang Duryodhana; mengēt pwa nghulun 10 ri pitutur sang Widura ikang sadākāla makon atūta. Wruh ta nghulun ri yukti bhagawān Bhīṣma kumon mehakēna kārḍharājya ³⁾ ri sang Pāṇḍawa. Huwus ta nghulun tumēkākēn ri anak ni nghulun sang Duryodhana, ndatan hana juga panghidēp sarika. Ya ta hetu ning manglampū tan wruh ring deya, makanimittāsih ning mānak. Nihan 15 phalanya mangke: pati ning kṣatriyagaṇa mwang hilang ning sa-Kurukulasantāna. Byaktekā hr̥dayaśālya kabhukti, pinakasusuk ning hati ni nghulun mangke. Tan hana tambanya waneh lena sangke kapatyan i nghulun. Matang nyan magawe nghulun śarīraśocana, humilangakēna śarīra ni nghulun. 20

caturwe ⁴⁾ *pigate kāle*

Hana limang wēngi nghulun mangilang, mogha mahārāja Yudhiṣṭhira n lumabuhi nghulun. Ya ta hetu ning tan tulus umilanga śarīra ni nghulun. Mangka pwa hana paninda sang ārya gati sanghulun munggw iking rājya. Nāhan kāraṇa ni nghulun wanawāsā, denya r pējaheng 25 alas nghulun, bapa.”

Mangkana ling mahārāja Dhṛtarāṣṭrānēhēr mājar i mahārāja Yudhiṣṭhira ri kamēna nira n panusup ing alas. Ndan sang winarahan pih kapēnga-pēnga, matang yan pakasahur kumwa:

¹⁾ cfr. Skī. 3.7: *andhasya nṛpateḥ putrā mayā parigḥabāhunā*

²⁾ cfr. Skr. 3.10: *yābhyām Duryodhano nītaḥ kṣayam sasuta-bāndhavaḥ*

³⁾ *ikārḍharājya?*

⁴⁾ cfr. Skr. 3.25: *caturthe niyate kāle*

„Bapa mahārāja Dhṛtarāṣṭra, mapa rahadyan sanghulun kēdw arēp awanawāsā tuminggala sanghulun kabeh, tyāga riking rājya ri denya n hana sanghulun sama sānak mūjā maripoṣita rahadyan sanghulun? Tonēn praṇata mami kabeh. Kita juga waśawaśitwa
5 muktīking rājya.”

„Uḍū aum aum anaku mahārāja Yudhiṣṭhira, kēnoh śabda sang ārya. Kunang nghulun bapa kuminkiny awak i nghulun tumūt i sang siddharajarṣi denya n matīng patapan, apan nghulun huwus wrddhālpajīwa. Matang yan haywa kita wādhaka ri gati ni nghulun mūr
10 awanawāsa.”

„Mahārāja Dhṛtarāṣṭra, yayā sanghulun tan wēnangāngher iking rājya i lampah rahadyan sanghulun mūr awanawāsa. Yapwan kewalya rahadyan sanghulun tar kawēnang sinayutan,

*praṣṭhagataḥ*¹⁾ *tw anuṣyāmi*²⁾

15 kenakanya tumūta juga nghulun, apan tan wēnang nghulun madoha sangke pādadwaya rahadyan sanghulun.”

Kunang mahārāja dolāyamāna (na)stāpa tar wruh ri deya nira ri panangis dewī Gāndhārī. Mangkin hāroharāmbēk mahārāja Yudhiṣṭhira.

„Ahāh mahārāja Dhṛtarāṣṭra, atyanta niṣṭhuranta ri nghulun.
20 Atiśaya bhāra pūjopakāra ni nghulun sangke kasewakan mahārāja Duryodhana iri kita. Apa matang nyan rahadyan sanghulun mahyun tuminggalakēna nghulun? Narārya Widura, sājñā bhagawān Kṛpa, tulungēn pinakanghulun. Tan santoṣa mahārāja Dhṛtarāṣṭra.

25 *yasya*³⁾ *nāgasahasreṇa dasasatyana we balam*

Sang prasiddha kadi śakti ning liman sāyuta,

so 'yan nārīm awyassritya śewo rāja datasuwat

sira ta mogha niśceṣṭa sāksāt mati sinaṇḍa⁴⁾ tēkap dewī Gāndhārī. Atyanta lalista ri pinakanghulun.”

1) P: praṣṭhataḥ

2) cfr. Skr. 3.52: prṣṭhatas tv anuṣyāmi

3) cfr. Skr. 3.63: yasya nāgasahasreṇa śatasamkhyena vai balam, so 'yaṃ nārīm vyapāśritya śete rājā gatāsuwat.

4) sic? OQR: naṇḍa, al.: kinēnda

Mangkana ling mahārāja Yudhiṣṭhira. Kepwan anangis ta sira kabeh tar wruh ri deya nira; nguniweh bhaṭārī Kuntī mwanang dewī Gāndhārī hārohara ta sira. Samangkana atutur mahārāja Dhṛtarāṣṭra kumolakēn mahārāja Yudhiṣṭhira.

„Anaku mahārāja Yudhiṣṭhira, pitung wēngi lawas ni nghulun 5 mopawāsa mangke tar kēneng āhāra ¹⁾ mātra. Ya tikā hetu ni nghulun anglih kahilangan jīwa. Kahara-haras pamukhan i nghulun de ni tanganta, sāksāt amṛta paḍanya n paweh sukha. Ya ta hetu ning anglilir mangke. Pēkul ta nghulun muwah, ndak idēp sukha ning kinol de ning wēkangku. Atyanta pawitra ning tanaya ni nghulun.” 10

„Bapa mahārāja Dhṛtarāṣṭra, apa sangkan ing tan manāḍah?”

„Taha wungsu, tan anggā nghulun manāḍaha. Kunang yan wehakēna nghulun wanawāsa, samangkana nghulun manāḍaha. Sadenya n mati mopawāsa.”

Tan anggā mahārāja Dhṛtarāṣṭra manāḍaha, atēhēr matyani 15 śarīra nira. Tadanantara ḍatēng ta bhagawān Byāsa.

Yudhiṣṭhira ²⁾ minakabaho

„Putungku mahārāja Yudhiṣṭhira, sang prasiddha rakṣaka ning bhuwana, haywa tinēngēt rāma rahadyan yan mahyun mūrāwana-wāsa, apan dharma ning kadi sira ikā yan huwus matuha. Nihan ta 20 sang Gāndhārī, sadākālānahēn lara de ni kapējah ning anak. Yogya ta sarika tumūtakēna ng swāmibrata.”

„Sājñā mahāmuni, wihikan pinakanghulun ngūnī dharma ning wrddhakṣatriya lumampah awanawāsa. Kunang hetu ning masayut ri denya n tṛṣṇā sumēmbah ri pādapangkaja haji. Matang nyan tan 25 wēnang pinakanghulun wādhaka, sājñā sang mahāmuni tinaḍah de sanghulun.”

Wineh lumakwāwanawāsa mahārāja Dhṛtarāṣṭra, enak tâmbēk nira; angañjali ta sira ri bhagawān Byāsa. Antarlīna sira wēkasan.

2

DHṚTARĀṢṬRA, GĀNDHĀRĪ, KUNTĪ, WIDURA DAN 30 SAÑJAYA BERANGKAT KE PERTAPAAAN.

Sampun pwa sirāweh dāna, mamwīt ta mahārāja Dhṛtarāṣṭra ri sang Yudhiṣṭhira kamēna nirāwanawāsā. Lumampah ta sira mahawan

¹⁾ ω: hara

²⁾ cfr. Skr. 4.1: Yudhiṣṭhira mahābāho

ratha, kâlih dewī Gāndhārī. Tumūt ta bhaṭārī Kuntī, sang Widura, umiringakēn lampah nira. Ri lampah bhaṭārī Kuntī hārohara ta mahārāja Yudhiṣṭhira manangis masö tumūtakēn sira. Tēka ta sang Bhimârjuna Nakula Sahadewa, sang Yuyutsu, nguniweh sang Dropadī, 5 kapwânangis tūt hawan kadi tangis nira ngūni kâla nirânusupeng alas. Kawēnangan ta sira; manēmbah ta mahārāja Yudhiṣṭhira ri bhaṭārī Kuntī, ling nira:

„Ibu, kṣamākēna wuwus ni nghulun:

wadhūjanabrata¹⁾ nārī na dūraṃ gantum a(r)hati

10 brata ning kadi rahadyan sanghulun patibrata rakwekā, ndan ring swāmi juga nggān ikā, tan dadi singhit ing wwang len. Mapa don rahadyan sanghulun tumūt i sang Dhṛtarāṣṭra? Kēnoh dewī Gāndhārī tumūt ing brata sang swāmi lumakw awarawāsa sira. Maluya ta rahadyan sanghulun mangke.”

15 „Anak ni nghulun mahārāja Yudhiṣṭhira, ahyun milwa ri rāma rahadyan sanghulun tumūtakēn brata mahārāja Dhṛtarāṣṭra mwang dewī Gāndhārī matang nyan mangkana:

śwaśrēśwaśurayo²⁾ pado śaśrūṣantī wane swaham

rāmātuha tattwa ning kadi sira kaka ning swāmi. Ya ta hetu ning 20 sewaka ri suku nira kâlih, milwa tamolaha ring alas. Matang nyan salokā nghulun mwang bapanta mahārāja Pāṇḍu dlāha ring paratra. Haywa ta bapangku wādhaka ri nghulun.”

„Ibu yan mangkana prayojana rahadyan sanghulun ikang salokā mwang bapa ni nghulun, nihan tang mās maṇik rājayogya, pagawaya- 25 kēna yajña makaphala kapanggihing ing bapa ni nghulun. Yayā rakwa mārğa ning manēmwa ng swarga.”

Mangkana ling mahārāja Yudhiṣṭhirânēhēr mēkul suku bhaṭārī Kuntī; mwang sang catur-Pāṇḍawa tēkeng dewī Dropadī samāwwat tangis. Yayā pinādyâdi³⁾ suku sang tinangisan de ning hīs ning 30 luh nira. Sumahur mahārāja Dhṛtarāṣṭra, ling nira:

„Antēn i nghulun bhaṭārī Kuntī, rēngwakēna wuwus ni nghulun mwang kakanta dewī Gāndhārī. Yogya juga kita humuningā tangis ny

1) cfr. Skr. 16.8: vadhūparivṛtā rājñi nagaram gantum arhasi

2) cfr. Skr. 16.16: śvaśrūśwaśurayaḥ pādān śuśrūṣantī vane tv aham

3) E: pinādyan i

anakta sang Pāṇḍawa iking tamolaha ring kaḍatwan, tuhaganā gumawayakēna ng dānapuṇya-yajñaprakāra hawanantāmanggihakēna swarga ny ari ni nghulun mahārāja Pāṇḍu. Saka yan tan wēnang sūkṣma nggān y anak ni nghulun sang Pāṇḍawa, mantuka antēn i nghulun.

5

*putraścaryan*¹⁾ *mahādīptam apahadisamaphalam*
kā hi gañcet wanan durgam putrān utsajya mūpawat

Lawan wuwusa ni nghulun ri kita: tan hana ta strī tuminggalakēnānak-nya yar sēḍēngnya n panēmu ng keśwaryan mahāphala²⁾, lumaku manusupa ring alas. Apunggung juga rakwa ng wwang mangkana. 10 Tan yogya kita milwa ri kami."

„Anak ni nghulun sang Pāṇḍawa, haywa ta nghulun winādhaka saprayojana ni nghulun. Swastha nirmala jñāna ni nghulun. Masayuta pwa³⁾, yayā tan anggā ni nghulun.

*niwatasu*⁴⁾ *kuruśreṣṭhaḥ*

15

Matang nyan maluyānak ni nghulun kabeh, mahārāja Yudhiṣṭhira, sang Bhīmârjuna Nakula Sahadewa, mwang anak ni nghulun sang Dropadī. Tahuwusan kitānangis; yayā kapitūt ati ni nghulun tumon tangista, kapituturēn ri duḥkhanta ngūni.

*Duśśāsana*⁵⁾ *sadā hr̥ṣṭaḥ dāsī hikryaryasangyadi*

20

kālanta winudan de ning Duśśāsana sinanggah hulun ri harēp sang mahāpuruṣa sira kabeh, ya tikā mogha kāngēn-angēn de pinakanghulun. Matang nyan muliha ta kita kabeh. Dīrghāyusā ta kita, tulusa rakṣaka ning jagat, pangāśrayana ning Pāṇḍuśaraṇa."

Ndatan kawēnang sinayutan dewī Kuntī. Anēmbah ta sang 25 Pāṇḍawānēhēr mulih,

1) cfr. Skr. 18.6: putraiśvaryaṃ mahad idam apāśya ca mahā-phalam, kā nu gacched vanaṃ durgam putrān utsrjya mūḍhavat.

2) ω: mahadala

3) sic? OPQR: pan; A: ywa

4) cfr. Skr. 17.21: nivartasva kuruśreṣṭha

5) cfr. Skr. 17.11: Duḥśāsano yadā maurkhyād dāsivat paryakarṣata

tinūt de ning śoka; nguniweh sang Dropadī kagōngan ing lara, sadākāla n panangis. Tēkeng pura nira paḍānangis sira kabeh.

- Hēnēngakēna ta sang Pāṇḍawa, mahārāja Dhṛtarāṣṭra sira wuwu-
5 sēn. Adoh ta ulih nira n lumaku, ḍatēng ta sira ring Ganggātīra, matang nyan pakon sang Widura sang Sañjaya manginēp. Anginēp ta sira ring patapan, masnāna masandhyāweṣana sira, pinariwṛta de nira mpu sira kabeh, sinanggraha ring sarwapuṇyāhārādi yathāśakti mwanḡ wēngi makējēp ta sira. Ri sakatambesuk lumampah ta sira.
10 Pira kunang lawas nira ring hawan, ḍatēng ta sira ring Kurukṣetra. Manginēp ta sira ring patapan sang Śatayūpa rājarsi, sinanggraha ta sira ngkāna. Muwah lumampah ta sira, iniring ta sira de sang Sañjaya. Ḍatēng ta sira ring Byāsāsrama. Ngkāna ta sira n padīkṣā sinangaskāra de bhagawān Byāsa, wineh mananḍanga śiwopakaraṇa,
15 tēke sang Widura, Sañjaya, bhaṭārī Kuntī, dewī Gāndhārī.

walkalājinawāsangse

kapwa mananḍang brata madaluwang sira kabeh.

*siniyamyā manas (s)arwam miniyañcewa sarwaśaḥ
kṛtwā tapwa mahāghoraṃ Dhṛtarāṣṭra mahāmanāḥ*

- 20 Kumwa kunang ulah nira mananḍang brata: inikēt nira tang manah, tan wineh mangēn-angēn tan yogya. Mangkana tang indriya kapwa sinikēp ta sawiṣayanya tan tinūtan sakaharēpṇya. Ya tikā wēkas ning ati mahāghora sadākāla ginawayakēn ira.

twagasthiśeṣaḥ ²⁾ *parīśuddhamāṅgaḥ*

- 25 *sa pārthiwaḥ tatra sasucāra
maharṣiwaḥ tarṣam apetaḍoṣaḥ*

Satahun lawas nira n pagawe tapa lawan śarīraśoṣaṇa, akuru tekang śarīra, *twagasthiśeṣaḥ*, kulit lawan tahulan juga śeṣanya, majaṭā

¹⁾ cfr. Skr. 18.13: duḥkhaśokaparāyaṇāḥ

²⁾ cfr. Skr. 19.17: tvagasthibhūbaḥ parīśuṣkamāmso, jaṭājiniṇi valka-lasaṃvṛtāṅgaḥ; sa pārthivas tatra tapaś cacāra, maharṣivat tīvram apetaṃohaḥ

mawalkala manandang kulit ing mong lwir nira. Těke sang Widura Sañjaya, nguniweh dewī Gāndhārī mwan bhaṭārī Kuntī, tan hana palih-palih ning brata sira kabeh.

.....

3

PARA PĀṆDAWA MENJUSUL KE PERTAPAAAN

Byatīta mahārāja Dhṛtarāṣṭra hana ring patapan, t ucapa ta 5
mahārāja Yudhiṣṭhira. Sira ta mohita monang umangēn-angēn kāsy-
asih nira sang haneng tapowana; mwan tontonēn lwira nira bhaṭārī
Kuntī, yan umapa ta nggānya lara nira mapasāh lawan putra tuhagana
rumēgēp brata. Matang nyan mājar i ari nira:

„Antēn i nghulun sang Bhīmārjuna Nakula Sahadewa, alawas 10
dahat kita mapasāh lawan ibunta, nguniweh ri mahārāja Dhṛtarāṣṭra
mwan dewī Gāndhārī. Mapa kunang wasāna nira mangke? Mahurip
nggānya sira? Sugyan agōnga lara nira n mapasāh lawan kita. Matang
nyan ling ni nghulun: yar yogya kita manglawada mwan arinta sang
bini haji kabeh makādi sang Dropadī. Kunang rumakṣā riking kaḍatwan 15
sang Yuyutsu mwan bhagawān Dhomya. Pājarēn ta sira kabeh,

*śabhūta*¹⁾ *iti mā cīram*

lumampaha ri sakatambesuk tan kalonan.”

Mangkana ājñā mahārāja Yudhiṣṭhira, agirang ta sira kabeh,
kapwa samāngabhāgyākēn, apan paḍa unang nira. I prabhātakāla 20
lumampah ta sira mahawan gajah turangga ratha; kunang rakryan
bini haji makādi sang Dropadī mahawan ḍampa, tēkeng walu-walun
sang Korawaśata kapwa sumilih makering dewī Dropadī.

Byatīta lawas nira ring hawan, ḍatēng ta sira ring āśrama. Sang
Sahadewa kinon ira rumuhuna mājara wṛtta. Kapanggih ta dewī 25
Kuntī, mahārāja Dhṛtarāṣṭra, dewī Gāndhārī, tēke sang Sañjaya,
sawēṣa ning wiku makawēṣa nira. Mangkin magiang manah nira
ri ḍatēng sang Pāṇḍawa ring āśrama, nguniweh sang para watēk tāpa
gorawa n panungsung samūlaphalapādyādi. Mojar ta sang Sañjaya:

„Sojar mpungku, sugyan tan engēta mpungku ri kapratyakṣan sang 30
Pāṇḍawa.

¹⁾ cfr. Skr. 22.24: śvabhūta iti mācīram

ya eṣa ¹⁾ *jāmbūnadaśuddhagoraḥ*
tanu mahāśāla iwa prawṛddhaḥ
pratungkaghoraḥ prathudīrghagātraḥ
tāmrāyatākṣaḥ Kururāja ewaḥ

- 5 Nāhan ta sang makiris akuning warna nira, kadi pangadëg ning śāla-wṛkṣa, alwâkusut tekang mata, adawā tekang irung, samangkana ²⁾ rūpa nira sira ta mahārāja Yudhiṣṭhira ngaran ira, sang pinakarakṣaka ning bhuwana.

10 *ayaṃ* ³⁾ *punaḥ matwagajendragāmī*
wiśuddhacāminecaraḥ
patāyatākṣaḥ pṛthudīrghabāhuḥ
Wṛkodara paśyata paśyatenam

- Yapwan rasika sang kadi laku ning liman amanggël ⁴⁾, asurēm ta warna nira, kadi cāmikara rasi ⁵⁾, ikang matâl wâkusut, ikang bāhw
 15 agōng adawā, sira ta sang Wṛkodara ngaran ira. Pahenak ta tinghalta.

ya eṣa ⁶⁾ *pā(r)śwa 'sya mahādhanuṣmān*
syāmo yuvā cānarayūthapowa
singhonnatāṅsaḥ gajatelakṣmī
padmāyatākṣo juna eka wira

- 20 Kunang sang haneng iringan mahārāja Yudhiṣṭhira, utama ning dhanurdhara, syāma warna nira, sēdëng yowana, sāksāt Rāmadewa kawidagdhan ira, ikang mata kadi dala-dala ning padma, utama ning wira sarika, sang Arjuna ngaran ira.

1) cfr. Skr. 25.5: *ya eṣa jāmbūnadaśuddhagauras, tanur mahāsimha iwa prawṛddhaḥ; pracaṇḍaghoṇaḥ pṛthudīrghanetras, tāmrāyatākṣaḥ Kururāja eṣaḥ.*

2) sang mangkana?

3) cfr. Skr. 25.6: *ayaṃ punar mattagajendragāmī, prataptacāmikaraśuddhagauras; pṛthvāyatāmṣaḥ pṛthudīrghabāhur, Wṛkodaraḥ paśyata paśyatemam.*

4) D: amangkël

5) rāśi? rasika?

6) cfr. Skr. 25.7: *yas tv eṣa pārśve 'sya mahādhanuṣmān, syāmo yuvā vāraṇayūthapābhaḥ; simhonnatāmso gajakhelagāmī, padmāyatākṣo 'rjuna eṣa viraḥ.*

*Kuntyāḥ samīpe ¹⁾ puruṣottamo twa
yamā Wiṣṇumahendrarūpo
manuṣyake satale samasti
yayo na rūpe na tale na śīle*

Yapwan sang maśileng sanḍing bhaṭārī Kuntī, kadi rūpa bhaṭārendra 5
kēmbar sira, tan hana paḍa nira ring bala, sira ta sang Nakula Saha-
dewa ngaran ira.

*iya hi ²⁾ sā padmadalāyatākṣī
mawyaṃ wayaḥ kimid tada sprśanti
nīlotpalābhā punarewa
Kṛṣṇā yeṣā sthiti mutawa Lakṣmī*

10

Kunang sang mahirēng warna nira, kadi bhaṭārī Śrī māwak, tēngah
tuwuh tumungkul kēḍi-kēḍik, kadi dala-dala ning nīlotpala mata nira,
sira dewī Kṛṣṇā ngaran ira, sang Dropadī panēnggah ri sira.

*asyās tu ³⁾ pārśve kanatopamāwa
upa prabhā mūrtimatawa Ghorī
wasthito bhaginī dijāgrāḥ
mayadyasyāpatimasya tasya*

15

Yapwan sang ri sanḍing nira, kadi kanaka warna nira, sāksāt kadi teja
ning ādityātēmahan strī sira, sira ta sang Subhadra ngaran ira, ari 20
bhaṭāra Kṛṣṇa, tan hana paḍa nira ring kaśaktin.

¹⁾ cfr. Skr. 25.8: Kuntisamīpe puruṣottamau tu, yamāv imau
Wiṣṇumahendrakalpau; manuṣyaloke sakale samo 'sti, yayor
na rūpe na bale na śīle.

²⁾ cfr. Skr. 25.9: iyaṃ punaḥ padmadalāyatākṣī, madhyaṃ wayaḥ
kiñcid iva sprśanti; nīlotpalābhā suradevateva, Kṛṣṇā sthitā
mūrtimatīva Lakṣmī.

³⁾ cfr. Skr. 25.10: asyās tu pārśve kanakottamābhā, yaiṣā prabhā
mūrtimatīva Saumī; madhye sthitā sā bhaginī dvijāgryās,
Cakrâyudhasyâpratimasya tasya.

upa tu ¹⁾ *jāmbūnadawarṇagorī*
paṇwasya bhāryā bhujagendrakanyā

.....

upa wawarṇadrusadhūkapuyeh

- 5 Kunang sang kadi warṇa ning jāmbūnada, sira ta sang Ulupuy ngaran ira, anak sang nāgendra, prasiddha strī sang Arjuna, asanḍing maru nira sang Citrāṅgadā ngaran ira, anak sang ratu ring Mayūradeśa, paḍa-paḍeng warṇākuning kadi kēmbang ning madhūka-wṛkṣa.

- 10 *iyang* ²⁾ *swasā rājacamūpates tu*
prawaddhanīlotpaladāmawarṇā
paspadha Kṛṣṇā mahisī sadā yat
Wṛkodarasyepa parighraho nya

- Yapwan rasika sang awarṇa nilotpala inapus, mapalih-palih salwir ning rūpa de sang Dropadī, sang Balāwarā ngaran rasika, ari ning
15 senāpati sang Dhṛṣṭaketu, prasiddha kāsī sang Wṛkodara rasika.

iyang ³⁾ *tu rajñe Magadhapasya*
sutā pritiyasa pratiśrutanah
yawiyaso Mādrawawasya bhāryāḥ
śakti mahā wampatadāmagorī

- 20 Kunang sang kadi warṇa ning campaka inapus tan papaḍa ring hayu, anak sang Jarāsandha ratu ring Magadha, sang Tarā ngaran ira, prasiddha kāsī sang Sahadewa.

¹⁾ cfr. Skr. 25.11: *iyam ca jāmbūnadaśuddhagaurī, Pārthasya bhāryā bhujagendrakanyā; Citrāṅgadā caiva narendrakanyā, yaiṣā savarṇārdramadhūkapuṣpaiḥ.*

²⁾ cfr. Skr. 25.12: *iyam svasā rājacamūpateś ca, prawṛddhanīlotpaladāmawarṇā; paspardha Kṛṣṇena sadā nṛpo yo Wṛkodarasyaiṣa parighraho 'gryaḥ.*

³⁾ cfr. Skr. 25.13: *iyam ca rājno Magadhādhipasya, sutā Jarāsandha iti śrutasya; yawiyaso Mādravatisutasya, bhāryā matā campakadāmagaurī.*

indīwarasyāmatanuḥ ¹⁾ *sthitā ca*
yeha parāsannā matāṅgayaṣṭiḥ
bhāryā mahā Mādrawatīsutasya
jyeṣṭhasya yaso kamalāyatākṣi

Kunang sang kadi warna ning indīwara, tumungkul tekang anggayasṭi 5
 keḍi-kēḍik, yekā sang Retuwatī (?) ngaran ira, prasiddha kāsih sang
 Nakula.

īyan tu ²⁾ *santapasutawarṇagorī*
rājño Wirāṭasya sutā putrā 10
bhāryā 'bhimanyo nihato raṇe yaḥ
pradodibhiś teh wirāṭo rathasthaḥ

Yapwan sang kadi mās inapi warna nira, umawa ta pwa anak nira,
 anak mahārāja Wirāṭa rasika, strī sang Abhimanyu sang matīng pa-
 prangan padāti tan pahawan ratha, kinabehan de sang śūra manung-
 gangi ratha makādi dang hyang Droṇa; atyanta śūra rasika. 15

ekās tu ³⁾ *sīmantawaroruhāyāḥ*
śuklottariyāḥ nabharapetnyaḥ
rājō naswa vṛddhasya parang śatāsya
nṛpaḥ vṛtīre haraputranāthāḥ

Kunang ikang strī makweh mangiring sang Dropadī kapwa kula- 20
 dhawalāṅśapriya sahananya, sātus wilangnya, anak mahārāja Dhṛta-
 rāṣṭra ika kabeh, kapwa kapējahan swāmi mwang putra mati de sang
 śūra ring raṇa.

Samangkana pājar ni nghulun ri sang maharṣi, haywenucap ikang
 strī tan pradhāna, paḍa uttama ring hayu, mapatibrata sarika kabeh." 25

Mangkana ling sang Sañjaya mawarah-warah ri sang tāpasagaṇa.
 Lunghā ta sira kabeh. Mahārāja Dhṛtarāṣṭra mawuwus ri mahārāja
 Yudhiṣṭhira:

- 1) cfr. Skr. 25.14: indīvarasyāmatanuḥ sthitā tu, yaiṣā parāsanna-
 mahītale ca; bhāryā matā Mādrawatīsutasya jyeṣṭhasya
 seyaṃ kamalāyatākṣi.
- 2) cfr. Skr. 25.15: iyaṃ tu niṣṭaptasuvārṇagaurī, rājño Virāṭasya
 sutā suputrā; bhāryā 'bhimanyor nihato raṇe yo, Dro-
 ṇādibhis tair viratho rathasthaiḥ.
- 3) cfr. Skr. 25.16: etās tu sīmantaśiroruhāyāḥ, śuklottariyā nara-
 rājapatnyaḥ; rājño 'sya vṛddhasya param śatākhyāḥ snuṣā
 nṛvīrā hataputranāthāḥ.

„Anaku mahārāja Yudhiṣṭhira,

kaccit ¹⁾ *twi kuśitasaloka hy angrsi*

mapa pwa sukhanta mangke? Swastha kari kita mwan wwan sānakta? Sukha karika bhṛtyawarga? Wṛddhi karika balakośawāhana? Tan
5 hana karika śatru parāṅgmukhāwamāna ri kita? Nitya karika dewāgni-
gurupūjā ginawayakēnta? Paripūrṇa karika ng rājadharma? Tan hana
kari wikāra sang paṇḍita hane swarājyanta? Atyanta kākarṣaṇan i
nghulun rumēṅgō kajanānurāgantānakku. Matang nyan nghulun
matakwan, ndo warahēn rāma rahadyan sanghulun.”

10 „Sājñā maharṣi, tēlas kawēnang ikang rājaprawṛtti de pinakang-
hulun. Sukha tikang rāt kabeh, tan hana ta pwa upasarga nikang
bhuwana, makanimitta ikang rājanīti pawarah rahadyan sanghulun
ngūni. Ya tikā ginawayakēn i nghulun sari-sari. Sangkṣepanya, anugraha
sang maharṣi hetu ning pinakanghulun tan wawang kuminkin saswastha
15 ning bhuwana. Kunang hetu ning pinakanghulun datēng mangke,
akingking ri pāda rahadyan sanghulun. Tar angela kari rahadyan
sanghulun de ning panas tīs? Tar angel kari ibu ²⁾ ni nghulun tumūt-
akēn brata rahadyan sanghulun..... Ndi pwa paran rasika
sang Widura tan katon de pinakanghulun?”

20 „Anak ni nghulun mahārāja Yudhiṣṭhira, kapwa swastha sanghulun
kabeh, nguniweh rena rahadyan sanghulun, sukha katon sang tumūtakēn
brata sanghulun. Kunang sang Widura sēḍēng magawe tapa sarika,
..... tan pamangan tan paturū tan panginum wwai, kewala
sumandēng wit ning kayu, ngkāna ring sūnya katamolahan ira, parāni
25 ta dentānak ni nghulun.”

Mangkana ling sang Dhṛtarāṣṭra, lumampah ta mahārāja Yudhiṣ-
ṭhira umare kahanan sang Widura. Kapanggih ta sira sēḍēng mayoga
sumandēng wit ning kayu. Ndatan polah sira, ikang mata dumēling
tan panon, kewala uśwāsamātra umilī. Manangis ta mahārāja Yudhiṣ-
30 ṭhira kasrēpan tumon gati nira.

„Narāya Widura,

Yudhiṣṭhira ³⁾ *aham asmīki*

nihan nghulun si Yudhiṣṭhira lumawad ri kita, sungsungēn ta nghulun.
Hāhāh amrēm ata ārya Widura, humēnēng tar pandēlō. Pira kari śakti
nirālawas abrata akuru tan pamangan,

¹⁾ cfr. Skr. 26.1: kaccit tvam kuśalī hy asi

²⁾ sic? ω: budi

³⁾ cfr. Skr. 26.24: Yudhiṣṭhiro 'ham asmīti

wanya reṇu samakṣitaḥ

kebėkan tâwak nira de ning lėbū. Mangke kapwâwasānanta.”

Asowe mahārāja Yudhiṣṭhira manangis, akon ta sira umeta uswan¹⁾. Sāhasa n tumunwa sang Widura, hana ta dewaśabda karėngö:

5

*hawa bho*²⁾ *rājan dagdhavyam Widurasya śarīratam*

„Mahārāja Yudhiṣṭhira, haywa kita tumunu śarīra sang Widura. Tapwan mati sarika, tuhun kadi mati rasika, apan ing manah sėđėng ekatāna ry ādhyānawisaya, tan parawyāpāra ring wāhyendriya, maka-

10

nimitta śakti ning yoga. Haywa ta sira kinalarākėn.”
Mangkana ling ning śabda. Enak tâmbėk mahārāja Yudhiṣṭhira, matang nyan pūjā śarīra sang Widura, anėhėr anginėp irikang sūnyāraṇya kahanan ira. Maweh ta sira dānapuṇya ri sang brahmarṣi sira kabeh. Ri huwus nira n mangkana muwah ta sira sewaka ri mahārāja Dhṛtarāṣṭra mwang dewī Gāndhārī, bhaṭārī Kuntī, umehakėn ratna 15 kāñcana salwir ning rājayogya. Kadi ring Hāstinapura kapwekang āśrama wėkasan ri denya n akweh rājadr̥wya haneriya. Kapituturėn ta mahārāja Dhṛtarāṣṭra ri bhāwa ny anak nira sang Duryodhana de ning hana sang Pāṇḍawa umūjā ri sira. Ndatan pasangkan luh nira mogha umilī drawānarawata tan kawėnang pinėgėng. Mangkana 20 sang Gāndhārī tumon ikang strī mantu nira kabeh sasewana tumūtakėn sang Dropadī, ya ta kāraṇa nira matutur i putra nira sang huwus pėjah ring paprangan. Tambis maweha sukha³⁾ panglawad sang Pāṇḍawa, ya pwa n kāraṇa ning lara. Ndatan wėnang mojar sira kabeh. Tadanantara đatėng ta bhagawān Byāsa lumawada gati nira. 25

*widitatasma*⁴⁾ *rājendra yak te hr̥di wiwarditam*
duhkhaśokasamuddhatam putrapotrakṛtenaṇca

„Anak ni nghulun sang Dhṛtarāṣṭra, wihikan nghulun ri laranta mogha matutur i pati ny anakta mwang pati ning kulagotranta kabeh

1) sic BCDFH; P: candrana; al.: candran

2) cfr. Skr. 26.32: bho bho rājan na dagdhavyam etad Vidura-samjñakam

3) al.: simbantėn mamawaha sukha

4) cfr. Skr. 29.16, 17: viditam mama rājendra yat te hr̥di vivakṣitam. Dahyamānasya śokena tava putrakṛtena ca.

de ning datěng sang Pāṇḍawāṅglawad i kita. Nāhan ta sang Gāndhārī milu manangis. Tatan kita juga malara, tēke sang Kuntī, sang Dropadī, sang Subhadrā, sang Ulupuy, sang Citrāṅgadā kapwa manangis malara umangěn-angěn i pati ny anaknya. Gatinya sowang-sowang
 5 swajāti ning wwang kapituturěn ri tan katon ikang kinalarākěn ri sěđěng ning samāgama lawan warganya. Pahalěbā ta manah ni tanayangku kita kabeh."

„Sājñā mahāmuni, huningan ta wuwus niking Dhṛtarāṣṭra de mahāmuni.

- 10 *dhanye*¹⁾ 'smy anugṛhīta 'smi saphalan tasya jīvitam
darśanān ewa bhawataḥ sūto smi gatakilwiṣaḥ

Punya dahat pinakanghulun mangke sākṣāt kṛtānugraha mwang saphala ta hurip ning pinakanghulun pawitra²⁾ tan kěneng pāpa, makanimitta katon rahadyan sanghulun. Kunang hetu ning manangis
 15 jāti ning wwang atěmu lawan kāsihnya. Sang Pāṇḍawa pwa datěng lumawad ri pinakanghulun, nāhan hetu ning kasrěpan."

„Sājñā maharṣi, tinghali sěmbah niking Gāndhārī ri pāda sang maharṣi.

- 20 *darśāṇi*³⁾ ṣoḍatemāni gatāni munisattama
asya rājñe hatāḥ putrāḥ śobato mathawa wibho

Němbělas tahun lawas nikang prang mangke, samangkana lawas ni nghulun humiděp lara prihatin mwang rānak rahadyan sanghulun Dhṛtarāṣṭra de ning kapějahan ikang putra ring paprangan. Aparan tâwasāna nikā? Hana kari swarga kapanggiha de nikā athawa yan
 25 kanarakaha kunang? Mangkana ta pwangkulun⁴⁾ sang Dropadī, sang Subhadrā, ahyun wruha ry awasthāna ning putra nira kabeh. Ya ta matang nyan maniṇḍihi⁵⁾ lara ni nghulun mwang rānak rahadyan sanghulun sang Dhṛtarāṣṭra."

1) cfr. Skr. 29.23, 25: dhanyo 'smy anugṛhītaś ca saphalam jīvitam ca me, darśanād eva bhavatām pūto 'ham nātra sangśayaḥ.

2) ω: patitra

3) cfr. Skr. 29.38: ṣoḍaśemāni varṣāṇi gatāni munipunggava, asya rājño hatān putrān śocato na śamo vibho.

4) ω: pukulun

5) al.: maṇḍěh iking

„Anak ni nghulun sang Dhṛtarāṣṭra mwan putu ni nghulun sang Pāṇḍawa, huningan wuwus sang Gāndhārī matakwan ri nghulun: huwus swarga karika sang śūra kabeh, sakweh sang matîng raṇa makādi bhagawān Bhīṣma, dang hyang Droṇa? Um, śakti phala ning 5 keśwaryan. Kunang pangawruhanta: ndak atēr kita madyusa ring Ganggā. Ngkāna ta kita kabeh anugrahangkwa diwyacakṣuh. Ya ta matang nyan enaka tumon awasthāna ni wēkanta.”

Mangkana wuwus bhagawān Byāsa, enak tāmbeḅ sang Dhṛtarāṣṭra. Lumampah ta sira mareng Ganggā, tumutur sang Pāṇḍawa sira kabeh, nguniweh dewī Gāndhārī, bhaṭārī Kuntī, sang Dropadī, sang Subhadrā, 10 tēkeng walu-walun sang Korawaśata sira kabeh kapwa tumūt.

tatwa ¹⁾ *Ganggā sadyateya kuśena sa narādhipaḥ
niwesam akarod dhīmān sastrītya purapusparaḥ*

Tan asowe ring hawan datēng ta sireng Ganggā, magawe sira kalpika sapunggēl. Tēlas mangañjali bhaṭāra, maweh ta sira dānapuṇya 15 ri sang tāpasagaṇa. Ri sakatambeñjing kinon ta sira madyusa ri sang hyang Ganggā. Kapwa ta sira tumurun ri sang hyang Ganggā, pinagawayakēn widhi-widhāna tēkap bhagawān Byāsa. Irikā ta sang Dhṛtarāṣṭra inanugrahan kadiwyacakṣusan; tēkeng sang Gāndhārī, bhaṭārī Kuntī, sang Dropadī, sang Subhadrā, kapwa tumon i putra 20 nira kabeh ngkāna ring swargaloka, ikang huwus matîng raṇa makādi sang Duryodhana, Duśśāsana. Enak ta manah nira kapwa tumon ri sāwasthāna sang mati ring paprangan, kadi katonan ing tulis lwirnya, adbhutâcintya mangdadyakēn romaharṣaṇa..... Atēhēr ta sira pinacaritākēn de bhagawān Byāsa ri pūrwajanma nira sowang- 25 sowang.

4

PARA PĀṇḌAWA PULANG; DHṚTARĀṢṬRA GĀNDHĀRĪ DAN KŪNTI NAIK SORGA

„Putu mami sang Yudhisthira, haywa ta kitâlara tumon rena rahadyan sanghulun ar pagawe tapabrata; haywa prihatin de sang 30 Dhṛtarāṣṭra tamolah ring tapowana..... Tan yogya kita ku-

¹⁾ cfr. Skr. 31.22, 23: tato Ganggām samāsādya krameṇa sa janârṇavaḥ, nivāsam akarod dhīmān sastrīvrddhapuraḥsaraḥ

malarākēna pati nira. Tēkwan alawas haneng āśrama lēwih salek kita mangke. Muliha ta putu mami, kuminkina sukha ning bhuwana, apan akweh pratyeka ning rājya. Haywa ta kita pramāda.”

Manēmbah ta mahārāja Yudhiṣṭhira mwang ari nira kabeh.
5 Lunghā ta bhagawān Byāsa; sang Pāṇḍawām wit¹⁾ muliha.....

Byatīta sang Pāṇḍawa mulih ring kaḍatwan. Kunang sang Dhṛtarāṣṭra, sang Gāndhārī, sang Kuntī, kari ta sira anggawayakēn tapa-brata, tan panaḍah tan paturū, kewala samādhi ginōng nira. Kadi kriyā sang wiku kriyā nira, tan kēneng rāgadweṣa, sama śāntajñāna
10 tan angel tan pangidēp sukhaduḥkha tan pangrasa panas tīs. Wyaktīkang sinādhya meh katēmu.

Byatīta sira haneng patapan, ucapēn ta sang Pāṇḍawa satēkeng kaḍatwan ira.

15 *dwiwarṣenanawṛtteṣu*²⁾ *Pāṇḍawasū yadṛmbayāḥ*
Nārada swargād dewarṣir ājagāma Yudhiṣṭhira

Rwang tahun lawas sang Pāṇḍawa mulih sakeng Dhṛtarāṣṭrāśrama, atamuyan ta sira ṛṣi sakeng swargaloka bhagawān Nārada lumawade sira. Sinanggraha ring pādyārghâcamaniya sasambhawa panungsunga ring kadi sira.

20 „Sājñā maharṣi, bhāgya n ḍatēng lumawad ring pinakanghulun sang maharṣi. Warahēn ta pinakanghulun..... apa ta sangkan sang maharṣi lawan paran ikang prayojana, yāwat sukha juga nghulun ri ḍatēng sang maharṣi.”

„Mahārāja Yudhiṣṭhira, tan hana kārya nikā. Hetu ning lumawad
25 śrī mahārājâpan alawas tan tinghal ri mukhanta. Sangka yan ahyun sambhāṣaṇa, ya ta mārگا ning mara ngke. Kunang pājara mami ri kita: ri huwusta lumawad yayahta mahārāja Dhṛtarāṣṭra, mangkin tibra de nira n pagawe tapabrata, tan pakāhāra ikang toya mātra, nguniweh ikang phalamūlasarwaphala. Kunang sang Gāndhārī jalâ-
30 hāra sarika; ibunta sang Kuntī mopawāsa salek sira tan pamangan kewala śarīraśoṣana; sang Sañjaya amangan ḍukut lēpas. Tan pāntara sirāmūjā sang hyang Agni, asung bhojana ri sang atithi. Sahaneng āśrama tan katunan pwa sâcāra ning wanaprastha de nira.

1) ω: amit

2) cfr. Skr. 37.1: dvivarṣopanivṛtteṣu Pāṇḍaveṣu yadṛcchayā, devarṣir Nārado rājann ājagāma Yudhiṣṭhiram.

Apa kunang ikang kâla lumampah ta mahārāja Dhṛtarāṣṭra madyuseng Ganggā, tinuntun de sang Sañjaya, iniring de sang Gāndhārī mwang bhaṭarī Kuntī. Ri huwus nira n padyus mangarpaṇākēn sira udakāñjali. Samāpta nira masnāna, mulih ta sira.

*atha ngayuḥ*¹⁾ *samudrato dāwâgnir abhawat mahān dahetsu mṛgayūtheṣu dwijatiṣu samantataḥ*

5

Sěděng hana ring hawan sira, hana ta dāwânala tinūb ring anila, aparan ta kunang sangkan ikā. Ya tikā murub mangabar-abar; gēsēng ikang alas lor, kidul, kulwan, wetan. Kagēsēngan tekang mṛga sahana-haneng alas. Kunang ikang sattwâgōng makādi mahiṣa malayū 10 tumēḍun ing Ganggā. Manangis ta sang Sañjaya, tar wruh ri deya nira tumulung sang Dhṛtarāṣṭra Gāndhārī Kuntī, tēkwan tar wēnang lumakwa anglih de ning brata, mangadēg tan anggā sira tumon tekā rūpa nikang dāwânala.

„Mahārāja Dhṛtarāṣṭra, dewī Gāndhārī, bhaṭarī Kuntī, mapa 15 ta deya ni nghulun i kita? Atyanta bhaya nikang dāwânala.

*na wopāyaṇ*²⁾ *prapaśyāmi mokṣaṇe jātawedasaḥ*

Tan wruh nghulun ring upāya samārga ni nghulun luputa de ning agni, apan hibēkan ikang alas kabeh denya. Anglampwa ta rahadyan sanghulun.”

20

„E sang Sañjaya, haywa kita sangśayâlara tumon i gati mami.

*bayam*³⁾ *ewâgninā yuktāḥ gamiṣyāmaḥ warambatam*

Sadenya⁴⁾ kami kagēsēngana sang hyang Agni, samārga ni nghulun muliheng swarga, apan tēkā ning pati mangke. Kunang kita:

*gañca*⁵⁾ *Sañjaya yatrâgni ta twāṃ dahati sujāta*

25

malaywa kita Sañjaya, samārganta luputa ri sang hyang Agni.”

¹⁾ cfr. Skr. 37.19, 20: *atha vāyuḥ samudbhūto dāvâgnir abhavan mahān. Dahyatsu mṛgayūtheṣu dvijihveṣu samantataḥ.*

²⁾ cfr. Skr. 37.25: *na copāyaṇ prapaśyāmi mokṣaṇe jātavedasaḥ*

³⁾ cfr. Skr. 37.24: *vayam atrâgninā yuktā gamiṣyāmaḥ parāṃ gatim*

⁴⁾ ω: denya

⁵⁾ cfr. Skr. 37.23: *gaccha Sañjaya yatrâgnir na tvāṃ dahati karhicit*

Mangkana wuwus sang Dhṛtarāṣṭra, alayū ta sang Sañjaya mungsī sang hyang Himawān.

*yasmād*¹⁾ *dāhād amucyate*

Ya ta dumeḥ nira tan kagēsengan. Kunang sang Dhṛtarāṣṭra, sang
5 Gāndhārī, bhaṭārī Kuntī kagēsengan de sang hyang Agni sira tēke patapan ira kabeh nirawaśeṣa.”

Mangkana pawarah-warāḥ bhagawān Nārada. Manangis ta sang Pāṇḍawa sira kabeh tēka sang Wṛkodara, tumangisi bhaṭārī Kuntī. Sang Yudhiṣṭhira kagongan lara, umangēn-angēn kāsy-asih
10 sang Dhṛtarāṣṭra.

„Alah bapa sang Dhṛtarāṣṭra, mangkā kapwāwasānanta.

*atanghi*²⁾ *yasya pratrāṇām abhawat bāhuśālinām*
nāgāyutaḥ sahasrāṇi ya harṣa pṛthiwīpati

Walingku tan matya juga ng wwang mahāśakti. Kadi śakti ning liman
15 sāyuta mahābhāra śaktinta. Tēkwan pwa kita mānak rājaputra sātus paḍa mahāśakti sahananya. Aparan ta kāraṇa ning pati tēkā ri kita,

*dagdha*³⁾ *ewāgninā*

amogha kita ginēsengan de ning dāwānala. Katon kāsy-asih ta de ni nghulun.

20 *na tu*⁴⁾ *śonāmi Gāndhārī*

Tan alara nghulun ri pati sang Gāndhārī, apan patibrata ngaran ira, tumūtakēn brata sang swāmi. Kunang ibu ni nghulun bhaṭārī Kuntī sira ta kalara ni nghulun. Antēn i nghulun sang Arjuna, wyartha dahat ikā pamūjānta ri sang hyang Agni kālanta tumarpaṇa⁵⁾ sira
25 ring Khāṇḍawadahana. Hana pwa ibuntāwanawāsa, tan wēnang

1) cfr. Skr. 37.32: tasmād dāvād amucyata

2) cfr. Skr. 38.3: yasya putraśataṃ śrīmad abhavad bāhuśālināḥ, rāgāyutabalo rājā sa dagdho hi dāvāgninā.

3) cfr. Skr. 38.2: dagdha evaṃ vanāgninā

4) cfr. Skr. 38.6: na ca śocāma Gāndhārīm

5) al.: umarpaṇākēn ira. Corr.: umupakāra?

sira mangrakṣa. Sangkṣepanya, sang hyang Agni kṛtaghna juga sira humilangkən ikang huwus mangupakāra ri sira. Bhagawān Nārada, mapa ta daya ni nghulun mangke ri pati ning ibu ni nghulun?"

Sumahur bhagawān Nārada, ling nira:

„Sājñā haji mahārāja Yudhiṣṭhira, haywa tâlara ri kapĕjah rāma 5
rahadyan sanghulun mwang rena rahadyan sanghulun sira kâlih.
Matang nyan enak pramāṇa upacāra (?), tĕkeng dāwânalâgni gumĕ-
sĕngi sira, sang hyang Agni dhumaraṇa juga. Apan hana ri saprayojana
nira dhumaraṇa sang hyang Agni ring antaḥhrdaya sopāna nira
muliha mareng swargaloka. Ya ta dumilah ri śarīra nira. Tuhun 10
katon de ning loka ikang wāhyâgni, ya tikā wās ning kasiddhyan
inungsir de sang siddharṣi. Sangkṣepanya, rena rahadyan sanghulun
siddhayoga sira, haywa ta kinalarākĕn. Kunang ulahanta: magawaya
udakatarpaṇa kita, angilwakĕna pitṛpiṇḍa, apan mangkana dharma
ning kadi kita pinakānak, yan tĕkeng swarga sang pinakakawitan.” 15

Mangkana pājar bhagawān Nārada, udhāni ta sang Pāṇḍawa
sira kabeh, mari manangis. Pira kunang antarjinya lumampah ta
sira kabeh mareng Ganggā makapanghulu sang Yuyutsu, magawaya
udakatarpaṇa mwang pitṛpiṇḍa, sangkĕp ring widhi-widhāna tan
kurang ring dānapuṇya bhojana. Bhagawān Nārada pinakasākṣībhūta 20
pinūjā. Yogya samāpta ning kārya, mulih ta bhagawān Nārada.
Mahārāja Yudhiṣṭhira kārī rumakṣekang bhuwana. Swastha tang rāt
de nira niskalĕngka tan hana talutuh nikang rāt. Kadi sukhanya
ngūni kâla sang Bhagiratha mangadĕg ratu, mangkana sukhanya de
nira. 25

PRASTHĀNIKAPARWA

*Yudhiṣṭhira mendengar tjerita dari Arjuna tentang kemusnaan suku Yadu*¹⁾

An winarah ta mahārāja Yudhiṣṭhira de sang Arjuna, mojar ta sira:

- 5 „Mengët kēta nghulun laki sang Arjuna, an sang hyang Kāla hetu ning sarwabhāwa pējah, sang hyang Kāla hetu ning sarwabhāwa n hana. Kita tuwi wruha ri katattwan sang hyang Kāla. Matang nyan yogya kita umaraha wwang sānakta ri lakwanta wanawāsa. Yapwan kapanggih tang śreyah denta, haywa ta tṛṣṇā ring rājya.”
- 10 Mangkana ling mahārāja Yudhiṣṭhira, mojar ta sang Arjuna ri wwang sānak nira kabeh ri sābhiprāya nira mahārāja Yudhiṣṭhira; tēke sang Dropadī winarah nira. Amisinggih ta sira kabeh, kapwa paḍāhyun wanawāsa. Irikā sakatambesuk inabhiśeka ta sang Parikṣit sumilih ratu ring Hāstinapura; sang Yuyutsu kinon rumakṣaha
- 15 mwang bhagawān Kṛpa. Atēhēr sirāgawe pitṛtarpaṇa tumilēm sang watēk Yadu, maweh dānapuṇya ri sang brāhmaṇa. Sampun ing kārya, linungsur nira tang rājābharāṇa. Manambut ta sira walkala saweṣa ning wiku ulah nira, tēke sang Bhīmârjuna Nakula Sahadewa kapwânaṇḍang brata sira kabeh, mwang sang Dropadī. Mawēkas-wēkas
- 20 ta sira ri sang Subhadrā, ling nira:
- „Antēn i nghulun sang Subhadrā, pahalēbā ta manahta, putunta sang Parikṣit sinrahakēn mami rakṣaka ning bhuwana mwang pangāśrayan sang sādhu sinwāgatan. Haywa ta kitānangis mangēnēs, apan awasāna ning kaprabhun ndah kam anaṇḍang brata.”
- 25 Tar wēnang sumahur sang Subhadrā. Tēke sang Ulupuy kinon muliheng pātāla. Sang Citrānggadā kinon muliheng Mayūradeśa, tumūta nggwan sang Wabhruwāhana. Ikang strī len sangkerika kinon kawēkasa ring Hāstinapura, angāśraya ri sang Parikṣit. Kapwānangis sira kabeh.
- 30 Ri wijil sang Pāṇḍawa sakeng kaḍatwan inatērakēn ta sira de sang Yuyutsu mwang bhagawān Kṛpāngyuktyakēn lampah sang siddhawanawāsa. Kalunghâdoh lampah sang Pāṇḍawa kanēm sang Dropadī, hana ta śwana tumūt i sira tan kinawruhan sangkanya, anēmwa dṛḍhabhakti. Ya ta kapitu ning lampah nira. Angalor ta lampah nira,
- 35 amanggih ta sira Ganggā. Ḍatēng ta sira ring lor parwata, angawetan ikā laku nira tēkeng pūrwasāgara. Ndah ta ya n sang Arjuna umawa laras nira Gāṇḍewa mwang (a)Kṣayya Maheśudhi. Irikā ta katon sang hyang Agni puruṣawigraha, humaḍang sira ring hawan.

¹⁾ lihat Sēkar Sumawur I, Mosalaparwa

bhoh bhoh ¹⁾ *Pāṇḍusutā wirāḥ*

„Kitâtaḥ sang Pāṇḍawa, kami sang hyang Agni, sang winch gumēsēnga rikang Khāṇḍawawana de sang Kṛṣṇârjuna. Ikung Gāṇḍewa mwanḡ Kṣayya Maheṣudhi yar yogya kita muwah wehakēna ri sang hyang Baruṇa, apan huwus tēlas pakēnanya ri kita. Kady anggān ing cakra si Sudarśana, huwus pakēnanya de sang Kṛṣṇa, lunghā ta ya. Mangkana ta kita: srahakēna ri sang hyang Baruṇa, apan tan hana pakēnanya ri sang wiku.” 5

Mangkana ling sang hyang Agni. Prayatna ta sang Pāṇḍawa, winchakēn ira tikang Gāṇḍewa Maheṣudhi, tinibākēn ira ri wwai ning sāgara, an karēṇan ta sang hyang Agni. Muwah ta sang Pāṇḍawa lumakwa, angidul laku nira mapradakṣiṇa ring Bharatawarṣa. Datēṅ ta sira ring dakṣiṇasāgara, muwah ta mareng paścimasāgara. Tinon ira tikang Dwārawatī kebēkan sāgara. Manangis ta sira kasrēpan ri tan katon sang watēk Yadu. Datēṅ ta sira ring wukir Himawān, kapwa sirāḡawe yoga, umandēlakēn bhaṭāra ri hati nira. Amanggiḡ ta sira Wālukârṇawa. Irikā ta sira bhraṣṭayoga. Sang Dropadī rumuhun tibā ring lēmah. Mojar ta sang Wṛkodara: 15

„Kakâji mahārāja Yudhiṣṭhira, tinghalana ta sang Dropadī de rahadyan sanghulun pējah magulingan ring bhūtala, tar wēṇang tumūtakēn rahadyan sanghulun. Tulungēn ta rasika de sang nātha.” 20

„Antēn i nghulun sang Bhīma, haywa ta kinalarākēn kapatī sarika.

pakṣapāto ²⁾ *mahān asyā viśeṣana Dhanañjaya*
tasyā tat phalam adyewah prāpnoti kulasantanam

Lima sānak ta kinabhaktin sang Dropadī, ndan lēwih pakṣapātanya ri sang Arjuna. Phala ning ulah mangkana ya ta pinanggiḡnya.” 25

„Sājñā haji, sang Sahadewa tumūt mati katon magulingan ring lēmah. Apa ta karmaphala bhinukti sarika?”

„Antēn i nghulun sang Wṛkodara, nihan karma rasikāhala:

nasya ³⁾ *kaścit matibhrañch ātmanaḥ sadṛśo bhawaḥ*
tena doṣaṇa patitaḥ tasmād doṣaḥ nṛpātmangsaḥ

30

1) cfr. Skr. 1.36: bho bho Pāṇḍusutā vīrāḥ.

2) cfr. Skr. 2.6: pakṣapāto mahān asyā viśeṣeṇa Dhanañjaye, tasyaitat phalam adyaisā bhuñkte puruṣasattama.

3) cfr. Skr. 2.10: ātmanaḥ sadṛśaṃ prājñam naiṣo 'manyata kañcana, tena doṣeṇa patitas tasmād eṣa nṛpātmajaḥ.

Tatan hana rakwa wwang prājña n umaḍāna kaprājñan sarika ring loka mangke, ikāngēn-angēn mangkana ya tikā doṣa sarika nimittanya n tibā. Haywa ta kitālara.”

„Sājñā haji, nihan sang Nakula tumūt mati. Aparan ta kāraṇa 5 nikā?”

„Sang Wṛkodara, rēngwakēn wuwus ni nghulun:

rūpeṇa ¹⁾ *matsyamo napti kaścid anyasya darśanam*
carutaś cewaheṇa ity asya manasi sthīnam

Iking Nakula wruh tikā tan hana paḍanya yāwat ring rūpa. Ya 10 tānuwuhakēn kāhangkāran i manahnya. Nāhan doṣanya tan wēnang tumūtakēn kita.”

„Sājñā haji, nihan sang Arjuna prasiddha kadi śakti sang hyang Indra, amogha pējah tan pakāraṇa, katon magulingan ring bhūtala. Aparan ta karma nikāhala?”

15 *ikāhnā* ²⁾ *nēn dahet śatrūn nadedewa Dhanañjaya*
tathā cetan na tathā ca kartawya bhūpatañcitta

„Ngūni kāla ning prang lawan Korawaśata anghing sawe göng aku juga matyani śatru, lingnya. Tēkā ring samarakala pwa ya ta, sisip jñānanya kewalyāngungsī mahuripa. Ya tikā doṣa sang Arjuna, 20 matang nyan pējah tan wēnang tumūtakēn kita.”

„Sājñā haji, tulungēn iking Wṛkodara de rahadyan sanghulun, an mogha kumētēr awak pinakanghulun, tar wēnang tumūtakēn rahadyan sanghulun.”

„Antēn i nghulun sang Wṛkodara, nihan karmantāhala ngūni:

25 *atibhūtañ ca* ³⁾ *bhawati anapakṣya parān imaḥ*
bhakṣan cakta jayet hṛdaḥ tenāsi patite bhuwi

Yeku doyan amangan swabhāwanta, tan sāpekṣa ⁴⁾ ri lampah ing len, ya wākpāruṣya ta kita makapangayāya kaśaktin, ya tikāngdadyakēn

1) cfr. Skr. 2.15: rūpeṇa matsamo nāsti kaścid ity asya darśanam, adhikaś cāham evaika ity asya manasi sthitam.

2) cfr. Skr. 2.21, 22: ekāhnā nirdaheyam vai śatrūn ity Arjuno 'bravīt; tathā caitan na tu tathā kartavyam bhūtim icchatā.

3) cfr. Skr. 2.25: atibhuktaṃ ca bhavatā prāṇena ca vikatthase, anavekṣya param Pārtha tenāsi patitaḥ kṣitau.

4) al.: tar upekṣa

kapāpan i kita. Ya matang nyan tar wēnang tumūtakēn kami. Pahalēbā ta manahta."

Tēlas mati sang catur-Pāṇḍawa mwan sang Dropadī, kawēkas ta sang Yudhiṣṭhira prihawak, tuhun ikang śona tumūtakēn sira. Datēng ta bhaṭāra Indra kumon sira manungganga ring ratha. 5

„Ai anaku mahārāja Yudhiṣṭhira, haywa kitālara ri pati ning wwan sang sānakta, swabhāwa ning mānuṣadharma ikā mangkana, yayā n uliha ring swarga. Kunang kita muliha ring swarga mwan śarīranta, phala ning dharmajñāna."

„Sājñā bhaṭārendra, bhāra dahat ikānugrahanta ri nghulun. Yar yogya ikang śwana milwa mantukeng swarga saka ri tan wēnang 10 nghulun tuminggalakēna ya."

„Mahārāja Yudhiṣṭhira, aparan gawe nikang asu milwa muliheng swarga, apan acokṣa¹⁾ katattwanya, yadyapin mulata juga ring sēkul sajēng, inaryakēn ta de ning dewatā. Haywa ta kitāsih iriya."

„Sājñā bhaṭāra Indra, tan wēnang nghulun bhaktityāga tuminggalakēna ikang śona, apan sadābhakti tumūtakēn saparan i nghulun. 15 Ikang bhaktityāga ngaranya agōng ikā pāpanya. Matang nyan tan ahyun nghulun tuminggalakēna ya."

„Mahārāja Yudhiṣṭhira, hila-hila ikang wwan bhaktityāga. Apa kita t tinggalakēn ikang wwan sang sānakta bhakti marika ri kita?"

„Sājñā bhaṭārendra, tan bhaktityāga ngaranya, apan tuminggal- 20 akēn ikang bhakti kālanyāhurip paḍa pāpanya lawan amatyani strī sādhu, amatyani brāhmaṇa, tan tumulung ring wwan malaku śaraṇa sēḍēngnyālara, drohaka ring mitra. Ya ta hetu ning tan wēnang tuminggalakēn ikā, anglampū tan uliha ring swarga pinakanghulun yan tuminggalakēna ng śwana." 25

Mangkana ling mahārāja Yudhiṣṭhira, hilang tikang śwana wēkasan, manurun ta sang hyang Dharma kumolakēn mahārāja Yudhiṣṭhira:

„Anaku mahārāja Yudhiṣṭhira, kaping rwa nghulun umarīkṣa kita. Ngūni kālanya inalap ikang ēswan ring Dwaitawana, irikā katon 30 kadharmēṣṭhanta dergku, ikang tan anggānta huripana sang Bhimārjuna, kewala sang Nakula Sahadewa kinonakēnta huripana. Aparan ta nimitta mangkana: katahā ri lara sang Madrī tan pawēka denta. Mangkana ta kita mangke. Manggā wururga munggaha ring ratha de ning sihta ring śona. Tan hana wādhantākaruṇamukti. 35 Matang nyan muliha ring swarga lawan śarīranta."

¹⁾ ω: cokṣa(h)

Mangkana ling sang hyang Dharma, datěng ta sang watěk siddhar-
sing gagana makādi bhagawān Nārada, kapwāngastuti, manawurakěn
kěmbang gandhāksata, umiringakěn lampah mahārāja Dharmātmaja
manglayang mahawan rathādrēs.

5 *lokān*¹⁾ *āvṛtya yatsasā tejosāvṛtya rodāsī*
swaśarīrena saprāptaḥ tanyan śuśrusa Pāṇḍawah

„Tatan hana ratu tinonku ngūnīng anādikāla kadi mahārāja
Yudhiṣṭhira mulih ring swargaloka mwanğ śarīra nira. Matang yan
kebėkan katejan ikang swargaloka tėkeng pṛthiwītala de ning yaśa
10 nira. Mangke juga katon kalėwih nira sangke sāmantarāja ngūni
pūrwa.”

Mangkana ling bhagawān Nārada. Mangastuti mahārāja Yudhiṣ-
ṭhira, ling nira: „Sājñā bhaṭārendra, huningan pataña ning pinakang-
hulun. Ndi ta kahanan ing wwang sānak ni nghulun kabeh mwanğ
15 sang Dropadī? Mapa karmāwasānanya, yan ahayu athawāhala
kunang? Ya ta pājara hyang mami.”

„Sājñā haji mahārāja Yudhiṣṭhira, haywa rahadyan sanghulun
byāpāra wawa-rėngö ri wwang sānak (rahadyan) sanghulun. Tan dadi
sang nātha māmbeka ng mānuṣacitta sėđėngta haneng swargaloka.
20 Apan dharmāwasānanya juga tinūtakėnya, tatar wėnang kinatunggal-
akěn de sang nātha.”

„Aum kamung hyang Indra, tar wėnang nghulun nirupekṣa ri
wwang sānak ni nghulun mwanğ sang Dropadī, apan sapakṣapāta
nghulun tāwat mangguha ng duḥkha nastāpa.

25 *te winā*²⁾ *notsamo wastum aha motenawahana*
gantam añcama tatrāhaṃ yatra me bhrātaras tatāḥ

Sangkṣepanya, tan anggā nghulun muliha ring swarga, ya tan wwang
sānak ni nghulun rowanga ni nghulun mwanğ sang Dropadī. Ya ta
pinta ni nghulun ri bhaṭāra.”

Iti Prasthānikaparwa

1) cfr. Skr. 3.28 : lokān āvṛtya yaśasā tejasā vṛttasampadā,
swaśarīreṇa saṃprāptaṃ nānyaṃ śuśruma Pāṇḍavāt.

2) cfr. Skr. 3.37: tair vinā notsahe vastum iha daityanibarhaṇa,
gantum icchāmi tatrāhaṃ yatra te bhrātaro gatāḥ.

SWARGAROHANAPARWA

1

YUDHIŠṬHIRA MELIHAT PARA KORAWA DI SORGA

Byatīta ḍatēng ring swarga mahārāja Yudhiṣṭhira, saha śarīra nira mānuṣa tēkeng swarga, irikā ta kapanggih mahārāja Duryodhana 5
de nira, alinggi ring singhāsana maṇimaya mabhūṣaṇa makuṭadhara
makuṇḍala maṇik makilat-bāhu makaṭiwandha. Sabhūṣaṇa ning
dewatārūpa pinakabhūṣaṇanya. Kadi teja sang hyang Āditya akalangan
teja nira mahārāja Duryodhana. Iniring ta sira de ning dewasanggha,
kapwāhalēp-halēpan ing bhūṣaṇa. Asuwe ta mahārāja Dharmaputra 10
tuminghal sakrama mahārāja Duryodhana. Irikā sapraharāntajinya
muwah katon ta de nira ḍang hyang Droṇa, bhagawān Bhīṣma, mahā-
rāja Śalya, Bhagadatta, Bhūriśrawa mwanḡ ikang Duśśāsana saharinya
kabeh, padājajar alinggi ri samīpa mahārāja Kurupati. An kadi sang
Śakra iniring de ning watēk dewatā, mangkana katonan ira sang Duryo- 15
dhana. Lawan ta muwah katon de mahārāja Yudhiṣṭhira sahana nira
sang śūra matīng raṇa ngūni, sang tēlas umisyani kṣatriyadharma.

Kāścaryan mahārāja Yudhiṣṭhira tuminghal, sēmu kapūhan ta
sira, mangingēt-ingēt an tan hana sang watēk Pāṇḍawa salah siki
ngkāna katon de nira. Kumwa juga pangidēp nire dalem hati: pilih 20
haneng Yamaniloka nggānya rasika. Kadi kamerangēn de ni gōng ni
kawibhawan sang Kurupati. Salunghā mahārāja Dharmaputra
mangucap ta sire dalēm hati:

„Uḍū sājñā bhaṭāra, tan harēp pwangkulun saswarga kalawan
ikang Duryodhana sahana ni sahāyanya kabeh. Apan nīca kaśmala 25
pinakaswabhāwanya ngūni ri sēḍēngnyāneng martyaloka, nguniweh
duṣṭa nikang Duśśāsana ri sāhasanya n duduti sang Dropadī, umudani
ring sabhā, lumabuhakēn sang Bhīma ring lwah Sarayu, manunwani
ring jaṭugrha, mamañcana ring nita. Amanggih pwa ya swarga ikang
wwang mangkana kramanya, kapūhan juga nghulun de bhaṭāra. Ikang 30
pṛthiwīmaṇḍala huwus ilang denya, nguniweh kadang mitra kapwa
mati de nikang Duryodhana. Kahawā ta sang sādhu denya. Kady
anggān ing bhagawān Bhīṣma, ḍang hyang Droṇa, mahārāja Śalya,
sira ta sampun pējah kahawā de nikang Korawaśata. Wineh pwa ya
mangke amanggiha ng swarga, ikang wwang mangkana kramanya de 35
bhaṭāra, kapūhan juga nghulun de nikā.”

An mangkana swacitta mahārāja Dharmaputra, sakṣanāntajinya
mojar ta sire sahana nira sang watēk dewatā kabeh, ling nira:

„Sojar rahadyan sanghulun para watëk dewatā kabeh, susthira
kāryantālinggiha rahadyan sanghulun kabeh; sukhā ta manah hyang
mami makabehan. Am(w)it ta lumampaha sanghulun mangke ri
hyang mami, saka yan ahyun ameta kahanan ing ¹⁾ wwang sānak
5 ni nghulun kabeh, apitowi tan aharëp mulata ri sang Duryodhana
nghulur mwang sakweh ning wwang sānaknya lawan sahāyanya kabeh.”

Mangkana ling mahārāja Yudhiṣṭhira, sumahur ta bhagawān
Nārada, ling nira:

„Uḍū laki mahārāja Yudhiṣṭhira, wruh nghulun sakweh ning
10 ujarta. Hade ikā de ning makāmbëk; haywa mangkana muwah de
ning mojar. Gumuyu kapūhan kami de haji. Yadyapin pira gönga ning
tukarta ngūni kālanta haneng martyaloka, hilang ikā tukarnya yan
huwus ḍatëng ring swarga, apan tan hana dewatātukar ngaranya.
Kunang mangke, sājñā haji, atūtādulura juga lawan sang Duryodhana
15 mwang sakweh ning Korawaśata sahāyanta haneng swarga. Matang
nyan mangkana kami: apan dewatā kita kāliah mwang mahārāja Duryo-
dhana. Matang nyang atūtādulura tanayan mami, haywa inucap
tukarta kālantāneng martyaloka.”

An mangkana pitutur bhagawān Nārada ri mahārāja Dharma-
20 putra, ndatan pamintuhu mahārāja Yudhiṣṭhira, kēcō juga sih ira
mawwang sānak mwang ri sakweh ning sahāya nira kabeh, sira sang
ratu pratisāmanta sang sampun mangisyani ikang samarakārya. Ya
tikā kabeh tinakwanakën ira ri kahanan ira ri sang watëk dewatā,
ling nira:

„Sojar hyang mami makabehan, pataña ni nghulun ri rahadyan
sanghulun, ndi kahanan ing wwang sānak ni nghulun kabeh. Apan
ikang swarga tinëmu, pangahā bhaṭāra ri sang śūra matîng raṇa.
Tathāpi nyan mangkana, yayā n nghulun tan ahyun ikā. Apan ri
hana niking Duryodhana, ya tikā swarga ning adhama pāpa mitra-
30 drohaka ngaran ing swarga mangkana. Ya ta kāraṇa ni nghulun tan
aharëp swarga lawan ikang Duryodhana, apan nica kaśmala pinaka-
swabhāwanya. Kunang pataña ni nghulun ri rahadyan sanghulun:
ndi karika kahanan ing sahāya ni nghulun sira sang tēlas umisyanîkang
raṇayajña? Lawan ta muwah, sājñā hyang mami, ndi karika kahanan i
35 kaka ni nghulun sang Karṇa, matang nyan tan hana katon alinggih
kalawan ikang Duryodhana, apan atyanta pakṣapātanya kalawan
sahana ning Korawaśata. Mangke pwa sira tan hana katon irikang
swarga. Alara juga ri hidëp ni nghulun.”

¹⁾ ω: sahana ning

Mangkana ling mahārāja Yudhiṣṭhira, sumahur bhaṭāra Nārada, ling nira:

„Ai laki mahārāja Dharmātmaja, hēnēng ta kita sakarēng. Haywa jugenujarakēn doṣa nikang Duryodhana ngūni kālanyāneng mānuṣa-loka. Apan krama sang Kurupati kāraṇanya tamolah haneng swarga 5 de bhaṭāra, nihan padārthanya, kami mājare haji: ikang sahāya mahārāja Kurupati kabeh sakweh nikang maṭīng raṇamaṇḍala, matang nyan katon tamolah haneng swarga mangke de haji, kaśūran mahārāja hawanya ring raṇa hetunya umisyanīkang raṇayajña. Pagēhnya irikang tapa sapētik, tumungkul i patinya ring raṇakārya, enak panga- 10 wruhnya yan mati denta ring samara mwanng sakweh ning sahāyanya kabeh. Ikā ta śilanya tan awēdi matya de ning göng ni kamūrkhanya anambi haneng hati. Kalingan ikā: wyakti kṣatriyadharma ngaran ikang mangkana. Ya tikā sumēngkākēn sang śūradharma mangke. Kunang kita laki mahārāja Yudhiṣṭhira, śūra tan śūra kita, matya 15 ring raṇa tan matya ring raṇa, mangantya ring swarga, yayan ikā kita sukha, tan swarga de ning dewatā. Sangkṣepanya pwa laki, haywa ta kitāngiḍēp sakweh ning pagawe sang Duryodhanāhala ri kita ngūni kālanya haneng madhyapada. Ikang pamañcananya ring nita, pangu-pakāranya ¹⁾ ri sang Dropadī, panununya rikang gala-gala-grha, 20 panglabuhnya sang Bhīma ring lwah Śarayu, haywa kinatuturakēn ikā de haji. Nguniweh paweh ni kulawarganya ikang larāmbēk ri pangguyu-guyunya ring sabhā, pangrēbutnya ri sang Dropadī kāla ning swayambara, haywa inangēn-angēn ikā de haji. Muwah ri pati sang Dhr̥ṣṭadyumna saha putranta mwanng sang Śikaṇḍhī, anūt ing 25 kṣatriyadharma sira kabeh, apan niyata paḍānēmu ng swarga sowang-sowang, tatan yogya ikā kalarākēna de haji.”

Mangkana ling bhagawān Nārada.

2

YUDHIṢṬHIRA MENTJARI SAUDARANJA DI NERAKA

Maharadja Yudhiṣṭhira belum puas dan minta sekali lagi melihat tempat 30 tinggal saudaranya. Achirnja diperkenankan oleh para dewa:

„Sājñā haji, yan mahyun maraha ri kahanan sang catur-Pāṇḍawa mwanng sang Dropadī, tan sangśayā ta sang prabhu. Nihan sang dewa-sudūta umatēre kita.”

¹⁾ al.: pangawaranya

Mangkana ling sang watěk dewatā, mangayubhāgya ta mahārāja Yudhiṣṭhira. Lumampah ta sira iniring de ning dewasuḍūta. Sireka manuduhakēn ing hawan ri mahārāja Yudhiṣṭhira. Ākāra samuhūrta sowe nira lumampah, katon ta pradeśa ning wwang sānak nira sangkeng
5 kadohan. Ndatan awās juga pakatonanya, pētēng de ning kukus mawēlu-wēlunan ikā lwirnya. Kunang sangkṣepanya tuduh ing dewatā-sudūta tinūt nira. Matang nyan age lampah mahārāja Yudhiṣṭhira, ḍatēnga ri kahanan sang catur-Pāṇḍawa.

T ucapa ta sireng hawan, karēśrēs sakāmbah de nira. Ikang pētēng
10 sumaput akandēl i harēp ira. Ikang hawan asukēt asamun akweh rinya. Jurangnyārupid umilī watunya gumulung inambah de nira. Sakweh ning pāpa kapanggih angrēngih-rēngih ri samīpa nira, nguniweh tang sarwa kumilip kabeh paḍa tan paumpētan. Lalēr lalu, lalēr ijo, tēktēk lintah, langgaka ¹⁾, iris-iris poh lawan namuk, ya tikākweh
15 aliwēran ri harēp sang Dharmaputra. Kunang rumēñcēmakēn twas nira tahulan ukah-ukah kápāla daging pinakalumut-lumut ning watunya; lawan ta rambut ning petra pinakalatēknya. Daging ing kunapa alēyō rāh; apēk asangit aharing ²⁾ abo mahandih ambu nikang sarwapāpa haneng samīpa ning hawan. Ulēr wulu, sēmut
20 gatēl, kala lupa hanāgōng makweh ri harēp mahārāja Yudhiṣṭhira. Muwah hana apuy murub angarab-arab amēgati laku nira. Ya tikā sāhasāmburu sahana ning watěk pāpa, asing sakaparō rēmpak denyā-gēsēng mātēmahan awu. Muwah hana manuk manol ḍok daryas, gagak matēṇḍas rākṣasa mahēlar sarwanīśita patuk pinakacucuknya.
25 Ya ta muni asrang maliwēran amburu sahana ning petra pāpa. Mwang tawwan gōng tan pompētanya ³⁾ tēka sadwaran kahananya, ya tikāwijah angambung sēkar nikang aśipattra kayu-kayu maron khaḍga. Muwah hana ta gajah tan papramāṇa sagunung Windhya ākāranya.

Mangkana ta karēśrēs ning hawan kahaliwatan de mahārāja
30 Yudhiṣṭhira. Haliwat nira sakerika, katēmu tekang hawan mahābībhat-sa ⁴⁾. Ya tikā karēśrēs tēmēn, apan hibēkan rāh nikang watěk pāpa. Tugēl-tugēlan ing tangan lawan pupū, ukah-ukah tampakan, ya tikākweh lumrā ri samīpa ning hawan mahārāja Yudhiṣṭhira, atyanta durgandhanya, alēyō rāh ⁵⁾ abo apēk asangit ambunya. Ya tikāng-
35 dadyakēn rumaras muriring ing puhun-wulu ning awak mahārāja

¹⁾ al.: langguka

²⁾ al.: angaring

³⁾ al.: magōng hupētrya

⁴⁾ sic? P: mahāwibhakṣa; al.: mahāwirakṣa

⁵⁾ sic? O: alyarah; al.: alwarah

Dharmaputra. Irikā ta sira sapraharāṅgadēg ri tēngah ning mahā-
durgandha, epuh kapētēngan manah nira mangēn-angēn ri karēsrēs
nikang hawan kām̐bah de nira. Bhawīṣyati lumampah ta sira muwah
..... amanggih ta sira lwah alwā¹⁾ ajro wwainya mapanas.
Tatan hana wēnang umēntaseriya lena sangke mahārāja Dharmaputra. Haliwat nira sangkerika, amanggih ta sira lēbū mēlēk anampēki
mata, apanas tulyāpuy juga ya. Haliwat nirerika kapanggih tekang
śela matakēp olah sadākāla. Haliwat nira sangkerika, katon tekang
kawah wēsi winwangan apuy de ning watēk kingkarabala.
Mangkana ta durgama ning hawan katon de..... mahā-
rāja Dharmaputra. Mataña ta sira ri sang dewasudūta, ling nira:

kilad²⁾ ato mayā dūtām gantawya

„Ai laki sang dewadūta, pira ta kari doh nikang hawan lakwana
ni nghulun kawēkas kamēna ni nghulun ḍatēnga ri parana ri nghulun
.....”

Mangkana ling mahārāja Yudhiṣṭhira, sumahur sang dewasudūta:
„Sājñā haji mahārāja Dharmaputra, lumampaha juga parame-
śwara, tūtakēna ikang hawan de haji; niyata jugāpanggiha rāntēn
haji sang catur-Pāṇḍawa mwan sang Dropadī lawan sakweh ning
sahāya parameśwara ring raṇakārya ngūni. Lumampaha toṣēn
sang nātha prihawak. Ngke hīngana ni nghulun angatērakēn haji.
Yayā kapanggih ing pinet de haji. Pahalawō tekā manah sang
prabhu. Inggal-inggal ta sang nātha, haywāsowe de ning araryan.
Yapwan angel alēsu sang prabhu, maluya juga sang nātha mareng
swarga kahanan haji ngūni. Lumampah ta nghulun.”

An mangkana ling sang dewasudūtānēhēr lunghā. Ri wuntat
nira sang dewasudūta, irikā ta ra buyut haji kari kasrēpan. Siwuhēn
kawēnēsan juga sira, kanglihan kelangan prāṇa lwir nira, apan ka-
puyēngēn mangēlu tikang śarīra kapēlēngēn de ning bo ning preta
kunapa haneng samīpa ning hawan. Hana manah nira maluya ring
swarga kahanan ira tambayan. Matang nyan kepwan ikā manah nira,
kapēgan tan wring deya. Mojar ta sire dalēm hati, ling nira:

„Uḍū namu bhaṭāra, yan waluyāku mangke ring hawan, tan
siddhā ta nghulun sapocapan sih mēne lawan wwang sānak ni nghulun
mwan dewī Dropadī. Apan agōng iki tṛṣṇā ni nghulun mawwang

¹⁾ ω: alo

²⁾ cfr. Skr. 2.26 : kiyad adhvāṇam asmābhir gantavyam imam
īdṛśam

sānak. Ring kapanâku marya monënga ri sira kabeh? Apan hana samayangku ngūni lawan rasika ring martyaloka: sukha tunggal sukha kabehana, duḥkha tunggal duḥkha kabehana. Mangke pwa yāmanggi naraka wwang sānakku, aminta nya nghulun i bhaṭāra, tumūta pëjah
5 ring wwang sānak ni nghulun.”

An mangkana swacitta mahārāja Yudhiṣṭhira, ri sakṣanāntajinya hana ta śabda ning watëk pāpa karëngö de nira ring Yamaniloka. Atyanta kawëlas-arëp ni śabdanya karëngö, aminta tinulung de ra buyut haji mahārāja Yudhiṣṭhira kahidëpanya, mogha tan awās apan
10 rëngrëng. Ya ta maśabda paḍa matunggalan pwa ring śabdanya. „Bhoh bhoh kita mahārāja Dharmaputra”, ling sang Karṇa. „Bhoh kita kaka sang Yudhiṣṭhira”, ling sang Bhīma. „Bhoh kita kaka mahārāja Dharmâtmaja”, ling sang Arjuna. „Ai rājendra kita kaka”, ling sang Nakula. „Ai puṇyarāja kita kaka”, ling sang Sahadewa. „Ai Pāṇḍawâdhi-
15 kâra sang ārya Dharmaputra”, ling sang Dropadī.

anugrahe ¹⁾ *Dharmaputra tiṣṭha tāwak muhūrtakam*

„Uḍuh kaka mahārāja Dharmaputra, mangantya parameśwara sakarëng. Anugrahānana kapawitran juga iking catur-Pāṇḍawa de rahadyan sanghulun. Apan sadatëng sang ārya ri ngke Yamaniloka,
20 hana juga wit ning angin alon sumirir sumamby anawanakën sugandha ning kusuma, ya tekā këmbang satṛpti ning manah sanghulun kabeh, sakweh ning mangidëp pañcagatisangsāra. Apan ngūni ri tan datëng pwa sang ārya ring Yamaniloka, kewala kapëtëngan tan wruh ring lor kidul juga sanghulun kabeh. Sangksepanya, mangke wuwus ning pina-
25 kanghulun ri rahadyan sanghulun kaka, yar yogya turunana warāmṛta de rahadyan sanghulun juga pinakanghulun kabeh. Tan hana kâraṇa ning mëntasa sangkeng Yamaniloka bheda sangkeng karuṇānumoda sang ārya. Ya tikā tanggapën tangan-kālihën de sanghulun kabeh. Ndah aminta kāsihanâdëgana tunggunën juga pinakanghulun. Apan
30 satëwëk rahadyan sanghulun datëng ngke Yamaniloka, samangkana ikang Yamabala mary amigrahāni sanghulun kabeh. Nāhan kâraṇa ning amrih amodhanāngënākën tangis ri pāduka sang ārya.”

.....
Hana saka lor, saka kidul, saka kulon, saka wetan aiśanyâgneya nairiti bāyabya, ya tikā sangkan ing śabda karëngö de mahārāja
35 Yudhiṣṭhira. Asowe ta sirāngadëg mingët-ingët i kahanan ikang śabda, apan tan katinghalan. Sumahur ta sirāngawag-awag, ling nira:

¹⁾ cfr. Skr. 2.32: anugrahârtham asmākaṃ tiṣṭha tāvan muhūrtakam

„Uḍū aum laki sahananta amanggih duḥkhabhāra, amisinggih ta nghulun laki i paminta-kāsihta ri nghulun. Tan mintara saka riking Yamaniloka, milwa mangiḍēpa lara sanghulun. Syapa ta ngaranta laki? Warah ta nghulun ri ngaranta sowang-sowang.”

Mangkana ling mahārāja Yudhiṣṭhira. Kadi tinitisan amṛta 5
hati ni sang mangiḍēp lara rumēngö śabda mahārāja Dharmaputra. Mawarah ta sira ri ngaran ira sowang-sowang, sumahur sangkeng pētēng, kapwa paḍa maparikrama sumahur:

„Sājñā haji mahārāja Dharmaputra, wruh ike nghulun yan rahadyan sanghulun nimitta ning mēntasa sangkeng Yamaniloka. 10
Ya ta matang nyan tulusakēna jugāsih sang nātha ri sanghulun kabeh, kady asihta ngūnī martyaloka. Mangrēngö ta rahadyan sanghulun:
„Nghulun sang Karṇa.” Sang Bhīma: „Nghulun sang Bhīma.” Arjuna:
„Nghulun sang Arjuna.” Nakula: „Nghulun sang Nakula.” Sahadewa:
„Nghulun sang Sahadewa.” Dhṛṣṭadyumna: „Nghulun sang Dhṛṣṭa- 15
dyumna.” Dropadī: „Nghulun sang Dropadī.” Pañcakumāra: „Nghu-
lun sang Pañcakumāra.”

Mangkana karēngwan ikang śabda de mahārāja Dharmaputra, humung tan paparēngwan, paēng sira maśabda mawarah ri ngaran ira sowang-sowang. Enak pangawruh nira wēkasan, yan sang catur- 20
Pāṇḍawa maśabda ikā. Tan pahingan lara nira. Ri wēkasan mojar ta sira, sang para watēk dewatā paran ing wuwus nira ri tan paphala nikang śubhāsubhakarṇa tēlas ginawayakēn de sang catur-Pāṇḍawa mwan gōng ni kapatibratan sang Dropadī, ling nira:

„Ciham bhaṭāra, mangrēngö śabda ni nghulun. Tan pahingan 25
ta kari Pāṇḍawālara. Apan tan hana karmāhala ginawayakēn sanghulun Pāṇḍawa, arah mapa hetu nikā tamolah haneng Yamaniloka mangke, tumūt ikā sang Karṇa mwan sang Dropadī. Wyakti ikā tan kawruh ni nghulun mangke ri hetu nikang pāpa kabhukti de rasika kabeh. Apan kewala śūnyadharma juga ginawayakēn rasika ring lagi. Samang- 30
kana kengēt ni nghulun ri laku rasika. Kunang ikang Duryodhana saarinya kabeh, ya tikā winch amuktiha swarga mangke. Ndyā ta kunang ikang śubhakarṇa ginawayakēnya? Mwan kapana ta ya gumawayakēn inak ambēk ring madhyapada ngūni? Apan pāpakarṇa ikā pinakaswabhāwanya, mangke pwa winch amuktiha swarga de bhaṭāra, atyanta 35
halēpnya, tan hana pahinya lawan swarga sang hyang Indra. Kabalik dahat ikā. Wwan sānak ni nghulun winch amuktya naraka de bhaṭāra. Apan kewala śūnyadharma pinakaswabhāwanya, huwus ta mihutangi dewatā, huwus agawe rājasūyakṛta rasika ngūni. Wyakti ikā tan paphala ri hiḍēp ni nghulun mangke ri timparswanikang (?) dewatā 40

ring Pāṇḍawa. Kahidēp tan pamanggiha pāpa juga wwang mulah-
akēn ikang inak ambēk, satyapratijñā tuwi mangisyani dharma ning
kṣatriya. Kunang bhaṭāra jugāsiha ri sanghulun Pāṇḍawa; tatan
alēbā de hyang mami umigrahāna i rasika kabeh. Kunang pinakang-
5 hulun mangke kapēgan tan wring deya, kadi kapētēngan ing hawan
juga nghulun bhaṭāra.”

3

PARA PĀṆḌAWA NAIK SORGA.

*Yudhiṣṭhira mengutus sang dewaduta kesorga, disuruh memberitahukan
bahwa akan tetap tinggal di neraka.*

- 10 Kapūhan ikā sang hyang Surendra de ning kadhairyan mahārāja
Yudhiṣṭhira mwang göng ning pūrwarṇa nira ri sang watēk ratu
pinakasahāya nira ngūni.....Lunghā pwa sang hyang Śakra
mare kahanan sang hyang Yama, umilu ta sang hyang Dharma mare
kahanan mahārāja Dharmaputra. Ri ḍatēng sang watēk dewatā kabeh
15 ri kahanan sang Dharmaputra samābhūṣaṇa sira sowang-sowang. Matang
nyan asinang kasuluhan deśa paryanta nikang Yamaniloka de ning teja
ning watēk dewatā kabeh. Ndi ta paran ikang pētēng nikang Yamani-
loka ngūni, ri kāla ning ḍatēng sang watēk dewatā? Yan kwa linga haji,
nihan kramanya: tatkāla samuhūrta hilang tikang pētēng, kadi ka-
20 wijilan āditya lwirnya. Mangkana tekang kawah pinakapangēlan ikang
watēk pāpa ngūni, ya tikā hilang tan kinawruhan paranya, kady angipi
karahatan kahidēpanya. Mangkana tekang lwah apanas wwainya
ngūni, lawan ikang kayu mawwah khadga mwang ikang watu matakēp
olah sadākāla, ya tikā hilang mukṣa tan patēmahan. Ikang katon
25 magēlar ing hawan ngūni de mahārāja Yudhiṣṭhira, nguniweh sakweh
ning rodrarūpa, ya tikā paḍa hilang. Mangkana tikang Yamaniloka
matēmahan swarga mwang ikang durgandha ngūni matēmahan
sugandhakusuma. Umirir pwekang sadāgaty alon sumamby anawanakēn
gandha ning kusuma pārijāta, mangdadyakēn sukha ni manah sang
30 mangidēp lara prihatin ngūni.

Ri ḍatēng sang watēk dewatā kabeh, sang hyang Agni, sang hyang
Rudra, sang hyang dwādaśāditya, sang ṛṣi, karuhun sang hyang Indra,
sang hyang Dharma Baruṇa Kuwera, kapwa makumpul mapulung
rahi, prasamārampak mara ri kahanan mahārāja Dharmaputra.
35 Saḍatēng sang watēk dewatā, mojar ta sira, ling nira:

„Ai laki mahārāja Yudhiṣṭhira, matang nyan akumpul apulung
rahi sanghulun para watēk dewatā kabeh mare kahanan i tanayangku,
kākarṣaṇa de ni kasajjanan ¹⁾ i bapangku kawatēk de nikang dharma-
buddhi paramēśwara juga sanghulun kabeh. Nihan tñakku parēk,
ndak angucap-ucap lawan tanayangku. Kunang ike ujar mami ri 5
tanayangku: ikang wwang sñakta kabeh mwang sang Dropadī tatan
asowe sarika mangiḍēp pañcagatisangsāra haneng Yamaniloka, apan
anipis denya n pagawe hala ngūni. Haywa ta kitāgēlēng ri kami dewatā
kabeh ri hana nikā ²⁾ sang catur-Pāṇḍawa haneng Yamaniloka 10
mwang ikā sang ratu pinakasahāyanta ngūni ring raṇakārya. Kunang
ri hana ning Duryodhana yan pamanggih swarga mangke mwang
sahāyanya ikang ratu sāmanta pratisāmanta, ya tikā hetu ning gēlēng
ri kami dewatā kabeh, wruh kami ikā. Apan kabalik-balik de bhaṭāra
ikā, yan pagawe amuktya swarga ring janma. Yan anipis ikā pagawenya 15
hayu ngūni ring madhyapada, agōng pagawenya hala, ya tika wineh
amuktya swarga rumuhun, kawēkas anēmu naraka ring Yamaniloka,
alawas denyāngēmasi. Kunang yan akēḍik denyāgawe hala haneng
madhyapada, agōng denya magawe hayu, ya tika wineh amuktya lara
rumuhun mātra, wēkasan amanggih swarga bhinuktinya sakweh 20
ning pagawenyāyu ngūni ring madhyapada. Apan ikang śubhāśubha-
karma ginawe ning janma, tatan wurung ikā maphala. Yan ahala
yan ahayu, ndatan wurung kabhukti phalanya..... Kunang
hetu ning pāpamātra kabhukti denta, nihan ta kāraṇa nikā, kami
mājara ri padārthanya. Ngūni kāla ḍang hyang Droṇa ginēlar senāpati 25
de sang Korawaśata, kangelan sang Arjuna lumage kaśaktin sang wipra-
wara. Matang nyan kinon sang Dhanañjaya de sang Kṛṣṇa umanaha
gajah sang Mālwapati ikang inaranan Aśwatthāmā. Tan wihang sang
Phālguna, pinanah ikang gajendra. Ri pējah nikang gajah, ya ta kinon-
akēn de bhaṭāra Kṛṣṇa mangadwakēna ri sahāya nira kabeh. Inadwakēn 30
ta ya, lingnya: „Mah amah amah mati sy Aśwatthāmā”. Mangkana
lingnya humung masahuran. Ya ta karēngō tekang śabda de ḍang
hyang Droṇa. Ndatan wawang mangiḍēp ³⁾ sang wiprawara, apan kita
tan milw angadwakēn. Kinon pwa haji milw angadwakēn de mahārāja
Kṛṣṇa. Milu ta haji mojar: „Singgih mati sy Aśwatthāmā, ndan ikang 35
gajah jugēkā.” Mangkana ta ling haji. Ikang śabda haji mananggah
Aśwatthāmā juga ya tikā karēngō de sang hyang Droṇa, ikang manang-
gah gajah tan karēngō de ḍang hyang Droṇa, apan mahā ikā de haji

¹⁾ ω: kasajñanan

²⁾ (ri hana nika) ω: nihan ika

³⁾ al.: mahiḍēp

wineh alon de ning manënggah gajah, ikang panënggah haji Aśwatthāmā jugâbangët. Ya tikā karëngö de dang hyang Droṇa. Mengët pwa sang wiprawara ri kasatyawacanananta, amisinggih ta sira. Irikā ta dang hyang Droṇa bhrāntacitta, kalëngër kadi kahilangan prāṇa. Minge
5 ta sirâlihangan cāpa saha talinya. Ndan asor tikang cāpa, umarah-arrah ri wëhang dang hyang Droṇa. Ya ta kinon sang Arjuna de sang Kṛṣṇa umanaha tali ni cāpa dang hyang Droṇa. Pinanah ta ya de sang Phāl-guna, pëgat tekang tali ni cāpa nira. Kumëdal tikang laras warayang-nya, ya ta kumëne wëhang dang hyang Droṇa, trus tékeng wunwunan
10 ira. Irikā ta sang Dhṛṣṭadyumna mamöki pasūryan dang hyang Droṇa.

Muwah ri pati sang Bhīṣma pinanah de sang Śikhaṇḍī, tinutūtan buntut nikang laras warayangnya de sang Dhanañjaya, matang nyan trus tikang daḍa bhagawān Dewabrata tēkapnya. Ya tikā doṣa haji mātra. Matang nyan hana pāpa mātra ri haji, huwus kabhukti sakṣaṇa
15 de sang catur-Pāṇḍawa. Ndah amanggiha haji swarga mangke tékeng sahāya haji ratu sāmanta pratisāmanta.

Muwah lumampaha ta haji madyusa ri sang hyang Ganggā, marapwan hilang ikang rūpa mānuṣa ri sang nātha, mary angidëp lara duḥkha prihatin angel anglih.”

20 Mangkana rasa ning wara-warah sang hyang Indra ri mahārāja Yudhiṣṭhira..... Byatīta lumampah sang Yudhiṣṭhira mareng Ganggā mwan sakweh ning kulawarga sang Pāṇḍawa, maka-panghulu sang hyang Dharma, iniring de sang watëk dewatā kabeh.

Mangastutya ta sira ri bhaṭārī Ganggā rumuhun, mangënakëna
25 sūryasewana ri sang hyang Āditya, mangarpaṇākën udakāñjali, manguccāraṇa mantra namaskāra. Ri tēlas nira madyus ri sang hyang Ganggā, tumatā ta sira ri tēlēng sang hyang wīja hënanng hëning mwan tekang citta nirmala agranāsika. Katon ta mahenak hëning nira, hilang tekang śarīra mānuṣa ri sira kadi ulā amilungsungi ikā rūpa
30 nira. Masalin sira rūpa arūpa dewatā makahetu ni kapawitran ira sang hyang Ganggā.

Ri tēlas mahārāja Yudhiṣṭhira masalin śarīra, paḍa ikā halëp nira lawan sang hyang Dharma. Inastuti ta sira pinūjā de ning para watëk dewatā.

35 Byatīta yan haneng swarga sang Pāṇḍawa mwan sang Dropadī tékeng sahāya nira ring raṇakārya kabeh, kapwāmanggihi swarga nira sowang-sowang. Kunang sang Duryodhana sama sānaknya tékeng sahāyanya kabeh, ya tikā gumanti haneng Yamaniloka, amukti gawenya hala ngūni.

807/0/40 4

digitized by:
facebook group
Belajar Bahasa Jawa Kuno
in 2021

